

ԲԱԿՈՒՐ

ԳՅՈՒԼԻՍՏԱՆ ՆԱՄԵ



ՄԵԾ ԿՈՒԱՆՔ

ԳԻՐՔ ԱՌԱՋԻՆ

Չարի կարգերի դեմ. Աստվածատու
հասարակաց ջանքերով:

21.09.10.
9(47.925)
F-22

ԲԱԿՈՒՐ

ԳՅՈՒԼԻՍՏԱՆ ՆԱՍԵ

Երկու հատորով

4309



ԳԻՐՔ ԱՌԱՋԻՆ

ՄԵԾ ԿՈՒԱՆՔ

(մ.թ.ա. 750 թ.- մ.թ. 1828 թթ.)



ԵՐԵՎԱՆ - 2005



ՀՏԴ 941(479.25)
ԳՄԴ 63.3(2Դ)
Բ 229

*Նվիրվում է Շահումյանի շրջանի
ազատագրման նվիրյալ
արցախյան պատերազմի հերոս
Շահեն Մեղրյանի հիշատակին*

*Տպագրվում է Շահեն Հովասափյանի
հովանավորությամբ*

Բ 229 Բակուր
Գյուլիստան - նամե, գիրք առաջին, Մեծ Կուանք
(մ.թ.ա. 750 թ.- մ.թ. 1828 թթ.)- Եր.: Տիգրան Մեծ, 2005.- 272 էջ:

Գիրքն ընդգրկում է պատմական Արցախի մի հատվածի՝ Մեծ Կուանքի (Գյուլիստան և Ջրաբերդ) պատմությունը մ.թ.ա. VIII դ. կեսերից մինչև XIX դ. առաջին քառորդը՝ Ռուս-պարսկական հաշտությունը: Գավառի պատմությանը զուգահեռ, ըստ պատմական ժամանակահատվածների, զբոսում ներկայացնվում է նաև ողջ տարածաշրջանի ու երկրի իրավիճակի վերլուծությունները:

Չեղինակը շեղվելով պատմագիտության մեջ տարածում գտած տեսակետներից, հենվելով ստույգ աղբյուրների վրա, ընթերցողներին է առաջարկում մեր պատմության մուօ ու թերի ուսումնասիրված մի շարք հատվածների ու ժամանակաշրջանների միանգամայն նոր ու տրամաբանական մեկնաբանություններ: Դրանց թվում են կիսմերական շրջանը (մ.թ.ա. IV-VI դդ. ընդգրկող՝ վաչական հարստության տիրապետությունը աղվանքում, Բագրատունյաց՝ Ողջ Հայքում ու Հարավային Կովկասում ընդհանուր պետության ստեղծման ծրագրի իրականացման համար պայքարը, XIX դ. առաջին քառորդին Հայոց Աղնախներ պետական կազմավորման փայլատակումը Արցախում:

Գիրքը նախատեսված է ինչպես պատմության ուսումնասիրողների, հետաքրքրասերների, այնպես էլ ընթերցող լայն շրջանների համար:

Երկրորդ գիրքը կընդգրկի պատմության շարունակությունը մինչև 2004 թվականը:

ՆԱԽԱԲԱՆ

Գյուլիստանի գավառը կազմել է Շիրակացու VII դարի Աշխարհացույցում նշված Արցախի IV գավառի՝ Մեծ Կուանքի (հետագայում՝ Մեծ Կողմանք) հյուսիսային մասը՝ Ինջա գետակից մինչև Կուրակ, իսկ մյուս մասն ընդգրկել է Ջրաբերդը, որի հյուսիսային սահմանը Ինջան է, արևելյանը՝ Տրտուականի (Թարթառ) աջ կողմի հարթավայրում մարող Մռավի բարձունքները, արևմտյան կողմում՝ Թրդուտ վտակը՝ ընդհանուրն ըստ Ս.Երեմյանի զբաղեցնելով 975 կմ քառ. տարածք¹: Արաբական աղբյուրներում այս գավառը հիշվում է Մեսկվան անունով, իսկ վրացական աղբյուրներում՝ Մեսկեվելի: Մինչև այժմ Թալիշ գյուղի (ԼՂՀ, Մարտակերտի շրջան) մոտ որպես սրբատեղի պահպանվել են Կյավանք-Կյուանք վանքի ու այն շրջապատող բերդապարսպի փլատակները: Այս գավառի մասին առաջին թագավորը, որը Գանձադռան տարեգրության մեջ մ.թ.ա. 741 թ. դեպի Հայաստանի հյուսիսային շրջաններ կատարած իր արշավանքի կապակցությամբ հիշատակում է Կույալբա երկրի անունը (Կու-յա-ալ-բա-նե ձևով, «երկիր» բացահայտիչով)²: Կուանք տեղանվան մասին հետաքրքիր տեղեկությամբ հիշատակում է Կույալբա երկրի անունը (Կու-յա-ալ-բա-նե ձևով, «երկիր» բացահայտիչով)²: Կուանք տեղանվան մասին հետաքրքիր տեղեկությամբ հիշատակում է Կույալբա երկրի անունը (Կու-յա-ալ-բա-նե ձևով, «երկիր» բացահայտիչով)²: Կուանք կամ Կյուանք տեղանվան մեջ «ենք» կամ «անք» վերջածանցները, ըստ ավանդության, ցեղի կամ տոհմի նշանն են, իսկ Կյու-ն արդեն երկրամասի անունն է: «Կյու»-ի բացատրության համար հետաքրքիր վարկած է ներկայացնում «Կյումեր» տեղանունը: Տրտուականի հովտում հնուց պահպանված Կյետին կյումեր, Սողոմոնա կյումեր, Պողոսա կյումեր, Ըրթունա կյումեր, Կյումերաշեն ու Կյումերամեջի վանք տեղանունները խորհելու տեղիք են տալիս: Կյումեր անունով գյուղ է եղել Ինջա գետի հովտում: Արցախից Աղստի հովիտ (Իջևանի շրջան) տե-

0503020913
Բ 774(01)2005 2005 թ.

ԳՄԴ 63.3(2Դ)

ISBN 99941-0-119-6

© Բակուր, 2005 թ.

¹ Ս.Երեմյան, Հայաստանն ըստ «Աշխարհացույցի», Եր., 1963, էջ 117 (այսուհետ՝ Երեմյան):
² Յ.Կարազոգեան, Սեպագիր տեղանուններ, Եր., 1998, էջ 200:
³ ԲաՖՖի, Երկրի ժողովածու, հ. X, Եր., 1964, էջ 170:

ղափոխված բնակչությունն իր հետ տեղափոխել ու պահպանել է իր բնակավայրի «Կյուններ» անունը: Կասկած չկա, որ այն աղերս ունի կիմերների ցեղանվան հետ, ու միանգամայն ընդունելի կարող է համարվել հազարամյակների ընթացքում կիմեր>կյուններ ինչպես և կյիմանք>կյունանք>կյուլանք>կուլանք ձևափոխությունները: Այս տեսանկյունից բյուրիմացություն է «կյունները» որպես «գոմեր» ներկայացնելը, քանի որ գոմը կենդանիներ պահելու տեղ է ու երբեք չի կարող մարդկանց բնակավայրի կամ, առավել ևս, որպես երկրամասի անվանում ծառայել: Սակայն «Գոմեր» անվանումը, ինչպես կտեսնենք, պատմական լուրջ նյութ է պարունակում իր մեջ: Հայտնի է, որ կիմերները, որոնք ազգակից են իրանա-սկյութական ցեղերին ու ծագումով արիացիներ են, մ.թ.ա. VIII դարում Ազովի կողմերից Սևտիս-Կողքիսյան ճանապարհով, որն անցնում է Սև ծովի ափերով, թափանցել են Հայկական լեռնաշխարհի, տակնուվրա արել Ուրարտուն, Ասորեստանը, Միջագետքն ու Փոքր Ասիան: Ասորեստանյան բևեռագիր արձանագրություններում հիշատակված է Ուրարտուի թագավոր Ռուսա Ա-ի (730-714 թթ. մ.թ.ա.) անհաջող պատերազմը Gimirrai-ների դեմ, որի մասին Ասորեստանի թագավոր Սարգոն II-ին (722-705 մ.թ.ա.) տեղեկություններ էին հաղորդել նրա զործակալներն ու լրտեսները⁴: Ասորական զորքերը կիմերների հետ պատերազմում «Վերին և Ներքին գետերի մարզում գրավում են մի քանի բերդեր: Հատկապես ամրացված էր հարխար (Կարկար) բերդը: Չմոռանանք հիշատակել նաև Արցախի Կարկառ բերդը, որը ուշ միջնադարում Շուշի վերանվանվեց: Բիթ-համբան մարզում գրավեցին Կիմիրոսն բերդը, ինչպես և գերեցին 2530 մարդ: Գրաված բերդերը վերանվանվեցին Կար-Նաբու, Կար-Սին, Կար-Աղաղ, Կար-Իշտար»⁵ («Կար» մասնիկը բուն հայկական բառ է, որ «քար» իմաստից բացի նաև «բերդ» իմաստն է ունեցել): Հետագայում նրանք զինակցում են ուրարտական պետության հետ, միասին պատերազմներ մղում Ասորեստանի դեմ, համատեղ ուժերով նվաճում Կապադոկիան, Պոնտոսը, Փոյուզիան, Լիդիան: Կիմերների մասին ավելի մանրամասն տեղեկություններ են թողել հույն հեղինակներ Հերոդոտոսը, Քսենոֆոնը, Ստրաբոնը, ըստ որոնց կիմերները Հարավային Կովկասի մերձկասպյան շրջաններ են թափանցել նաև ճորա պահակով: Գյուննիաս-Գյունրի տեղանունը, որը, հավանաբար, հանդիսացել է Շիրակ-Վանանդ-Այրարատում գտնվող կիմերական-սկյութական ցեղերի միության կենտրոնը, ըստ երևույթին, ծագել է կիմերների «Gimirrai» անունից⁶: Անշուշտ,

⁴ Մանանդյան Հակոբ, Հին Հայաստանի և Անդրկովկասի մի քանի պորթլետների մասին, Եր., 1944 (այսուհետ՝ Մանանդյան):

⁵ Дьяконов И.М., История Мидии, М., Л., 1956, стр. 228-230 (далее - Дьяконов).

⁶ Մանանդյան, էջ 20:

«Կունայրի» հին անվանումն ավելի մոտ է արցախյան «կյուներին»: Հենվելով արցախյան տեղանունների ու Կունայրի անվանումների վրա, որոնք անադարտ ձևով պահպանել են ցեղանվան ճիշտ ձևը, հակառակ հույն հեղինակների կամ ասորական սեպագրերի, կարելի է եզրակացնել, որ նրանց ցեղանունը իրականում «կյուններ» է եղել: Կյուներ-կիմերները հիմնականում հաստատվել էին Կապադոկիայում, որի պատճառով էլ հայերը կիմերների անունով այն կոչել են Գամիրք, որի մասին տեղեկություն է հաղորդում նաև հորենացին: «Սկյութա-կիմերական ցեղերը հին ժամանակներում իրենց մշակութային ազդեցությամբ լուրջ հետքեր են թողել Հյուսիսային Չինաստանի, Հյուսիսային Հնդկաստանի, հյուսիսիրանյան ու արևելաիրանյան երկրների, Սիրիայի, Փոքր Ասիայի, Բալկանյան թերակղզու հյուսիսի, Մերձդանուբյան շրջանների, ընդհուպ մինչև Ռեյն տարածվող երկրների մշակութա-աշխարհագրական կերպարի վրա: Այս քոչվոր ցեղերը ոչ միայն թալանչիներ էին, այլև խթանել են գրաված երկրների տեխնիկական ու մշակութային զարգացումը», - եզրակացնում է Լև Ելնիցկին⁷: Շատ երկրներում, ինչպիսիք են Ուրը, Բաբելոնը, Միջագետքի մյուս պետությունները, Ասորեստանը, հեթերի թագավորությունը, Մարաստանը, Պարթևստանը, պարսկական Աքեմենյանները, Քուշանիքը, Հնդկաստանի հյուսիսը, թագավորական տոհմերը սկիզբ են առնում սկյութական առաջնորդներից: Փաստորեն այն յուրօրինակ համաշխարհային տիրապետություն էր, որն իր հետքն էր թողել քաղաքակրթության զարգացման վրա: Հայտնի է, որ այս քոչվորների մեջ կար «թագավորական սկյութներ» անուն ունեցող մի ցեղ, որն ավանդաբար իշխող քաղաքական դիրք ուներ մյուս բոլոր ցեղերի նկատմամբ: Կիմերա-սկյութական ակտիվությունը Առաջավոր ու Փոքր Ասիայում բերեց Ասորեստանի ու Լիդիայի անկմանը ու մարական և պարսկական թագավորությունների հզորացմանը, որն էլ ազդեցություն թողեց Վանի թագավորության վրա: Ստրաբոնը վկայում է, որ կիմերները, որոնց «տրերներ» են ասում (կամ թե նրանց այլ ցեղակիցներ), թափանցել են Պոնտոսից աջ տարածված երկրները, երբեմն հարձակվելով Պաթալազոնիայի, երբեմն՝ Փոյուզիայի վրա, երբ Միդասը՝ սկյութների թագավորը, ուրիշների պատմելով, ասես «ցուլի արյուն խմած լինեմ, ընդհանաջ զնաց իր ճակատագրին»: Բոլոր դեպքերում Լիդիանից (կիմերների առաջնորդ) իր զորքերով հասավ մինչև Լիդիա և Իոնիա, գրավեց Սարդը, սակայն զոհվեց Կիլիկիայում: Ինչպես պատմում են տրերներն ու Կորը, նրանք, ի վերջո, վտարվել են սկյութների թագավոր Մադիայի կողմից⁸: «Էֆորոսը, որն այստեղ տեղադրում է կիմերներին, հաստատում է, որ վեր-

⁷ Ельницкий Л.А., "Скифия Евразийских степей", Новосибирск, 1977, стр. 5.

⁸ Там же, стр. 68.

զիններս բնակվել են գետնափոր տներում. նրա ասելով, կիմներները իրար հետ կապվել են ինչ-որ ստորգետնյա խրամատներով ու օտարերկրացիներին ընդունել են գուշակության տաճարում, որը գտնվում էր խորը գետնի տակ: Կիմներներն ապրել են լեռնային արտադրությամբ ու այն մարդկանց նվիրատվությամբ, որոնք կարիք ունեին գուշակության, ու տեղի թագավորը նրանց վրա որոշակի հարկ էր դրել: Գուշակության ծառայողների մոտ հնուց եկող սովորություն կար. նրանցից ոչ ոք իրավունք չուներ տեսնել արևը ու միայն գիշերները կարող են նրանք դուրս գալ իրենց այրերից (այս հանգամանքն էլ իր երկուն օգտագործել է Հոմերոսը)»⁹:

Փորձենք ավելի ճշգրտել կիմներների կենտրոնակայանը, որտեղից ասպատակություններ են իրականացվել դեպի այլ շրջաններ: Ճանաչված հնագետ Ի.Ս. Ղյակոնովը գրում է. «Կիմներները Հայկական լեռնաշխարհ են շարժվել Ղարայում ու Այսիիում, ուրեմն հավանական է, որ Փոքր Ասիայի արևելքում նրանց հայտնվելուն նախորդել է Հայկական լեռնաշխարհի հյուսիս-արևելքում գտնվելը»¹⁰: Իսկ հույն պատմիչ Հերոդոտոսը (մ.թ.ա. 485 - 425 թթ.) ավելի ստույգ է հայտնում նրանց տեղը. «Ալյուսները քոչվորներ են ու սկզբում ապրել են Ասիայում, հետո դուրս են մղվել մասսագետների կողմից ու, անցնելով Արաքս գետը, հեռացել են դեպի կիմներական հողերը»¹¹: Իսկ համոզվեցինք, որ կիմներական հողերը Կյուսեր անունով Տրտու գետահովտի արցախյան գյուղերն են: Ի վերջո, Ղյակոնովը ևս գրում է. «Այսպիսով, մենք կրկին գալիս ենք այն հետևության, որ քոչվորները VII դարի սկզբին գտնվել են Մաննից հյուսիս՝ Արաքսի հովտում, իսկ գուցե և ավելի դեպի հյուսիս»¹²: Կա այն կարծիքը, որ Սարգոն II-ը մ.թ.ա. 750 թ. սպանվում է կիմներների դեմ ճակատամարտում: Երեմյանն այն կարծիքն է հայտնում, որ նրանց կենտրոնը հանդիսացել է Կումայրի քաղաքը: Այստեղ մենք կարող ենք ավելացնել. քոչվոր կիմներների մի մասը ժամանակավորապես տեղաբաշխվել է Տրտու գետի հոսանքում՝ բնիկների հարևանությամբ հիմնելով 6-7 բնակավայրեր, ու հավանական է, որ նրանց հիմնական զանգվածի այս տարածքներից հեռանալուց հետո մի մասը մնացած լինի այս բնակավայրերում ու ծուլված լինի բնիկ հայերի մեջ: Ինչ վերաբերում է քոչվոր սլյուսներին ու սակերին, ապա հավանական է Կուր-արաքսյան հովտի դաշտային մասում նրանց ժամանակավոր հաստատված լինելը: Իսկ Սակասենե-Շակաշենի, ինչպես և Պարտատուա (սլյուսական թագավոր) - Պարտավի վարկածները պետք է հաստատվեն

⁹ Там же, стр. 227.

¹⁰ Дьяконов, стр. 237.

¹¹ Дьяконов, стр. 245, см. также: Геродот, IV, 11.

¹² Дьяконов, стр. 250.

ին Տրտուականի գետահովտում հնագիտական պեղումներով: «Սխալ չէր լինի ասել, որ սլյուսները, անջատվելով կիմներական աշխարհից, - գրում է Լ.Ա.Ելնիցկին, - հետագայում ամբողջովին կլանել են նրանց, ինչպես հետո իրենք կուլ գնացին իրենց ցեղակից սարմաթներին, իսկ սրանք էլ կուլ գնացին զոթերին ու զուճերին»¹³: Մակար եպիսկոպոս Բարխուտարեանցը, վկայակոչելով Սուրբ գրքի ուսումնական նպատակ ունեցող ներածության հեղինակ դոկտոր Անկլեսին, գրում է. «Արդ Յաբեթի սերունդին գալով ... Գոմերտ սերեցան կիմներացիք, նախնի բնակիչք Խրիմու (Ղրիմ), ինչպես նաև կիմբերացիք և Կեղտք (Կելտեր), որ գրավեցին Գերմանիա և Մեծ Բրիտանիա»¹⁴: Խոսքը Աստվածաշնչյան Նոյի որդի Հաբեթի որդի Գոմերտի մասին է¹⁵: Իսկ Աստվածաշնչյան այս անուններից յուրաքանչյուրը մի ցեղի նշանն է կամ անվանումը: Ըստ Սուրբ գրքի՝ Գոմերտի ծնունդ է առնում Թորգոմը, որը Հայկի հայրն է: Տվյալ դեպքում Գոմերը համարվում է կիմներների նախահայրը: Մովսես Կաղանկատվացին «Աղվանից պատմությունում» տեղեկություն է հայտնում Նոյի որդիներից Հաբեթի սերունդների ծագումնաբանության մասին. Հաբեթի որդիներն են՝ Գամերը, որի անունից առաջացել են գամիրները (Գամիրք երկիրը Կապադովկիայում, Կեսարիա մայրաքաղաքով), Մագոզը, որից և կելտերը, և գալաթները, Մադան, իսկ սրանից՝ մարերը, Հունանը, իսկ սրանից՝ հելլենները և հույները, Թորելը, իսկ սրանից՝ թետալացիները, Սոսքը, իսկ սրանից՝ լուրիկացիները, Թիրամը, իսկ սրանից՝ թրակացիները, Քետինը, իսկ սրանից՝ մակեդոնացիները: Թիրասի որդիներն են՝ Ասքանազը, որից և առաջացել են սարմատները, Երիփատը, որից՝ սավրոմատները, Թորգոմը, իսկ սրանից էլ՝ հայերը¹⁶: Սուրբ գրքի Հաբեթի որդի Գոմերը թե ինչքանով է առնչվում արցախյան կյուսեր-գոմերի հետ, կրկին թողնենք հնագետներին, որոնք արցախյան կյուսեր անվանումը 2750 տարի պահպանած բնակավայրերի մոտ դամբարանների պեղումների շնորհիվ կարող են պատասխան տալ այս հարցին ևս: Հյուսիսսևծովյան ու մերձկովկասյան ցեղերի առաջին ներթափանցումները Առաջավոր Ասիա, ըստ հնագիտական տվյալների, նկատվում են մ.թ.ա. III և II հազարամյակների շեմին: Հենց այդ ժամանակաշրջանում էնոլիթի ու վաղ բրոնզի Կուր-արաքսյան մշակույթը բնորոշող տարրերը հզոր ալիքով հասցվեցին Ասորեստան և Պաղեստին, հենց այն ճանապարհներով, որոնցով շատ ավելի ուշ՝ մեկ ու կես հազարամյակ հետո, շարժվեցին

¹³ Еольницкий стр. 241.

¹⁴ Մակար Բարխուտարեանց, Պատմութիւն Աղուանից, Ա հատոր, Թիֆլիս, 1901, էջ 13:

¹⁵ Աստվածաշունչ, Գիրք ծննդոց, գլ. Ժ, Կոստանդնուպոլիս, 1896, էջ 10:

¹⁶ Մովսես Կաղանկատվացի, Պատմություն Աղվանից Աշխարհի, Եր., 1969, էջ 2, (այսուհետ՝ Կաղանկատվացի):

Կիմմերա-սկյութական ցեղերը¹⁷: Հին հունական հեղինակները երբեմն ակնարկում են նաև Իրանի հյուսիսից կիմմերների ու սկյութների ծագման վարկածը, որին արդեն հակվում են ավելի շատ ուսումնասիրողներ: Ատրաքոնը պատմում է, որ սակերը (սկյութական ցեղ) կիմմերների նման հարձակումներ էին գործում: Այդպես նրանք գրավել են Բակտրիանան, իսկ Չայաստանում նվաճել են նրա լավագույն հողատարածքը, որին թողել են իրենց անունը՝ Սակասենե, նրանք հասել են մինչև Կապադովկիա: Իսկ Կյուրոսի (550-530 մ.թ.ա.) մասին հույն աշխարհագետ Ատրաքոնը պատմում է, որ Կուր-Արաքսի գետահովտում մի ճակատամարտում պարտություն կրելով սակերից, նահանջում է, մի տեղ ճամբար է դնում, ապա գինին և ուտելիքը թողնում վրանների մեջ ու իբր խուճապից՝ հեռանում: Սակերը, որոնք հետապնդում էին Կյուրոսին, տեսնելով առատ ուտելիքն ու գինին, սկսում են հաղթողի խրախճանքը: Որոշ ժամանակ անց Կյուրոսը ետ է գալիս ու սրի մատնում հարբած, կուլին անպատրաստ սակերի բանակը: Պարսիկները ամեն տարի տոնում էին այդ հաղթանակը, սակերի տարազ էին հագնում, պարում, խրախճալից օր վայելում, այն անվանելով «Սակերի տոն»: Կյուրոսը այս մեծ հաղթանակի առթիվ այդտեղ մի մեծ հողաթումբ է կառուցում, այն պարսպապատում, թումբի կատարին տեղադրում Անահիտի տաճարը¹⁸:

Սկյութ-կիմմերական քոչվորների դեպի հարավ առաջխաղացումը կասեցրին հայ-արմենները: Մ.թ.ա. 189 թ. սկսած Արտաշես Ա-ի զորքերի դեպի հյուսիս շարժումով կանգնեցրվեց կիմմերների հարավի ուղղությամբ նոր տեղաշարժը, Չայաստանի մեջ ընդգրկեց ոչ միայն Կուր-արաքսյան հովիտը, այլև Գուգարքն ու Խործյունը, երկրի սահմանները հասցվեց մինչև Կովկասյան լեռները: Իսկ կիմմերական, սկյութական ժողովուրդները, ենթարկվելով ավելի հզոր ուժին, խառնվել են նրանց և հայացել: Մերձկասպյան շրջաններից ու Չարավային Ռուսաստանից «ներգաղթած այդ ժողովուրդների ավելի քան 500 տարվա քաղաքական և մշակութային մեծ դերը Չայաստանի հյուսիսում ու նրանց միաձուլումը հայերի հետ պատմական մի նոր իրողություն է, որ այսուհետ պետք է նկատի ունենան ոչ միայն պատմագետները, այլև լեզվագետներն ու հնագետները»¹⁹, - եզրակացնում է Մանանդյանը: Եվ ահա Տրտուականի գետահովտում հայտնաբերվում է Արցախի բնիկ հայերի մեջ անհայտացած կիմմերների հազիվ նշմարելի հետքերը, փաստորեն մի կղզյակ, որը պահպանել է երբեմնի հզոր ժողովրդի անունը: Չնայած կիմմերները Տրտու գետի կիրճում բնիկների մեջ

կորցրել են ցեղային ամեն մի յուրահատկություն, իսկ տոհմապետները խառնվել են տեղի հայկական իշխանական տներում, սակայն մի շարք բնակավայրերում, այնուամենայնիվ, հաջողվել է պահպանել ցեղանունը, ենթարկվելով գավառաձև Մեծ Կյուանք>Մեծ Կյուանք>Մեծ Կուանք ձևափոխություններին: Իզուր չէ, որ Կաղանկատվացին մի քանի անգամ հաստատում է, որ Մեծ Կուանքի տեր Վաչական իշխանական հզոր հարստությունը, որպես թագավորական տուն, երկար ժամանակ տիրել է Չայաղվանքում, ինչպես և որպես վերակացու, կառավարել Բուն Աղվանքի վրա: Սկսած մ.թ. 3-րդ դարի երկրորդ կեսից, ինչպես Արցախի, այնպես էլ Կուր-արաքսյան միջագետքի կյանքում կարևոր դեր են ստանձնում Մեծ Կուանքի իշխանները:

Հետաքրքրություն է ներկայացնում նաև Մեծ Առանք գավառանունը: Մինչ Վաչական տոհմի ուժեղանալն ու տիրապետող դառնալը, ինչպես վկայում է պատմահայր Խորենացին, հենց այս տոհմն էր իշխում Չայոց Արևելից կողմանքում: «Առանք» բառը կազմված է «առ» արմատից և տոհմանվան «անք» վերջածանցից: Առան անունը հենց «առն» բառն է, որը ծագում է «արու» ձևից: «Առ»-ը նշանակում է առնել, հափշտակել²⁰: Առյուծ բառը ևս նույնն է նշանակում: Մեծ Առանք գավառում առյուծը իշխող տոհմի տոտեմ-զինանշանն է եղել: Միջնադարում ևս այդ մասին չէին մոռացել այս իշխանական տան ժառանգները: XIII դարի Գանձասարի վանքի գավթի մուտքի երկու կողմերում տոտեմ-առյուծներ են պատկերված: Իսկ հայտնի է, որ Մեծ Առանք գավառի տարածքն ընդգրկել է Տրտու-Թարթառի վերին հոսանքի աջ ափից մինչև Կարկառի ձախ ափերը, որտեղ գտնվում էր և Կարկառ-Շուշի հռչակավոր բերդը: Տարբեր ժամանակահատվածներում ու տարբեր քաղաքական պայմաններում գավառների անուններն ու սահմանները անընդհատ փոփոխություններ են կրել: Ահա ամենահավաստի աղբյուրներից մեկը: Մովսես Կաղանկատվացին իր «Աղվանից աշխարհի պատմությունում» գրում է. «Չասանեին ի Ռուտակ գավառն Մեծ Կողմանց ի Չղախեան հովիտն յասպարիածն դաշտակն առ ափին Տրտուական գետոյն, որ է ի վիճակին Մեծիրանց»²¹: Իրականում գոյություն ունի Կաղանկատվացու առաջարկած Տրտուականի երկու Չղախեան գետահովիտ-հեղեղատ, որից մեկը Մատաղիս գյուղից սկիզբ առնող մեր ժամանակների Չայախն է, մյուսը գտնվում է Չաթերք գյուղի դիմացի ձորում, որտեղ ևս Տրտուականը ճյուղերի է բաժանվում: Ռուտակը, որ Աղվանքի թագավորական տան կալվածքն է, Ս.Երեմյանը նույնացնում է Ռուստակ կամ Ռոստա-

¹⁷ Еольницкий, стр. 27-28.

¹⁸ Страбон, стр. 484.

¹⁹ Մանանդյան, էջ 41:

²⁰ Հր. Աճառյան, Չայերեն արմատական բառարան, Եր., 1971, էջ 261, 259.

(այսուհետ՝ Աճառյան):

²¹ Կաղանկատվացի, էջ 38:

կի հետ ու հայտնում այն կարծիքը, թե հարկ է այն տեղադրել Գյուլիստանում²²։ Իսկ Ալիշանը հայտնում է, որ Հայաստանը Պարսկաստանի կողմից գրավելուց հետո գավառների և իշխանությունների նոր անուններ են լսվում, որոնցից հնագույնն են Ռոստոսական ու Չղախը՝ Ինճե գետի հովտում²³։ Երեմյանն ու Ալիշանը Ռոստոսակ գավառը տեղադրում են Գյուլիստանում, որը հակասում է Կաղանկատվացուն։ Բացի այդ, Ուտի-Ռոստակ գավառը, ըստ Աշխարհացույցի՝ Ուտիքի տարածքում է և ընդգրկում է 2800 կմ քառ. տարածք, ինչն անհնար է Մեծ Կուանքի լեռներում։ Հնարավոր է, որ թագավորական կալվածքը հանդիսացող Ռոստակը համանուն դաշտային գավառի ամառանոցը լիներ Սոավի գով փեշերին, իսկ բուն գավառը՝ Տրտու գետի դաշտային գոտում։ Ալիշանը Գյուլիստանի համար հայտնաբերել էր մի նոր անուն ևս՝ Ջավե («գավ»-ն ըստ Հր.Աճառյանի «սերունդ» է նշանակում²⁴), ապա և դրանց տարբերակները՝ Ջեյվա կամ Ջեյվագ։ Այս վերջին անվանումը հիշատակվում է նաև հետագա դարերում։ Եթե բերդի Ջավեն անունը անհետացել է, ապա այն պահպանվել է մարդկանց հատուկ անուններում։ Գյուլիստան - Շահունյանի շրջանում այն պահպանվել է Ջեյվա գյուղի անվան մեջ։ Ամառանոցային տարբերակով է լուծվում նաև Աղվանից օրենքների ահմանման նպատակով հայտնի ժողովի վայրի՝ Աղվեի տեղադրման խնդիրը։ Եթե Աղվե գավառը Ուտիքում է, ապա Աղվե «հովվոց» ու ամրոցը Երեմյանը տեղադրում է Գյուլիստանում, իսկ Լեոն այն տեղադրում է «Սոավ լեռան վրա, որ Պարտավի դիմացն է»։ Ստացվում է, որ Ուտիքի դաշտային գավառներն Արցախի լեռների փեշերին ունեցել են հենց այդ գավառների անուններով ամառանոցներ, որոնք տեղադրվել են այդ գավառներին կից կամ ամենամոտ լեռնալանջերին։ Կաղանկատվացին հայտնում է, որ ողջ ամառը Պարտավ-Ուտիքը տեղափոխվում է Արցախի լեռները։ Ու մի ամառ (IX դ. սկզբին) անձրևները գոյացրին սաստիկ հեղեղատներ, որոնք Մեծիրանք (Մեծ Առանք) գավառում ութ հարյուր վրան քշեցին տարան թափեցին գետը։ Եթե դաշտային Ուտիքից խաչնարած տոհմերն իրենց մանր ու խոշոր եղջերավոր անասունների հոտերը ամռան տոթից փրկելու համար քշում են Արցախի ալպյան մարգագետինները, ապա դաշտային գավառների տերերը հով լեռներում ունեին իրենց ամառանոց ավանները, որտեղ էլ անց էին կացնում տարվա 6 – 7 ամիսները։ Արցախի լեռներում ապրող երկրագործները հնուց ի վեր հողատարածքներ ունեին դաշտավայրերում։ Ամեն մի գյուղ ուներ իր համայնքին հատկացված տարածքը, որը գարնանից սկսած մշակում էին, ցորեն կամ գարի

²² Երեմյան, էջ 75:

²³ Ղ-նոդ Ալիշան, Արցախ, Եր., 1993, էջ 11 (այսուհետ՝ Ալիշան):

²⁴ Աճառյան, հ. Բ, էջ 85:

ստանում, խոտ կուտակում։ Մեծ Կուանքի գյուղերը այդ դաշտերը ոռոգում էին Չղախի (հետագայում՝ Չալախ) հեղեղատում Տրտու գետից դուրս եկող առուներով։ Սա դաշտի ու լեռների բնակիչների կամ խաչնարած ու երկրագործ մարդկանց միջև ստեղծված մի հավասարակշիռ իրավիճակ էր գոյացրել, որը համակարգի էր վերածվել և ապահովում էր փոխադարձ անվտանգությունն ու շահույթը։ Դեպի արտավայրերը տանող ճանապարհներին լեռների բնակիչները վաճառքի տեղեր (շուկա) էին բացում, որտեղ պարզ ապրանքափոխանակություն էր տեղի ունենում տափաստանայինների ու լեռնայինների միջև։ Լեռնայինները հիմնականում արհեստագործական ծառայություններ էին իրականացնում (փայտե, կավե, մետաղյա իրեր, գործիքներ, պայտեր, սանձեր և այլն), իսկ խաչնարածները վարձատրում են կաթնամթերքով, բրդով, մորթով... Նման վաճառատեղին Մեծ Կուանքում Կաղանկատույք ավանն էր (Թարթառ Բագար), Մեծ Առանքում՝ Վաճառ ավանը Կոճղուտ գյուղի մոտ, Ծարում՝ Քարվաճառ ավանը։ Չճան ամիսներին Կուր - Արաքսի հովիտը իսկական դրախտավայր էր խաչնարածների համար։ Երբ կենտրոնական Ասիայից բացվեց դեպի Իրան տանող ճանապարհը (մինչ այդ ճանապարհը փակվում էր Կասպից ծովի հետ ընդհանրություն կազմող Արալյան ծովը, որը ողողում էր միջինասիական անապատները) նվաճողները սկսեցին հաջորդել իրար, և բոլորն էլ իրենց համար ծնեոց էին ընտրում Կուր - Արաքսի հովիտը։ Ամեն անգամ խախտվում էր բնական հավասարակշռությունը, քանի որ անընդհատ փոփոխվում էր դաշտային բնակչության տարրը։ 18-րդ դարում Արցախի սիրտը թափանցած քոչվորների առաջնորդները հետագայում թափառական խաչնարած ցեղախմբեր բերեցին Արցախի լեռնային տարածքն ու նստակյաց դարձրին, ապա Ծարի, Քաշաթաղի, Քաշունիքի, Կովսականի և Մուխանքի գավառներում մշտական բնակվելու բերեցին քուրդ վերաբնակիչների, որոնք աստիճանաբար այդ տարածքից դուրս մղեցին բնիկ ժողովրդին։ Մինչև այսօր այդ տարածքներում գտնվել են բռնագաղթի ու ջարդերի ենթարկված բնիկների մշակույթի հետքերը, որոնք հազարավոր ճարտարապետական հուշարձաններ են, խաչքարեր, այստեղ ստեղծված ձեռագիր գրքեր։

Նկատի ունենալով Վաչական Գ-ի ակտիվ գործունեության վայրերը, Աղվեն հեռու չէր եղել Առեկան արքայամիստ ամառանոցից և գտնվել է հետագայում Բերդակուր կամ Մայրաքաղաք (Քաղաքատեղ) վայրում, որը հանդիսացել է Աղվանից կաթողիկոսների ամառային նստավայրը։

Գյուլիստանին է վերագրվում բերդի ու գավառի մեկ այլ անուն ևս, դա Հերքանն է²⁵։ Ինչ վերաբերում է գավառանվանումների «մեծ» բառին, ապա

²⁵ Ալիշան, էջ 41

այն բնիկ հայկական բառ է²⁶, որն այստեղ «գործողի» նշանակություն ունի: Այն օգտագործել են նաև Մեծ Հայքի հարևանները, օրինակ, Մցխեթի տեղանունը կազմվել է «Մեծ Խեթ»-ի ձևափոխությունից: Այստեղ «խեթը» հայտնի ցեղանուն է: Ու նման բացատրությունը նաև պատմական հիմքեր ունի և չպետք է վիրավորի վրաց գիտնականների ազգային ինքնասիրությունը:

Առանձին հետաքրքրություն է ներկայացնում Ուռեկան արքայական պարանջի և IV դարի սկզբներին գործած Ուռնայր Ա արքայի անունների «ուռի» արմատների նույնությունը: Ըստ երևույթին, հեթանոսական շրջանում ուռենին, որպես գարնան ավետարեր, պաշտամունքի առարկա է ծառայել Մեծ Կողմանքում (Մեծ Կուանք), ուստի և նորածին արքայազնը հեթանոսական անունով է կոչվել: Կարելի է նաև համոզված ասել, որ Ուռեկան-Հռեկում էր կառուցվել Ուռնայր Ա արքայի նախնիների՝ Քաջ Վաչականի և Վաչեի, ինչպես և նրանց հաջորդների արքայանիստը, ու հետագա դարերին տեղի իշխանները, մինչև Արովյան-Բեկլարյան մելիքների վերջին ժառանգների հողազուրկ լինելը՝ խորհրդային իշխանության հաստատումը, հավատարիմ են մնացել այս ավանդությանը՝ Հռեկի ապարանքը պահպանելով իբրև իշխանամիստ: Կաղանկատվացու Աղվանից տան թագավորների անվանացուցակում Ուռնայրից հետո Հոչական – Վաչականն է: Առանձին հետաքրքրություն է ներկայացնում Աղվանից արքաների անվանացանկում Մերհավան անունը: Այն կազմված է «մեր» ու «հավան» բառերի միասնությունից, որը յուրահատուկ է արցախցիներին: Օրինակ, «Ապրես» կանչելով, փաստորեն այս անվան տիրոջը անընդմեջ, ուզած չուզած՝ երկար կյանք են մաղթում: «Մերհավան» կանչելով անընդմեջ ասում են, որ հավանում են այս անունը կրողին: Նման նշանակություն ունեն «Անուշը», «Ձվարթը», հեթանոսության ժամանակներից մեզ հասած տասնյակ այլ անձնանուններ: Մերհավան, Ասա ու Սատո թագավորների մասին անուններից բացի, Աղվանից պատմության հեղինակները այլ տեղեկություն չեն ավանդել:

Արցախի մասին վկայող առաջին օտար հեղինակը հույն աշխարհագետ Ստրաբոնն է (մ.թ.ա. 63 – մ.թ. 23), որն իր «Աշխարհագրությունում» առաջին անգամ ճշգրտում է Հայաստանի և հարևան երկրների սահմանները: «Կիրը (Կուր գետը) սկիզբ է առնում Հայաստանում, - գրում է Ստրաբոնը, - և մտնում է նշված (Կուր-Արաքսի - Բ.) հարթությունը, ընդունում է Արազը և այլ վտակներ, ապա նեղ հովտով հոսում է դեպի Ալբանիա, այդ հովտի և Հայաստանի միջև գետը հզոր հոսքով անցնում է մի հարթավայրով, ընդու-

նում է ավելի շատ գետեր...»²⁷: Ուրեմն, Կուր գետը Ալբանիա (Աղվանք) երկրի ու Հայաստանի սահմանագիծն է: Ստրաբոնի մեկ այլ վկայություն. «Նրանք (աղվանները - Բ.) բնակվում են Իբերիայի և Կասպից ծովի միջև: Հարավային կողմում Հայաստանն է: Հայաստանը մասամբ հարթավայր է, մի մասը՝ լեռնային երկիր է, ինչպես Կամբիսենան (Կամբեճանը - Բ.), որտեղ հայերը միանգամից սահմանակից են Իբերիային և ալբաններին»²⁸:

Խորհրդային Ադրբեջանի գիտնական Արաս - Կուլի - Աղա Բաքիխանովը գրում է. «Դատելով զանազան հանգամանքներից ու աղբյուրների տեղեկություններից, կարելի է եզրակացնել, որ Կուրի աջափնյակը՝ մինչև Արաքսի հետ միախառնվելու տեղը, կազմել է Հայաստանի մասը»²⁹: Իսկ Ստրաբոնը տեղեկություններ է թողել նաև Հայաստանի Հյուսիսարևելյան կողմանց նահանգների մասին, որտեղ Օրխիստենան Արցախի հունարեն անվանումն է, «որը տալիս է ամենամեծ թվով հեծելազոր»³⁰: Այսպիսով, բոլոր վկայությունները կան, որ հայոց Հյուսիսարևելյան երկրամասը՝ Արցախ - Ուտիքը, բուն Աղվանքից (Ալբանիայից) անջատված է Կուր գետի սահմանագծով, իսկ հարավային կողմում Մարաստանի Ատրպատականից սահմանագատված է Արաքս գետով: Հայ հեղինակներից Փավստոս Բյուզանդը գրում է. «Մուշեղ սպարապետը Կուր գետը սահման դրեց (մեր) աշխարհի և Աղվանքի մեջ՝ ինչպես որ առաջ էր»³¹:

Հայոց Հյուսիսարևելյան կողմանքը հնում Առան է կոչվել: Այս մասին պատմահայր Մովսես Խորենացին գրում է. «Վաղարշակ թագավորը (մ.թ.ա. 134-112 թթ. - Բ.) արևելյան-հյուսիսային կողմի մեծ, բազմաբյուր (բնակչություն ունեցող - Բ.) կողմնակալությունը, (կողմնակալ նշանակելով - Բ.) Առանին, որը անվանի մարդ էր, առաջինը բոլոր մտավորական և հանճարեղ գործերում, Կուր կոչված մեծ գետի ընթացքով, որ անցնում է մեծ դաշտով: Բայց գիտցիր, որ մենք առաջին գրքում մոռացանք այս մեծ և անվանի ցեղը, այսինքն Սիսակից սերված գունդը, որ ժառանգեց Աղվանից դաշտը և այս դաշտի լեռնակողմը Երասխ գետից մինչև Հնարակերտ կոչված ամրոցը, աշխարհն էլ Աղվանից կոչվեց նրա քաղցր բնավորության պատճառով, որովհետև նրան «աղու» էին ասում...: Սրա զավակներից են սերվում ուտեացոց ազգը և գարդմանցոց, ծավղեացոց, գարգարացոց իշխանությունները»³²: Հետաքրքիր է, որ մինչև ուշ միջնադար Արցախի և Ուտիքի

²⁷ Страбон, География, Москва, 1964, книга XI, стр. 474 (далее - Страбон).

²⁸ Там же, стр. 475.

²⁹ Аббас-Кули-Ага Бакиханов, Гиолистан - Ирам, Баку, 1926, стр.8.

³⁰ Страбон, стр.497.

³¹ Փավստոս Բյուզանդ, Հայոց պատմություն, Եր., 1987, էջ 323:

³² Մովսես Խորենացի, Հայոց պատմություն, Եր., 1990, էջ 73 (այսուհետ՝ հորենացի):

իշխանական տների ներկայացուցիչները իրենց առանշահիկներ էին անվանում, այսինքն՝ Առան նահապետից սերված իշխաններ: Ու Առանից սկսած նրա ժառանգների իշխանությունը հայոց այս երկրամասում ողջ երկու հազարամյակ տիրել է անընդմեջ: Թերևս, այս տեսանկյունից Արցախի պատմությունը եզակի երևույթ է մարդկության պատմության մեջ: Իսկ որ Առանը միշտ հայկական է եղել, հաստատում են նաև օտար շատ աղբյուրներ: «Ալբրոդան» հռչակավոր աշխատության հեղինակ Իբն-ի Ֆակիհը գրում է, որ «Առանը Արմենիայի առաջին հողային կավածքն է և չորս հազար կավածքներ ունի»³³: Այս տեսակետն են արտահայտում նաև իրանցի լեզվագետ Դեհխոդան, արաբ մատենագիր Դամասկոսցին (Դամեշխի): Ինչ վերաբերում է Աղվանքին, ապա այն ընդգրկում է Կուրի ձախ ափից մինչև կովկասյան լեռնաշղթան: Այստեղ ապրել են բազմալեզու 26 ցեղեր: Պատմահայր Խորենացին իր կազմած աշխարհացույցում գրում է. «Աշխարհ Աղբանիա, այսինքն, Աղուանք, լերից Վրաց, յերի Սարմատիոյ առ Կավկասով, մինչև ց՜այոց սահմանաւ, առ Կուր գետու, թէպետ և աստի Կուր զամենայն սահմանս հանեալ ի Չայոց: Բայց մեք ասացիք զքուն աշխարհն Աղուանից, որ ընդ մեջս է մեծի գետոյս Կուրայ և Կավկաս լերինն»³⁴:

Ստրաբոնը, նշելով Չայաստանի սահմանները, գրում է. «Այնպես, որ բոլորը միալեզու եղան», այսինքն՝ Չայաստանի սահմաններն ընդունվել են հայոց լեզվի տարածման եզրագծով³⁵: Ավելի քան հինգ հազար տարի հայերեն են խոսում Կուր - Արաքսի հովտում, Շակաշենում, Կամբեճանում, Փայտակարանում...: Լեզվաբանները հայոց 51 բարբառներից ամենամեծը համարում են Արցախի բարբառը, և ինչպես գրում է մեծ լեզվաբան Զր. Աճառյանը, նրա տարածման «սահմանները կփոփին հյուսիսեն՝ մինչև Կովկասի վերջին ծայրերը, հարավեն՝ մինչև Թավրիզ, արևելքեն՝ Կասպից ծովին եզերքները, արևմուտքեն՝ Սևանա լիճը և Երևանի ու Կարնո բարբառների սահմանագիծը»³⁶: Իհարկե, արցախյան բարբառը իր ձևավորման ու զոյության հազարամյակների ընթացքում կրել է հարևան ժողովուրդների, մանավանդ պարսկերենի և ուշ շրջանում՝ Կուր - Արաքսի հովիտ թափանցած քոչվոր ցեղերի ազդեցությունը: Գիտնականներն ապացուցում են, որ այս բարբառը ծնունդ է առել բնիկ ժողովրդի հետ, իհարկե, ժամանակի ընթացքում հարստացել շփումների միջոցով, կրել նաև զրաբարի ազդեցությունը, իր հերթին ազդել գրական լեզվի վրա: Բարբառն իր մեջ անաղարտ

պահպանել է հնդեվրոպականի շատ արմատներ, որոնք չկան ժամանակակից գրական հայերենում: Արցախյան բարբառն իր հերթին բաժանվում է երեք ճյուղերի՝ վեց բարբառներով, բազմաթիվ ենթաբարբառների ու խոսվածքների³⁷: Գյուլիստանի ենթաբարբառը Թալիշի խոսվածքի հետ արցախյան բարբառի մեջ առանձնանում է հատուկ երանգով, որին յուրահատուկ է հարցական նախադասության վերջին բառի վերջին վանկի մարող բացականչականը: Նման երանգը յուրահատուկ է եղել Փայտակարանի ու Ղարաղաղի հայության խոսվածքին, որը մասամբ պահպանվել է թեհրանահայության խոսվածքում: Կարելի է ենթադրել, որ Գյուլիստանի և Թալիշի բնակչության մի մասը, հավանաբար, ուշ միջնադարում գաղթել է Փայտակարանից, իր հետ բերելով նաև Թալիշի լեռների բնակավայրի անունը:

Ինչ վերաբերում է Կուրի ձախափնյա Աղվանք - Ալբանիային, ապա այստեղ, ըստ հույն աշխարհագետ Ստրաբոնի և հետագա հայ հեղինակների, խոսում էին 26 տարբեր լեզուներով ու մեկ ընդհանուր լեզվի գալ էլին կարող, ուստի և դժվար էին իրար հասկանում, չնայած հզոր երկրների պարտադրանքով ընդհանուր պետություն էին ունեցել: Ուրեմն, աղվաներեն լեզու կամ աղվան (ալբան) առանձին էթնիկական խումբ երբեք զոյություն չի ունեցել, ուր մնաց, թե որևէ ազդեցություն ունենար ավելի բարձր մշակութային մակարդակ ունեցող հարևանների՝ Կուրի աջափնյակում բնակվող հայերի լեզվամտածողության վրա, ինչը համառոտն փորձում էին հաստատել Բաքվի գիտնականները, անշուշտ, ունենալով քաղաքական նպատակներ, այն է՝ գիտականորեն հաստատված հիմք ստեղծել Կուր - Արաքսյան հովիտը թուրք-թաթարական նախահայրենիք կոչելու համար: Ինչ վերաբերում է «Ալբանիա» տեղանվանը, ապա այն կելտական բառ է, որը պահպանվել է նաև նրան ցեղակից անգլերենում ու ֆրանսերենում և նշանակում է «լեռների երկիր»: Այս տեղանունը պահպանվել է Շոտլանդիայում, Իտալիայում, Բալկանյան թերակղզում ու Կովկասում: Նման երևույթը բացատրվում է կելտական ցեղերի կատարած ասպատակություններով, որոնց արդյունքում նվաճած երկրներին էին թողնում իրենց հարազատ անվանումը: Չայտնի է, որ կելտ-գալլերի ռազմական միության նվաճումները մ.թ.ա. հազարակամների կեսերին հասել են մինչև Փոքր Ասիա, այստեղ հիմնել Գալատիա (Գաղաթիա) պետությունը, որի մասին հիշատակում են Խորենացին, Կաղանկատվացին, Եղիշեն: Չետագայում Բուն Ալբանիա թափանցած թրքախոս ցեղերը իրենց լեզվով թարգմանեցին երկրանունը և կոչեցին «Դաղստան»: Կելտ-գալլերի Չարավային Կովկաս թափանցելու մասին է վկայում նաև «Գարդմանք» գավառանունը: Այն կազմված է «գարդ» և «ման» արմատներից, իսկ «ք»-ն երկրանվան կամ տեղանվան հայերեն

³³ Իբն-ի Ֆակիհ, Ալբրոդան Արուբաքը Ահմադ, Թեհրան, 1970, էջ 130 - 134:

³⁴ Մովսես Խորենացի, Աշխարհացոյց Մով. Խորենացիոյ յաւելուածովի նախնեաց, Մատենագիրը Չայոց, Ա հատոր, Ե դար, Եր., 2003, էջ 2153:

³⁵ Ստրաբոն, Աշխարհագրություն, Եր., 1940, էջ 57:

³⁶ Զր. Աճառյան, Չայ բարբառագիտություն, Մոսկվա, 1911, էջ 61:

³⁷ Կ. Դավթյան, Լեռնային Ղարաբաղի բարբառային քարտեզը, Եր., 1966, էջ 257:

վերջածանցն է: Եթե առաջինը բացատրվում է Գալատիա>Գալտ>Գարդ ծ-
ևափոխությամբ, ապա երկրորդը հնդեվրոպականի «մարդն» է, որի արդ-
յունքում ունենում ենք մինչև մեր օրերը պահպանված «գարդման» կամ
«գալաթացի»: Անշուշտ, այս տեղանունը ինքնին հուշարձան է, որ շուրջ ե-
րեք հազարամյակ պահպանել է բնիկ ժողովուրդը՝ հայությունը: Այս տեսա-
կետի յուրօրինակ հաստատումն է Աղվեմի ժողովի աշխարհիկ ներկայա-
ցուցիչների թվում Կաղանկատվացու կողմից Գարդմանքի իշխանների
թվում Գերմանոսանի անունը³⁸: Սա պատահական երևույթ լինել չէր կարող:
Իշխանական տոհմը, չնայած վաղուց հայացել էր հայկական միջավայրում,
սակայն պահպանել էր կելտ-գալլական տոհմանունը:

Կարևոր խնդիր է նաև Կուր - Արաքսի հովիտն ընդգրկող Առանի ու Բուն
Աղվանքի կարգավիճակի որոշումը: Շիրակացու VII դարի Աշխարհացույ-
ցից ու մինչ այդ եղած փաստաթղթերից (գահանամակներ, զորանամակներ
և այլն), ինչպես և վաղ միջնադարի հեղինակների վկայություններից հայտ-
նի է, որ Արցախը Մեծ Հայքի 10-րդ նահանգն է, Ուտիքը՝ 12-րդը: Մովսես
Կաղանկատվացին իր պատմությունում գրում է Աղվանից թագավորական
տան մասին, նշում 10 թագավորների՝ Քաջ Վաչական, Վաչե, Ուռնայր, Հո-
չական (Վաչական), Մերիավան, Սատո, Եսվաղեն, Վաչե և Վաչական Գ ա-
նունները: Ըստ երևույթին, Պարսկաստանի Շապուհ I թագավորի (241/43 -
272) օրոք Մեծ Հայքը թուլացնելու նպատակով նրա Արցախ (տարածքը՝ 11
528 կմ²) և Ուտիք (տարածքը՝ 11 315 կմ²) նահանգները III դարի կեսերին
բռնի անջատել են, դարձրել Պարսկաստանի վասալ թագավորություն, Ար-
ցախի բազմաճյուղ իշխանական տներից առավել ազդեցիկին՝ Մեծ Կուրա-
նի իշխան Քաջ Վաչականին շնորհելով գահ, միևնույն ժամանակ պարսից
թագավորական տան հետ ամուր կապ ստեղծելու նպատակով նրան կնուր-
յան տալով թագավորական տան մերձավոր ազգակցուհիներից մեկին (հա-
ճախ՝ թագավորի եղբոր կամ քրոջ աղջկան): Այս թագավորներին էր հանձ-
նարարված նաև Բուն Աղվանքի՝ Կուր գետի ձախափնյակի երկրի կառա-
վարումը: Թագադրելու այս ավանդույթը պահպանվեց մինչև Վաչական Գ:
Իսկ Հայաստանում քրիստոնեությունը որպես կրոն ընդունելուց հետո, որ-
պես կանոն, թագավորացներին պարսից արքունիքում զրադաշտություն
էին ընդունել տալիս, նոր միայն պսակում ու գահին արժանացնում: Սա-
կայն հայրենիք վերադառնալուց հետո այս թագավորներն իսկույն վերա-
դառնում էին քրիստոնեությանը, քանի որ Արցախ-ուտիքյան միջավայրն
ամբողջովին քրիստոնեական էր: Եթե ձևականորեն նրանք ենթակա էին
պարսից իշխանությանը, ապա իրականում նպաստում էին հայ մշակույթի
զարգացմանը, անմիջականորեն արձագանքում Սայր հայրենիքի կենտրոն-

³⁸ Կաղանկատվացի, էջ 69:

նում տեղի ունեցող իրադարձություններին՝ քրիստոնեության ընդունմանը,
նոր գրերի տարածմանն ու դպրոցների, եկեղեցիների հիմնադրմանը, հայ-
րենիքի պաշտպանությանն ու ակտիվորեն մասնակցում պարսից բռնակա-
լական լուծի դեմ համահայկական ապստամբություններին, հաճախ՝ ա-
ռաջնորդում այն: 363 թվականի «ամոթալի» դաշնագրից հետո միայն «օ-
րինականացվեց» Մեծ Հայքից Արցախ - Ուտիքի անջատումը, որը պաշտո-
նապես ճանաչվեց 387 թ. համաձայնագրով: Բուն Աղվանքի ու հայոց Ար-
ցախ-Ուտիքի միացմամբ ստեղծվեց մարզպանություն, որին տրվեց Աղ-
վանքի անունը: Փաստորեն հայոց Առանի (Կուր - Արաքսի հովիտ) վրա վե-
րահաստատվեց մարզպանության Աղվանք (Ալբանիա) երկրամունը: Սա-
կայն պահպանվում էր ողջ մարզպանության տարածքում հայկական թա-
գավորության գերակայությունը: Հայ հեղինակները մարզպանության հայ-
կական մասը Բուն Աղվանքից տարբերելու համար հաճախ օգտագործում
էին Հայաղվանք անվանումը:


Մեծ Կուրանքի թագավորական դինաստիան փաստորեն տիրել է 3-րդ
դարից մինչև 520 թվականը՝ շուրջ 270 տարի:

ՄԵԾ ԿՈՒՐԱՆՔԻ ՎԱՇԱԿԱՆ ԹԱԳԱՎՈՐԱԿԱՆ ՏԱՆ ԻՇԽԱՆՈՒԹՅՈՒՆԸ 253 – 520 ԹԹ.

III դարի առաջին քառորդի ընթացքում Հայաստանին հարևան Իրանում
պարթև Արշակունիների միջև գահակալական կռիվները զգալի թուլացրին
երկիրը: Դրանից օգտվեց Պարսք նահանգի Ստահր քաղաքի Անահիտ դի-
ցուհու տաճարի քրմապետ Սասանի թոռ Արտաշիրը: Նա 224 թ. ապրիլի
27-ին Որմիզդական դաշտի վճռական ճակատամարտում հաղթեց պարթև
Արշակունի Արտավան V թագավորին, սպանեց նրան, 226-ին Տիգրանում
թագավոր հռչակվելով, հիմնեց Սասանյան դինաստիան: Պարսից գահի
հիմնական հավակնորդները հայոց Արշակունիներն էին, ուստի Սասանյան
Արտաշիրը ամեն քայլի դիմում էր՝ վերացնելու Մեծ Հայքի Արշակունի թա-
գավորներին: Այդ նպատակով նա ոճն պարթև Անակի միջոցով դավադրու-
յուն է սարքում և 253 թ. սպանել տալիս հայոց Խոսրով Ա Մեծ թագավորին:

Միջազեռքում Հռոմեական զորքերի 244 թ. Սասանյաններից կրած պար-
տությունից հետո Մեծ Հայքի թագավորությունը 252 թ. բաժանվեց Հռոմի և
Պարսկաստանի միջև: Սասանյան մասում թագավորում էր նրանց դրածոն՝
Խոսրովի ազգական Արտավազդը, որին հետո փոխարինեցին սասանյաննե-
րի գահաժառանգները: Հայաստանը թուլացնելու նպատակով 253 թ. Հայոց
Հյուսիսարևելյան կողմանքը (Արցախ և Ուտիք) Սասանյանները անջատում
են Մեծ Հայքից, միացնում Կուրի ձախափնյա Աղվանքին (Ալբանիա), վասալ

4309



թագավոր կարգում Արցախի իշխանական տներից մեկի ներկայացուցիչին, տվյալ դեպքում Մեծ Կուսանքի իշխան Քաջ Վաչակյանին, նրա կառավարմանը հանձնելով նաև Կուրի ձախափնյա Բուն Աղվանքը: Այսպես սկիզբ է դրվում Վաչակյան թագավորական դինաստիային, որը միացյալ Աղվանքում անընդմեջ տիրեց շուրջ 270 տարի: Հայոց Արցախ-Ուտիքի վրա տարածվեց Կուրի ձախակողմյան երկրի՝ Աղվանքի անունը: Քաջ Վաչակյանի մասին մատենագիտական տեղեկությունները կցկտուր են: Ժողովրդական մի աղուտ ավանդությունը նրա անունը կապում է Մեծ Կուսանքի գավառի էրքեջ գյուղի հետ, որի ճշգրիտ անունը, հավանաբար, Այր Քաջ է եղել: Նրա թագադրումը տեղի է ունեցել Տիգրանում, որտեղ նախ ամուսնացրել են Սասանյան տոհմի աղջկա հետ, դրանով իսկ նրան ու նրա սերունդներին դարձնելով Սասանյան թագավորական տան ազգակից, ապա և գահ են նվիրել: Ըստ երևույթին, նրան նախ գահերեց են ընտրել Առան երկրամասի իշխանները, նոր միայն ուղարկել Տիգրան՝ կին և թագ ստանալու:

Ինչպես երկրամասի, այնպես էլ Մեծ Հայքի ու ողջ տարածաշրջանի համար վճռական նշանակություն ուներ կրոնի ու հավատքի շուրջը տեղի ունեցող խմորումները: Քրիստոնեությունը վճռական գրոհի նետվեց Հայաստանում: Քրիստոսի աշակերտներից Թադևոսն ու Բարդուղիմոսը, չնայած նահատակվեցին, սակայն բավականին հիմք էին ստեղծել քրիստոնեության հաղթանակի համար: Առաքյալների աշակերտները ինքնագոհողությամբ քրիստոնեական ուսմունքը հասցնում էին ամենուր: Իսկ Պարսից թագավորները Հայաստանն իրենց ազդեցության տակ էին պահում Ջրաղաշտի գաղափարախոսության միջոցով: Իրանից ուղարկված մոզեբը, որոնք գալիս էին պարսից զորքերի ուղեկցությամբ, առաջին հերթին անողոք պայքար էին մղում քրիստոնեության տարածման դեմ: IV դարից Հայաստանն ասես լուսավորվեց ու հասկացավ, որ Պարսից լուծը թոթափելու ճանապարհը քրիստոնեության ընդունումն ու այն պետական կրոն հռչակելն է: Քրիստոնեության տարածման համար քիչ ջանքեր չեն թափել Հայաստանում նահատակված առաքյալների աշակերտներն ու նրանց գործի հետագա շարունակողները: Անշուշտ, Թադևոսն ու Բարդուղիմոսը, տեսնելով, որ իրենց ուսմունքի համար Իրան թափանցելու ոչ մի հնար չկա, իրենց ջանքերն ուղղեցին դեպի Հայաստանի նահանգները: Աբ. Թադևոսի աշակերտներից եղիշեն, իր ուսուցիչ նահատակվելուց հետո, ինչպես հայտնում է Կաղանկատվացին, գնաց Երուսաղեմ, ձեռնադրվեց Քրիստոսի առաքյալներից սբ. Հակոբի կողմից և ուղևորվեց մասքուտների երկիրը՝ խուսափելով Արցախյան լեռնակողմի բնակչությունից: Նա իր քարոզչությունը սկսեց Չող մայրաքաղաքից, ապա իր հետևորդների հետ գալիս է Ուտիքի Սահառ քաղաքը: Կարելի է ենթադրել, որ Արցախից խուսափում էր Թադևոս առաք-

յալի ժամանակներում ունեցած անհաջողությունների համար: Ելնելով անունից ու հետագա վարքից, կարելի է ենթադրել, որ եղիշեն Ուտիքի դաշտավայրային հայկական բնակավայրի ծնունդ է, հավանաբար, Գիս քաղաքից, որը հայ հեղինակներից ոմանք տեղադրում են Պարտավ քաղաքի մոտերքում, մյուսները՝ Շաքիում: Գիս քաղաքում նա անարգել կառուցում է եկեղեցի և պատարագ մատուցում, երբ այլ վայրերում նրան ու նրա աշակերտներին մահ էր սպառնում: «Արևելցիների եկեղեցիների սկիզբը այս տեղում եղավ, որը դարձավ մայրաքաղաք և լուսավորության տեղ»³⁹: Այստեղից եղիշեն գնում է Ջերգանի դաշտակը, որտեղ էլ նահատակվում է մուլեռանդ հեթանոսների կողմից: Նրա դիակը նետում են մի փոսի մեջ, «որ երկար ժամանակ ծածկվեց այդ տեղում, որ կոչվում է Հոմենք»⁴⁰: Ապա վաղ միջնադարի մեր պատմիչը նկարագրում է, թե ինչպես Մեծ Կուսանքի Ուտեկան (Հոռեկ) ավանի (ուշ միջնադարում՝ Գյուլխտանի մելիքություն, Թալիչ գյուղի մոտ) Ստեփանոս քահանան այդ տեղից վերցնում է եղիշեն նահատակի գանգոսկորը, բերում թաղում Ուտեկան ավանում գտնվող վանքում, որի պատճառով էլ այն կոչվեց Գլխտ վանք:

IV դարը Հայաստանում սկսվում է մի կարևոր իրադարձությամբ: 301թ. քրիստոնեությունն Հայաստանում ընդունվում է որպես պետական կրոն: Էջմիածնում հավատքի հաստատումից հետո Գրիգոր Լուսավորիչը գալիս է Արցախ և Ուտիք, այստեղ եկեղեցիներ է հիմնում, շարունակում քարոզչությունը: Այս մասին գրում են վաղ միջնադարի հայ պատմիչներ Ազաթանգեղոսը, Խորենացին, Փավստոս Բյուզանդը, Կաղանկատվացին:

Հայոց Տրդատ թագավորը, զգալով քրիստոնեության ուժն ու նրա միջոցով պարսից և բյուզանդական լծից ազատագրվելու հնարավորությունը, 301 թ. առաջինն այն պետական կրոն հռչակեց: Սակայն զրադաշտականության ու մյուս աղանդների դեմ պայքարը երկարատև էր ու արյունալի: Քաջ Վաչակյանի թռը՝ Ուռնայրը, որն իր հերթին պարսից Շապուհ II արքայի (309-379) քրոջ ամուսինն էր, «մի քաջ և զորեղ տղամարդ, որ մեծամեծ պատերազմներում հոյակապ անուն վաստակեց՝ հայերի մեջ հաղթության դրոշ կանգնեցնելով»⁴¹: Գյուտ եպիսկոպոսի՝ թագավորության փոխարեն ճգնավորական կյանք ընտրած սուրբ Վաչեին ուղղված նամակում, որ պահպանվել է Կաղանկատվացու պատմությունում, հայտնում է, որ նրա նախնիներից քաջ Ուռնայրը՝ «Մեծ թագավորը, մեծամեծ նախարարներով, բազմաքանակ զորքով եկավ-հասավ Հայաստան և հանդիպեց հսկայազոր թագավորին (Տրդատին - Բ.):» Ըստ հավանականության, այն տեղի է ունե-

³⁹ Կաղանկատվացի, էջ 7:

⁴⁰ Նույն տեղում:

⁴¹ Նույն տեղում: էջ 10:

ցել 319 թ., երբ Տրդատ Մեծն ու Գրիգոր Լուսավորիչը վերադառնում էին Կոստանդնուպոլսից, ուր նրանք մեկնել էին Կոստանդիանոս Մեծ կայսրի հրավերով մասնակցելու Բյուզանդիայում և քրիստոնեության ընդունման տոնակատարությանը: Ուռնայրն իր գործով, հավածվելով հոններից, եկել էր դիմելու Չայոց հզոր թագավորի օգնությանը: Տրդատն իր գործով հոնաց զորքի համար անսպասելիորեն հայտնվում է Գարգարացվոց դաշտում ու դաժան ճակատամարտում հաղթում թշնամուն, մենամարտում հաղթում նրանց հսկա Գեղոնին թագավորին: Կասկած չկա, որ Ուռնայրն Աղվանից գործով մասնակցել էր հաղթական պատերազմին:

Սասանյանները դաժան պայքարը շարունակում են Չայաստանի դեմ: Շապուհը Տրդատի դեմ է հանում նրա քաղաքականությունից դժգոհ նախարարներին և հյուսիսկովկասյան ցեղերին: 339 թվականին վերսկսված պարսկահռոմեական պատերազմի ժամանակ Արծրունյաց տան նահապետ Մեհրուժանը լքում է հայոց արքա Արշակ II-ին, գլխավորում պարսկական կողմնորոշում ունեցող հայ նախարարների խումբը՝ գործակցելով Սասանյան տան հետ: Նա Չայաստանում դաժան պայքար է սկսում քրիստոնեության դեմ, ոչնչացնում հունական բոլոր գրքերը, ավերում եկեղեցիներն ու դպրոցները: Պատմահայր Խորենացին նկարագրում է 371 թ. Չիրակ դաշտում Պապ թագավորի զորքի և Մեհրուժան Արծրունու գլխավորությամբ պարսից ու հյուսիսկովկասյան ցեղերի միացյալ զորքի միջև վճռական ճակատամարտի մասին. «Սպանդարարը (Կամսարական - Բ.) հարծակվեց, խումբը ճեղքեց..., քաջին (լեզգիների թագավոր Շերգիրին) գետին տապալեց շանթահար եղածի նման և խումբը շուռ տալով փախուստի մատնեց... որոնց թվում էր և Ուռնայրը՝ Աղվանից թագավորը, որ խոցված էր Մուշեղից՝ Վասակ Մամիկոնյանի որդուց, և պատերազմից դուրս հանեցին»⁴²: Այս դեպքի մասին վաղ միջնադարի հայ պատմիչ Փավստոս Բյուզանդը գրում է. «Իսկ Մուշեղ Չայոց սպարապետը չարաչար կոտորում էր Պարսից զորքերը և այն պահելով հանդիպում էր Աղվանից գնդին, և բոլոր զորքերը ջարդում էր, հասնում էր Աղվանից Ուռնայր թագավորին՝ մինչև նա փախչում էր: Մոտենալով, իր նիզակի կոթով երկար ծեծում էր նրա գագաթը՝ ասելով. «Շնորհակալ եղիր, որ թագավոր մարդ ես, գլխիդ թագ ես կրում, ես թագավոր մարդու չեմ սպանի՝ մինչև անգամ եթե շատ նեղն էլ ընկնեմ»: Եվ թույլ տվեց նրան ութ ծիսավորի հետ փախչել գնալ Աղվանից աշխարհը»⁴³: Չայոց Արևելյան կողմանց արքան հետագայում վարձահատույց է լինում Մուշեղին. «Ապա Աղվանից Ուռնայր թագավորը գաղտնի լուր է ուղարկում Մուշեղին. նրա մոտ մարդ էր ուղարկում և տեղեկություն էր հաղորդում ա-

սելով. «Շատ շնորհակալ եմ քեզանից, որ ինձ չսպանեցիր, աստված ինձ քո ձեռքը տվեց, բայց դու ինձ խնայեցիր, այս քո սերը չեմ մոռանա՝ քանի կենդանի եմ: Բայց ինձաց եմ տալիս քեզ, որ Պարսից Շապուհ թագավորը պատրաստվում է բոլոր իր զորքերով անսպասելի կերպով հարձակվել քո վրա»⁴⁴: Կարելի է ենթադրել, որ Պարսից Շապուհ արքան Ուռնայրին ևս տեղյակ էր պահել դեպի Չայաստան ձեռնարկվող արշավանքի մասին և առաջարկել իր զորքով միանալու իրեն: Աղվանից հայ թագավորը, որին վերահաս վտանգից փրկել էր Չայոց Մուշեղ Սպարապետը, շտապեց տեղյակ պահել Մուշեղին վտանգի մասին, անշուշտ, իր ուղարկած մարդու միջոցով տեղեկացնելով մանրամասների մասին: Այս ճակատամարտում Պարսից զորքը կատարյալ պարտություն է կրում հայ-բյուզանդական միացյալ բանակից: Այս պատմության մեջ միայն զարմանք է առաջացնում Ուռնայրի երկարակեցությունը: Ստացվում է, որ նա երիտասարդ հասակում, ասենք՝ 20-25 տարեկանում, հանդիպել է Տրդատ արքային ու Գրիգոր Լուսավորչին, ապա նվազագույնը, 70 տարեկան հասակում մասնակցել ճակատամարտին, որը անհավանական է: Միակ քացատրությունն այն է, որ Չոչականի և Մերհավանի միջև գործել է Ուռնայր Ա-ի թոռ և Չոչականի որդի Ուռնայր Բ-ն, որի գործունեությունը սխալմամբ հայկական շրջանակներում հայտնի առաջին Ուռնայրին են վերագրել:

Հավանաբար, հենց պատերազմի ավարտից հետո «...Քաջալերում էր նրան սուրբ Գրիգորը Աստծու որդու մարմնավոր գալուստով, ...նույն ժամանակ նրանց շնորհվեց մի երանելի մարդ, որ եպիսկոպոս էր ձեռնադրված Չոռն քաղաքի կողմից, սա եկել էր Տրդատ թագավորի հետ այս երկնավոր բարիքներով»⁴⁵: Ուռնայր արքայի խնդրանքով էլ Գրիգոր եպիսկոպոսապետը մեկնում է Արցախ՝ Դյուտականում, Ամարասում և այլ վայրերում հիմնում եկեղեցիներ: 331 թ. Սուրբ Գրիգոր հայրապետը առանձնացնում է Տարոնի Գլակա վանքում, ապա տեղափոխվում Դարարանաղ, ճգնում Սեպուհ լեռան մի այրում: Նա մահանում է: Չիմանալով նրա անձը, անծանոթ մարդիկ գերեզմանի վրա քարակույտ են թողնում: Բասենի Կթն գյուղից Գառնիկ ճգնավորը նրա մարմինը տեղափոխում է Վաղարշապատ, իսկ հետո, երբ կաթողիկոսանիստը տանում են Դվին, Լուսավորչի մարմինը և տեղափոխվում է⁴⁶: Սրբի մասունքների մի մասը տանում են Բյուզանդիա և Իտալիա, մյուս մասունքները ուղարկում երկրի տարբեր հատվածներ, որպես սրբություն, պահում տարբեր վանքերում ու եկեղեցիներում:

⁴² Խորենացի, էջ 198:

⁴³ Փավստոս Բյուզանդ, Չայոց պատմություն, Եր., 1987, էջ 305:

⁴⁴ Լույս տեղում, էջ 307:

⁴⁵ Լույս տեղում, էջ 14:

⁴⁶ Չամչյան, 3 Ա., Եր., 1985, էջ 420:

Վաղարշապատից Աղվանք են ուղարկում սբ. Գրիգոր Լուսավորչի թոռանը՝ 15-ամյա Գրիգորիսին, որը Վրաց և Աղվանից եպիսկոպոս էր ձեռնադրվել: Նա իր հետ վերցնում է քահանայապետ ու նահատակ Ջաքարիայի արյունից, ինչպես և Նիկոմիդիա քաղաքում նահատակված սբ. Պանդալյոնի մասունքներից, դրանք տեղադրում Ցրի քաղաքի եկեղեցում, հետո սկսում եկեղեցիներ հիմնել Արցախի և Ուտիքի շենքերում և քաղաքներում⁴⁷: Ապա նա մեկնում է Մասքուտների երկիրը: Իր քարոզներում պատանի եպիսկոպոսը կոչ էր անում, որ այլևս չզբաղվեն ավարառությամբ, հափշտակությամբ ու գողությամբ, այլ պետք է վաստակեն աշխատանքով, վայելեն մարդկայնորեն: «Այդ հայոց թագավորի խաբեբայությունն է, - ասում էին մասքուտները, - նա ցանկանում է մեզ գրկել Չայաստանի ավարից, իսկ մենք ինչո՞վ պետք է ապրենք, եթե ավար չանենք ու չհափշտակենք»: Նրանք բռնեցին պատանի Գրիգորիսին, կապեցին մի կատաղի ձիու պոչից և բաց թողեցին Վատյան դաշտում: Դա 342 թվականին էր: Գրիգորիսի աշակերտները նահատակի մարմինը տանում են Ամարաս, դնում եկեղեցում:

Մասքուտների (ճիղբեր) Սանեսան Արշակունի թագավորը, պարսից թագավորի հորդորանքներով, հյուսիսային բազում ցեղերի գլուխ անցած արշավեց դեպի Աղվանք և Չայաստան: «Եկավ անցավ իր սահմանը, մեծ Կուր գետն ու սփռվեց, լցվեց հայոց աշխարհը⁴⁸: Մեծ Չայքի գորավար Վաչեն, որ Մամիկոնյան տոհմից էր, հավաքեց հայոց զորքն ու ջարդեց ավարառուների բանակը, Վաղարշապատում գլխատեց Սանեսանին, գլուխը տարավ Խոսրով Բ թագավորին: Վերջինս տեսնելով Արշակունի Սանեսանի գլուխը, բացականչում է. «Վայ, եղբորս գլուխն է...»: Ըստ երևույթին, հայոց թագավորը զուրկ չէր հուճորի զգացումից: «Այսպես սուրբ Գրիգորիսի վրեժն առնվեց Սանեսան թագավորից ու նրա բանակից, որովհետև նրանցից ոչ մեկը չմնաց»⁴⁹:

Չայաստանում մշակույթի ընդհանուր զարգացման մակարդակը շուտով դրեց սեփական գրեր ունենալու խնդիրը, մանավանդ, որ պարսիկ մոզերը ամենուր արգելում էին հունարեն գրերն ու դպրոցները, այդուհետև գրքերը: Այս խնդիրը փայլուն կերպով լուծեցին կաթողիկոս Սահակ Պարթևն ու Մեսրոպ Մաշտոցը: 404 թվականին Մաշտոցը ստեղծեց հայոց գրերը, որոնք նոր շունչ և ուժ հաղորդեցին հայ ժողովրդին՝ դիմագրավելու հետագայի դժվարությունները, բազմաթիվ անգամ հառնելու մոխիրների միջից... Չայաղվանքը ևս ակտիվորեն մասնակցում էր այս շարժմանը: Մեծ Մաշտոցի աշակերտներից Կորյունը գրում է, որ Չայաստանի շատ վայրերում ուս-

⁴⁷ Բյուզանդ, էջ 27-28:

⁴⁸ Նույն տեղում, էջ 29:

⁴⁹ Նույն տեղում, էջ 30-31:

ման և գրքերի թարգմանության գործերը կարգավորելուց հետո Մաշտոցը «ելավ սահմանակից Սյունական աշխարհը: Այնտեղ էլ աստվածասեր հնազանդությամբ ընդունեց նրան Սյունիքի իշխանը, որի անունը Վաղինակ էր: (Մաշտոցն) իր առաջադրած գործի համար շատ օգնություն գտավ նրանից, (այնպես, որ պտտեց, վերահասու եղավ Սյունիքի բոլոր կողմերում: Եվ սովորեցնելու համար մանուկներ ժողովեց, ավելի զազանաբարո, վայրենի, ճիվաղաբարո կողմերինը, և այնքան հոգ տարավ, դաստիարակի պես կրթեց, խրատեց, մինչև անգամ այն վայրենիներից կարգեցին Սյունիքի եկեղեցու համար եպիսկոպոս-տեսուչ, որի անունն էր Անանիաս, մի սուրբ և երևելի, եկեղեցու ժառանգավորների համար հայրաբարո մարդ⁵⁰: Անանիա մետրոպոլիտի անվանը հանդիպում ենք նաև Սյունիքի պատմիչ Ստեփանոս Օրբելյանի մոտ: «Իսկ Աղվանքի եսվաղեն թագավորը, որ պարսից թագավոր առաջին Շապուհ Արտաշիրյանի (Շապուհ III – 383 – 388 թթ.) քրոջ թոռն էր, նրան պատիվ անելով երախտահատույց է լինում (հայ գրերը Չայաղվանքում տարածելու, դպրոցներ բացելու, քրիստոնեական քարոզչության համար - Բ.), պարզում է իր թագավորական դրոշը՝ մետաքսյա ոսկերիզ նուրբ հյուսվածքով, գլխին ոսկեգունդ, վրան՝ պատվական խաչ⁵¹: Ըստ Ստ. Օրբելյանի, նման թագավորական դրոշ նվիրելը անչափ մեծ պատիվ էր Սյունիքի մետրոպոլիտի համար: Իսկ պատմահայր Խորենացին գրում է. «Ինքն (Մեսրոպը) իջնում է Աղվանք, նրանց Արսվաղեն (եսվաղեն - Բ.) թագավորի և Երեմիա եպիսկոպոսի մոտ, որոնք հոժարությամբ հանձն առան նրա ուսումը և նրան հանձնեցին ընտիր երեխաներ»⁵²: Փաստորեն Մաշտոցը Արցախում և Ուտիքում է եղել 415 թվականին, Դյուտականում, Ամարասում, Արցախի լեռնակողմի այլ վայրերում, Եսվաղենի և Երեմիայի օգնությամբ «զավառներից ու տեղերից դպրության արվեստի համար բազմաթիվ մանուկներ բերել, ժողովել, արժանավոր ու հարմարավոր տեղերում դասատուներ-դպրոցներ (կազմել) և (նրանց) ապրուստի համար թռչակ նշանակել»⁵³: Փաստորեն Կորյունը գրում է Մաշտոցի Արցախ և Ուտիք այցելության մասին: «Անցնելով Չայաստանի միջով՝ ճանապարհվում և հասնում է արևելքի սահմանները՝ Ուտի գավառը,— գրում է Կաղանկատվացին:— Գալով այդտեղ՝ բնակվում են ճահճախուտ տեղերում, լռաբույսեր աճած ճահիճներում՝ մոտիկ Գիս կոչված վայրին: Այդ ժամանակ նա նորոգելով վերականգնում է եկեղեցու հավատը: Ավետարանի քարոզը տա-

⁵⁰ Կաղանկատվացի, էջ 70:

⁵¹ Ստեփանոս Օրբելյան, Սյունիքի պատմությունը, եր., 1986, էջ 98-99,

(այսուհետ՝ Օրբելյան):

⁵² Խորենացի, էջ 215:

⁵³ Կորյուն, էջ 41:

րածում է Ուտիքում, Աղվանքում, Կասպքում և ճորա կիրճում: Այլագզի այն ցեղերին, որոնց Ալեքսանդր Մակեդոնացին գերեզմարելով բերել, բնակեցրել էր Կովկասի մեծ լեռան շուրջը, այսինքն՝ գարգարներին, կամիճիկներին, հեփթաղներին, նորից քրիստոնյա է դարձնում»⁵⁴: Մաշտոցը գրեր ստեղծեց նաև գարգարների՝ կոկորդախոս ցեղի համար, նպատակ ունենալով, որ այն կարող է ընդհանուր լեզվի հիմք ծառայել Բուն Աղվանքի 26 ցեղերի համար, դարձնելով այն բյուրեղացնող միջոցը, որը կամրացներ կովկասյան ժողովուրդներին, վերածելով ճորա պահակը (Դերբենտ) հյուսիսային ավարառուների առջև փակող ամուր պատվարի: Սակայն Բուն Աղվանքի բազմալեզու ցեղերը չընդունեցին որևէ լեզվի գերակայությունը, ու փաստորեն իրենք պատրաստ չէին ընդհանուր գրեր ունենալուն: Իսկ Վիրքում Մաշտոցի ստեղծած գրերը լուրջ խթան հանդիսացան երկրի զարգացման, քրիստոնեության արմատավորման համար:

Հայաղվանքի պատմիչը գրի է առել մի ավանդություն, որտեղ պատմում է Մաշտոցի աշակերտների մասին՝ «Գալով քառասունքի սուրբ պասին՝ զատկի պասեքի յոթերորդ շաբաթում, հասան խորածորերով հարուստ, անտառախիտ ու անտառներով առատ Արցախ երկիրը՝ Մեծ Կվանք (Կուանք) գավառը: Ճանապարհի կիրճերում խումբը երկու մասի բաժանվեց, առաջին մասը խմբով միասին նստեց այն տեղը, որը կոչում են Աստղաբլուր, այսինքն՝ հյուսիսային կողմում, իսկ երկրորդ մասը բանակեց Տրտու գետի այն կողմը, անտառապատ հովտի հարավային մասում՝ Չղախ անվանված տեղում: Որովհետև նրանք ուխտ էին արել և միմյանց խոսք տվել՝ ամենասուրբ զատիկը կատարել այն տեղում»⁵⁵: Ապա Կաղանկատվացին նկարագրում է, թե ինչպես այդ ժամանակ «Ռոսմոսոջյան թագավորը իր զորքերն ու թորեյան բանակը միացրեց, հավաքեց նաև հոների բոլոր զորքերը և անցավ Կուր գետի այս կողմը՝ տարածվելով Ուտիք գավառում: Իր բանակը բերեց, բնակեցրեց Խաղխաղ քաղաքի մոտ: ...Չորքի երրորդ մասը, զատկի սկզբին հասնելով Արցախ, հարձակվում է Մեծ Կյուանքի վրա»: Ռոսմոսոջ ասելով, հավանաբար, հեղինակը նկատի ունի անհայտ հյուսիսային երկիրը: «Հարձակվողները ծով ալիքների մեծանալիս և առաջ հասան Աստղաբլուրի վայրը»⁵⁶: Բայց այդտեղ էր նաև Ուտի (Առանձնակ) նահանգից բուն տեղացի ազնվականներից Բագինք գյուղացի Թագուհի անունով մի կին»: Բագինք գյուղը հետագայի Թարթառի շրջանի Բագում Աս-

⁵⁴ Կաղանկատվացի, էջ 70:

⁵⁵ Նույն տեղում, էջ 71:

⁵⁶ Բարխուտարեանց, Արցախ, էջ 129: Մակար եպիսկոպոսը հայտնում է, որ Աստղաբլուրը գտնվում է Հաթերք գյուղի մոտ, Տրտու-Թարթառի ձախ ափին, բլրի վրա կա մի հնաշեն մատուռ, որի մեջ՝ մի գերեզման, որը մեծ ուխտատեղի է արցախցիների համար:

րով գյուղն է, որը, կռահելով անունից, հեթանոսական կենտրոն է եղել, որտեղ պաշտել են կրակը: Այնուհետև ավանդությունը պատմում է քարոզիչների խմբի ու Թագուհու նահատակության մասին:

Պարսից արքունիքը 428 թ. վերացնելով Հայոց թագավորությունը, Առանի (Արցախ և Ուտիք) ու Բուն Աղվանքի վարչական միացումով կազմում է Պարսկաստանին հարկատու մի նոր մարզ⁵⁷: Այս միավորումը արտահայտվում էր նախ Չողում, ապա Պարտավում նստող մարզպանի ներկայությամբ: Սակայն մարզպանը չէր խանգարում, որպեսզի ինչպես Հայոց կաթողիկոս Սահակ Պարթևի «Գահանամակում» էր նշված, յուրաքանչյուր հայ նախարար շարունակեր մնալ իր երկրամասի տերն ու իշխանը: Ինչպես վկայում են բազմաթիվ աղբյուրները, Կուր - Արաքսի միջագետքում Սասանյանները չվերացրին Վաչական թագավորական տան իրավունքները: Ավանդաբար շարունակվում էր թագադրման հնուն հաստատված ձևը՝ Պարսից արքայի հարազատներից մեկի դստեր հետ պսակելն ու թագադրելը Տիգրանում, ինչպես և Ջրաղաշտական կրոնի պարտադիր ընդունումը: Վաչական տոհմի հայ արքայազնները, որոնք Արցախ - Ուտիքի հայկական միջավայրում քրիստոնեական մթնոլորտում են աճել, կրթվել ու իրեն քաղաքացի ձևավորվել, ստիպված էին առերես ընդունել մոգությունը, սակայն հայրենի եզերք վերադառնալով՝ իրենց ցուցաբերում էին իբրև քրիստոնեությանը նվիրված անձ: Հազվեբար II-ը (439 - 457), գալով իշխանության, իր մոտ է հրավիրում Վաչական հարստության թագաժառանգ Վաչեին, պսակում իր քրոջ դստեր հետ, մազդեզաց կրոնի մոգ դարձնում, թագ նվիրելով, ուղարկում կառավարելու Հայաղվանքը⁵⁸: Այսպես եսվաղենին հաջորդում է Վաչեն: Վերլուծելով մարզպանական ժամանակաշրջանը, հայտնի արևելագետ Ն. Ադոնցը գրում է. «Հայաստանը, ամբողջությամբ վերցրած, հնուց ի վեր ներգրավված լինելով պարսկական պետությունների համաշխարհային քաղաքականության ոլորտը, դարեր շարունակ պարսիկների հետ գտնվում էր մշակութային միևնույն աշխարհում: Դեռևս այն ժամանակներից, երբ Արշակունիները գրավեցին Պարսկաստանը, և նրանց կրտսեր ճյուղը հաստատվեց Հայաստանում, երկու երկրների հասարակական ու կենցաղային կապը էլ ավելի սերտացավ»⁵⁹: Պարսկաստանը, Հռոմն ու Հայաստանը միշտ շահագրգռված են եղել Ալբանիա - Աղվանք կոչվող աշխարհագրական տարածքում իրենց ենթակա պետություն ունե-

⁵⁷ Բ. Ուլուբաբյան, Դրվագներ Հայոց արելից կողմանց պատմության, Եր., 1981, էջ 127 (այսուհետ՝ Ուլուբաբյան):

⁵⁸ Եղիշե, էջ 397:

⁵⁹ Ն. Ադոնց, Հայաստանը Հուստինիանոսի դարաշրջանում, Եր., 1987, էջ 240, (այսուհետ՝ Ադոնց):

նալ, որը ի վիճակի կլիներ Չողի (ճորա պահակ) անցքում թույլ չտալու հյուսիսային ավարառու ցեղերին հորդալու դեպի հարավ և ավերելու, թալանելու բարեբեր երկրները: Ալբանիայի մեջ միավորված 26 ցեղախմբերը ևս հակված էին հաճախ թալանի նպատակով միավորվելու և ասպատակելու դեպի հարավ ու արևմուտք ընկած երկրները: Հայերն ու վրացիները միջոտ պետք է ուշի ուշով հետևեին բազմալեզու Ալբանիայում տեղի ունեցող խմորումներին ու պատրաստ լինեին կանխելու այն և չդառնալ նրա հերթական ասպատակության զոհը: Այդ թալանչիական հարձակումներից առավել տուժում էին Արցախի և Ուտիքի բնակչությունը, քանի որ նրանց բաժանում էր միայն Կուր գետը: 428 թ. Ալբանիա պետության վերացումից հետո պարսից մարզպանության ներկայությամբ Կուր գետի ծախսափնյա երկիրը քայքայվեց, կրկին գլուխ բարձրացրին հին մանր ցեղային միավորումները⁶⁰: Եղիշեն հայտնում է, որ Վասակ Այուլեցի իշխանը, որը, դավաճանելով հայ նախարարների միաբանությանը, որոշել էր Սասանյանների օգնությամբ տապալել Հայոց սպարապետ Վարդան Սամիկոնյանին, լուր է ուղարկում Աղվանից մարդգպան Սեպուխտին, որ ահա փոքրաթիվ զորքով Վարդանը գալիս Աղվանքի կողմերը, ապահովելու Հայաստանի հյուսիսարևելյան սահմանների անվտանգությունը և հորդորում է. «Համարձակ դուրս արի նրա առաջ, ամենևին մի վախենա նրա դեմ պատերազմի ելնելուց: Գիտեն, որ պարտություն պիտի կրեն քո մեծ զորության առջև»⁶¹: Գալատամարտը տեղի ունեցավ 450 թվականին, Խաղխաղ (այժմ՝ Թովուզ) քաղաքի մոտ: Պարսից մարզպանի կողմից ճակատամարտին մասնակցում էին Կուրի ծախսափնյա երկրների զորքերը: Վարդանի զորքը, չնայած սակավաթիվ լինելուն, ջախջախիչ հաղթանակ է տանում: Ըստ Եղիշեի, Հայոց սպարապետը Արցախն ու Ուտիքը մաքրում է պարսից զորքի մնացորդներից ու մոզերից: «Աղվանից նախարարներից (Արցախի և Ուտիքի իշխանները) ու բոլոր շինականներից շատերն էլ, որոնք Աստծու անվան համար ցիրուցան էին եղել Կապկոհ (Կովկաս) լեռների ամուր տեղերում, երբ տեսան այս գործի հաջողությունը, խառնվեցին Հայոց զորքի հետ և նրանց հետ միաբան ու հավասար մասնակցեցին քաջության գործին: Այնուհետև գնացին և արշավեցին հոնների պահակի (Չոր) վրա, որ բռնությամբ գրավել էին պարսիկները, դուռը հանձնեցին Վահանին, որ Աղվանքի թագավորների ցեղից էր...»⁶²: Անշուշտ, Վահանը Մեծ Կուրանքի Վաչական թագավորական տան ժառանգներից էր, ըստ երևույթի, Վաչե արքայի եղբայրը, որը, որ-

⁶⁰ Եղիշե, Վարդանի ու Հայոց պատերազմի մասին, Եր., 1989, էջ 154-155.

(այսուհետ՝ Եղիշե):

⁶¹ Լույս տեղում:

⁶² Եղիշե, էջ 157:

պես Հայոց սպարապետի դեսպան, գնում է հոնների երկիրը և նպաստում Վարդանի և նրանց միջև դաշինքի կնքմանը: Ճորա պահակի պահպանությունը Վարդանը հանձնարարում է Վահանին ու Հայաստան վերադառնում:

Եղիշեն հայտնում է, որ Հազկերտի մահից հետո գահակալական երկամյա պայքար է սկսվում արքայի երկու որդիների միջև, որի արդյունքում Պարսից գահին է նստում Պերոզը (459-484): Տիզբոնում «մինչդեռ նրանք խռովության մեջ էին, - գրում է Եղիշեն, - ապստամբեց նաև Աղվանից թագավորը (Վաչեն- Բ.), որովհետև նրանց քեռորդին էր և, հայրենի հավատի համաձայն, առաջ քրիստոնյա էր, և արքայից արքա Հազկերտը նրան բռնությամբ մոզական կրոնին էր դարձրել»⁶³: Կաղանկատվացի հայտնում է, որ Պերոզի հրամանով Վաչեի կողմից շինվեց «Պերոզապատ մեծ քաղաքը, որ այժմ Պարտավ է կոչվում»⁶⁴: Սակայն իրանցի պատմաբան Էնաթոլլահ Ռեզան, հենվելով պարսկական հին աղբյուրների վրա, հայտնում է, որ շատ հնում Հորում, ապա Պարթև է կոչվել⁶⁵: Բայց և վերը նշվել էր, որ այն հաջողությամբ բաղդատվում է նաև Սկյութական Սոման մանդա-ի առաջնորդ Պարտատուայի անվան հետ (VIII դար մ.թ.ա.): Ուրեմն, Պարտավ քաղաքը շատ հին պատմություն ունի, ու Պերոզի հրահանգով Վաչեն այն լրացրել է նոր կառույցներով, նոր ամուր կնքել: Վաչեի և Պերոզի համերաշխությունը երկար չի տևում: Վաչեն, որի համակրանքը պարսից դեմ ապստամբած հայոց սպարապետ Վարդանի ու նրա համախոհների կողմն էր, որոնց մեծ մասը դեռ պարսից զնդաններում էր, անցնում է ողջ Աղվանից մարզպանությունում բռնկված ապստամբության գլուխն ու անգիջում պայքար սկսում Սասանյանների դեմ⁶⁶: Վաչեն երկրից քշում, հեռացնում է պարսից հարկահաններին, զինվորականներին ու մոզերին, վերականգնում եկեղեցիների իրավունքներն ու հեղինակությունը: Նա իր ապստամբ զորքով «քանդեց ճորա պահակը, մասքուտների զորքն այս կողմն անցկացրեց, միաբանեց տասնմեկ լեռնական թագավորների հետ և պատերազմով ընդդեմ կացավ Արյաց զորքին ու մեծ վնաս պատճառեց արքունի զորքին: Երբ Պերոզը փորձում է Վաչեին խաղաղություն առաջարկել, Վաչեն նրանց հիշեցնում էր (հայ) նախարարների մահը և կապվածների (գերիների) չարչարանքները: «Լավ կլինի ինձ համար նրանց չարչարանքները հանձն առնել, - պատասխանում է Աղվանից թագավորը, - քան թե քրիստոնեությունը թողնել»⁶⁷: Կաղանկատվացի հայտնում է, որ Աստված, իբրև

⁶³ Եղիշե, էջ 397:

⁶⁴ Կաղանկատվացի, էջ 31:

⁶⁵ Էնաթոլլահ Ռեզա, Ազերբայջան և Առան, Եր., 1994, էջ 43:

⁶⁶ Եղիշե, էջ 399:

⁶⁷ Լույս տեղում:

փրկության գավազան, պարսից բռնակալ և արյունարբու գազանի դեմ ուղարկեց հեփթաղներին, որոնք կոտորելով ոչնչացրեցին ու համահավասար ջնջեցին Պարսկաստանի անհավատ իշխաններին»⁶⁸։ Դեփթաղները (ղփչաղներ, Ղաղաստանի հյուսիսում ապրող ժողովուրդ) Պարսից դեմ հայերի կողմից դուրս եկան հանուն այն դաշնքի, որ նրանք կնքել էին սպարապետ Վարդանի հետ։ Հավանաբար, նրանք այլ խնդիրներ էլ ունեին Սասանյանների տան հետ։ Մի ճակատամարտում նրանք գերել էին Պերոզին, ու վերջինս փրկագնի հետ խոստացել էր տուրք վճարել հեփթաղներին, սակայն խոստումը չէր կատարել։ Երբ Պարսից տերերը տեսնում են, որ ոչ ուժով և ոչ էլ սիրով չեն համոզում Վաչեին, «շատ գանձեր ուղարկեցին խալանդարների (ալաններ) աշխարհը, բացեցին ալանների դռները (Ղարյալի կիրճ), շատ զորք հանեցին հոներից և մի տարի կովեցին Աղվանից թագավորի դեմ, և պաշարումը երկար ժամանակ տևելու պատճառով աշխարհի մեծ կեսն ավերվեց, բայց ոչ ոք նրանից (Վաչե թագավորից) չէր կմտեց ու չբաժանվեց»⁶⁹։ Պարսից արքայից արքան համոզվելով, որ Արցախի և Ուտիքի բերդային համակարգն անհնար է զենքի ուժով գրավել, հոգնելով ներքին պատերազմներից, դարձյալ մարդ ուղարկեց նրա մոտ՝ «Իմ քրոջն (Վաչեի մորը) և քեռորդուս (Վաչեի կնոջը) ուղարկիր ինձ մոտ, որովհետև ի բնե մոզական կրոնի հետևող էին, և դու քրիստոնյա դարձիր, իսկ աշխարհը թող քեզ լինի»⁷⁰։ Վաչեն մորն ու կնոջը, որ Սասանյան տոհմից են, հավանաբար, նաև երեխաներին, ուղարկեց Պարսկաստան, ինքը 464 թ. հրաժարվում է թագավորությունից, հեռանում աշխարհիկ կյանքից, իր հորից ժառանգած հազար շունչ ունեցող գյուղում՝ երկի Ավետարանոցում, ապաշխարհելով, ճգնավորի կյանք է ապրում, «չի՛իշելով էլ, թե մի ժամանակ թագավոր է եղել»։ Ըստ երևույթին, Վաչեի համար ժանր հարված էր ընտանիքից զրկվելը, ուստի և չկարողանալով տանել այն, որոշում է հեռանալ աշխարհիկ կյանքից, միևնույն ժամանակ հրաժարվելով գահից, երկիրը թողնելով անտերունչ։ Տարբեր ձեռագրերում պահպանվել է Գյուտ Եպիսկոպոսի (հետագայում՝ կաթողիկոս) նամակը Վաչեին, որտեղ նրան նման վճռի համար դասում է առաջին մեծության սրբերի շարքը։

Ավարայրի ճակատամարտից չորս ու կես ամիս հետո, երբ Հայաստանն աղետի մեջ էր, ու ապստամբությունը քաշվել էր լեռները, 451 թ. հոկտեմբերի 8-ին Քաղկեդոնի «տիեզերական» ժողովում հայությունը կանգնեց մի նոր երկընտրանքի և աղետի առջև։ «Մի կողմից Ավարայրն էր, որ դարձնում էր Հայաստանը գերազանցորեն քրիստոնյա, անջատելով նրան ասիական

⁶⁸ Կաղանկատվացի, էջ 33։

⁶⁹ Եղիշե, էջ 401։

⁷⁰ Կաղանկատվացի, էջ 12։ Լեո, հ. 2, էջ 94։

Արևելքից ու հեթանոսությունից, մյուս կողմից՝ Քաղկեդոնը, որ այդ քրիստոնյա, եվրոպական ընտանիքի մեջ մտած երկրին բերում էր կղզիացում, մի դրություն, որ կատարյալ անօգնականություն էր քաղաքական տեսակետից և կատարյալ մի խոր ինքնամոլություն՝ ազգային-մշակութային տեսակետից», - գրում է Լեոն⁷¹։ Նման կղզիացումն իրոք վտանգավոր էր, սակայն և հայ եկեղեցու հայրերը արդեն տեսնում էին, թե ինչ ահավոր վտանգ է ներկայացնում բյուզանդական ուղղափառ եկեղեցու հետ նույն աղանդին պատկանելը Փոքր Հայքում, ուր հայերին ստիպողաբար բյուզանդացի էին դարձնում, մարդկանց զրկում ազգային արմատներից։ Հռոմի հոգևոր կայսրությունը ձգտում էր ամեն առիթով ընդարձակել իր կայսրությունը, իսկ «տիեզերական» ժողովները լավ առիթ էին դրա համար։ Քաղկեդոնի ժողովն ընդունում է Հռոմի պապ Լեոյի տուժարը կամ բանաձևը՝ երկբնակ վարդապետությունը, ըստ որի Քրիստոսը սահմանվում է Աստված ճշմարիտ և Մարդ ճշմարիտ, միևնույն ժամանակ ժխտում և արգելում Քրիստոսի միաբնակության, այսինքն՝ միայն Աստված լինելու գաղափարախոսությունը։ Միաբնակները հայտարարվեցին հերետիկոսներ և ենթարկվում էին հալածանքի։ Արևելյան պետություններում հզոր ապստամբություններ բռնկվեցին քաղկեդոնյան որոշումների դեմ, որոնց հետևանքները շատ ավելի ծանր էին։ Այն տեղեց շուրջ 200 տարի։ Քրիստոնյա աշխարհը երկփեղկվեց, Բյուզանդիան կորցրեց իր դիրքերն արևելքում, պարարտ հող նախապատրաստելով իսլամի հաղթարշավի համար։ Հայերը չէին մասնակցում այս ժողովին, քանի որ կաթողիկոսը կալանավորված էր, իսկ եպիսկոպոսները ապստամբների հետ թաքնված էին լեռներում։

Վաչեի գահից հրաժարվելուց հետո երեսուն տարի Հայադվանքը մնաց առանց թագավորի։ 484 թ. Պարսից գահ բարձրացավ Վաղարշը (484 - 488), որը լուրջ փոփոխություններ մտցրեց կախման մեջ գտնվող երկրների նկատմամբ վարած քաղաքականության մեջ։ Նա ստիպված էր ներում շնորհել հայկական ապստամբության ղեկավար Վահան սպարապետին, նրան նշանակել Հայոց մարզպան, միևնույն ժամանակ հայ նախարարներին շնորհեց իրենց նախկին իշխանությունները։ «Այն ժամանակ, երբ Աղվանքի նախարարներից յուրաքանչյուրը ստանում է իր իշխանությունը, - վկայում է Կաղանկատվացին, - նրանք միաբանվում, վերցնում են քաջարի, իմաստուն խոհականությանը հմուտ, հասակով բարձր ու վայելուչ Աղվանքի թագավոր Վաչեի եղբոր՝ Հազկերտի որդի, իրենց հայրենի թագավորության ժառանգ Վաչականին ու տանում, թագավոր են դարձնում Վաղարշ Արքայի ձեռքով»⁷²։ Վաչական թագավորական հարստությունից Վաչական

⁷¹ Լեո, Երկերի ժողովածու, հ. II, էջ 94։

⁷² Նույն տեղում, էջ 36։

III-ը միակն էր, որին գահակալությունից առաջ չպսակեցին Սասանյան տան դստերից մեկի հետ: Թագավորը կարող էր ազատորեն սիրահարվել իր հայրենիքի դուստրերից մեկին և պսակվել քրիստոնեավարի, որից զրկված էին նրա նախնիները: Ժողովրդական հեքիաթը պատմում է Վաչականի և Անահիտի սիրային պատմության մասին: Արցախի տարբեր գյուղերում մնացել են տարբեր ավանդություններ այս պատմության տարբերակների շուրջը: Կաղանկատվացին հիշատակում է թագուհու Շուշանիկ անունը, որն իր վարքով ու բնավորությամբ նման է Անահիտի կերպարին: Այնուհետև ժամանակագիրը հայտնում է. «Պարսից Վաղարշակ արքան հրամայում է, որ ամեն կրոն կարող են դավանել ըստ իրենց կամքի ու ցանկության, չպետք է ոչ ոքի նեղելով վերադարձնել մոգության»: Թերևս սա մարդու իրավունքի պաշտպանության և կրոնի ազատության առաջին դրսևորումներից էր մարդկային քաղաքակրթության պատմության ընթացքում: Վաչականը հայրենի Արցախում ծեռնարկում է հեթանոսության, զանազան աղանդների դեմ անհաշտ պայքար՝ հանուն քրիստոնեական հավատքի ամրապնդման: Նա հատկապես դաժան էր մատնահատություն և հերձվածություն կոչվող աղանդները պաշտողների նկատմամբ, որոնց ծեսերում ընդունված էր մանուկներին կենդանի վիճակում մորթագերծ անելը: Հերձվածության գաղտնիքը բացահայտվում է մի պատանյակի միջոցով, որը փախչում է մուլեռանդ աղանդավորների ծեռքից, անցնում Կուր գետը, ազատվում հետապնդումից, հանդիպելով քրիստոնյաներին, պատմում ամեն ինչ: Նրան տանում են արքայի մոտ, որը, լսելով այս ամենը, որոշում է հիմնահատակ ոչնչացնել ամմարդկային այս աղանդները: Վաչականը հրաման է արձակում «իր ենթակա Արցախ անառիկ երկրին՝ թողնել և լքել դիվապաշտության օրենքները: ...Չափազանց բարեսիրտ, բարերար, աշխարհաշեն ու խաղաղասեր լինելով՝ հրաման է հանում իր թագավորության բոլոր կողմերում, ու նրանց, որոնց թագավորությունից զրկել էր չար Պերոզը, և այն իշխաններին, որոնց հայրենի բնիկ իշխանությունը վերցրել էր, վերստին յուրաքանչյուրին վերադարձնում է նրանց իշխանությունը: Բազմաթիվ տեղերում նշանակում է եպիսկոպոսներ, քահանաներ, տեսուչներ: Կամբեճանում, Բուն Աղվանքում միևնույն հրամանն է տալիս ու հաստատում»⁷³: Իսկ որ թագավորությանը զուգահեռ Աղվանքում պահպանվում էր և մարզպանության ինստիտուտը, հաստատում է մատենագրի մի արտահայտությունը. «Մարզպանները շատ անգամ նրանց (աղանդավորներին - Բ.) բռնում էին, բայց կաշառքներով կուրացած, ազատ էին արձակում»⁷⁴: Վաչական Գ-ի ուժն ու հենարանը Արցախն էր, թագավորանիստ Ղյուտա-

⁷³ Նույն տեղում, էջ 35:
⁷⁴ Նույն տեղում, էջ 39:

կան ավանդ⁷⁵: Վաչական հարստությունը հրաժարվում էր թագավորանիստ ընտրել հարթավայրային Պարտավը, քանի որ այնտեղ անապահով կզգար իրեն: Իսկ Ղյուտականից նա կառավարում էր ողջ երկիրը, որի մեջ էին մտնում նաև Ուտիքը, Կամբեճանն ու Բուն Աղվանքը: Մատենագիրը մեծ տեղ է հատկացնում Վաչական Գ-ի լուսավորչական-կրոնական գործունեությանը: «Երբ ինքը (թագավորը) գյուղ էր գալիս սրբերի հիշատակը տոնելու համար, նստում էր դասարանում, ...հրամայում էր, որ բոլորը (աշակերտները) միասին, միաձայն կարդան, իսկ ինքը նրանց մեջ ուրախանալով պարծենում էր՝ դա համարելով իր համար որպես գյուտ, մի ինչ-որ մեծագույն պարգև»⁷⁶: Վաչականը Վաղարշապատից բերել է տալիս Գրիգոր Լուսավորչի, Հռիփսիմե և Գայանե կույսերի մասունքներից, գտնում Պանդայոն նահատակի, ինչպես և Վատնյա Ղաշտում նահատակված Գրիգորիսի գերեզմանները, նրանց մասունքներից բաժիններ հանելով տարբեր գավառների համար, տարբեր տեղերում հիմնում եկեղեցիներ: Մատենագիրը հավաստում է, որ Վաչականը կառուցում է «տարվա օրերի թվով եկեղեցիներ»⁷⁷: Վաչականի այս գործունեությունը դատարկ տեղում չէր արվում: Նախորդ ժամանակներում Արցախի և Ուտիքի հոգևոր վերափոխության գործի հեղինակներ էին Գրիգոր Լուսավորիչը, նրա թոռ Գրիգորիսը, Մեսրոպ Մաշտոցն ու նրա հետնորդները: Նրանց հենարանն էին անընդմեջ 270 տարի իրար հաջորդած Մեծ Կյուվանքի թագավորական տան 11 անդամները՝ Վաչական Քաջից մինչև Վաչական III-ը: Այս բուռն գործունեության համար ժողովրդի կողմից Վաչականը ստանում է «Բարեպաշտ» անունը: Քրիստոնեության ամրապնդման ու կրթական գործի զարգացումը Վաչական III-ի համար ռազմավարական տեսանկյունից Մայր Հայրենիքի հետ ներքին միասնության ամրապնդման անենալուրջ հիմքերն էին հանդիսանում: Օգտվելով Պարսից կենտրոնական իշխանության թողտվությունից, Վաչական թագավորը Կուր-Արաքսի միջագետքում ստեղծում էր մի նոր ամուր, անխորտակելի Հայաստան: Նա լայն գործունեություն էր ծավալել նաև երկրի կառավարման կատարելագործման ուղղությամբ: Պետության կայունացման և ամրապնդման գլխավոր միջոցներից մեկն էր սահմանադրությունը: Դա լավ էր հասկանում Վաչականը, որն իր ժամանակի ամենագարգացած գործիչներից մեկն էր: Նա դաստիարակվել էր Մաշտոցի, Խորենացու, Կորյունի, Եղիշեի, Բյուզանդի երկերով, հայկական մշակույթի ու քրիստոնեական հավատքի շնչով: Բազմաթիվ թելերով կապված լինելով

⁷⁵ Ղյուտականը գտնվում էր Տրտուկանի աջ ափին՝ Չարաբերդ-Չրաբերդի դիմաց:
⁷⁶ Կաղանկատվացի, էջ 38:
⁷⁷ Կաղանկատվացի, էջ 265:

Հայաստանի սրտի՝ Արարատյան դաշտի հետ, նա, անշուշտ, տեղյակ էր այնտեղ ընդունված Շահապիվանի (443 թ.) կանոնախմբի մասին, որն էլ հիմք դարձավ Աղվենի Սահմանադրության կետերի մշակման համար: Մինչ ժողով գումարելը Վաչականը հարցունքներով դիմում է ժամանակի հայ հեղինակավոր մարդկանց կարծիքն իմանալու, որոնց թվում են գիտնական, երեց Մատթեոս (որը հանդիպել ու զրուցել էր Հովհան կաթողիկոսի հետ, ապա Դվինից Արցախ բերել Գրիգոր Լուսավորչի և սուրբ կույսերի մասունքները), Աբրահամ Մամիկոնեից եպիսկոպոսը (նրա գրած պատասխանը Վաչական թագավորին պահպանվել է միջնադարի տարբեր ձեռագրերում), Պետրոս Սյունեցի եպիսկոպոսը, ուրիշ ականավոր մարդիկ: Մատենագիրը գրում է. «Աղվանից արքա Վաչականի տարիներին աշխարհականների ու քրոնապիսկոպոսների, ազնվականների ու ռամիկների միջև բազմաթիվ հակառակություններ էին լինում: Արքան կամեցավ մի բազմամարդ ժողով գումարել Աղվենում, որը կայացավ մարերի ամսի տասերեքին»⁷⁸: Պատմագիտական գրականության մեջ ընդունված է Աղվենի ժողովի գումարման տարի համարել 488 թվականը⁷⁹: Ըստ ժողովի մասնակիցների ցուցակի, Աղվեն էին ժամանել Արցախի և Ուտիքի աշխարհիկ տերերն ու նահապետները, հոգևորականները, իսկ Կուրի ծախսափնյա երկրամասից՝ Բուն Աղվանքից, մասնակցում էին միայն Կապաղակի և Տրիի եկեղեցական ներկայացուցիչները, որոնք նշանակվել էին Աղվանից կաթողիկոսի կողմից: Կանոնների մեջ օգտագործված բոլոր տերմինները հայկական են և արտացոլում են հայ իրականությունը՝ նախարար, ազգապետ, նահապետ, թագավորազն, տանուտեր, ազատ, շինական, աշխարհական, անաշխարհիկ, շեն, ազարակ, վանք, եկեղեցի, սակ, հաս, պտուղ, տասանորդ և այլն: Ինչպես գրում է Բ. Ուլուբաբյանը. «Սա հայ կյանքն է մի երկրամասում, որը, ճիշտ է, բռնի կտրվել է մայր երկրից, սակայն համառ դիմադրողական ուժով ու անհաղթահարելի կենսասիրությամբ դարձել է մի ինքնուրույն ամբողջական մարմին, որի մեջ անաղարտ պահպանվել են նախկին ամբողջի բոլոր գծերն ու հատկանիշները: Կտրվելուց հետո այն կորցրե՞լ է ազգ-ամբողջի որևէ հատկանիշը: Երբեք: Իսկ այս դեպքում՝ առավել ևս, որովհետև այսպիսի պայմաններում այն ստեղծել է իր թագավորությունն ու օրենքները և ապրում է ինքնահատուկ պետական կյանքով»⁸⁰: Սահմանադրության մեջ նոր բառը «խոստակն» է, որն ըստ գերմանացի գիտնական Յ.Հյուբշմանի, պարթևական բառ է: Ըստ երևույթին, այն ներ է մուծվել պարսիկների կողմից՝ հարկային համակարգը կարգավորելու նպատակով: «Ստակը» տեղ ունի նաև

⁷⁸ Լույս տեղում, էջ 65:

⁷⁹ Մ. Չամչյան, Պատմություն Հայոց, հ. Բ, էջ 219, (այսուհետ՝ Չամչյան):

⁸⁰ Ուլուբաբյան, էջ 182:

գավառական մեջ ու, հավանաբար, ուղիղ արքունիքին հարկատու լինելու մասին է վկայում: Աղվենից առաջ Շահապիվանում 443 թ. տեղի ունեցած եկեղեցական ժողովի ու Աղվենում ընդունած կանոնների համեմատությունը համոզում է, որ դրանց մեծ մասը կրկնվում է, երկուսն էլ արգելում են մերձամուսնությունը, եղբոր կնոջ հետ ամուսնանալը, տղամարդու քմահաճ ամուսնալուծությունը, կախարդանքներին դիմելը, հոգևորականների վատ վարքը: Իսկ Ա.Երեմյանը Վաչականի կանոնների մեջ իրավացիորեն տեսնում է հայկական մի ուրույն աշխարհի հասարակական կյանքի արտացոլումը: Աղվենի կանոնները փաստորեն նորմեր են սահմանում բոլոր խավերի համար՝ սկսած թագավորազներից մինչև շինականն ու ճգնավորը: Սահմանվում է շինականից ըստ կարողության հարկ գանձելու կարգը, զուգահեռ հարկատու դարձնում նույնիսկ արքայական տոհմից սերվածներին: Սակայն թագավորն էր օրենքներ սահմանողը, բոլորը պարտավոր էին խոնարհաբար ենթարկվել արքունիքի ընդունած ամեն մի վճռին: Գլխավոր դատավորը ոչ թե եկեղեցին է, այլ թագավորը: Կանոններում խոսք կա դպրոցների, եկեղեցիների, իշխանների, հասարակական տարբեր երևույթների ու խավերի մասին, սակայն ոչինչ չի ասվում թագավորության մեջ պարսից մարզպանի հետ հարաբերությունների մասին: Գուցե Վաչականը նրան օրենքից դուրս երևույթ է համարում, կամ թե՛ դա թագավորության ներքին կանոններից դուրս է ու պարսից արքունիքին է վերաբերում: Կանոններում ոչինչ չի ասվում զինված ուժերի, հարկ եղած դեպքում՝ ենթակա իշխանների կողմից ներկայացվող հեծելազորի թվի մասին: Անշուշտ, Վաչականն ուներ իր բանակը, որի մասին բազմիցս ակնարկում է մատենագիրը, այլապես նա չէր կարող կուսակալներ կարգել Կուրի ծախսափնյա Տրի ու Կապաղակ քաղաքներում, ճնշել անհնազանդներին, բռնի վերացնել աղանդները: Ի վերջո, սահմանադրությունը կենսագործելու համար նաև ներքին ուժեր են պետք: Վաչականի հենարանը Արցախն էր՝ Առանշահիկների տերության կենտրոնը: Վաչականը, հետևելով իր նախնիների օրինակին, որպես արքայանիստ ընտրեց Դյուտական գյուղը: Թագավորանիստ այս բնակավայրի տեղադրման խնդրում հեղինակները իրար հակասող կարծիքներ են արտահայտել: Մակար եպիսկոպոս Բարխուտարյանցն այն տեղադրում է Թալիշ և Մատաղիս գյուղերի միջև, մի հին ավերակ գյուղի տեղում⁸¹: Սակայն այն չունի ամրոցին կամ բերդին յուրահատուկ բնական պաշտպանական հնարավորություններ, ուստի և թագավորանիստ չէր կարող ծառայել: Բաֆֆին, ելնելով ավանդություններից, այն տեղադրում է Տոնաշեն գյուղի դիմաց, Տրտու-Թարթառի մյուս ափին Կաթողկոսասար կամ Կարապետանց Քար կոչված լեռան փեշին գտնվող հարթակին: Կա-

⁸¹ Բարխուտարյանց, էջ 149:

թողկոսասարի մասին իր ժամանակագրությունում հիշատակում է Մխիթար Գոշը, նկարագրելով Գանձակի շահապ (քաղաքագլուխ) Խուհուռղտի ապստամբությունը Ատրպատականի սուլթանի դեմ, 1142 թ. Կարապետանց քարի եկեղեցու հրկիզումն ու ավերումը⁸²: Դժվար է համաձայնվել այս տեղանքը որպես արքայանիստ ընտրված լինելու հետ, քանի որ տեղանքը փոքր է մակերեսով ու չէր կարող տեղավորել Կաղանկատվացու նկարագրած թագավորանիստ ավանը, եկեղեցիները, վանքերն ու ապարանքները ու մյուս բնակավայրերի հետ կապող սայլի ճանապարհ ունենալ, որով Վաչական Բարեպաշտը բերեց սրբերի մատուցները Ամարասից: Չնարավոր է, որ Կաթողկոսասար կամ Կարապետանց քար (բերդ) կոչված վայրը ինչ-որ ժամանակ, ասենք, 7-9-րդ դարերում Աղվանից կաթողիկոսների ամառանոց-թաքստոց ծառայած լիներ: Սակայն Դյուտականի տեղադրության միակ ճիշտ վայրը կարելի է համարել հետագայում Մայրաքաղաք կամ Քաղաքատեղ անվանված բերդաքաղաքը, որը գտնվում է Ջրաբերդի դեմ-դիմաց, գետի աջ ափին, ու ինչպես կարծում է ճարտարապետ Արտակ Դուլյանը, հռչակավոր անառիկ բերդի հետ պաշտպանական մի համակարգ է կազմել: Վաղ միջնադարի բերդավանն ընդգրկել է 54 հա տարածք, երեք կողմերից խոր ճորերն ու վիհերը նպաստում էին նրա ամրությանը: Սակար եպիսկոպոսը Սևկլմասեռ կոչվող այս վայրում տեսել է պարիսպների հետքեր, ինչպես և մատուռի 1260 թ. արձանագրություն և 1250 թ. խաչքար: Այս բերդն իր պաշտպանական համակարգով ու անառիկ Ջրաբերդի հարևանությամբ կարևոր դեր է ունեցել ոչ միայն Վաչականների տիրապետության ժամանակներում, այլև միջնադարում և ուշ միջնադարում՝ Հայոց Սղնախների ու Խամսայի մելիքների ժամանակներում: Արքայանիստի նման տեղադրությունը հարմար էր նախ և առաջ օտար նվաճողների, ասպատակիչների հանկարծակի հարձակումներից հաջողությամբ խույս տալու, ընտանիքը արագ, ապահով Ջրաբերդ հասցնելու տեսանկյունից: Հայտնի է, որ գետի աջ ափից դեպի բերդը մի կախովի կամուրջ է եղել, որը բերդի հիմնական մուտքն էր: Կաղանկատվացին գրում է, որ Դյուտականում Վաչական Բարեպաշտը սկսել էր Պանդալյոն նահատակին նվիրված եկեղեցու կառուցումը, որտեղ էլ որդուն կնքել է սուրբ նահատակի անունով՝ Պանդալյոն: Սակար եպիսկոպոսը հայտնում է, որ Ջրաբերդի Մելիք Ադամ Բ-ն նորոգել է Մայրաքաղաքի ապարանքը, որը հին (V-VI դարեր) և նոր (X-XIII դարեր) որմեր ուներ: Քաղաքի հարավային կողմում է եղել հին Մեծ-շեն գյուղը, որի մեջ կար մի եկեղեցի և գերեզմանոց: Հին ժամանակներում այս գյուղը, որի մարդիկ առանձնանում էին ֆիզիկական տվյալներով, Արցախին տվել են հզոր ու քաջ զորականներ: Ինչ-որ առիթով Մելիք-Աղա-

⁸² Ալիշան, Հայապատում, էջ 386:

մի ժամանակներում մեծշենացիները հանկարծ լքում են իրենց ոստանը, գաղթում դեպի Թիֆլիս և Գանձակ, հիմնականում հիմնավորվում Գետաշեն գյուղում: Հետագայում նրանց մի մասը վերադառնում է ու, խուսափելով հին տեղից, նոր վայրում հաստատվում: Սակայն այդ վայրը, ինչպես վկայում են XII կամ XIII դարերից տապանաքարերը, հին գյուղ է հանդիսացել:

491 թվականին Հայոց Բաբկեն կաթողիկոսի հրավերով իրենց եպիսկոպոսներով սուրբ Էջմիածնում գումարվող եկեղեցական ժողովի են ժամանում Աղվանից Շուփիաղիշեն (ըստ երևույթին, Սուրբ Եղիշեն անվան աղավաղված ձևն է, որ յուրահատուկ էր կոկորդախոս գարգարացիներին կամ լեկզիներին) և Վրաց Գաբրիել կաթողիկոսները: Մայր տաճարում կայացած ժողովի մասնակիցները նգովեցին նեստորականությունը և մերժեցին Քաղկեդոնի տիեզերական ժողովի որոշումները:

Վաչական III Բարեպաշտի թագավորության մասին պատմությունը ավարտվում է Աղվանի ժողովի կանոններով: Մատենագիրն այլևս ոչ մի տեղեկություն չի հայտնում Վաչականի հետագա տարիների մասին: Իսկ X դարի ժողովածուի կազմող Դասխուրանցին իրեն իրավունք չի վերապահել ինքնակամ լրացնելու այդ բացը: Ըստ երևույթին, Վաչական III Բարեպաշտին փոխարինել են նրա որդին՝ Պանդալյոնը (Պանդի), ապա թոռը՝ Վռամշապուհը, սակայն արդեն երևի միայն Արցախ-Ուտիքի իշխանաց իշխանի կարգավիճակով: Հավանական է, որ Սասանյանները վճռել են Վաչական III-ից հետո այլևս չթագադրել ոչ ոքի:

Վաչական III-ի մասին տեղեկություններ կարելի է քաղել այլ աղբյուրներից ևս: Միջնադարի պատմիչ Ստեփանոս Օրբելյանը (XIII – XIV դդ.) հաղորդում է, որ Վաչական թագավորն իր դստերը կնության էր տվել Պարսկաստանի թագավորի եղբոր Աբլ-Աբաս որդուն, որը քրիստոնեություն էր ընդունել և ապրում էր Սյունիքում, Երկրորդ Երուսաղեմ վանքի մոտ, Բարկուշատի գետահովտում, Երասխի Քարավազ կոչված տեղում: Վաչականի խնդրանքով Սյունիքի իշխանը հինգ գյուղ էր տվել նրան ու նրա փեսային: Ոչ մի տեղեկություն չի մնացել նաև Վաչականի որդու՝ Պանդալյոնի մասին: Միայն Ստ. Օրբելյանը հայտնում է, որ Վաչականի թոռ Վռամշապուհը բազում զորքով գալիս է, առավոտյան հանկարծակի շրջապատում վանքը, կոտորում բոլոր կրոնավորներին, կապում ավագներին, քանդում եկեղեցին, քարերը լցնում գետը⁸³: Կարող ենք միայն ենթադրել, որ մինչ այդ ողբերգական դեպքեր էին տեղի ունեցել այսդտեղ, և թոռան այս դաժան հարձակումը վրեժխնդրության էր նման: Սակայն պատմիչը ոչինչ չի հայտնում Վաչականի մահվան մասին: Ես իր գործունեությունը ծավալում էր Պար-

⁸³ Ստ. Օրբելյան, էջ 117-118:

տավում նստող մարզպանի, պարսից արքունիքի հարյուր ու մի գործակալների առջև, արքայից արքա Վաղարշի ու նրա հաջորդներ Վավատ Ա-ի (487-497 և 501-531), Ջամասպի (497-501) գիտությանը և թողտվությանը, որոնք շահագրգռված էին այս երկրամասի կայունությանը, որի երաշխիքներից մեկն էլ սահմանադրությունն է: Ինչ վերաբերում է կրթության գործի ծավալմանը, ապա օրենքները կարող են ծավալվել միայն մշակութային որոշ աստիճան ունեցող ժողովրդի մոտ, ինչին մեծ ջանքերի գնով հասել էր թագավորը: Կարելի է ենթադրել, որ Վաչականի մահն ու թռան հարձակումը տեղի է ունեցել 530-ական թվականներին, երբ նա 80-85 տարեկան էր: Վաչական III Բարեպաշտ թագավորը թողվում է եղիշե Առաքյալ (Ջրվշտիկ) վանքի մի դամբարան-մատուռում, որի ճակատկալ քարի վրա արձանագրված է. «Այս է հանգիստ Վաչական թագաւորին, Ած ողորմի հայրապետա և ոյր ծնողացն, որ շինեց գեկեղեցիս՝ առաջնորդութիւն տր: Սիմեոնի, թիւ ՉԼԵ (1286) էր»⁸⁴: Մատուռ-դամբարանը կառուցվել է Վաչական թագավորի մահից վեց ու կես դար հետո: Գերեզմանին եռանկյուն կտրվածքով երկարավուն, առանց վիմագրության տապանաքար է, որը յուրահատուկ էր V-VI դարերին:

Սակայն ինչ վախճան էլ ունենար այս մեծ գործիչը, նրա ցանած սերներն արդեն հասցրել էին ծլարծակել, բերքով լցրել Արցախ-Ուտիքի աշխարհը, խորը արմատներ ձգել հայոց հինավուրց երկրամասում: Այսուհետ հայոց կյանքում Արցախին միանգամայն ավելի կարևոր դեր էր տրված: Նա իր կրթօջախներով, վանական համալիրներով, բազմաթիվ եկեղեցիներով, իր ուսումնասեր և աստվածասեր ժողովրդով ավելի ամուր է կապվում Մայր Հայրենիքին, և այսուհետ ինչ նվաճողներ, տիրապետողներ էլ գան ու գնան, այն պիտի հարատևի ինքնահոս ու հզոր գետի նման: Արցախին այլևս վիճակված էր կարևոր ու հենակետային դեր կատարել Հայաստանի գոյության և անկախության համար երկարատև ու դժվարին պայքարում:

«Վաչական Բարեպաշտի թագավորության առեղծվածային վախճանին հաջորդեց նույնչափ առեղծվածային մի ամբողջ դար, - գրում է Բ. Ուլուբաքյանը, - որն այսօր մշուշի պես նստած է Հայոց արևելից կողմանց պատմության այդ հատվածի վրա, և հետագոտողը ոչ մի հնարավորություն չունի բաց անելու մեկ դարու պատմության ծալքերը»⁸⁵: Վաչականի կառուցները շարունակում էին ծշտել հարաբերությունները երկրի ներսում, ներքին խաղաղության մեջ պահել երկիրը:

⁸⁴ Ս. Բարխուդարյան, Դիվան հայ վիմագրության, Եր., 1982, էջ 110:

⁸⁵ Ուլուբաքյան, էջ 198:

552 թվականին հաստատվեց և սկսվեց հայոց տոմարական թվականը: Իսկ երկու տարի հետո Ներսես Բ կաթողիկոսը զումարեց Դվինի ժողովը, որտեղ մերժվեց քաղկեդոնությունը: Հայոց եկեղեցին անդառնալիորեն վճռեց իր ժողովրդի ճակատագիրը, որովհետև հաստատվեց ազգային ինքնորոշումը այն կղզիացման ու մեկուսացման մեջ, որը լուրջ խոչընդոտ էր լատինական և հունական եվրոպայի հետ հարաբերություններում: Անշուշտ, դա արվել էր Պարսից արքայից արքա Խոսրով Անուշիրվանի գիտությունը և թելադրանքով՝ նպատակ ունենալով հայ եկեղեցին ու ժողովուրդը հիմնովին կտրել Բյուզանդիայի ազդեցությունից: Լուրջ բախումներ սկսվեցին Հայաստանի, Վրաստանի և Աղվանից եկեղեցիների միջև: Վիրքի և Աղվանից եկեղեցիների կաթողիկոսները հաստատվում էին էջմիածնում՝ հայոց կաթողիկոսի ձեռնադրությամբ: Հայաստանի թուլանալուն զուգահեռ Վրաց եկեղեցին աստիճանաբար ձգտում էր ինքնուրույնության: Իսկ Աղվանից եկեղեցին հավատքի մեջ տեսնում էր մայր Հայրենիքի հետ կապող այն միջոցը, որն անհնար էր կտրել: Հետագա դարերում էլ Կուր-Արաքսի միջագետքի երկրամասի աշխարհիկ իշխանները երբեք չկտրեցին իրենց կապը Մեծ Հայքի Միջնաշխարհի տիրակալների հետ: Եթե նրանք ձևականորեն ենթարկվում էին Պարսից բռնակալներին, ապա նրանց ուշադրության կենտրոնն ու ձգտումները Արարատյան ցահանգն էր, Մայր Հայրենիքի հետ միանալը, էջմիածինը:

551 թվականին Աղվանից մարզպանությունը ստեղծեց իր կաթողիկոսությունը, որը կոչվում էր «կաթողիկոսություն Աղվանքի, Լիվնաց և Չողա»: «Աղվանք» անվան տակ հասկացվում է Կուր-Արաքսի հովիտը, «Լիվնքը» Բուն Աղվանք-Ալբանիան է, «Չողը»՝ Մազքթագ թագավորությունը: Էջմիածնում Ամենայն Հայոց հայրապետի կողմից Աղվանից առաջին կաթողիկոս է ձեռնադրվում Մեծ Առանք (Մեծիրանք) գավառի եպիսկոպոս Աբասը (551-595): Այդ ժամանակներում Արցախ և Ուտիք են թափանցում մի խումբ նեստորական աղանդի գաղափարախոսներ: Աբասը երեք եպիսկոպոսի ուղարկում է Հովհաննես Բ Գաբեղյան կաթողիկոսի մոտ, իմանալու, թե ինչպես վարվեն նրանց հետ: Հովհաննես կաթողիկոսը Աբասին գրած թղթում, որը տեղ է գտել Կաղանկատվացու պատմությունում, թվարկված թեմերի ու նրանց առաջնորդների անունների շարքում հիշատակում է Մեծկողմանց (Մեծ Կյուվանք) եպիսկոպոս Ղևոնդին: Նա Աբասին հանձնարարում է հալածել աղանդավորներին և դուրս քշել երկրից, որն էլ իրականացնում է Աղվանից հովվապետը: Հայաղվանքի հետ Բուն Աղվանքի երկու մասի տրոհված երկրների եկեղեցիները կաթողիկոսական աթոռի միջոցով իրենց ձեռքում պահելու ձգտումը հայոց եկեղեցու առաջնորդների համար նպատակ ուներ հենց քրիստոնեության միջոցով իրենց ձեռքում պահել այս երկրների իշխանական լծակները,

հնարավոր դեպքում ներմուծել հայկական մշակույթը: Եթե խաղաղ ժամանակներում այս ծրագիրը իրականություն էր դառնում, սակայն օտար նվաճողներն այն անմիջապես ի չիք էին դարձնում:

Վեցերորդ դարում Պարսկաստանում իշխել է երկարակյաց արքաներից մեկը՝ Խոսրով Ա Անուշիրվանը (531-579 թթ.), որն, ըստ պատմիչների, եղել է շատ խելամիտ և բարի թագավոր: Հայ պատմագիր Մ.Չամչյանը գրում է. «Այս հզոր և պատերազմասեր, միանգամայն հետամուտ գիտության և փիլիսոփայական նյութերի թագավորը ... ինչպես վկայում է հույն ժամանակակից պատմիչը (Աղաթիաս, գիրք Բ և Դ), ընթերցում էր Պլատոնի և Արիստոտելի երկերը և իմաստունների գիրքը տալիս թարգմանելու պարսկերեն»⁸⁶: Չամչյանը նրան համեմատում է Պարսից Կյուրոս և Դարեհ Նախնիների հետ: Խոսրովը հիմնում է Շամախի վաճառաչախ քաղաքը, Կուրի ծախափնյա դաշտավայրի երկիրը կոչում իր անունով Շիրվան: Պարսկաստանի խորքերից պարսիկ բնակչություն է բերում և բնակեցնում այս վայրերում: Պարսից արքայից արքայի այս կառուցումները կապված են Կուրի ծախափնյակի՝ Բուն Աղվանքի հետ, որտեղ բազմալեզու և անմիաբան ցեղերի միջավայրում անիշխանություն էր տիրում:

Արաբ աշխարհագետ Յակուտ ալ-Համավին (1178-1229 թթ.), վկայակոչելով արաբ հռչակավոր պատմագիր Իբն ալ-Ասիրին (1160-1230 թթ.), իր «Աշխարհագրական բառագրքում» («Քիթաբ Մուջում ալ-Բուլդան») գրում է «Քարթաղը (Կարկառ) քաղաք է Առանում, Բայլականի մոտ, կառուցված Անուշիրվանի կողմից: ...Նրա մոտ է Հիսն ար-Ռանը»⁸⁷: Բայլականը Առանի հնագույն քաղաքներից է, գտվում է Արցախի Մուխանք գավառում: Նրա մասին հիշատակել է նաև Ստրաբոնը: Հիսն ար-Ռանը կառուցել էր թերթը, որին հետագայում Կաչաղակաբերդ են անվանել, իսկ ար-Ռանը Աղաւնո (Հակառու) գետի անունն է, որը հանդիպում ենք արաբական աղբյուրներում⁸⁸: Իբն ալ-Ասիրը իր «Լիակատար պատմությունում» հիշատակում է ար-Ռան գետը, որի մոտ 722 թ. հունիսին Հայաստանի կառավարիչ Ջառախի զորքը ճակատամարտեց խազարների դեմ ու հաղթեց⁸⁹: Այնուհետև արաբ պատմիչը հայտնում է, որ մահմեդականները «առաջ խաղացին մինչև որ կանգ առան Հուսայն (Բերդ) կոչված բերդի մոտ: Բնակիչները երաշխավորագիր խնդրեցին դրամական հարկ վճարելու դիմաց: Ջառախը ընդու-

⁸⁶ Չամչյան, էջ 239:

⁸⁷ Արաբական աղբյուրները Հայաստանի ու հարևան երկրների մասին, Գ.Թ.Նալբանդյանի թարգմանությամբ, Եր., 1965, էջ 103: (Յակուտ ալ-Համավին, Քիթաբ Մուջում ալ-Բուլդան, 4-րդ գիրք):

⁸⁸ Ս.Տ.Երեմյան, Հայաստանը ըստ աշխարհագրույցի, Եր., 1963, էջ 34:

⁸⁹ Արաբական աղբյուրներ, գ. Բ, թարգմ. Արամ Տեր-Ղևոնդյան, Եր., 1981 (Իբն ալ-Ասիր, Ալ Զամիլ ֆի-լ-թարիխ):

նեց պայմանները...»: Եթե ճակատամարտը տեղի էր ունեցել Հակառու կամ ալ-Ռան գետի մոտ, Բերձորի դիմաց, ապա խազարների համար ճորա պահակով (Դերբենտ) դեպի Խազարական խաքանաթ տանող ամենակարճ ճանապարհն անցնում է Բերդաձորի կիրճով, որտեղից դուրս են գալիս Միլի տափաստանն ու շարժվում դեպի Կուր գետը: Իսկ հետապնդող արաբներին հանդիպած Բերդը հենց Կարկառ-Շուշին պետք է լիներ:

Հայտնի է, որ Իրանի Սասանյան հարստության վերջին հզոր տիրակալ Խոսրով Անուշիրվան թագավորի ժամանակաշրջանում (իշխել է 531-579 թթ.) կայսրության հյուսիսը ամրապնդելու նպատակով վերակառուցվել է մի շարք բերդեր, ամրություններ⁹⁰: Խոսրովին է վերագրվում Դերբենտի (ճորա պահակ) վերակառուցումն ու երկաթյա դարպասների տեղադրումը: Այստեղ ծովի խորքից սկսած անանցանելի լեռներով 40 կիլոմետր երկարությամբ ամուր ու բարձր պարիսպ է կառուցվել, որը փակում է հյուսիսային ավարառու ցեղերի, ինչպես և խազարների ճանապարհը դեպի հարավ⁹¹: Ինչ վերաբերում է Քարթառ-Շուշին, ապա արաբ աշխարհագիրը «կառուցում» ասելով նկատի ուներ սարահարթի հյուսիսային կողմում հին ժամանակներից մնացած բերդապարսպի վերակառուցումն ու ամրացումը: Սակայն արաբ հանրահռչակ հեղինակներ Իբն ալ-Ասիրի և Յակուտ ալ-Համավինի վկայությունները հաստատում են, որ հենց Անուշիրվանի ժամանակներում է վերակառուցվել բերդաքաղաքը: Իսկ նրա հայկական Քարթառ անունը հուշում է, որ այն մինչ Իրանի հզոր թագավորի ժամանակաշրջանը ևս նույն անունով բերդաքաղաք է եղել, որը Մեծ Հայքի հետագա թուլացման հետ իր հերթին անկում է ապրել: Բացի Շուշիից, մեկ այլ տեղ փնտրել Քարթառ-Կարկառը, սխալ կլիներ, քանի որ Կարկառ գետի վրա առաջին բերդի այլ տարբերակ գոյություն չունի: Կարկառ գետի անունը ևս վկայում է, որ գետի վրա առաջին ու հզոր բերդի միակ տարբերակը Շուշիի սարահարթն է: Իսկ գետը իր անունը ստացել է բերդի անունից և ոչ թե հակառակը:

Մի շարք հայ հեղինակներ, սկսած Մակար եպիսկոպոս Բարխուտարյանցից, չիփոքել են Գարգար ու Կարկառ տեղանունները, որն էլ թյուր հետևությունների տեղիք է տվել⁹²: Գարգար գետակը իրականում գտնվում է Շիրվանում (Շամախի) և իր անունը ստացել է Կուրի ծախակողմյան դաշտում բնակվող ցեղի անունից: Հայերը նրանց «գարգար» են կոչել լեզգիական խոսվածքի մեջ կոկորդային հնչյունների առատության պատճառով:

⁹⁰ Նույն տեղում, էջ 40:

⁹¹ Дербенту 5000 лет, М., 1989, стр. 20.

⁹² Մ. Բարխուտարյանց, Արցախ, Եր. 1996, էջ 4 - 14: Տես նաև՝ Մ.Բարխուտարյանց, Պատմություն Աղվանից, Վաղարշապատ, 1902, էջ 18:

Նրանք լեզգիների մի շառավիղն են ու երբևէ Արցախում չեն բնակվել: Այս սխալն էլ հիմք է տվել Ղաղստանի և Բաքվի որոշ հեղինակների պնդել, թե Արցախն ու Սյունիքը լեզգիների (գարգարների) հայրենիքն է: Մակար եպիսկոպոսի այս սխալը ճիշտ է նկատել Բ.Ուլուբաբյանը⁹³: Իսկ Քարբար-Կարկառը Շուշիի հին անունն է և բառացի նշանակում է քարը քարի վրա, հսկա քար, որից էլ իր անունն է ստացել գետակը: Անուշիրվանի մասին շինարարական այս տեղեկությունները մեզ հիմք են տալիս կարծելու, որ նա, Կարկառից բացի, ամրացրել է նաև Ջավեն (Գյուլիստան), Չարաբերդը (Ջրաբերդ), Խաչենը, Գարդմանից բերդը... Այս բերդի Կարկար (և ոչ թե Քարբար) անվանումը վկայում է, որ այն առնվազն երեք հազարամյա պատմություն ունի, այսինքն՝ այն ժամանակներից, երբ «քարը» դեռևս «կար» էր կոչվել: Հին աղբյուրները վկայում են, որ Մարաստանում (ներկա-յիս Արդաբիլի մոտերքում) Խարխար բերդում ամրացած կիմմերների դեմ ասորացիների մ.թ.ա. 716-715 թթ. պատերազմները⁹⁴ հիմք են տալիս կարծելու, որ հանրահայտ Կուր-արաքսյան խեցեղենի, մշակույթի այլ նմուշների հետ քոչվոր կիմմերները Տրտու գետի ավազանի բնիկ հայերի հետ միացյալ իրենց ասպատակությունների ընթացքում Մարաստան են տարել նաև արցախյան բերդի «Կարկար» անվանումը, որի ասորական սեպագիր տարբերակը «խարխար» է դարձել: Հավանաբար, այն հետագայում տարածվել է նաև Արևմտահայաստանի Խարբերդ-Քարբարի վրա:

Երբ Սյունիքի իշխան Վահանը դավաճանորեն իր նահանգի վարչական ղեկավարությունը հանձնում է Ատրպատականին, Սյունիքի եպիսկոպոս Պետրոսը իր թեմը միացնում է Աղվանից կաթողիկոսությանը, որը դառնում է Արցախի, Ուտիքի և Սյունիքի իշխանների ու ժողովրդի միաբանության, օտար նվաճողներից երկրի պաշտպանությունը կազմակերպելու, կուլ չզնալու հզոր միջոցը: Աբաս կաթողիկոսը կարգ ստեղծեց, որ իր ժողովուրդները անպայման ձեռնադրվեն Ամենայն Հայոց հայրապետների կողմից, որը այն թելն էր, որը հայոց այս երկրամասը հայկական էր պահում: Սակայն չէին դադարում Հայաստանի հզոր հարևանների միջև պայքարն ու պատերազմները: 572 թվականին պարսից զորքը հաղթում է Բյուզանդիային: 577 թ. Բյուզանդիայի Հուստինիանոս Բ կայսեր ու Խոսրով Անուշիրվանի միջև դաշինք է կնքվում, որով Պարսկաստանը կրկին տիրում է Հայաստանին: Բյուզանդիան պարտավորվում է 50 տարի շարունակ տարեկան 30 հազար ոսկի տուգանք վճարել Պարսկաստանին, Խոսրովի դատին հանձնել հայ ապստամբ Վարդանին և վրաց ապստամբ Գուրգենին: VI դարի վերջերին

⁹³ Բ.Ուլուբաբյան, Դրվագներ հայոց արևելից կողմանց պատմության, Եր., 1981, էջ 25:

⁹⁴ Дьяконов, стр. 228.

Արցախի և Ուտիքի հայ իշխանները նորից են ապստամբում պարսից մարզպանի հալածանքների, բռնությունների դեմ: Դառը կսկիծով է ժամանակագիրը նկարագրում հայ իշխանների կորուստները, որոնցից շատերը խողխողվեցին, մի մասն էլ տարագրվեցին հեռավոր աշխարհներ: Որմիզդ Բ արքայի մահից հետո պարսից արքունիքում նրա որդիների Խոսրովի ու Վարհամի միջև սուր պայքար է ծավալվում գահին տիրելու համար: Կրտսեր որդին Խոսրովը, Բյուզանդիայի հայազգի Սորիկ կայսրից (582-602 թթ.) օգնություն է խնդրում, որպեսզի նրա աջակցությամբ գրավի գահը, խոստանալով Բյուզանդիային զիջել Ասորեստանն ու Հայաստանը: 591 թ. Սորիկի օգնությամբ Խոսրով Բ-ն հաստատվեց գահին ու կատարեց իր խոստումը, Բյուզանդիային զիջելով մինչև Գառնի, Դվին ու Մակու⁹⁵: Խոսրովի ավագ եղբոր արքայից արքայի գահի թեկնածու Վարհամի դեմ ճակատամարտում է Մուշեղ Մամիկոնյանը և սպանում նրան: Պարսից արքան հեշտությամբ է զիջում Հայաստանը, որովհետև նա գիտակցում է, որ այն բնիկ իր երկիրը չէ: Սակայն Հայաստանյան մարզերը եթե պարսկական տիրապետության տակ որոշակի ինքնավարություն էին ձեռք բերել ու այլևս կրոնի տեսանկյունից չէին հալածվում, ապա ի դեմս Բյուզանդիայի լուրջ վտանգ էր սպառնում թե հայոց միաբնակ առաքելական եկեղեցուն և թե նախարարական համակարգին, որը երկրի աշխարհիկ իշխանության կրողն էր ու հենարանը: VI դարի կեսերից, ինչպես վկայում է «Աղվանից պատմության» հաջորդ ժամանակագիրը, իր մեծ ընտանիքով Աղվանք (Կուրի աջափնյակ) է գալիս Խոսրով Բ Փարվեզ արքայի ազգական Միհրանը, որն ընդհարվել էր արքայի հետ ու փախել նրա հալածանքներից: Նա գալիս է Ուտիք՝ Պարտավ մեծ քաղաքի մոտ, նա կամենում էր այնտեղից էլ գնալ խազիրների մոտ և միանալ (Խոսրովի) թշնամիներին⁹⁶: Խոսրով Բ արքան Միհրանին, որ Սասանյան մեծ տոհմի ճյուղերից մեկն էր ներկայացնում, նամակ է հղում, որով առաջարկում է «որտեղ որ իմ այս հրովարտակը հասնի քեզ, այդ երկիրը թող դառնա քեզ բնակավայր, և վերցրու այնքան, որքան կարող են ընթանալ քո ոտքերը»: Միհրանը այդ ժամանակ Գարդմանք գավառում էր: Նա իր մոտ է հրավիրում այդտեղի իշխաններից տասներկու մարդ, բոլորին դավադրորեն կոտորում և տիրում երկրին: «Նրա սերունդներից քաջ Վարդանը, որը քրիստոնեություն էր ընդունել, իր սրտում դավ է նյութում հայկական նախարարական ցեղի՝ Առանշահիկների դեմ, որպես թե ի սեր բարեկամության ճաշի է հրավիրում և նրանց համար կորստյան հաց է պատրաստում, տալիս է ճաշի մեջ ուտելու իրենց արյան գնով: Վաթսուն տղամարդ է զլխատում, որոնցից միայն իր ցեղին փեսայա-

⁹⁵ Սեբեոս, էջ 45, տես նաև Աղոնց, էջ 262:

⁹⁶ Կաղանկատվացի, էջ 133:

ցած Ձարմիիր Առանշահիկին է թողնում կենդանի»⁹⁷: Պարսկական ծագում ունեցող այս տոհմը, ամրանալով Գարդմանքի բերդում, մի կողմից փաստորեն դառնում է Պարսից տիրապետության հուսալի հենարաններից մեկը, մյուս կողմից՝ քրիստոնեություն է ընդունում և աստիճանաբար խառնվում հայկական միջավայրին ու հայանում: Քաջ Վարդանի ծոռ Ջիվանշիրը արդեն հայ էր: Սակայն հայ Առանշահիկ իշխանները, որոնք ամրացած էին Արցախի բերդերում, արյան վրեժի ռիսկալությամբ լցված՝ հարմար պահի էին սպասում: Ըստ մատենագրի, Սիիրանը փախստական է դառնում, խուսափելով Խոսրովի վրեժխնդրությունից իր հոր՝ Որմիզդ արքայի սպանության համար, որը տեղի էր ունեցել 590 թ.: Մյուս կողմից հեղինակը տալիս է Սիիրանի տոհմածառը՝ Սիիրան - Արամայիլ - Վարդ - Քաջ Վարդան - Վարագ-Գրիգոր - Ջիվանշիր ճյուղավորմամբ⁹⁸: Սասանյան արքունիքից Աղվանքի իշխան է ճանաչվել Վարագ-Գրիգոր Սիիրականը 628 թ. հետո՝ Աղվանից կաթողիկոս Վիրոյի միջնորդությամբ: Վիրոն Վարագ-Գրիգորի համար իշխանական տիտղոս է ձեռք բերում Պարսից քրիստոնեական ծագում ունեցող թագուհու միջոցով (պարսից պոետ Նիզամի Գյանջեվիի «Խոսրով և Շիրին» պոեմի հերոսուհին՝ գեղեցկուհի Շիրինը Պարտավի տիրուհու աղգականուհին էր, որը հետագայում դառնում է Խոսրով Բ արքայի կինը): Պարսկաստանում 25-ամյա բանտարկությունից հետո հայրենի Առան է վերադառնում Աղվանից կաթողիկոս Վիրոն: Առան-Յայաղվանքը անիշխանությունից հետո վերստին ձեռք է բերում հոգևոր (Վիրո) և աշխարհիկ (Վարագ-Գրիգոր և Ջիվանշիր) ինքնավար իշխանություն: Մատենագիրը մեծ գովեստով է գրում Ջիվանշիրի, նրա առաքինի տեսքի և քաջագործությունների մասին: «Արքան անմիջապես ձեռքը դնում է նրա գլխին, գովում և նրան անվանում է Աղվանքի սպարապետ»⁹⁹: Նա պարսից զորքի հետ մասնակցում է արաբների դեմ պատերազմին, աչքի ընկնում հերոսությամբ, ստանում վերքեր: Արքայից նվերներ ստանալուց հետո «յոթ տարի» շարունակում է կռվել արաբների դեմ: «Դրանից հետո ճակատ առ ճակատ խմբվեցին մարտ տալու, պարսից չար բանակը տիրոջ կողմից ջարդ ու փշուր եղավ իրենց ժամանակը լրանալու վերջում, և վերևից առաքված վճիռը եկավ, կործանեց նրանց թագավորությունը: Այսպես յոթ տարի այս պատերազմում տանջվելով կռվեց քաջ Ջիվանշիրը՝ մարմնի վրա 11 ծանր վերքեր ստացած, վերջապես բաժանվելով նրանցից, եկավ Ուտի գավառը»¹⁰⁰: Հայաղվանքում ապստամբություն է բռնկվում պարսից տիրապե-

⁹⁷ Նույն տեղում, էջ 134:
⁹⁸ Նույն տեղում, էջ 133:
⁹⁹ Նույն տեղում, էջ 135:
¹⁰⁰ Նույն տեղում, էջ 139:

տության դեմ, որը գլխավորում էին Ջիվանշիրն ու իր հայրը՝ Վարագ-Գրիգորը: Ջիվանշիրը՝ «իրեն կին է առնում Արուիճան տոհմից Սիսական նահանգի իշխանի դստերը, որի համար Սյունիքը ընդմիջտ ուրախանում է»¹⁰¹:

Յոթերորդ դարի սկզբներին Պարսկաստանն ու Բյուզանդիան, չբավարարվելով իրենց զորքերի բախումներով, հաճախ մեկը մյուսի դեմ էին զրգում Գյուսիսկովկասյան ռազմաշունչ ու ասպատակիչ ցեղերի, որոնց հայ մատենագիրները կոչել են ընդհանուր «հոներ» անունով: Արդեն հյուսիսից հանդես են գալիս խազարները, երևի ամենասարսափելի ասպատակիչները հյուսիսային ցեղերից: Խազարական խաբանատը (թագավորությունը) ընդգրկում է Ստորին Պովոլժիեից մինչև Գյուսիսային Կովկասի մերձկասպյան ափերը: Այս անգամ նրանք դաշնակցում են Բյուզանդիայի Դեռակ կայսեր հետ, որը, 624 թ. շրջանցելով պարսից զորքերը, մեծ բանակով եկել էր Կուր-Արաքսի միջագետք՝ Իրանի վրա արշավելու նպատակով: Ատրպատականի մեծ մասը ասպատակելուց հետո անցնելով Արաքսը, վերադառնում է Առան, բանակ դնում Տրտու (Թարթառ) գետի հովտում՝ Դյուտական գյուղի մոտ՝ ծմբեղու նպատակով: Կայսրը դիմում է Արցախի հայ իշխաններին իր զորքի կարիքները հոգալու առաջարկությամբ, այլապես «կգրավեն նրանց ամրոցները և կգերեվարեն նրանց երկրները»: Բայց նրանք Խոսրով Բ-ի հրամանով «թողեցին Պարտավ մեծ քաղաքը և ամրացան զանազան տեղեր: Իսկ քաղաքի քրիստոնյա և հեթանոս (պարսիկ) բնակիչները... մնացին քաղաքում»¹⁰²: Չաքարիա անունով մի հայ քահանա փրկեց քաղաքի բնակիչներին: Դետո նա ընտրվեց Աղվանից կաթողիկոս: Պարսից մի զորք Շահր-Վարագի հրամանատարությամբ գալիս մտնում է Ուտիքի Գարդմանք գավառը, ամրանում հին Տիգրանակերտ¹⁰³ բերդում, որտեղ տիրապետում էին պարսից Սիիրանյանները, փակում Դեռակլի Թվիդիս տանող ճանապարհը: Մեկ այլ՝ երեսուն հազարանոց բանակ Շահեն զորավարի գլխավորությամբ բանակ է դնում Արցախի մյուս Տիգրանակերտ (Շահադյուր) բերդավանդում: Դեռակլը հարվածում է այս զորամասին, Կարկառի (հետագայում Շուշի) ու Բերդաձորի լեռնանցքով անցնում Սյունիք, այստեղից անցնում իր երկիրը: Այս անգամ խազարների՝ Դեռակլին միանալը կանխել էր Խոսրովը՝ մեծամեծ նվերների խոստումներով: Դեռակլը նոր դաշն է կնքում խազարական խաբանաթի հետ, ու նրանք համատեղ մեկը հյուսիսից, մյուսը՝ արևմուտքից, նոր արշավանք են ձեռնար-

¹⁰¹ Նույն տեղում, էջ 100-101:

¹⁰² Նույն տեղում, էջ 101:

¹⁰³ Հայոց արքա Տիգրան Բ մեծը Հայաստանի սահմաններն ամրապնդելու նպատակով հիմնել էր իր անունով չորս բերդաքաղաքներ, որոնցից երկուսը Արցախ-Ուտիքում են:

կում: Խազարների առաջնորդ Ջերու Խաքանը (թագավորը) հսկայական զորքով 627թ. տապալում է Ղերբենտի դարպասները և արշավում դեպի հարավ: «Աղվանից երկրի պատմության» այս հատվածի մատենագիրը դեպքերն արդեն նկարագրում է որպես իրադարձությունների ակնամատես: Հայրենի երկիրը նրա այքերի առջև հեծում է արյան ու ավերի, սովի ու մահի ճիրաններում: Այդ տարի մկներն ուտում են ցորենի արտերը և խոտը, տեղի է ունենում սաստիկ սով և մահտարածամ, թերևս՝ ժանտախտի համաճարակ: Խազրաց խաքանի որդին՝ Շաթը, իր բանակով վերադառնում իր երկիրը: Խոսրովի նշանակած Գայշաք ճարգապանը սկզբում փորձեց ամրանալ Պարտավում, սակայն հետո սարսափահար փախավ Պարսկաստան: Հայ մատենագիրը այսպես է նկարագրում խազարներին. «ժանտեսք, հանդուզն երեսով, լայնադեմ, ամարտունք բազմություն, որոնք կանացի կերպարանքով, գիսարձակ վրա էին տալիս հարձակվողների դեմ դիմաց: Նրանք ոչնչացրին Պարտավի բնակչությանը: Միայն մի մասը հասցրեց փախչել ու պատսպարվել Արցախի բերդերում»: Խազարները, միանալով բյուզանդացիներին, միասին արշավում են դեպի Վրաստան: «Նրանք շրջապատում են «վաճառաշահ, հռչակավոր մեծ Տիգրիս քաղաքը»: Վրացիներին օգնության է գալիս պարսից զորքը: Բերդը գրավել չի հաջողվում: 630 թ. նրանք միացյալ ուժերով նորից են պաշարում քաղաքը ու հիմնահատակ ավերում այն, կոտորում նրա բնակիչներին: Իրանը, որ արդեն թուլացել էր ներքին անմիաբանությունից, անկարող է լինում լուրջ դիմադրություն ցույց տալ: Պարսկաստանում ներքին խռովություն է բռնկվում: Խոսրով Բ Փարվեզը սպանվում է: Նրա փոխարեն գահ է բարձրանում նրա որդիներից Կավատ Բ-ն: Հաջորդ վեց տարիներին կրկին խռովության շնորհիվ գահակալում են Արտաշիր Գ-ն, ապա Խոռեմն ու Բբորը, Խոսրով Գ-ն, Արզմիկը, Որմիզդ Գ-ն, Հազկերտ Գ-ն, որը սպանվում է 637 թ., և վերջանում է Սասանյանների գահակալությունը: Բոլոր կողմերից էր Պարսկաստանին ուղղված հարվածները, ի վերջո, տապալեցին Սասանյան հարստությունը, որը այս երկրի տրոհումն էր: Այս օրինակը ևս հաստատում է այն ճշմարտությունը, որ բոլոր մեծ թե փոքր քաղաքակրթությունների, կայսրությունների պարտության, ապա և ոչնչացման պատճառը ներքին տրոհումն է: Ամենափոքր պետությունն անգամ ներքին կայունության, միաբանության և ներքին ռեսուրսների ճիշտ կազմակերպման, մեկ ընդհանուր համակարգի մեջ ընդգրկման դեպքում անխուսափելիորեն վերելք է ապրում և մեկը մյուսի հետևից հաղթանակներ տանում: Սակայն այն ի վերջո ապրում է իր գազաթնակետը, հետո անկում է ապրում, եթե չի գտնում ներքին փոփոխությունների, նոր գաղափարախոսության ակունքները, նոր համակարգի մեջ ձևավորվելը:

Հոռնի անկումից հետո Բյուզանդիան չկրկնեց նրա կառույցները: Նրա վերելքի ու հզորության աղբյուրը նոր կրոնն էր, նոր գաղափարախոսությունը: Բյուզանդիան այս տեսանկյունից ավելի թարմ էր, քան մագդեզյան կրոնի վրա հենված Պարսկաստանը: Հուստինիոս կայսեր ռեֆորմները ավելի գործունե ու ճկուն էին, քան Խոսրով Ա արքայի բարենորոգումները, քանի որ առաջինը համակարգ էր ստեղծում, իսկ երկրորդինը կարող էր գործել միայն ուժեղ թագավորի դեպքում: Պարսկաստանի սոցիալ տնտեսական համակարգը, որը հենված էր տոհմային հարաբերությունների վրա, ի վերջո ճեղք տվեց ու քայքայվեց: Դրսի ուժերին այլևս ոչինչ չէր մնում անել, բացի ուղքի տակ տալու Սասանյան հարստությունը: Անդրկովկասի ժողովուրդները՝ հայերը, վրացիներն ու Բուն Աղվանքի բազմալեզու ազգությունները կրկին մնացին հյուսիսային ավարառու ցեղերի, Բյուզանդիայի ու Պարսկաստանի արանքում: Հայերը, զգալով ու տեսնելով այս ամենը, հույսը կտրեցին աշխարհիկ իշխանության թագավորության վերականգնման հնարավորությունից, մեկուսացան իրենց միաբնակ քրիստոնեական կրոնով, պարսկավերով իրենք իրենց մեջ, ապավինեցին իրենց գրին ու գրականությանը, իրենք իրենց մեջ անընդհատ զարգացնելով այն: Սա անմիջականորեն կապված էր եկեղեցու հետ: Մարգարանության շրջանին վերաբերող աղբյուրների տեղեկեղեցու հետ: Մարգարանության շրջանին վերաբերող աղբյուրների տեղեկություններից դատելով Հայոց Արևելից կողմանց, այսինքն Արցախի և Ուկոթյուններից կարելի է հանդիպել «ազգ-ազգի արուեստագործաց, որք զգիտութիւն ոսկեծնութեան և արծաթահալութեան, և արկաթահանութեան, և պղնձագործութեան ունէին»: Սողքի ոսկու, Գանձասարի արծաթի, Մեհմանայի (ԼՂԴ, Մարտակերտի շրջան) բազմամետաղային, Թաղավարդի արճնի, Քարհատի (Դաշքեսան) երկաթի հանքերը վաղուց էին շահագործվում: Արաբական աղբյուրները հիացնումքով են խոսում Արևելից կողմանց արհեստագործական արտադրանքի մասին՝ «Նրանց արտադրած պարանների ու գորգերի, որդան կարմիրի, ծածկոցների ու ներկերի նման ոչինչ չկա», - գրել է արաբ մատենագիր ալ-Մուքադդասին: Առանի հայությունը չէր կարող անջատ մնալ ընդհանուր հայկական կողմնորոշումից, քանի որ ողջ հայության հետ նա մեկ մարմին էր:

ԱՐԱԲԱԿԱՆ ԽԱԼԻՖԱՅՈՒԹՅԱՆ ԺԱՄԱՆԱԿԱՇԻՋԱՆ

Ձրադաշտի (Ձարդուշտ) ուսմունքն ու գաղափարախոսությունը այլևս ի վիճակի չէր միասնության մեջ պահելու պարսկական տիրապետությունը, որն էլ հանդիսացավ նրա տրոհման ու պարտության պատճառներից մեկը: Դրա փոխարեն Արաբական թերակղզում VII դարի սկզբներին ծնունդ առած մահմեդական ուսմունքը այն հզոր ու թարմ շարժիչ ուժն էր, որը միա-

վորեց արևելքի ժողովուրդներին ու ցեղերին մեկ ընդհանուր աշխարհածավալ պետականության՝ խալիֆայության մեջ: Դրա վառ արտահայտությունն էր մահ Պարսկաստանի օրինակը: Ապագային մահմեդականության հետ Իրան թափանցեց և արաբերեն գիրը, գրականությունը, լեզվամտածողությունը, փիլիսոփայությունը: Պարսկական հազարամյա ուղի անցած մեծ մշակույթը, փիլիսոփայությունը, լեզուն, գրականությունը այլևս երկրորդական էին հաղթողի ու նրա գաղափարախոսության այն փշրանքների հանդեպ, որոնք Իրան էին թափանցել ու պարտադրվել բնիկ ժողովրդին: Արաբները նվաճած տարածքների հպատակեցումից հետո բռնի մահմեդականացնում էին ժողովրդին, ապա նրանց շնորհում որոշ արտոնություններ, պետական գանձատնից դրամական վարձատրություն հատկացնում: Բուն Պարսկաստանը հեշտությամբ թողեց Արևի ու Կրակի պաշտամունքը և մահմեդականություն ընդունեց: Սակայն Իսլամի տարածվելը միայն կրոնափոխություն չէր: Այն իր ներսում կրում էր արաբականացման, նրա մշակույթի տարածման տարրերը: Արաբները իրենց լեզվին հարմարեցրին Իրանի հյուսիսարևմտյան երկրամասի Ատրպատական հինավուրց անվանումը: Նրանց լեզվին մատչելի չէին «տ», «պ» և «կ» տառերը, որոնք վերափոխվեցին «զ», «բ» և «ջ» հնչյունների: Հազարամյա Ատրպատականը, որ նշանակում է «կրակի տեղ» կամ «կրակի երկիր», վերածվեց «Ազարբայջանի», որն էլ իսլամական գաղափարախոսության և մշակույթի հետ պարտադրվեց բնիկ ժողովրդին: Հայ մատենագիրը շատ պատկերավոր է նկարագրում ժամանակի քաղաքական փոփոխությունները, «...բարձրացած բլուրները (պետությունները - Բ.) հարթվելով հավասարվեցին, անդունդների բարձրալիք, ջրառատ ալեկոծությունները (բազում զորքերի ասպատակությունները - Բ.) իրենք իրենց մեջ սուզվեցին, այդպես պարսից տերության հսկայական փառքը խորտակվեց, և անդունդները ծածկեցին նրա անչափ ամբարտավան մեծությունը: Թևավոր ձայները դադարեցին հողմուռույց ալեկոծությունից, և ազարակի փշերը (արաբները - Բ.) օդասլաց թռչեցրվեցին, լայնատարած ծովի (Պարսկաստանի) այլակների վրա տեղավորվեցին»: Իսկ Բյուզանդիայի մասին այսպես է գրում. «Կար ժամանակ, երբ բյուզանդացիների թագավորները մեծաքանակ զորքերով ամբողջովին զարմացնում էին աշխարհի բոլոր ժողովուրդներին: Իսկ այժմ նույն թագավորի բարձրացրած ուժը այնքան է վայր ընկել, մարել, մինչև որ երբեմնի նրան ենթակա մարդկային անտառները զնացին, հպատակվեցին այն մարդուն (խալիֆին), որ Գեղեճյան դժնկի¹⁰⁴ նման կաչում էր, և որը

բարձելով մարդկանց ուսերին, մարմնի մասերը չէին կարողանում շարժվել անգամ»¹⁰⁵: Իհարկե, միանգամայն այլ էր իրավիճակը քրիստոնեություն ընդունած երկրներում: Այստեղ իսլամը կտրականապես մերժվում էր, անշուշտ, մեծ զոհերի, զրկանքների գնով: Արաբների առաջին արշավանքը դեպի Հայաստան տեղի ունեցավ 640 թվականի աշնանը: Նրանք ավերեցին Արարատյան դաշտի արևելյան հատվածը, գրավեցին Հայաստանի մայրաքաղաք Դվինը, իրենց հետ տարան մեծաքանակ ավար և գերիներ: Երկու տարի հետո, երբ Արաբները կրկին արշավեցին դեպի Հայաստան, հանդիպեցին հայոց սպարապետ Թեոդորոս Ռշտունու զորքերի լուրջ դիմադրությանը: Արաբները անհաջողությունից հետո մեծ զորքով նոր հարձակում ձեռնարկեցին 646 թվականին: Հայաստանն արդեն անկարող էր պաշտպանել երկիրը: Թեոդորոս Ռշտունին ու Սմբատ Բագրատունին նվերներով ընդհառաջ դուրս եկան արաբներին և հպատակություն հայտնեցին:

Տեղեկանալով այդ մասին, Բյուզանդիայի Կոնստանդին կայսրը (642-667 թթ.) երկյուղելով, որ հայերը կարող են դաշնակցել արաբների հետ և միացյալ ուժերով կործանել կայսրությունը, մեծ զորքով 647 թվականին աճապարեց Հայաստան մտնել ու պատժել հայ զորավարներին: Հայոց Ներսես կաթողիկոսը մեծ շքախմբով, թանկարժեք նվերներով ընդառաջ եկավ նրան և հնազանդություն հայտնելով, փրկեց երկիրը նոր ավերածություններից: Կայսրն ընդունեց հնազանդությունը, սակայն Դվինում ստիպեց, որ հայերն ընդունեն քաղկեդոնական հավատքը: Ներսեսը, եպիսկոպոսները առերես ցույց են տալիս, թե ընդունել են այն, սակայն 648 և 651 թվականների եկեղեցական ժողովներում կտրականապես մերժում են այն: Աղվանից պատմիչը մանրամասնորեն նկարագրել է Գարդմանքի իշխան Ջիվանիի Դվին Կայսրին այցելելն ու հպատակություն հայտնելու մանրամասն շիրի Դվին Կայսրին այցելելն ու հպատակություն հայտնելու մանրամասնները: Ջիվանիի զարսկական բանակի կազմում արաբների դեմ Բաղեսիայի ճակատամարտում պարտությունից հետո տուն վերադառնալով ապստամբում է Ուտիքում գտնվող պարսկական կայազորի և մարզպանության դեմ: Անցնելով Կուրից այն կողմ՝ Կամբեճան գավառը, իշխան Ատրներսեհից օգնական զորք է ստանում, «աճապարում է ամենից առաջ արշավել Ուտիք, այդտեղ պարսից զորքից ում որ գտնում է, տեղն ու տեղը սրի ճարակ է դարձնում»¹⁰⁶: Սակայն, երբ հազարացիների (արաբների) զորքը գալիս է Աղվանք, «Ջիվանիից, տեսնելով հարավցու դաժան զորությունը», կրկին անցնում է Կուրի ձախ ափը՝ Կամբեճան¹⁰⁷: Գորը՝ Վարազ-Գրիգորին, որպես պատանդ արաբները տանում են իրենց հետ:

¹⁰⁴ Հին Կտակարան, Ժթ. 15, ծառերը ցանկացան թագավոր ունեեալ, պտղատու ծառերը չկամեցան թագավոր լինել, կաչող դժնակը հանձն առավ, որ փաթաթվում է ու խեղդում:

¹⁰⁵ Կաղանկատվացի, էջ 15:
¹⁰⁶ Նույն տեղում, էջ 139:
¹⁰⁷ Նույն տեղում, էջ 140:

Նրանք ազնվական գերդաստաններից պատանդներ էին տանում, որպեսզի իրենց հեռանալուց հետո ապստամբություն չբռնկվի: Միհրանյան տոհմի ամենաազդեցիկ ներկայացուցիչը՝ Ջիվանշիրը, հանդես էր գալիս որպես Չայոց Արևելից կողմանց հայության քաղաքական ու ազգային-մշակութային շահերի պաշտպանն ու տարածողը: Մատենագիրը պատկերում է Ջիվանշիրի քաղաքական ու դիվանագիտական հասունությունը, դժվարին կացություններից հնարամտորեն դուրս գալը: Չնայած ներքին երկպառակությունների ու գահակալական կռիվների պատճառով հազարական խաքանաքը տրոհում էր ապրում, ավարառու ցեղերը այստեղից շարունակում էին իրենց ասպատակությունները դեպի Չարավային Կովկաս և Չայաստան: Դերբենտի դարպասները այլևս խորտակված էին, ու ոչ ոք ի վիճակի չէր արգելելու նրանց արշավներին: Ջիվանշիրը այնուհետև ամրացնում է Գարդմանի բերդը (Ուտիքի Տիգրանակերտը), ապա նոր եկեղեցի կառուցում, խաչ տեղադրում: Հոները հյուսիսից բազմաազար հեծյալներով գալիս են, ասպատակում Կուր-Արաքսի հովիտն ու Արարատյան դաշտը, քշում տանում անասունները, կողոպտում երկիրը: Ինչպես հաստատում է Սեբոսը, 652 թվականին հայոց սպարապետ Թեոդորոս Ռշտունին զնում է խալիֆի մոտ՝ Դամասկոս: Մոավիան նրան է հանձնում ողջ Չարավային Կովկասի՝ Չայաստանի, Վրաստանի, Աղվանքի և Սյունիքի իշխանությունը, որի վերին սահմանը հասնում է մինչև Տորա պահակ (Դերբենդ)¹⁰⁸: Արաքները երեք տարի Ռշտունու ընդարձակ «Արմինիա» կոչվող իշխանությունը ազատում են խալիֆաթին հարկ վճարելուց: Սակայն մինչև 661 թվականը շարունակվում են արաբական զորքերի մեկը մյուսին հաջորդող արշավանքները: Սալման իբն-Ռաբիայի գլխավորությամբ արաբական զորքը Առան է մտնում հարավից, նախ գրավում է Բայլականը (որը գտնվում է Մուխանքում), ապա՝ Պարտավը: Ինչպես նկարագրում է արաբ մատենագիր Բալաձորին, բայլականցիների հետ պայմանագիր կնքեց, նրանց պարտավորեցնելով հողային հարկ և գլխահարկ վճարել խալիֆաթությանը: «ու այնտեղ անցկացրեց (որոշ ժամանակ): Այստեղից էլ Սալմանը եկավ Բարտա (Պարտավի արաբերեն անունն է - Բ.) և բանակ դրեց Տրտու (Թարթառ) գետի ափին, որը քաղաքից հեռու է մեկ փարսախից էլ պակաս: Բնակիչները նրա դեմ փակել էին քաղաքի դարպասները, և նա ստիպված էր քաղաքը պաշարած պահել մի քանի օր: Այդ ընթացքում նա հարձակումներ էր գործում քաղաքի շրջակայքի գյուղերի վրա, որոնցում հունձն արդեն ավարտված էր: Այդ նրանց (քաղաքի բնակիչներին) ստիպեց, կնքել այնպիսի պայմանագիր, ինչպիսին կնքվել էր Բայլականի բնակիչների հետ: Նրանք բաց արին քաղաքի դարպասները, և նա մտավ քաղաք, շարժեց իր այրուծին, որը

¹⁰⁸ Սեբոս, էջ 146, տես նաև՝ Կաղանկատվացի, էջ 152:

գրավեց Շակչինի (Շակաշեն), Մեծկեանի (Մեծ Կուանք), Ուղի (Ուտիք), Սեփրանի (Մեծ Առանք), Խերխիլյանի (Չարջլանք), Տաբարի (Չաբանդ) գավառների գյուղերը և Առանի ուրիշ վայրեր»:

Այնուհետև արաբ մատենագիրը հայտնում է, որ «Բայլականի բնակիչներին ստիպեցին ընդունել իսլամի կրոնը, որին պատասխանեցին ապստամբությամբ: Սակայն Սալմանը ճնշեց այն, բնակչության աննշան մասը ընդունեց Իսլամ...»¹⁰⁹:

Եթե Առանում (Արցախ և Ուտիք) արաբներին չհաջողվեց վաղուց քրիստոնեություն ընդունած հայերին նույնիսկ մահվան սարսափով իսլամի հավատքին բերել, ապա Կուրի ծախ ափի բազմալեզու ցեղերին իսլամի հավատքին բերելը զանգվածային բնույթ կրեց: Այդ ժողովուրդները (լեզգիներ, ավարներ, լակեր, դարգիններ, քաբասարանցիներ, ծախուրներ...) այդպես էլ չպահպանեցին միասնական գիրը, որ ստեղծել էր Սեսրուպ Մաշտոցը: Իսկ գիր ու գրականություն չունենալու պատճառով մշակույթը այնպիսի արձատներ չէր զգեց ժողովրդի մեջ, ինչպես դա Չայաստանում էր կամ նրա հյուսիսարևելյան հատվածում (Առան): Գայթակղիչ արտոնությունները ևս պակաս դեր չխաղացին, որ նրանք մահմեդականություն ընդունեն: Ընդհանրապես, հայոց Արևելքի (Կուր-Արաքսի միջագետք) տիրակալներին յուրահատուկ է եղել Չայաստանի համար ծանր ժամանակներում հզոր տիրակալների հետ բարի դրացիական հարաբերություններ հաստատելը, նրանց հետ հեշտ լեզու գտնելը, եթե, իհարկե, նրանք ճանաչում են այս երկրամասի ինքնավարությունը: Հակառակ դեպքում Արցախի և Ուտիքի լեռները, անտառներն ու բերդերը մի դժոխքավայր են դառնում նվաճողների համար: Հենց դա էր պատճառը, որ նվաճողները հաշվի էին նստում այս երկրամասի տիրակալների հետ: Մատենագրի ներկայացված վավերագիր փաստաթղթերում (Դավիթ և Հովել եպիսկոպոսների թուղթը) խոսվում է Աղվանից Ուխտանես կաթողիկոսի և Ջիվանշիրի մասին, վերջինս անվանվում է «իշխանաց իշխան» տիտղոսով: Ջիվանշիրը պատկերված է ոչ միայն որպես հավատացյալ քրիստոնյա, քրիստոնեական եկեղեցու հովանավոր, այլև արվեստների, նկարիչների, գիր ու գրականության մեծ խնամակալ և հովանավոր. «Մեծ ծախսեր անելով, նկարիչներ գործի դրեց և զմբեթից մինչև դռան բարավորները նկարեց և պաստառեց կերպասներով, իսկ տաճարի դուռը տիեզերքի լույսը պահպանողը, արծաթապատեց և հրաման տվեց քանդակագարդել»¹¹⁰: Սակայն ամեն ինչ չէ, որ հարթ էր զնում Չայաղվանքում: Արցախի և Ուտիքի Առանշահիկ իշխանական տան ժառանգները արյան վրեժի ծարավով լցված՝ ոխ էին պահում

¹⁰⁹ Բալաձորի (СМОМПК, вып. 32, 1903, стр. 13:

¹¹⁰ Նույն տեղում, էջ 153:

Միհրանյան տան ժառանգների նկատմամբ: Մատենագիրը նկարագրում է Ջիվանշիրի իշխանության դեմ ապստամբությունը, երբ Արցախի բնակավայրերում հրի են մատնում, ավերում իշխանամետ մարդկանց տները: Ջիվանշիրն արդեն ապրում էր, ինչպես Լեոն է նկարագրում, «զեխ ու ցուփ կյանքով», որն էլ պատճառ դարձավ, որ նա մի դավադրության գոհ դառնա: Մատենագիրը այս առթիվ գրում է. «Բայց այդ բաղձալին ու հռչակավորը (Ջիվանշիրը) նենգավոր կրքի ախտի շնորհիվ, թափուր ու դատարկ լինելով, անմաս մնաց Աստծու այդ փառքից, որովհետև Աստծու պատվիրանին հակառակ էր գործում: Եվ ահա ամենը եղավ սարդոստայն, շատ շուտ այն չքնաղ վայելչությունները ոչնչացան»¹¹¹: Ջիվանշիրը 61 տարեկան հասակում սպանվեց 680 թ սեպտեմբերին, կեսգիշերին, Պարտավի իր դղյակի պարտեզի խորքում, ուր խաբեությանը, իբր անառակության հրապուրով, առանց թիկնապահների գայթակղվում է և ընկնում սրի հարվածից: «Տիրասպանը» փախչում է: Իշխանի քեռորդին վերցնում է թիկնապահներից հիսուն հոգու և հետապնդում նրան, ապա գնում են դեպի Արցախ «ոճիրի» դիմաց վրեժխնդիր լինելու: Նրա հոր տունը ավարի են ենթարկում ու հրի ճարակ դարձնում: Տան հարստության նկարագրությունից զգացվում է, որ այն իշխանական տուն էր: Այնուհետև ժամանակագիրը պատմում է Դավթակ բանաստեղծ ճարտասանի մասին, որը հայոց այրուբենական կարգով աքրոստիկոս-ողբ է երգում բարյացապարտ Ջիվանշիրի վրա: Մատենագիրը ամբողջությամբ մատուցում է այս ողբ-պոեմը, որը մտել է հայոց վաղ միջնադարյան պոեզիայի ոսկե ֆոնդի մեջ: Երկրի իշխանները հավաքվում են Եղիազար կաթողիկոսի մոտ և ավագ իշխան ընտրում Ջիվանշիրի եղբայր Վարագ-Պերոժի որդուն՝ Վարագ-Տրդատին. «Նրան հանձնեցին հայրենական գահի առաջին իշխանի աթոռը»¹¹²: Մատենագիրը հայտնում է, որ Աղվանից իշխանը ստիպված հարկ էր տալիս երեք երկրների խազարներին, բյուզանդացիներին ու արաբներին: Այդ ժամանակ հոների գորավար և մեծ իշխան Ալփիլիթվերը իր զորքով անցավ Կուր գետը, իբր իրեն փեսա Ջիվանշիրի արյան վրեժը լուծելու համար, մտավ Ուտի գավառը և սկսեց ավարը, ապա կրկին անցավ գետը և կանգ առավ Լիլինքի սահմաններում: Եղիազար կաթողիկոսը գնում է հոների առաջնորդի մոտ և պատմում, որ իրենք մասնակից չէին Ջիվանշիրի սպանությանը: Կրկին Աղվանքի ու հոների միջև խաղաղություն է հաստատվում:

Բյուզանդիայի կայսրերը ամեն նպաստավոր պահ օգտագործում էին կրկին Չարավային Կովկասը նվաճելու և իրենց հարկատու դարձնելու համար: Երբ Չուստինիանոս 2-րդ կայսրը (685-695 թթ.) տեղեկանում է, որ Չա-

յաստանը հարկատու է դարձել խազարներին, 686 թ. մեծ զորք ուղարկեց, որը, Ասողիկի վկայությամբ, քանդեց 25 գավառ, գերի տարավ ութ հազար ընտանիք և որպես ստրուկ վաճառեց օտար երկրներում: Չաջորդ տարին 40 հազարանոց բանակով կրկին ասպատակեցին Չայաստանը¹¹³: Այս մասին վկայում են և հույն պատմիչներ Թեոփանեսն ու Կեդրենոսը: Նրանք Աղվանքից պատանդ տարան նաև Միհրանյան տոհմից մեծ իշխան հաստատված Վարագ-Տրդատին՝ իր Գագիկ և Վարդան որդիների հետ: Բյուզանդացիք շարունակում էին տիրապետությունը ամրապնդելու համար քաղկեդոնությունը բռնի տարածման քաղաքականությունը: Չայոց եկեղեցին թե՛ Արարատյան դաշտում և թե՛ Աղվանքում ստիպված էր անվերջորեն պայքարել իր ինքնության համար, մերժելով մեկ կրակապաշտությունը, մեկ մահմեդականությունը, մեկ երկրբնակ քաղկեդոնականությունը: Այդ միջոցին բյուզանդացի կրոնապետների համար շատ նպաստավոր պայմաններ էին ստեղծվել Չայաղվանքում: Վարագ-Տրդատի կինը՝ իշխանուհի Սպարամը, համաձայնվեց Աղվանքում քաղկեդոնություն տարածել, միայն թե ազատ արձակեն Կոստանդինապոլիս տարված ամուսնուն և որդիներին: Ամուսնու փոխարեն իր գավառում Սպարամ տիկինը մահացած Եղիազարից հետո ապրիմի կերպով Աղվանից կաթողիկոս է դարձնում Գարդմանքի քաղկեդանական Ներսես Բակուրին և ստիպում, որ քաղկեդոնական դարձնի ողջ երկիրը: Սակայն մի շարք եպիսկոպոսներ, ինչպես և Վարագ-Տրդատի տեղապահ Աղվանից Շերո մեծ իշխանը իր ազնվականներով եկեղեցական ժողով են գումարում, նզովում Ներսեսին և նամակ գրում Չայաստան Չայոց Եղիա կաթողիկոսին (703-717թթ.) «աղետավոր անցքերի մասին»¹¹⁴: Կաթողիկոսը դիվանագիտորեն է մոտենում խնդրին՝ օգտագործելով արաբների ու Բյուզանդիայի մրցակցությունը, դիմելով արաբական խալիֆ Աբդլմելիք Ամիրոմոնիին, հաղորդելով, որ Աղվանքի Բակուր կաթողիկոսը իր աղոթքներում Բյուզանդիայի կայսեր անունն է տալիս, խորհուրդ տալով անտարբեր չմնալ այս խնդրի վերաբերյալ: Խալիֆը իր հերթին պատասխանում է, որ զորք է ուղարկում ապստամբ Բակուրին և իշխանուհի տիկնոջը շղթայակապ Դամասկոս բերելու և հրապարակավ պատժելու համար¹¹⁵: Պարտավ է գալիս Չայոց կաթողիկոս Եղիան: Չերբակալում են Բակուրին: «Ոտ ոտի կցված կապվեց այն կնոջ (Սպարամի) հետ, և պատրաստվում էր Բակուրին օտար երկիր տարագրել, բայց որովհետև ութ օր անսվագ մնաց, ուստի վախճանվեց: Բակուրն անիծեց Շերոյին, որովհետև սա նրան և Սպարամին առաջնորդեց դեպի չարը, և այդ այն պատճառով, որ Շե-

¹¹¹ Լեո, Չայոց պատմություն, հ. 2, էջ 330:

¹¹² Կաղանկատվացի, էջ 173:

¹¹³ Չամչյան, էջ 372:

¹¹⁴ Կաղանկատվացի, էջ 229:

¹¹⁵ Նույն տեղում, էջ 230:

րոյի և Սպրամի միջև տարածայնություն կար իշխանության վերաբեր-
յալ»¹¹⁶: Ներսես-Բակուրը որպես կաթողիկոս արժանակալել էր տասնյոթ
տարի: Աղվանից կաթողիկոս ընտրվեց Սիմոնը, իսկ Բակուրի քաղկեդոնա-
կան գրքերը Բերդակուր ամառանոցային ապարանքի մոտ (այժմ ԼԳԶ,
Մարտակերտի շրջան) նետեցին Տրտու գետը: Եղիա կաթողիկոսը սուրբ
ուխտ կնքեց Աղվանից եկեղեցու հետ Քաղկեդոնի ուսմունքը մերժելու և
Քրիստոսի միաբնակ լինելու ուսմունքին հավատարիմ մնալու մասին,
փաստաթղթերը կնքեց մատանիով ու հանձնարարեց Ներսմիհրի Եղիշե
առաքյալի վանքի վանահայր Քշիկին՝ ի պահպանություն, քանի որ Ներս-
միհրի վանքը Աղվանից եկեղեցու գլխավոր պահոցն էր: Աղվանից կաթողի-
կոս Սիմոնը իր հրապարակած կանոններում գրում է, որ Ներսմիհրի (Եղիշե
առաքյալ վանք) վանահայր սրբատուն Քշիկը գրել է, թե Աղվանից իշխան
Վարազ-Տրդատը մի փոքրիկ գյուղակ է նվիրել սուրբ խաչիս իր հոգու
փրկության համար սպասավորելու, իսկ այժմ Փուսան-Վեհ անունով մի աշ-
խարհիկ հեծելակ, որ անառակությամբ կյանք է անցկացնում, թուրք է մեջ-
տեղ բերում, թե Աղվանքի իշխանը իրեն է տվել այդ եկեղեցին իր վանակա-
նությամբ: Այնուհետև կաթողիկոսը որոշում է, որ Փուսան-Վեհը չպետք է
տիրի եկեղեցուն, այլ անբիծ ու անարատ քահանաները կիշխեն եկեղեցու
վրա: Ապա ընդհանրացնելով հրամայում է, որ զինվորներն ու աշխարհա-
կանները եկեղեցու վրա իշխանություն չունենան՝ ինչ թուրք էլ որ ներկա-
յացնելիս լինեն:

Արաբները Պարտավի ժողովից պահանջում են Աղվանքի իշխանների
ցուցակը, որը փաստորեն երդմնաթուղթ էր, ու եթե ցուցակում նշված իշ-
խաններից որևէ մեկը երդմնազանց լինի և քաղկեդոնություն ընդունի,
ապա նա պատասխանատու կլինի արքունական դիվանի առջև: Ցուցակում
նախ նշված է Միհրական տոհմից Աղվանքի մեծ իշխան Շերոյի անունը, ա-
պա Աղվանից սպարապետ Չվանքոն, հետո գրված են Վարազ-Տրդատի որ-
դինների՝ Վարդան պատրիկի և Գագիկի անունները, որոնք դեռևս Կոստանդ-
նապոլսում էին: Ապա գրված է Վախթանգ Վարազմանյանի անունը, որը
միհրական ճյուղից է, հետո արքաների (Վաչագան Բ.) զարմից Պատրիկ
Քարոյանը, որը բնակվում էր Աղբերդի գավառում (այժմյան Աղբերջանի
հանրապետության Աղդաշի և Մինգեչաուրի շրջանները), Բար Զրահատյա-
նը (տիրում է Կապադակին և Կողբին), Վահան Վարազ-Յովհանյանը (տի-
րում է Կամբեճանում), Ռոստոմ Վարազ-Աքոյանը (տոհմը Պարսկաստանի
Ստահր գավառից է, տիրում է Կաղանկատույքում, այժմ Թարթառ), Ջար-
միհր Վարազ-Բուրդակյանը և Մահմադ Շերոյանը (Դոմախողքի տերերը):
Մատենագիրը հայտնում է, որ մեծ զորքով Զայաստան է գալիս Մուհամմեդ

իբն-Մրվանը, Աղվանքով մտնում է Դերբենտ: Նրա թիկունքում հայոց զոր-
քերը, միանալով բյուզանդական զորքերի հետ, ապստամբում են և կոտո-
րում արաբական կայազորը: Մուհամմեդը ետ է վերադառնում, ճնշում
ապստամբությունը, հրի ու սրի մատնում ողջ երկիրը: Զայաստանում թո-
ղած նրա կառավարիչը՝ ոստիկան Արդալսլանը, խաբեությամբ հավաքեց
հայոց նախարարական տների ժառանգներին, իբր արքունական թոշակ
նշանակելու նպատակով, լցրեց Նախիջևանի սբ. Գևորգ եկեղեցուն և կեն-
դանի այրեց բոլորին, հետո 400 հոգու էրամում այրեց¹¹⁷: Անշուշտ, այս
կորուստը հայերի ուղղամիտ և դյուրահավատ լինելու արդյունք էր: Չնա-
յած հայերը արևելյան ժողովուրդ են ու պիտի որ դարերի ընթացքում յու-
րացնեին արևելյան դիվանագիտության բոլոր նրբերանգները: Սակայն դա
այդպես չէր: Աստված ասես նրանց տվել էր մեկ այլ առավելություն, օժտել
էր մյուս ժողովուրդների հետ առևտրի բնագավառում հեշտ շփվելու հատ-
կություններ, իսկ հայտնի է, որ առևտրական ճանապարհներով տեղափոխ-
վում էր ոչ միայն ապրանքը, այլև մշակույթը, մտածողությունը, տեխնոլո-
գիաները, արհեստները: Իրոք, դա մի մեծ առավելություն էր, որի համար
համաշխարհային քաղաքակրթությունը պետք է երախտապարտ լինի Աստ-
ծուն (բնությանը) մարդկային այս տեսակի գոյության համար: Սակայն
Աստված նրան զրկել էր ինքնապահպանման բնագոյից, ավելի շուտ՝ շատ
քիչ էր տվել այս հատկությունից, որի հիմքն է տոհմային ու ցեղային հա-
մախմբման ունակությունը, ընդհանրական մտածելակերպը: Որովհետև այլ
բան է հզոր անհատներ ունենալը, որոնք հարմար պայմաններում (հարևան
երկրներում) խոշոր զորավարներ են դառնում, հաղթանակներ տանում,
իսկ իրենց թույլ և անմիաբան երկրում ոչինչ անել չեն կարող: Ընկնելով եր-
կու «կրակների» (Բյուզանդիա և Արաբական խալիֆություն) արանքում,
հայերը պետք է կարողանային չենթարկվել բյուզանդացիների կամքին ու
չապստամբել մի այնպիսի ահավոր ուժի դեմ, ինչպիսին խալիֆությունն էր:
Իշխանական տների բնաջնջումը փաստորեն ինքնության, պետական
մտածողության ոչնչացումն էր Զայաստանում: Որովհետև պետական ան-
կախության, ազատության գաղափարակիրը ազնվականությունն էր: Մի
խոշոր ու վճռական ճակատամարտում պարտության պատճառով երկրի
կորուստը այնքան մեծ չէր կարող լինել, որքան նրա ողջ ազնվականութ-
յան նկատմամբ եղեռնը: Այս հարվածը շատ ծանր ազդեց Զայաստանի
վրա, որը ավելի պետք է զգացնել տար հետագա դարերում: Շատ-շատե-
րին էլ գերեվարելով, ուղարկեց Դամասկոս: 705 թվականին շրթայակապ Ա-
սորիք տարան նաև Աղվանքի մեծ իշխան Շերոյին՝ մեծ թվով ազնվական-
ների հետ:

¹¹⁶ Նույն տեղում, էջ 231:

¹¹⁷ Theophonis Cronographia, t. I, Bonnae, 1839, p. 570.

Գերությունից հինգ տարի հետո Աղվանք է վերադառնում իշխան Վարազ-Տրդատը և երկիրը գտնելով ավերակ վիճակում, հանձնում է արաբների տնօրինությանը: «Նույն ժամանակներում անտանելի սով ընկավ Աղվանքի սահմաններում, - գրում է հայ մատենագիրը, - այդ պատճառով ունանց կողմից առասպելաբանվեց, որպես թե կորեկը ասել է. «Ես կորեկս, Շակաշեն գավառի Չակա վայրում թաքնված էի, գնորդների բազմությունն ինձ անուշադրության էր մատնել և չէր գնում, եկավ մի բարի ժամ, երբ տիրեց իմ եղբայր Սովը, և ահա ես դարձա երևելի ու բարձրացա Վարազ-Տրդատ իշխանի ու Եղիազար կաթողիկոսի սեղանները: Ովքեր ինձ կերան, նրանցից արյուն գնաց, ներողամիտ եղեք»¹¹⁸: Իսկ իշխանի որդիները Կոստանդնուպոլսում կայսեր զայրույթի պատճառով զնդան մետվեցին, քանի որ նրանց հայրը՝ Վարազ-Տրդատը միայն արաբներին էր հարկ տալիս: Վարդան և Գագիկ եղբայրներին զնդանից հանեց Հուստանիանոսին 711 թ. փոխարինած հայագահ կայսր Փիլիպիկոս Բարդեանը, որը նրանց նվերներ շնորհելով ուղարկեց հայրենի երկիրը:

Արաբները Դերբենտի դռնով արշավանք ձեռնարկեցին խազարների դեմ: Մալիման զորավարի բանակում ընդգրկված էր նաև Աղվանից այրուծին՝ քաջ Վաչական Պատրիկյանի գլխավորությամբ: Արաբ զորավարը նրան հանձնեց վերջապահ զորքերի հրամանատարությունը: Նրանք հաղթում են խազարներին, ապա ետ են վերադառնում Ալանաց դռնով: Սա Վաչական թագավորական տան ժառանգորդի մասին վերջին հիշատակումն է: Պատրիկյան նոր անունը նշանակում է, որ նրա հայր Պատրիկ Քարոյանն ու ինքը արաբներից կառավարիչ էին կարգված եղել նշանակալից ծառայությունների համար:

Ընդհանրապես, այս ժամանակաշրջանից շատ հազվադեպ են մեր պատմիչների՝ Մեծկողմանց գավառի մասին հիշատակումները: Սակայն երբեմն որոշ իրողություններ ասես պատռում են լուսության քողն ու հասնում մեր օրերը: Տարեգիրը հայտնում է, որ Մեծկողմանքի Գլխո վանքի¹¹⁹ (Թալիշ գյուղի մոտ Հոռեկա վանք) եպիսկոպոս Իսրայելը սկզբում ճգնավոր է եղել ու մի լրիվ տարի Մռավ լեռան վրա մի տեղ «գետնին ծուկնի եկած էր քնում», ապա գրում է. «Ճշմարտապատում դրվագներ քիչ հայտնաբերեցի: (Կյանքի) սկիզբը անհայտ է, այլ այն միայն կշարադրեմք, ինչ հիշում ենք»: Սակայն Աղվանից պատմության հաջորդ ժամանակագիրը հայտնում է, որ

¹¹⁸ Կաղանկատվացի, էջ 223-224:

¹¹⁹ Ըստ Կաղանկատվացու: Ուռեկա վանքի քահանա Ստեփանոսը Չերզունի դաշտակում գտնվող Հոմենց վայրում նահատակված Եղիշեի ոսկորներից հափշտակում է գանգոսկորն ու բերում Ուռեկա վանք, որի համար էլ վանքը ստանում է Գլխո վանք անվանումը: Կաղանկատվացի, էջ 8:

Աղվանից կաթողիկոս Ներսես Բակուրը, որ քաղկեդոնականություն էր ընդունել, «եկեղեցու արժանաժառանգ ուղղափառ գավակներին հալածեց և դարձրեց տարաբնակ: Ամենից առաջ հալածեց Մեծկողմանքի հրաշագործ երանելի Իսրայելին»¹²⁰: Իր ճգնարանում գիշերը երազում Իսրայելին մի տեսիլք է փայլվիլում, որը հուշում է անցյալ ժամանակների մեծ խորհուրդը, թաքցված մասունքների տեղը, «չտապ իջնում է լեռներից... աճապարանքով անցնում է եպիսկոպոսանոցի եկեղեցապատկան ավանը (այժմյան Թալիշ գյուղը - Բ.), ճշգրիտ կերպով եպիսկոպոսին (Դավիթ - Բ.) պատմում է խորհրդավոր հայտնությունը ամբողջությամբ»¹²¹: Ապա դիմում են այդտեղից ոչ հեռու Դյուտականի անառանցում նստող Աղվանից Ուխտանես կաթողիկոսին, որն էլ հանձնարարում է եպիսկոպոսներով գնալ և փորձել գտնել գանձը: Չղախն այն վայրն է, որտեղ սուրբ Մեսրոպի աշակերտները հոգների զորապետի կողմից նահատակվելուց առաջ թաղել, թաքցրել էին սուրբ մասունքները: «Այնտեղ կար մի փայտաշեն մատուռ՝ խեցիներով երեսպատված, խաչանիշ զարդարանքներով դրվագված, պատերը զարդափայլ գեղեցկությամբ հորինված: Արդ՝ երբ այդ լուրը տարածվեց, աճապարանքով հավաքվեցին անվանի մարդիկ, քրեպիսկոպոսներ, քահանաներ, սարկավագներ, հարյուրների գավառապետներ, ղեկավարներ ու մեծամեծներ, գործակալներ, տղամարդկանց ու կանանց ժողովրդական բազմություն, որպեսզի բոլորը մասնակցեն Աստծու սքանչելիքի ցուցադրությանը»¹²²: Իսրայելի թելադրանքով մատուռի պատարագի սեղանի տակ փորելով, հայտնաբերում են արծաթե տուփերը, որտեղ պահվում էր «Քրիստոսի փրկարար խաչի մասը»: Ինչպես հայտնում է պատմիչը՝ «Դրա համար Աստծու մարդ Իսրայելը եպիսկոպոսների ու ժողովրդի առջև մեծ հարգ ու հեղինակություն ձեռք բերեց, ուստի նրան պատվում էին ըստ իրեն արժանի սրբությամբ»: Սուրբ մասունքները տեղափոխում են Հոռեկ, հանդիսությամբ տեղավորում Գլխովանքում: Անշուշտ, ճգնավոր Իսրայելը Կաղանկատվացու ձեռագրից տեղյակ էր Չղախի և Աստղաբլուրի դեպքերին ու զանձը թաքցնելու մասին, սակայն գտել էր, որ հայտնությանը հանդիսավոր տեսք տալու համար այն պետք է մատուցվեր որպես Աստծո պարգև, որն էլ երկնայինից կարող էր ստանալ միայն երագի տեսքով: Այս ձևով մատուցելիս այն ավելի ընդունելի կլիներ եկեղեցու հայրերի, իշխանավորների ու ժողովրդի կողմից: Աղվանից իշխանաց իշխան Ջիվանշիրի և կաթողիկոս Ուխտանեսի հրահանգով մասունքները տանում են Պերոժ-Կավատ (Պարտավ) քաղաքը, ցուցադրում հրապարակում և եկեղեցական ժողո-

¹²⁰ Կաղանկատվացի, էջ 229:

¹²¹ Կաղանկատվացի, էջ 159:

¹²² Կաղանկատվացի, էջ 161:

վում, ապա ետ տանում Գլխովանք մենաստանը: Մեկ տարի անց Իսրայելը, որ արդեն Մեծկուանքի առաջնորդն էր, գաղտնի, առանց հանդիսության, գնում է Գիսավան, եկեղեցու գմբեթի տակ գտնում սուրբ Մաշտոցի քաքրած տուփը՝ Քրիստոսի փայտե խաչի մասունքով ու արծաթածույլ խաչով, որով քրիստոնեության քարոզն էր տարածում երանելի Մեսրոպ Մաշտոցը: Ժամանակագիրը նկարագրում է Մեծկուանքի եպիսկոպոս Դավթի մահանալուց հետո Պերոժ-Վավատ քաղաքում Աղվանից կաթողիկոս Եղիազարի ու մեծ իշխան Վարագ-Տրդատի կողմից Իսրայելը Միջնարցախի թեմի առաջնորդ է օծվում, վերադառնում եպիսկոպոսանիստ Տաղձանք (այժմ՝ Թալիշ) գյուղը: Ապա Վարագ-Տրդատ իշխանը Իսրայելին ուղարկում է Արարատյան նահանգ՝ Հայոց մեծ հայրապետ Սահակի ու Գրիգոր մեծ իշխանի մոտ՝ բանակցելու և բարեկամական կապեր հաստատելու նպատակով: Այդ ժամանակ Գրիգոր Մամիկոնյանը Դարանաղից Վաղարշապատ էր բերել սուրբ Գրիգոր Լուսավորչի մասունքները: Իսրայելն իր հայրենակից Հեղինե իշխանուհու օգնությամբ, որ Հայոց մեծ տիկինն էր (Գրիգոր Մամիկոնյան մեծ իշխանի կինը), ստանում է սուրբ Գրիգորի ծնոտի մի մասը, իր հետ այն բերում Գլխովանք, այդպես կրկին հաստատում վանքի անունը, մանավանդ, որ սուրբ Եղիշեի մասունքը Վաչակյան Գ Բարեպաշտը տեղափոխել էր Ջրվշտիկի Ներսմիհր վանքը, Եղիշեին նվիրված հուշասյուն կանգնեցրել:

Վարագ-Տրդատ մեծ իշխանը քաղաքական բարդ իրավիճակներում աչքի է ընկնում դիվանագիտական ճկունությամբ: Իսրայել եպիսկոպոսին Վաղարշապատ ուղարկելով, նա Հայոց կաթողիկոսի և սպարապետի հետ համաձայնեցնում է հյուսիսային համընդհանուր վտանգը՝ հոների ավերիչ արշավանքները կանխելու համար իր հետագա քայլերը: Ունենալով Վաղարշապատի համաձայնությունը, իշխանը երկրի նախարարներին խորհրդակցության է հրավիրում ու որոշում Իսրայել եպիսկոպոսին ուղարկել հոների երկիրը՝ բանակցությունների և հաշտություն կնքելու: Հարկ է նշել մի կարևոր հանգամանք ևս: Դա ունակ մարդուն գորշ միջավայրում զնահատելն ու զատելու ունակությունն է, որով աչքի է ընկնում Վարագ-Տրդատը: Սովորաբար թագավորների ու իշխանների կողմից մարդկանց սխալ ընտրությունը հաճախակի բերում է այս կամ այն բնագավառում ծախտողունների, որն էլ իր հերթին ծանր հետևանքներ է ունենում երկրի համար: «(Իսրայելը) որովհետև կյանքում ողջախոտ էր, հոգու իմաստությունը ճառագայթում էր բոլորի վրա և իսկապես սքանչելի էր դառնում՝ փրկելով իր և շատերի հոգիները: Նա կատարեց հնազանդության ու սիրո պատվիրանը, հանձն առավ շուտափույթ ճանապարհ ընկնել ու զնալ հոների հեռավոր երկիրը»¹²³: Իսրայելը պատվի-

րակության հետ ճանապարհ է ընկնում 681 թ. դեկտեմբերի 23-ին¹²⁴: Պարտմության հեղինակը հայտնում է, որ «եպիսկոպոսը անցնում է Կուր գետը, այսինքն՝ Հայաղվանքի սահմանը, հասնում Լփինքի քաղաքներից մեկը: Նա 682 թ. հունվարի 6-ին այստեղ կատարում է աստվածահայտնության տեղումնական տոնը»: Իսրայելը նպատակ ուներ հիմնականում խնդիրը լուծել քրիստոնեական քաղաքակրթության տարածումով: Հոների քրիստոնյա ու հայերին հավատակից դարձնելով միայն կարող էին եկեղեցու միջոցով հսկել այս ավարառու ցեղերին: «Այդ ժամանակ ծնեովա հյուսիսային քամիները անասելի բուք ու մրրիկ բարձրացրին Կովկաս լեռան սարավանդակի մոտ, որտեղ, երեք օր արգելափակված մնալով, չկարողացան աչք բարձրացնել կամ նշմարել անցման ճանապարհը: ...Հասան Վարաչան հոյակապ քաղաքը (այժմյան Բույնակսկ քաղաքի մոտ Կոսֆիր-Կումուխ վայրում) մեծ պահի սկզբում»: Մեծկուանքի եպիսկոպոսը այստեղ ականատես է լինում հեթանոսական մուլեռանդ ծեսերի՝ «Ձուռնա էին փչում ու թմբուկ էին զարկում դիակների վրա, և դաշունահարության հետքեր, դանակի ցտուճներ այտերին, մարմնի զանազան անդամների վրա արյունահոս կտրվածքներ, մերկանդամ սահարություններ, դժոխային մի տեսարան, ուր մարտահրապարակի տղամարդ տղամարդու և ջուկ-ջուկի ետևից գերեզմանի դուռն էին հասնում: Եվ խուռն բազմությունը, ըմբշամարտելով միմյանց հետ, անառակություն է անում և ձիարձակ արշավով այս-այն կողմ ճախրում: ...Նույն ձևով տռվական ցանկությամբ անառակություն անելով, ըստ հեթանոսական վայրենամիտ բարքերի, նրանք հոր կնոջը իրենց կին են դարձնում, երկու եղբայրներ մի կին էին պահում, զանազան կանայք էին առնում ...Նրանք չէին կարողանում նկատել ու ճանաչել արդարության արեգակը»: Հեթանոսները Վարաչանում «Թանգրի-խան» կուռքին խորոված ձի էին մատուցում: Իսրայելը իր քարոզներով հավատափոխ է անում հոների մեծ իշխան Ալփիլուփերին ու նախարարներին, նրանց օգնությամբ զանազան տեղերում եկեղեցիներ հիմնում, մի դաժան պայքար սկսում հեթանոսության դեմ, ի վերջո, հաղթում, այրում մեխյանները, կործանում Սպանդեատ կռատունը, կտրտում պաշտելի ծառերն ու խաչեր պատրաստում, քրմերին ու մոզերին քրիստոնյա դարձնում կամ պատժում: Հոների մեծ իշխան Իլիփվերն ու բոլոր մեծամեծները, նախարարները ժողով գումարեցին և որոշեցին խնդրել Իսրայել եպիսկոպոսին, որպեսզի մնա իրենց երկրում, հայրապետություն ստեղծի, շարունակի լուսավորել իրենց: Իսրայելը պատասխանեց, որ նման հարցերը իրենց կաթողիկոսն է վճռում, ուստի և պետք է նրանց այդ միտքն ու մտադրությունը գրավոր կերպով հայտնեն Աղվանքի ժողովրդին ու Եղիազար հայրապետին:

¹²⁴ А.А.Акопян, О хронологии последних событий в "Истории 684 года", Кавказ и Византия, Ереван, 1988, стр. 32.

¹²³ Կաղանկատվացի, էջ 185:

Անշուշտ, հոնների կողմից նամակով ժողովրդին դիմելու Իսրայելի գաղափարը դիվանագիտական քայլ էր: Հոնների մեծ իշխան Իլիթները Աղվանից կաթողիկոսին ու մեծ իշխան Վարազ-Տրդատին ուղղված նամակով և եպիսկոպոս Իսրայելին ետ բերելու համծնարարությամբ Աղվանք ուղարկեցին երկու զորավարների՝ Խուրսան Ջիրթզինին և Խազր Չաթին: Հրովարտակում ասվում է. «Հոգեղեն աչքերի տեսողությամբ ընդունեցինք ձեր կողմից առաքվածին՝ Աստծու այր Իսրայել եպիսկոպոսին և դրա միջոցով ողջունում ենք ձեզ՝ Աղվանքի մեծ հայրապետ Եղիազար և մեր սիրելի եղբայր Աղվանքի աշխարհակալ իշխան Վարազ-Տրդատ: Որովհետև դուք մեզանից խնդրում էիք մարմնավոր խաղաղություն, իսկ մենք հոգևոր ողջույնով տեսանք դա ինչպես Աստծու պատկեր և դրա (Իսրայելի) սուրբ վարքի ու նորասքանչ հրաշքների միջոցով, որ բարձրալը ցույց տվեց, ճանաչեցինք մեր արարչին ու ստացանք մեր հոգիներին խաղաղություն: Եվ արդ՝ մեզանից խնդրում ենք, որ նույն իրեն՝ Իսրայելին, տաք մեզ եպիսկոպոս ու առաջնորդ, որի միջոցով շատերս հավիտենական փրկություն գտանք, և որպեսզի մեր և ձեր միջև անքակտելի բարեկամություն հաստատվի: Ողջ եղեք տիրոջով»: Նման խնդրանքով հոնները մեկ այլ նամակ են ուղարկում Հայոց ամենայն կաթողիկոս Սահակ Գ-ին ու սպարապետ Գրիգոր Մամիկոնյանին: Կաթողիկոսն ու սպարապետը պատասխանեցին, որ եպիսկոպոսի Հոնների երկիրն ուղարկելը Աղվանից կաթողիկոսության խնդիրն է: Իսկ Պարտավում հոնների զորավարներ Ջիրթզին Խուրսանին ու Չաթն Խազրին պատասխանեցին, որ Իսրայել եպիսկոպոսն իբրև առաջնորդ իր թեմն ու հոտն ունի, ուստի երկար ժամանակով չի կարող բացակայել երկրից: Սակայն խոստացան երբեմն ուղարկել նրանց երկիրը: Հոնների զորականները անհանգստացան, ասելով. «Մեզ մոտ գալն ու գնալը թող ուշ-ուշ չլինի, հավատի դրված հիմքը նորից չքանդվի, և նա մեզ որք չթողնի, որովհետև ուրիշ վարդապետի մենք չենք լսի ու հնազանդվի»: VII դարում արդյոք պատահակա՞ն էր նման մի դիվանագետ-եկեղեցականի հանդես գալը, որը տարածաշրջանի համար ռազմավարական մի բախտորոշ խնդրի լուծումը մեն-մենակ իրականացնում է հակառակորդի երկրում հեթանոսությունից քրիստոնեության բերելով: Անշուշտ, սա այն աշխատանքի արգասիքն է, որ ձեռնարկել էին Մեսրոպ Մաշտոցն ու նրա հետնորդները, ապա և Վաչական Բարեպաշտը, որոնք Արցախում և Ուտիքում ստեղծեցին կրթական մի ամբողջ համակարգ: Իսկ Իսրայել եպիսկոպոսը այդ կրթական մշակույթի վառ արտահայտություններից մեկն էր:

591 թ. Բյուզանդիայի կայսեր դեմ ապստամբության պարտությունից հետո, երբ գերված Սմբատ Բագրատունուն տանում են Կ.Պոլիս, որտեղ կրկեսում, բյուրավոր հանդիսատեսների առջև մերկ ձեռքերով հաղթում է արջին, ցուլին և առյուծին, ի վերջո, ազատ արձակվում, «այս ժամանակներ-

րից սկսած հետզհետե զօրանում է Մամիկոնեան հոսանքի թեքումը դեպի Արևմուտք, իսկ Բագրատունեացը՝ դեպի Արևելք»¹²⁵: Նիկողայոս Աղոնցը, վերլուծելով VII-VII դարերի իրադարձությունները, գալիս է այն հետևություն, որ Հայաստանում կար երկու կուսակցություն՝ Մամիկոնյան և Բագրատունի: «Եթե Մամիկոնյանները հայ խաչելության և սրի շողշողուն քարերն են, Բագրատունիք հայ խոհականության քարե սիւներն են, - գրում է պատմագետը, ավելացնելով.- Բագրատունիները, որ ձեռքերը անմիջապես չեն երկարում դեպի սուրը, այլ դնում են ճակատին և խորհում»¹²⁶: VIII դարի կեսերին Հայոց իշխանաց իշխանը Աշոտ Բագրատունին էր, որը վայելում էր Մրուանի՝ Արաբական խալիֆայության գահի ժառանգորդի հովանավորությունը: Գրիգոր և Դավիթ Մամիկոնյան եղբայրները փորձում էին Աշոտ Բագրատունուց խլել առաջնությունը: Ներքին ընդհարումների ժամանակ Աշոտը սպանում է Դավթին: Երբ սպանվում է Սրվանը, Գրիգոր Մամիկոնյանը օգտվում է խառնաշփոթ իրավիճակից և ապստամբում արաբների դեմ: Աշոտ Բագրատունին դեմ էր ապստամբությանը, այն համարելով ժամանակավրեպ և անօգուտ, քանի որ արաբները դեռ շատ հզոր էին: Բյուզանդացոց կայսր Կոնստանդինը խոստացել էր օգնել հայ ապստամբներին: Սակայն այդպես էլ բյուզանդական զորքը չեկավ օգնության: Աշոտ Բագրատունին, որպեսզի փրկի Հայաստանը հերթական ավերից, հեռացավ ապստամբներից, գնաց Բագրևանդ և ներկայացավ արաբներին: Գրիգոր Մամիկոնյանը ծուղակ է պատրաստում և բռնում Աշոտին, համծնում Դավթի ծառաներին, որոնք այրելով կուրացնում են իշխանաց իշխանին: Դա 755 թ. էր: Աշոտին հաջորդեց նրա հորեղբոր՝ Բագարատի որդի Սահակ Բագրատունին, «զեղազեղ երեսօք, երևելի հասակաւ և ազնուական բնութեամբ»: Ապստամբությունից 20 տարի հետո «երկիրը ծածկվեց խոռվքի նոր ամպերով»: Արտավազը Մամիկոնյանը Դվինում զենքի պատրաստություն տեսավ և տեղափոխվեց Շիրակ, Կումայրի ավանում զարկեց արաբներին: Մուշեղ Մամիկոնյանը սպանեց արաբ հարկահանին և ամրացավ հինավուրց Արտազես բերդում: Ապստամբները իրենց կողմը գրավեցին Կույր Աշոտի որդուն՝ Սմբատ սպարապետին, որը Մամիկոնյանների փեսան էր: Երկրի իշխանաց իշխանը Աշոտն էր՝ Սահակի որդին: Նա ընդդիմացավ ապստամբներին, խրատելով «չանսալ մոլեկան մոնոզոնի (կրոնավորի) քարոզին և ետ կենալ վնասակար ձեռնարկից»¹²⁷: 20 տարի առաջ նույն վիճակում էր մյուս Աշոտը՝ նրա պապի եղբայրը, որը փորձեց Մամիկոնյան-

¹²⁵ Ն. Աղոնց, «Բագրատունյաց փառքը», Պատմական ուսումնասիրություններ, Պարիս, 1948, էջ 34 (այսուհետ՝ Աղոնց):

¹²⁶ Նույն տեղում, էջ 43:

¹²⁷ Նույն տեղում, էջ 38:

ներին ետ պահել գերիզոր խալիֆայության հետ կորստաբեր ընդհարումից: Յեռատես իշխանի խոսքը ոչ ոք չլսեց: Շուտով տեղեկացան, որ 30 հազարանոց արաբական բանակը ոմն Ամրի հրամանատարությամբ հլաթ էր հասել: Ռամիկներից ու շինականներից կազմված Մամիկոնյանների զորքը ցրվեց: Մամիկոնյան իշխաններն ու նրանց կողմնակիցները որոշեցին կռվել, չնայած համոզված էին, որ փրկություն չկա: Ընդհարումը տեղի ունեցավ 775 թ. ապրիլին, Արճեշում: Նահատակվեցին Մուշեղ Մամիկոնյանն ու Սմբատ Բագրատունին: Երեք հազար հայոց ինքնագոհ քաջերի մարմինները երկար ժամանակ ընկած էին դաշտում անձրևի, արևի տակ: Մուշեղի երկու որդիները փախան Վասպուրական, որտեղ Մեհրուժան Արծրունին ստորաբար սպանեց պատանիներին: Այսպես Մամիկոնյան կարմիր զինվորները իջան Յայոց պատմության ասպարեզից: Կորավ և նրանց հավատարիմ Կամսարական նշանավոր տունը: Նրանց վերջին շառավիղը՝ Ներսեհ Կամսարականը, զոհվեց 785 թ. խազարների եվ հույների դեմ կռիվներում: Այս կռիվներում զոհվեց նաև արաբների կողմից իշխանաց իշխան կարգված Տաճատ Անճևացին, որը թողել էր բյուզանդական ծառայությունն ու անցել արաբների կողմը: Ասպարեզը մնաց Սմբատի որդիներին՝ Աշոտ (Մսակեր) և Շապուհ Բագրատունիներին, որոնք իրենց ենթարկեցին Արշարունիքը, Շիրակը, Աշոցքը և Տայոց գավառը:

XI դարի վրաց հեղինակ Ջուանշերին վերագրվող «Վախտանգ Գորգասալ և նրա հաջորդները» ժամանակագրությունը հայտնում է. «...Իսկ արաբացիք (սարկինոսները) ուժեղացան Ռան (Առան) երկրում և տիրեցին Գագիրին և Յայքին (Սոմխիթին): Ատրներսեհ (Աղարնասե) Կույրի եղբորորդիք, երեք եղբայրները, որոնք այրեցին հորեղբոր աչքերը, Տարոնից էին եկել Շակի և հաստատվել այնտեղ Արչիլի հրամանով, քանի որ Կովկասի բոլոր ծայրերը Ռանի կողմից անբնակ էին դարձել... և երեք եղբայրները հաստատվեցին մինչ Գուղզուղ (Գուլզուլ)»¹²⁸: Յայկական աղբյուրներում Վիրք գնացած Բագրատունիների հետքերը պարզաբանել է Նիկողայոս Աղոնցը: Աշոտ Կույրը ունեցել է երկու որդի՝ Սմբատ սպարապետը, որը զոհվեց 775-ին և Վասակը, որը ապստամբության պարտությունից հետո թողեց Դարոյնք (այժմ՝ Բայազիտ) ամրոցը և հեռացավ: Ըստ Վարդան Արեվելցու՝ Արաբական իշխանությունները Աշոտի որդի Ատրներսեհի որդի Վասակի որդի Աշոտ հայոց իշխանին տվեց «գերկիրն Վրաց», ուր գնաց հնազանդեցնելու իրեն, իսկ Լևոն Ե հայագզի կայսրը (813-820) Աշոտին ուղարկեց Կյուրապաղատության պատիվ¹²⁹: Ուրեմն՝ Վրաստան դիմողները ոչ թե Աշոտ

¹²⁸ Լ. Մելիքսեթ-բեկ, Վրաց աղբյուրները Յայաստանի և հայերի մասին, հատոր Ա, Եր., 1934, էջ 195-196:

¹²⁹ Աղոնց, էջ 119, տես նաև Վարդան... էջ 77:

կույրի եղբորորդիներն են, այլև որդին ու թոռը: Մխալ է նաև Վասակին ու նրա որդիներին վերագրել Աշոտին կուրացնելը: Վասակի որդի Ատրներսեհը, որը խելացի քաղաքականությամբ կարողացավ շահել արաբական իշխանությունների վստահությունը, վրաստանի իշխան կարգվեց: Այս հաջողությանը անմասն չէր անտարակույս այն վարկը, որ Բագրատունիները ձեռք էին բերել Յայաստանում: Յամարյա իրար զուգահեռ Յայոց և Վրաց Բագրատունիները զուգահեռաբար դարձան թագավորներ, Աշոտ Մսակերի թոռը՝ Աշոտ Բագրատունին, 885-ին՝ Յայաստանում, Աշոտ Կյուրապաղատի ծոռը՝ Ատրներսեհ Բագրատունին, 899-ին՝ Վրաստանում: Բագրատունիների մեկ այլ ճյուղը, որը ստանում է Շաքին, շատ արագ ընդարձակում է իր տարածքները դեպի արևելք և հարավ: Քաղաքական այս իրադարձություններն անենևին էլ պատահականություն չեն: Միջնադարի պատմիչ Բարդանը այս առթիվ գրում է. «Աշոտի իշխանաց իշխան նշանակվելուց հետո ձեռնմուխ եղավ նվաճելու եվ հնազանդեցնելու «գիշխան Յայոց, գՎրաց և գՎղուանից»: Աշոտ Կյուրապաղատը նրան էր ենթարկվում, որի մասին փաստում են բազմաթիվ վավերագրեր: Ու համոզված կարելի է ասել որ Բագրատունիների կողմից Յարավային Կովկասին ու Յայաստանին տիրանալու ծրագրին տեղյակ էին ու հավանություն էին տվել նաև արաբական իշխանությունները: Այն նոր քաղաքական իրավիճակում, երբ ամենուր ապստամբություններ են բռնկվում, անժայրածիր տերությունը իրենց ձեռքում պահելու մի նոր ու նաև հուսահատ քաղաքականություն էր: Անշուշտ, առանց արաբների թողտվության Բագրատունիների հայոց հարստությունը երբեք չէր կարող տիրանալ երեք երկրներին: Վրաստանում վրաց ազգայնական սնապարծությունը անմիջապես ուղիներ փնտրեց Բագրատունիների Վիրք եկած ճյուղը «պոկելու» հայկական հողից: Բագրատունիները, սկսած VI դարից, ընդունում էին խորենացու քյուր կարծիքը, որ Բագրատունիները իրեններից են, զորավար Շամբատ Բագարատ նախահորից¹³⁰: Անշուշտ, այս միտքը պատմահորը թելադրել է նրա հովանավորը՝ Սմբատ Բագրատունի իշխանը, ինչն էլ տեղ է գտել «Յայոց պատմությունում»: Աղոնցը այս առթիվ գրում է. «խորենացու այս ենթադրությունը հաստատուն հող է գտել և անգամ ձգտում առաջ բերել իրենական ծագումը հասցնելու մինչև Դավիթ մարգարեն, որից ոգեկորվել է վրաց ազգայնական միտքը և հորինել մի գրույց, ապացուցելու, որ Վրաց Բագրատունիները ամենևին չեն սերում Յայոց Բագրատունիներից, այլ նույն ծագման երկու ճյուղեր են»¹³¹: Վրաց ժամանակագիրը, տոհմի ծագումը կապելով երրայական առասպելի հետ, գրում է. «...Յեւ Սողոմոնի այս յոթ եղբայրները յեկան եկե-

¹³⁰ Խորենացի, էջ 67:

¹³¹ Աղոնց, էջ 103:

ղեց (եկլեց) Ռաքայել տիկնոջ (թագուհու) մոտ, և նրանցից մկրտվեցին: Եւ մնացին Հայոց (Սոմխեթի) յերկրում, և այնտեղ այն օրվանից ցայսօր նրանց զավակները տիրում են Հայքին: Նրանցից չորս եղբայրները յեկան Քարթլի, որոնցից մեկին՝ Գուարամ անուն՝ նշանակեցին իշխան (երիսթավ): Եւ այսպէս Վրաց (Քարթլիի) Բագրատունիները այն Գուարամի սերունդն ու ազգականներն են: Իսկ Գուարամի եղբայրը՝ Սահակ անուն՝ զմաց Կախը (Կախեթ) և խնամիացավ Ներսեսին, իսկ մնացած երկու եղբայրները՝ Ասամ և Վարզավարդ անուն՝ զմացին Կամբեջավան, սպանեցին Պարսից սպասալարին և տիրեցին Կամբեջավանին¹³²: Իրականում Բագրատը բուն հայկազունի է: Բագրատ կամ Բագահրատ անունը գալիս է անհիշելի ժամանակներից և կրակ կտրող, բերող աստծո անունն է: Ըստ Հրաչյա Աճառյանի, Բագրատը նշանակում է Միիր աստծու տվածը կամ ստեղծածը¹³³:

Աշոտ Կուրի երեք եղբորդիները 775 թ. Կախեթի թագավոր Արչիլի կամքով հաստատվեցին Շաքիում, որոնց տիրույթը Այրի գետակի ավազանից հասնում էր մինչև Ալազանի վերին հոսանքում գտնվող Գավազանի քաղաքը (այժմ՝ Թելավի մոտ)¹³⁴: Մինորսկին գրում է. «Կասպակից արևմուտք տարածված էր ավելի կաւոր իշխանություն՝ Շաքեն, հայերեն՝ Շաքի, որը հին Աղվանքի մասն էր: Նա տարածված էր Կախեթից արևելք, գլխավորապէս Ալազանի արևելյան վտակի երկարությամբ»¹³⁵: Արաբ աղբյուրներից Իբն Յուլկալը Շաքին տեղադրում է Կուրի և Շիրվանի արանքում և երկրի տեր է անվանում Համամին: Իսկ արաբ հեղինակ Բալազորին Շաքիի հիմնադրումը կապում է պարսից թագավոր Կավատի անվան հետ (489-581 թթ.): Շատ հեղինակներ Շաքի և Շակաշեն տեղանունները կապում են մ.թ.ա. VIII-VII դարերում այստեղ հանգրվանած սկյութների հետ: Արաբ մատենագիր Մասուդին, որն անձամբ եղել է Աղվանքում, գրում է. «Շամարների թագավորության մոտ գտնվում են շաքիները, որոնք քրիստոնեական հավատքի ցեղ են, նրանց մեջ ապրում են մեծ թվով մուսուլմաններ, ...մեր այս գիրքը գրելու ժամանակ շաքիների թագավորը Ատրներսեհն էր՝ Համամի որդին, ինչպէս անվանում են նրան»¹³⁶: Իսկ ահա Թովմա

¹³² Լ. Մելիքսեթ-բեկ, «Բագրատունյաց պատմությունից», Վրաց աղբյուրները Հայաստանի և հայերի մասին, հատոր Ա, Եր., 1934, էջ 136:

¹³³ Հր. Աճառյան, Հայոց անձնանունների բառարան, հ. Ա, Եր., 1942, էջ 355:

¹³⁴ Աղոնց, էջ 81:

¹³⁵ В. Мишорский, История Ширвана и Дербента X-XI веков, М., 1963, стр. 116.

¹³⁶ Н.А.Караулов, Сведения арабских писателей о Кавказе, Армении и Азербайджане, "Сборник материалов по описанию местностей и племен Кавказа", вып. XXIX, Тифлис, 1901, стр. 57.

Արծրունին հայ իշխանների Բուղայի կողմից ծերեակալման առիթով գրում է. «Սմբատի որդի Սահլը՝ Շաքիի տերը, որ ծերեակալեց Բաբանին»¹³⁷: Պատահակա՞ն է «Շաքիի տեր» արտահայտությունը: Սահլի հայրը՝ Սմբատը, Արչիլի մոտ զնացած Բագրատունի եղբայրներից մեկն էր¹³⁸: Նա արագորեն ծավալում է իր տիրույթները դեպի արևելք և հարավ, իսկ որդին՝ Սահլը, այն հասցնում է մինչև Արաքս: Արաբների դեմ ծավալված ապստամբության արտահայտություններից էր նաև արաբական զորաջոկատի վրա Սահլ Սմբատյան իշխանի հարձակումը Արցախի Շիկաքար բերդում: Ապստամբությունների առիթը Հայաստանում արաբների ծանր լուծն էր, որը դրվել էր ժողովրդի վրա: «Այս մեծ զրկանք եղավ Աղվանքի համար, - գրում է աղվանից ժամանակագիրը, - որովհետև Պարտավ մայրաքաղաքը արաբները խլեցին Աղվանքի իշխաններից համաձայն իրենց ազգապղծության»¹³⁹: Արաբները ծգտում էին զորացնել արաբական զաղուբները Հայաստանում, Աղվանքում և Վրաստանում: Հայ Բագրատունիները մի անգիջում պայքար էին սկսել օր օրի հզորացող արաբ իշխանների դեմ: Արաբները մահմեդական համայնքներ էին ստեղծում քաղաքներում և բերդերում: Արաբները լցվել էին եփրատի և Տիգրիսի ավազանի տափաստանները: Աղվանքը ևս ծանր կացության մեջ էր: Դվինից Պարտավ փոխադրվեց Արմինիայի փոխարքայության Ամիրի աթոռանիստը: Ամիրները, որոնք նշանակվում էին խալիֆի կողմից, այլևս արաբներ էին կամ պարսիկներ: Արաբները հաստատում են նոր հարկադրույքներ, ծխահարկը փոխարինվում է գլխահարկով և հողահարկով, որոնք զանգվում էին 15-60 տարեկան բոլոր հպատակ տղամարդ բնակչությունից: Հայոց Տեր-Սիոն կաթողիկոսը Դվինից տեղափոխվում է Պարտավ, այստեղ մեծ ժողով գումարում և սահմանում եկեղեցական 24 կանոնները: Տեր-Սիոնին փոխարինած Հայոց Տեր-Եսայի կաթողիկոսը դիմում է Պարտավում նստող Ավբեթլու ոստիկանին՝ ժողովրդի հարկերն ու մյուս ծանրությունները թեթևացնելու թախանձանքով: Սակայն ոստիկանն անդրդվելի էր: Աղվանից Հովհաննես Գ կաթողիկոսը 784 թվականին կաթողիկոսական աթոռը ստիպված էր Պարտավից տեղափոխել Բերդակուր (Մայրաքաղաք կոչվող վայրը): IX դարի սկզբներից Հարուն-ալ-Ռաշիդ խալիֆի օրոք, հարկահանությունը բացարձակ կողոպուտի տեսք է ստանում: Ապստամբությունները փոխարինում էին մեկը մյուսին: Կուր-Արաքսի միջագետքի հարթավայրային մասում տնօրինում

¹³⁷ Թովմա Արծրունի ու Անանուն, Պատմություն Արծրույաց տան, Եր., 1985, էջ 299:

¹³⁸ Ս.Ֆարխուդարյան, «Արցախի, Շաքիի ու Փառիսուսի իշխանությունները IX-X դարերում», Պատմա-բանասիրական հանդես, Եր., 1971, N 1, էջ 63:

¹³⁹ Կաղանկատվացի, էջ 254:

էին արաբները, որոնք մեծաթիվ խաշնարած այլ ցեղեր էին բերել և բնակեցրել Առանի բարեբեր դաշտերում: Հայերի մեծ մասը ստիպված լեռներն էին քաշվում: Իսկ Արցախի և Ուտիքի լեռնային մասերում տիրող հայոց Առանշահիկները «կծկված պահում էին հինավուրց իշխանական տոհմի ավանդներն ու հավակնությունները... Բայց դա զսպանակի կծկումի պես էր...»¹⁴⁰: «Իսկ երբ լրացավ հայոց երկու հարյուր յոթանասուն թիվը, - գրում է աղվանից պատմիչը, - Պարտավից գաղտնի դուրս եկան արաբ ընտիր մարդիկ, ավարի ենթարկեցին Ամարաս գավառը, և մոտ հազար հոգի գերեվարելով, ամրացան Սեծիրանքի սահմանում մի տեղ, որ կոչվում է Շիկաքար: Այդ ժամանակ քաջ ու շքեղատեսք Սահլ Սմբատյան Առանշահիկ իշխանը և իր քաջագոր եղբայրները իրենց զորքերով լուսադեմին վրա տվին, նրանց բոլորին միասին դիաթավալ արին, ցիրուցան դարձրին և ինչպես առյուծի ժանիքներից, գերհներին խլեցին»¹⁴¹:

Այս օրինակը ևս հաստատում է, որ արաբները տիրություն էին անում միայն հարթավայրերում, իսկ լեռներում տիրում էին բնիկ իշխանները, որոնք էլ իրենց ժողովրդի հետ պահում էին հին ազգային մշակույթը, գիրն ու գրականությունը, հավատքը, սովորությունները, ավանդությունները: Այդ իշխանները բերդերից ոչ հեռու լեռնալանջերին ու անտառներում, բարձրադիր տեղերում հիմնում էին մոր սրբարան - եկեղեցիներ ու վանքեր՝ իրենց դպրոցներով ու դպրատներով, շարունակում մեծ գիտնական և լուսավորիչ Մաշտոցի սկսած գործը: Վանքերում մատենագիրները արտագրում, բազմացնում էին եկեղեցական ու պատմական գրքերը: Հենց միայն «Աղվանից պատմությունը» իրադարձությունների ականատես տասնյակ հայ մատենագիրների իրար շարունակող երկ է: Միհրանյանների հարստությունը այնքան էր լուծվել Առանշահիկ իշխանական տների մեջ, որ լրիվ ձուլվել էր հայկական միջավայրին, դարձել քրիստոնեության միաբնակ ճյուղի ամենաջերմ պաշտպանը, իրեն լրիվ հայ էր զգում, միայն առիթ լինելիս պարծենում, որ իրենք սերում են Միհրանյան ազգեցիկ տոհմից: 822 թ. Փիլիպեան Ներսեհ-Դժնակ իշխանը Ղադի վանքի ձորում սպանում է իր ազգական Վարագ-Տրդատ Բ իշխանին, որը վերջինն էր Միհրական տոհմից, ինչպես և նրա որդուն՝ մոր գրկում, հափշտակում նրա ունեցվածքը: Սպանված իշխանի կինն իր Սպրամ դստեր հետ գնում է Ծար բերդավանը, որտեղ նստում է Սահլի որդի Ատրմերսեհ իշխանը, Սպրամին կնության տալիս իշխանին:

IX դարի սկզբներին Ատրպատականում սկիզբ է առնում Բաբեկի ապստամբությունը արաբական իշխանության դեմ: Բաբեկը աղանդավոր

խուռույան կոչված կրոնական շարժման առաջնորդն էր: Խուռույանները քարոզում էին ինչքի և կանանց ընդհանրություն, ժխտելով սեփականության իրավունքը: Միևնույն ժամանակ Բաբեկը ձգտում էր նորանոր տարածքներ գրավել: Աղվանից մատենագիրը Բաբեկին նկարագրում է իբրև դաժան և անգութ մարդու, որը անխնա կոտորում է քրիստոնյա բնակչությունը: Բաբեկը իր զորքով եկավ իրեն ենթարկելու Աղվանքն ու Սյունիքը: «Գեղարքունի գավառի բնակիչներից 15 հազար հոգու սրի քաշեց և այրեց մաքենացիների մեծ մայրաքաղաքը, այս ժամանակ հայոց 276 թվականն էր (827թ.)»¹⁴²: Բաբեկի դեմ ապստամբած իշխանները ամրացան Գոռոզ բերդում, որը Արցախի Դիզակի գավառում էր: Այստեղ է ամրանում Եսայի ապու Մուսե հայոց իշխանը, որը 12 տարի տիրեց Վերին Վայկունիք կամ Ծար, Բերդաձոր, Սիսական, Հաբանդ-Ամարաս, Պարզկանք, Մուխանք և Տրի գավառներին, որոնք ընդգրկում են Արցախի արևմտյան և հարավային տարածքները: Բաբեկը իր փոխարեն Ամարասում տեղադրված բանակին հրամանատար է թողնում Ռոստոմին, որը փորձում է ուժով գրավել բերդերը, սակայն ջախջախիչ պարտություն է կրում: Արաբական խալիֆությունը բաժանվելով ամիրությունների, սկսել էր անկում ապրել: Ամիրությունները ձգտում էին անկախանալ և ինքնուրույն պետությունների վերածվել: Պարսիկ Միհրանյան հայացած տոհմի և Առանշահիկ բնիկ հայ տոհմի միջև պայքարը իշխանության համար արդեն հասել էր իր գագաթնակետին: Եթե Միհրանյան տոհմը արդեն սպառվում, վերջանում էր, ապա Առանշահիկները լեռներում մոր բերդեր ու տարածքներ էին գրավում: 829 թվականին տեղի ունեցավ մի դեպք, որը վերջնականապես լուծեց այս մրցակցության խնդիրը: Միհրանյան մյուս ճյուղերը գահերեցություն չունեին և Առանշահիկների հետ խնամիական կապերով ապահովել էին իրենց գոյությունը: Իհարկե, վրեժխնդրությունը շարունակվում է: Միհրանյաններից Ստեփանոսը Սյունիք է բերում Բաբեկին, ու նրա միջոցով ավերում Ներսեհ-Դժնակ Փիլիպյանի ենթակա գավառները:

837 թվականին 12 հազարանոց հեծելազորով հանկարծահաս Արցախ է արշավում արաբական զորքը: Շաքեի ու ողջ Աղվանքի տիրակալ Սահլ Սմբատյանը «վրա է տալիս, ինչպես որ արծիվը խոյանում է տկար թռչունների մեջ, և ետ շարտում»¹⁴³: Նույն տարում Սահլ Սմբատյանը ձերբակալում է Բաբեկին, «որը մարդախողխող, աշխարհավեր, արյունարբու գազան էր»¹⁴⁴: Բաբեկը, ծանր պարտություն կրելով արաբներից, Ատրպատականից անցնելով Արաքսը, Հայաստանով փախչում էր դեպի Բյուզանդիա: Այս մասին է

¹⁴⁰ Բ.Ուլուբաբյան, էջ 272:

¹⁴¹ Կաղանկատվացի, էջ 255:

¹⁴² Նույն տեղում, էջ 256:

¹⁴³ Նույն տեղում, էջ 259:

¹⁴⁴ Նույն տեղում:

վկայում նաև արաբ պատմագիր Աբու Խանիֆա ադ-Դինավարին¹⁴⁵։ Աբու Խալիֆ Դինավարին գրում է. «Երբ Բաբելը անցավ Արաքս գետը, դեպի նրան ուղղվեց Սահլ իբն Սումբատը, երկրամասի կառավարիչը»։ Ուրեմն՝ Արաքսը նրա տիրույթի հարավային սահմանն էր։ Հայ իշխանը Բաբելին հանձնում է արաբներին և ըստ ժամանակագրի՝ «Նրանցից իրավունք ստանում Հայաստանի, Վրաստանի և Աղվանքի վրա՝ բոլորին տիրելու արքայական իշխանությամբ»¹⁴⁶։ Արաբ մատենագիր Տաբուսին ասում է, որ արաբ զորավար Աֆշինը, որը հաղթել էր Բաբելին (հայկական աղբյուրներում Բաբան), մեկ միլիոն դրամ պարգև խոստացավ փախստական ապստամբին բռնելու համար։ Սահլ Սմբատյանը (Սահլ իբն-Սմբատ) տեղեկանալով, թե որտեղ է թաքնված Բաբելը, նրան հրավիրեց իր ամրոցը։ Պայմանավորվում են, որ Բաբելը գնա Սահլի ամրոցը, իսկ նրա եղբայր Աբդուլլահը՝ Եսայի աբու-Մուսեի (Ներսեհ-Դժնակ իշխանի թոռան) Քթիչ ամրոցը։ Որսատեղում Սահլը ձերբակալում է Բաբելին։ Տաբարին այս առիթով գրում է. «Սահլը ուղարկեց իր որդի Մուավիային՝ Բաբելի հետ Աֆշինի մոտ, որը հրամայեց տալ Մուավիային հարյուր հազար դիրհեմ, և ուղղափառների տիրոջ անունից մեկ միլիոն դիրհեմ Սահլի համար, նաև թանկարժեք քարերով ընդելուզված զոտի և պատրիկի թագ»։ Սահլի որդի Մուավիան նույն Համամ-Հովհաննեսն է (ըստ Իբն ալ Ասիրի՝ Առանի պատրիկը)։

Այնուհետև ժամանակագիրը հայտնում է, որ 838 թ. խազարների երկրից մորեխներ եկան, որ զարմանալի կերպով ավելի մեծ էին, քան ճնճուկը և Աղվանքի մի մասի բուսականությունը ոչնչացրին։ Երկու տարի հետո սաստիկ ծնեռ եղավ Արցախում։ Այդ ժամանակ Կուրի ձախսափնյա Բաղասականից թալանի նպատակով զորք եկավ և մեծ վնաս հասցրեց Սիսական, Տրի և Ամարաս գավառներին։ Եսայի աբու-Մասեն դուրս եկավ նրաց դեմ ու Կուրից այն կողմ քշեց։ Այդ ժամանակներում Արցախում տիրապետող իշխանական տներն էին.

- ա/. Սահլ Սմբատյան Բագրատունի մեծ իշխանը,
 - բ/. Բակ իշխանի տոհմը Ներքին Խաչենում,
 - գ/. Շիրանշահանց տոհմը՝ Մեծ Կողմանքում, որը նստում էր Մայրաքաղաքում,
 - դ/. Ներսեհ-Դժնակ Փիլիպյանի տոհմը, որն իշխում էր Վարանդայում, Դիզակում և Բերդաձորում, նստավայրն էր Տունի գյուղը,
 - ե/. Գարդմանքի Առանշահիկների մյուղը։
- Հայ մատենագիրը հայտնում է, որ խազարցի Փատգոսի որդին սրով գրավեց Աղվանքը, բազմաթիվ եկեղեցիներ այրեց ու գնաց Բաղդադ, Խա-

լիֆից իշխանություն ստացավ և հայոց 295թ. (846թ.) կառուցեց Գանձակ (Գյանջա) քաղաքը, այն դարձրեց ոստիկանանիստ։ Հայաստանում 850-ական թվականներին բռնկված ապստամբությունը ճնշելու նպատակով խալիֆը մեծ բանակ է ուղարկում դաժան զորավար թուրք Բուղա Շարաբիի հրամանատարությամբ։ Հայոց սպարապետ Սմբատ Բագրատունին անմիջապես հպատակություն հայտնեց Բուղային։ Այսուհետ Սմբատը Բուղայի խորհրդակալն էր և գործակիցը, մասնակցում էր նրա արշավանքներին։ Սակայն ինչպես ցույց տվեցին հետագա իրադարձությունները, Սմբատը փաստորեն նաև Բուղայի գերին էր։ Նրանց հետ էր նաև Սմբատի 32-ամյա որդին՝ Մուշեղը։ Սակայն Սմբատը հայոց պատմագրության մեջ որպես դավաճան չի համարվել։ Նա ձեռնարկել էր այս դժվարին և անպատվաբեր գործը, որպեսզի փրկի հայրենիքը Բուղայի ճիրաններից։ Թուրք գործակալները արաբներին ծառայության էին մտել Մութասիմի խալիֆայության շրջանում, երբ նա իրանական տարրի հանդեպ ունեցած իր դժի և թշնամության պատճառով թուրքերին զորություն շնորհեց և քիչ-քիչ Աբասյանների իշխանությունը սկսեց թուրքերի ծառայության լծվել¹⁴⁷։ Սակայն այդ ժամանակ դեռևս թուրքական ցեղերը Իրան և Կովկաս չէին թափանցել։ Թուրքերի պատմության սկիզբը համարվում է մ.թ. 545 թ. երբ Չինաստանի հյուսիսային տարածքներում պատերազմ է սկսվում Ալթայի թուրք քոչվորների ու չինացիների միջև¹⁴⁸։ Թուրքերը տիրացան Չինաստանի հյուսիսային սահմաններին՝ մինչև Կորեական թերակղզին։ Ապա նրանք շարժվեցին դեպի Իրանի արևելյան շրջանները։ VI դարի երկրորդ կեսին թուրքերը գրավեցին Կասպից ծովի հյուսիսային տարածքները և շարժվեցին դեպի Սև ծովի հյուսիսային ափերը։ Խոսրով Անուշիրվանի ժամանակ թուրքերը ամեն կողմից դեմ քշվեցին։ Իսկ 690 թ. չինական զորքերը ջաղջախեցին թուրքերին։ 626 թ. թուրքերը, միանալով խազարներին և դաշնակցելով Բյուզանդիայի հետ, հարձակվեցին Իրանի վրա։ Երբ աշխարհին տիրում էին արաբները, թուրքերը երբեք չհամարձակվեցին այլևս արշավանքներ կազմակերպել դեպի Իրան, քանի որ արաբների տիրապետության մի ժայռը Միջին Ասիայում էր, մյուսը՝ Հնդկաստանում։ Սակայն թուրքական դուր կամ օղուզ (օքուզ-եզ բառից, որը տոտեմ է) ցեղերի մի մասը իսլամ ընդունեց, որպեսզի հնարավորություն ունենա օգտվելու փարթամ արոտներից։ Թուրքերը չունեին ոչ գիր, ոչ գրականություն, ոչ էլ զեղարվեստական որևէ ուշագրավ գործ, մարտարապետություն և այլն։ Պրոֆ. Ջուլյանը գրում է. «Տայժմ թուրքերի պատմությունը առաջադրվել է չինական, պարսկական, հայկական և բյուզանդական աղբյուրների հիման վրա, իսկ թուրքերից ոչ մի գործ

¹⁴⁵ «Краткие сообщения института Народов Азии», N 47, 1961, стр. 92:
¹⁴⁶ Կաղանկատվացի, էջ 259:

¹⁴⁷ Էնեաթոլլահ Ռեգա, էջ 131:
¹⁴⁸ Cordier H., Histoire generale de Chine, vol. I, parts, 1920, p. 356.

չի մնացել: Սա մի իրականություն է, որ մինչև անգամ թուրք պատմաբաններն էլ պարտավորված են եղել խոստովանել¹⁴⁹: Թուրք ամիրաներ էին կարգված Ազարբայջանում, ինչպես և որոշ դեպքերում բանակների իրամանատարությունը նրանց էր վստահված: Սակայն թուրքերի զանգվածային ներհուր դեռևս տեղի չէր ունեցել: Բայց թուրք իրամանատարները, ինչպես և թուրքական ցեղերից վարձու զորամիավորումները հետագայում լուրջ գլխացավանք դարձան խալիֆաթության համար: Նրանք, տեսնելով արաբների թուլացումը, այս ու այնտեղ սկսեցին ապստամբությունները Աբբասյանների դեմ: 853-854թթ. թուրք զորավար Բուղան արշավում է դեպի Տփղիս, Ուտիք և Արցախ: Նա ծանարներից (մեզրեղներ) ծանր պարտություն է կրում, ապա շարժվում դեպի Ուտիք և Արցախ: Արցախի մեծ մասին տիրում էր Եսայի աբու-Մուսե (Մովսեսի հայր) իշխանը, որը IX դարի հայ պատմիչ Թովմա Արծրունու վկայությամբ կարդացող և խաղաղասեր մարդ էր: Հայ իշխանը ամրանում է Քթիշ (Գտիչ) ամրոցում: Բուղան, պաշարելով բերդը, մեկ տարվա ընթացքում 28 գրոհ է ձեռնարկում՝ գրավելու այն, սակայն բոլորն էլ անարդյունք: «(Թշնամին) կրեց մեծամեծ հարվածներ, ինչպես հարդն է բշվում կամ ծուխը ցրվում մրրիկից, և այսպես (նրանք) կորան գնացին աղվանից գորբի առջեից»¹⁵⁰: Մի բլրի վրա կանգնած, հեռվից արաբական զորքերի վերջին խոշոր հարձակումը դիտում էր Մուշեղ Բագրատունին: Ասես արաբ զորքերին վերջ չի լինելու: Թովմա Արծրունու վկայությամբ, նա հուզված մի ոտանավոր գրեց՝ Քթիշի այդ ճակատամարտը համեմատելով Քրիստոսի երկրորդ գալստյան և ահեղ դատաստանի հետ: Եսայի իշխանի քաջավարժ զորաշարքերը ճշգրիտ տեղաշարժերով գրոհում էին ու լեռան թեքության վրայով հետ մղում բշնամու գնդերը: Արաբները կրկին դիմեցին խորամանկության: Խալիֆի անունից գրություն ուղարկեցին հայոց քաջ իշխանին, որ խաղաղությամբ իր մոտ գա՝ իբր ստանալու իր ընծաներն ու պատիվները: Հայտնի էր, որ Բուղան Վասպուրականի Նկուն բերդի մոտ պարտություն կրելով Գուրգեն Արծրունուց, այնուհետև խաբել էր հաղթող իշխանին, հրավիրել իր բանակն ու շրթայակապ ուղարկել խալիֆի մոտ: Բայց և հազիվ թե արցախցի քաջ իշխանը տեղյակ չլիներ թուրք զորավարի այս խորամանկ ու նենգ վարքի մասին: Հավանաբար, ապավինելով հայոց սպարապետի՝ արաբների իրամանատարի կողքին ներկայությանը, հայ իշխանը տեղի տվեց և ցած իջավ բերդից: Բուղան իսկույն ձերբակալեց անհաղթ իշխանին: Թուրք զորահրամանատարը ձերբակալելով նաև հայոց անվանի նախարարներին՝ սպարապետ Սմբատ Բագրատունուն, իշխան Ատրնեբսեհին, Սյունյաց Գրիգոր իշխանին, Սահլ Սմբատյանին, Վայոց ձորից Վասակ Իշխանիկին, Սյունյաց Փիլիպե իշխանին, Ասորիցեաց Ստեփաննոս-Կոն իշխանին, բոլորին արցախցի Եսայի Ապուսուսեյի հետ շրթայակապ ուղարկում է Դամասկոս: Գերի տարված հայ նախարարներին Մութավաթիլ խալիֆը դատում է: Կրկնվում է Պարսից արքունիքում V դարի դեպքը, երբ հայ նախարարներին ստիպում են մագղեական կրոն ընդունել: Խալիֆը ստիպում է հայ իշխաններին մահմեդականություն ընդունել: Սակայն մի քանի հոգի, այդ թվում՝ Սմբատ սպարապետը, կտրուկ հրաժարվում են և նահատակվում: Մնացած իշխանները առերես ընդունում են, քլպատվում և տուն վերադառնում: Սակայն այս պատերազմները սասանեցին արաբների դիրքերը: Խալիֆը չէր հասցնում ճնշել աշխարհածիր երկրի այս ու այն ծայրում բռնկած ապստամբությունները: Ութսուն տարի ևս Հայաստանն ու Հայադվանքը մնացին արաբական տիրապետության տակ, սակայն արդեն ինքնավար վիճակում, որը մի փուլ էր ինքնուրույնության նախապատրաստման համար:

Սահլ Սմբատյանին հաջորդում է Համամ-Գրիգոր Բագրատունին, որը Աշոտ Բագրատունուն զուգահեռ նույն տարում Աղվանից թագավոր է կարգվում: Փաստորեն իրականանում է Բագրատունիների երազանքը: Նրանց տոհմը տիրում է ողջ Հարավային Կովկասում և Հայկական լեռնաշխարհում: Անշուշտ, Բագրատունյաց տոհմի նախահայրենիքը Շիրակն է և «այստեղից բխած կամ ներշնչված ջանքերը տանում են դեպի մի հոյակապ կառուցում, որ է՝ հավաքել, խմբել կովկասյան բոլոր ցեղերը մի և հանուր քաղաքական հարկի տակ, ներդաշնակել նրանց կյանքն ու գործունեությունը համագործակցության և համերաշխության գետնի վրա, Բագրատունի ծառի հովանու ներքո»¹⁵¹: Բ. Ուլուբաբյանը գրում է. «Հայոց թագավորությունը վերականգնող Աշոտ Բագրատունու և նրա տոհմակիցների ու հաջորդների ջանքերն իզուր չանցան: Վերջ տրվեց արաբական տիրապետությանը, և շուրջ երեք դար տևած ծանր մղձավանջից հետո ժողովուրդները լծվեցին խաղաղ կյանքի, տնտեսական ու մշակութային բուռն վերելքին»¹⁵²: Եվ այս համեմատաբար խաղաղ շրջանում «Բագրատունյաց փորձը՝ ընդգրկել համայն Կովկասը ինչպես մի մեծ ընտանիք, մի քաղաքական կենսակցության շաղկապի մեջ, ներկայանում է մեզ որպես մի խիզախում՝ գաղափարական լայնությամբ անօրինակ միջնադարյան նեղսիրտ մթնոլորտում և կազմում է այս նշանավոր տոհմի պատմական փառքը»¹⁵³, - գրում է Ն. Ադոնցը: Սակայն Բագրատունիների ծրագրերը լիակատար հա-

¹⁴⁹ М.К.Зулалян, Вопросы древней и средневековой истории Армении в освещении современной турецкой историографии, Ереван, 1970, стр. 51-52.
¹⁵⁰ Թ.Արծրունի, Պատմություն Արծրունյաց տան, Եր., 1985, էջ 287:

¹⁵¹ Ադոնց, էջ 155:
¹⁵² Ուլուբաբյան, էջ 126:
¹⁵³ Ադոնց, էջ 136:

ջողություն չունեցան: Նախ ցեղային, կրոնական, ավատատիրական տարբերությունները անմիաբան էին դարձնում երկիրն ընդգրկող իշխանությունները: Կար և բյուզանդական գործոնը, որը վճռական դեր ունեցավ Բագրատունիների, ինչպես և նրանց ծրագրի ճակատագրի խնդրում: Սակայն Բագրատունիների ցանած սերմերը հետագայում պետք է նոր ծիլեր տան հայ-վրացական հարաբերություններում... Այս մասին հետո, քանի դեռ վիճահարույց հարց էր դարձել Սահլ Սմբատյանի տոհմակունքը: Բ.Ուլուբաբյանը ամեն կերպ ձգտում է Սահլին ու նրա հետնորդներին Առանշահիկ «դարձնել»: Անշուշտ, ինքը ևս հավատում էր այս վարկածին: Եվ նա Սահլին (Սահակի կրճատ ձևը) Բագրատունյաց տոհմի հետ կապելու մեջ մեղադրում է Սարգիս Ջալալյանցին, «որը հետագայում տարածվեց պատմագիտական գրականության մեջ»¹⁵⁴: Թվում է, որ Արցախի հետագա պատմության համար իրական նշանակություն չի կարող ունենալ տեղի իշխանական տոհմերի տեղի առանշահիկյա՞ն, թե Բագրատունյաց ծագում ունենալը, մանավանդ, որ երկուսն էլ Հայկյան սերունդ ունեն: Միանգամայն կասկածելի և անընդունելի է Սահլի՝ Վաչական թագավորական տոհմի հետ կապելու ենթադրյալ ձևը: Իսկ կասկածի առնել Արծրունու «Շաքիի տեր» արտահայտությունը, երբ նրա հաջորդները ևս հաջորդաբար տարբեր պատմիչների կողմից Շաքիի իշխան կամ թագավոր են հիշվում, ոչ մի քննադատության չի դիմանում: Արցախի կամ Խաչենի իշխանական տան ժառանգների Բագրատունյաց հարստության շառավիղներ լինելը ոչ մի ստվեր չի գցում նրանց վրա, այլ ընդհակառակը, էլ ավելի է բարձրացնում: Այո, Շաքի-Նուխիում (Յերեթ-Կամբեճան) 775-ին հաստատված երեք Բագրատունիների անունները ժամանակագիրները չեն պահպանել: Սակայն նրանցից մեկի՝ Սալի հոր անունը պահպանվել է հռչակավոր դարձած որդու միջոցով: Դա Սմբատն էր, Բագրատունի երեք եղբայրներից մեկը, որի՝ իր եղբայրների հետ լուռ գործունեության հիմքի վրա հենվելով էր որդին՝ Սահլը, հզոր ու հռչակավոր դարձել:

ՀԱՅՈՑ ԲԱԳՐԱՏՈՒՆԻՆԵՐԻ ԻՇԽԱՆՈՒԹՅԱՆ ԺԱՄԱՆԱԿԱՇՐՋԱՆ

Ժամանակագիրը հայտնում է, որ 848-873 թթ. Աղվանքի, Լփինքի և Չողի կաթողիկոսն էր Մեծկուլվենքի առաջնորդ Հովսեփը: Երբ մահանում է Հովսեփի կաթողիկոսը, Արցախ-Ուտիքի իշխաններն այնքան էին տարված քաղաքական անցուդարձով, որ ժամանակ չունեին հոգևոր առաջնորդ ընտրե-

¹⁵⁴ Ուլուբաբյան, էջ 52:

լու համար: Օգտվելով այս իրավիճակից, Մեծկողմանց Սամվել եպիսկոպոսը, Իմաստասեր կոչված քահանայի հետ խոսքը մեկ արած, առանց կաթողիկոսի օրհնության իր առաջնորդությունը տալիս է Միսայելին, ապա իր եպիսկոպոսի կողմից ձեռնադրվում Աղվանից կաթողիկոս: Լուրը կոիվներով տարված բանակն է հասնում: Իշխանները զրգովում են: Միաբանության կողմից գեկուցում են Հայոց կաթողիկոս տեր Գևորգին, որն էլ դիմում է հայոց իշխաններին, պահանջում միջամտել այդ գործին ու վերականգնել խաղաղությունը: Իսկ Սամվելը իր հերթին համաձայնեցնում է Աղվանքի գլխավորներին ու իշխաններին և խաղաղություն հաստատում նրանց միջև: Սակայն Աշոտ Բագրատունի մեծ իշխանը պահանջում էր սուրբ Գրիգորի դրած կարգ ու կանոնով վարվել և ձեռնադրվել Հայոց կաթողիկոսի կողմից: Ինքնահավան Սամվելը Աշոտ Բագրատունու հորդորներից հետո ստիպված է լինում մեկնել Դվին ու երկրորդ անգամ ձեռնադրվել հայոց 326 թ. (փրկչական 877 թ.): Ուշադրության արժանի է այն փաստը, որ պարբերաբար որպես ինքնակոչ կաթողիկոսներ են հանդես գալիս Մեծ Կողմանց եպիսկոպոսները: Անշուշտ, նրանք Աղվանից կաթողիկոսական աթոռը Մեծ Կողմանց սեփականությունն էին համարում ու ձգտում, որ այն որպես ժառանգական իրավունք տրվի Մեծ Կողմանց հոգևոր տերերին: Այս պայքարը խորը արմատներ ունի ու պետք է շարունակվի մի ամբողջ հազարամյակ: Իսկ ահա այդ դժնդակ ժամանակներում 863 թվականին Բաղդադից վերադառնում է Ատրնեսուսի մեծ իշխանը, որը շուտով մահանում է, ու նրան փոխարինում է որդին՝ Գրիգոր Ա-ն, որին Համամ կոչեցին:

IX դարի վերջերին Աբասյան հարստության թուլացումը աստիճանաբար նոր քաղաքական աշխուժացում է բերում նրա տիրապետության տակ գտնվող երկրներում: Նա այլևս անկարող էր մշտական զորքեր պահել այդ ծայրագավառներում: Անդրկովկասում իրենց ավելի ազատ էին զգում հայ, վրացի և Հայաղվանքի իշխանները: 870-ական թվականներին արաբների դեմ ապստամբեց արևելյան Պարսկաստանը Սաֆֆիի որդի Յակոբի ղեկավարությամբ: Արաբները Արմինիայի իշխանոց իշխան էին կարգել Աշոտ Ա. Բագրատունուն, որին ենթակա էին Վրաստանն ու ողջ Աղվանքը: Աշոտը ինքնիշխան էր և ինքն էր հավաքում խալիֆի հարկերը և ուղարկում Բաղդադ: Յակոբի զորքերին միանում են Աշոտ Բագրատունու և Աղվանից իշխանների զորքերը, հաղթական պատերազմ մղում արաբ ոստիկանի դեմ:

Բյուզանդական կայսրությունը ամեն կերպ ձգտում էր օգնել այդ երկրներին ազատվելու խալիֆի ազդեցության ոլորտից, որպեսզի իր ձեռքը գցի դրանք: Բյուզանդիայում 867 թ. կայսերական գահին տիրացավ ազգությամբ հայ, ինչպես ինքն էր ասում՝ հայ Արշակունյաց թագավորական տան ժառանգ Վասիլ Ա-ն: Տեղեկանալով, որ ավանդաբար Արշակունի թա-

գավորներին ձեռնադրում էին Բագրատունիները, Վասիլը Աշոտ Բագրատունուց թագ է խնդրում: Վասիլ Ա-ն հիմք դրեց Մակեդոնյան (Վասիլը ծնվել էր Ալեքսանդրիա քաղաքում) կամ հայկական դինաստիային, որը կայսերական աթոռը իր ձեռքում պահեց 160 տարի:

IX Դարի երկրորդ կեսին, շուրջ 450 տարվա ընդմիջումից հետո, Հայաստանում վերականգնվեց թագավորությունը: 875 թ. հայոց թագավոր հռչակվեց Աշոտ Բագրատունին (875-899 թթ.), որին 9 տարի հետո ստիպված եղավ ճանաչել խալիֆը: Աշոտի գահակալությունը չճանաչեց Բյուզանդիայի հայ ազգի կայսր Վասիլ Ա-ն (867-885 թթ.): Բյուզանդական հետագա կայսրերը այդպես էլ Բագրատունիներին որպես հայոց թագավորներ չճանաչեցին ու նրանց կոչում էին «Իշխանաց իշխան» տիտղոսով: Նրանք ընդունում էին, որ քրիստոնեական աշխարհում միայն մեկ թագավոր կարող է լինել՝ կայսրը: Ստացվում է, որ Բագրատունիների հարստության հաստատումից ի վեր բյուզանդական կայսրերը որդեգրում են հայկական թագավորությունը վերացնելու ծրագիրը, որն էլ 150 տարի հետո պետք է հաջողվի նրանց: «Բարեպաշտ Համամը (Գրիգոր), որը եղավ նաև Աղվանքի թագավոր», - գրում է աղվանից հայ ժամանակագիրը¹⁵⁵: Շուրջ 360 տարի ընդմիջումից հետո Հայաղվանքում վերականգնվում է թագավորությունը: Սահլ Սմբատյանի թողած՝ Համամ-Գրիգորը, ավելի է ընդարձակում իր տիրույթները, փաստորեն վերականգնում Վաչակյան Բարեպաշտի թագավորության սահմանները, այսինքն՝ Բուն և Հայոց Աղվանից երկրների միասնությունը: «Համամ» անունը «Գրիգորի» արաբերեն քարգմանությունն է, որը նշանակում է «արթուն», «զգոն», «հոգատար»¹⁵⁶: Նրա տիրույթները արևմուտքում ընդգրկում էին Սևանա լճի արևելյան ափերը Սեծ Մազրա, Շողվազ բնակավայրերով, իսկ արևելքում հասնում էին մինչև Պարտավի (Բարդա) մատույցները¹⁵⁷: Նա վերակառուցում է Հավթախաղաց ամրոցը, որը գտնվում է Գանձասարից ոչ հեռու լեռան կատարին: Համամ-Գրիգորը ունենում է հինգ որդի: Պատմաբանները հաճախ միացնում են երկու անձնավորությունների՝ Համամ Արևելից իշխանին, որը նստեց Աղվանից գահին և Համամ-Հովհաննես Բագրատունի վարդապետին, որը առակների մեկնաբան էր ու աստվածաբան: Համամ Արևելից իշխանի մասին կոնկրետ տեղեկություն հաղորդող Հովհաննես Դրասխուրանակերտցի կաթողիկոսը, որը նրա ժամանակակիցն էր ու մոտիկից գիտեր նրան, ոչինչ չի հիշատակում թագավորի զրական-գիտական հակումների մասին: Համամ Բագրատունի վարդապետի մասին գրող ժամանակագիրները իրենց

¹⁵⁵ Կաղանկատվացի, էջ 262:

¹⁵⁶ Ուլուբաբյան, էջ 76:

¹⁵⁷ Բ. Ուլուբաբյան, հաչեսի իշխանությունը X-XVI դարերում, Եր., 1975, էջ 78:

հերթին լռում են նրա իշխան կամ թագավոր լինելու մասին: «Աղբյուրագիտական անառարկելի փաստերից այժմ կարելի է հանգել մի եզրակացության. Համամ Արևելիցի իշխանը և Համամ վարդապետ Բագրատունին տարբեր անձեր են եղել»¹⁵⁸, - գրում է Բ. Ուլուբաբյանը: Վաչակյան թագավորներից սկսած, պարսից արքունիքը Հայաղվանքի տերերին էր հանձնել նաև Կուրի ձախափնյա շրջանների վերահսկողությունը: Համամը իր մշակութային գործունեության շնորհիվ ստանում է Բարեպաշտ անունը, որին իր նախորդներից արժանացել էր Վաչակյան Գ-ն: Համամ-Գրիգոր թագավորի ժամանակաշրջանում է, որ Աղվանքի տարածքներում ծավալվում է վանքերի և եկեղեցիների շինարարությունը: Թագավորը մեծ ուշադրություն է դարձնում ճար (Ջար), Թալա և Բելուկան բնակավայրերին, որոնք Կովկասի հարավային ստորոտում են (այժմ Ջաքաթալայի և Բելուկանի շրջաններ, Աղբեջանի Հանրապետություն), բերդերից բացի Մամրուխի և Լիկիտի կլոր հատակագծով զվարթնացատիպ եկեղեցիների կառուցումը, որոնք, ճիշտ է, գեղարվեստական ու ճարտարապետական տեսանկյունից զգալի զիջում են իրենց փառավոր նախորդին, բայց իրենց հերթին կառուցողական արվեստի ուրույն նվաճում են¹⁵⁹: Համամ-Գրիգորը ունենում է հինգ որդի՝ Ապուլի (Ապու Ալի Հայկազունի), Ատրներսես Բ, Վասակ, Սմբատ, Սահակ Սևադա: Ինչպես հայտնում է մատենագիրը, Սմբատը սպանում է ավագ եղբորը՝ Ապուլին, որը կոչվում էր «Աղվանքի մեծ իշխան»: Դա մեծ սուգ պատճառեց իր տոհմին, «իսկ մյուս որդին՝ Սահակը, որ կոչվեց նաև Սևադա, մի քաջ և խելացի մարդ էր»:

Ըստ երևույթին, Սմբատ Բագրատունին, իրեն ենթարկելով Աղվանքի մեծ մասը, փաստորեն վերացնում է Աղվանից թագավորությունը: Հենց դա էր Խաչենի տեր Սահակ Սևադայի ու Սմբատ Բագրատունու դաժան ու անզիջում պայքարի պատճառը: Համամ-Գրիգորի որդիներից Ատրներսեսը իշխում էր Կամբեճան-Շաքիում՝ իր նախնիների՝ Բագրատունի երեք եղբայրների կալվածքը, այստեղ 910 թ. հավաքում հոր՝ Համամ-Գրիգորի ընդարձակ թագավորության մնացորդները: 908 թ. Ատրներսեսի մասին հիշատակում է Հայոց Հովհաննես Դրասխուրանակերտցի կաթողիկոսը, որը Սմբատ

¹⁵⁸ Ուլուբաբյան, էջ 80:

¹⁵⁹ Բաքվի գիտնականները, ինչպես, օրինակ, Դ.Ա. Ախունդովը, դրանք թվագրում են որպես IV-V դարի կառույց, որը միանգամայն անհնար է: Սակայն նրանք ավելի շատ քաղաքական նպատակ են հետապնդում, փորձելով այն չկապել հայկական մշակույթի Հայաղվանքի ճյուղավորման հետ և այն ներկայացնել իբրև արդբեջանական ճարտարապետություն, որը թյուրիմացություն է: Բաքվի պատմաբանը իր վերակազմությունների մեջ գմբեթի վրա դիտավորյալ ավանդական խաչով ավարտվող վեղար չի տեղադրել:

Բագրատունու կողմից պատգամավոր էր գնացել Յուսուֆ ոստիկանի մոտ: Վերջինս ձեռքակալում է կաթողիկոսին: Հայոց հայրապետը փախչում է բանտից, մինչև Աճի հասնելը շրջում Աղվանքում, այստեղ հանդիպում «Առ թագաւորն նոցոնց Ատրնէրսեհ, որ ըստ արևելից հիւսիսոյ Կովկասու, զի նոքա ի ժողովուրդեն էն մերո՛ւն և խաշն արօտի մերոյ էին»¹⁶⁰: Արաբ մատենագիր Մասուդին, որ անձամբ եղել էր Աղվանքում, գրում է. «Ծանարների թագավորության մոտ գտնվում են շաքիները, որոնք քրիստոնեական հավատքի ցեղ են, նրանց մեջ ապրում են մեծ թվով մուսուլմաններ, ...մեր այս գիրքը գրելու ժամանակ շաքիների թագավորը Ատրնէրսեհն էր. Համամի որդին, ինչպես անվանում էին նրան»¹⁶¹: Ադոնցը, հենվելով վրաց աղբյուրների վրա, գրում է, որ 915 թ. Կախեթի տեր Կյուրիկեն եվ Ափխալքի տեր Կոնստանտինը միացյալ ուժերով արշավեցին Հերեթ-Շաքիի վրա, եվ Ատրնէրսեհը ստիպված զիջեց իր երկրի որոշ մասը, որոնց մեջ՝ Գավազնի քաղաքը՝ Թելավի մոտ¹⁶²: Համամ-Գրիգորի մյուս որդու մասին Աղվանից պատմիչը գրում է. «Իսկ մյուս որդին՝ Սահակը, որ կոչվեց նաև Սեվադա, մի քաջ ու խելացի մարդ էր: Սա միաժամանակ տիրեց Գարդմանին, Քոսա եվ Փառնա գավառներին (Փառնոս - Բ.), այլև ամբողջ Չորագետի ավազակապետների իշխանը դարձավ ու հետամուտ եղավ գրագիտության և իր տան մեջ ուսուցիչներ նշանակեց: Սրա դեմ մեծ ջանքերով ու հնարներով պայքարեց Սմբատ թագավորը, բայց նրան չկարողացավ շեղել իր մտադրությունից»¹⁶³: Հովհաննես Հայոց կաթողիկոսը, որը քաղաքից քաղաք էր թափառում, հալածվելով արաբ ոստիկանի կողմից, նախ եղել է Համամ-Գրիգորի որդի Սահակ Սեվադայի մոտ, ապա անցել Կուրի ձախափնյալը՝ Հերեթ-Շաքի «առ թագավորը նոցոնց Ատրնէրսեհ»: Համամ Գրիգորի մյուս որդիներից Վասակը, ըստ Բ.Ուլուբաբյանի, տիրում է Խաչենում, իսկ Սմբատը՝ Վերին Խաչեն գավառում, որի մեջ էր մտնում եվ Ծարը: Այսպիսով, Համամ-Գրիգորի չորս որդիների միջոցով Աղվանից թագավորությունը տրոհվում է մասերի, ինչին էլ արդեն ձգտում էին Հայաստանյան Բագրատունիները, որոնք իրենց թագավորության մեջ են ներառում և Արցախն ու Ուտիքի լեռնային մասը, ինչպես և Պարտավն ու Շաքի-Հերեթը, տեղի գահերեց որոշ իշխանների շնորհիվ թագավորական տիտղոս ինքնավար իրավունքներով: Բագրատունյաց թագավորության մեջ մտած Հայաղվանքի հյուսիսային սահմանը հասնում էր Կովկասյան լեռների հարավային փեշե-

¹⁶⁰ Հ. Դրասխուրանակերտցի, էջ 119:

¹⁶¹ Н.А.Караулов, Сведения арабских писателей о Кавказе, Армении и Азербайджане, "Сборник материалов по описанию местностей и племен Кавказа", вып. XXX, Тифлис, 1901, стр. 57 (Далее - СМПОМПК).

¹⁶² Ադոնց, էջ 133:

¹⁶³ Կաղանկատվացի, էջ 267:

րին, մինչև Բելուկան, Ճար (Ջար) և Թալ, որոնք ևս ընդգրկված էին Առանշահիկ իշխանական տան տարածքում: Իհարկե, հարկ էր լինում անընդհատ մաքառել, դաժան պատերազմների միջոցով պահպանել անկախ պետականությունը: Մեկ հարձակվում էին արաբները, մեկ բյուզանդացիները, պակաս նեղություն չէին տալիս և Ատրպատականի տիրակալները: Աճի ամբողջ դառնում է Հայաստանի մայրաքաղաքը: Այսպիսով, Արցախի և Ուտիքի հայությունը իրենց իշխանությունների հետ կարողանում են ինքնությունը պահպանել արաբական դաժան տիրապետության տարիներին ևս ու առաջին հազարամյակի ավարտը դիմավորում են Մայր հայրենիքի զրկում: Հայաստանի տարածքը հարավում հասնում է Մանազկերտ, արևմուտքում՝ Բասեն, հյուսիսում՝ Շամքոր և Շաքի: Սակայն արաբական տիրապետության միջով անցնելով, դեռևս մշտնջենական խաղաղություն չի ստանում ոչ Հայաստանը, ոչ էլ նրա ծայր արևելյան հատվածը՝ Արցախ-Ուտիքը:

Հայաստանում 892 թ. վախճանված Աշոտին փոխարինում է Սմբատ Ա. Բագրատունին (892-914 թթ.): Ատրպատականի կառավարիչ Ափշինը Սմբատի և Լևոնի (Բյուզանդիա) մերձեցումը որպես իր դեմ դավադրություն ընդունեց: Նա իր բանակով անակնկալ հարձակվեց Դվինի վրա: Ի վերջո Սմբատը հաղթեց ճակատամարտում: Սմբատ Ա. Բագրատունին նորանոր տարածքներ է նվաճում, միացնում Հայաստանին: Նա շուտով գրավում է Կուրի ձախափը, հասնում է Ալանաց դռանը (Դարյալի կիրճ), ապա գրավում Պարտավը, Տուսը (Թաուզ), Շամքորը, Սյունիքը, Նախճավանը, Բասենը, Հարքը, Տարոնը: Հայաստանի հյուսիսային սահմանները Սև ծովից Կովկասով, Կախեթով, Դարյալի կիրճով իջնում էր Աղվանք¹⁶⁴: Բյուզանդական կայսրությունը մշտական կապեր էր պահպանում թե՛ Հայաստանի և թե՛ հարակից պետությունների, նույնիսկ Հայաստանին ենթակա կարևորագույն նահանգների հետ, ձգտում տեղի ունեցող իրադարձություններին հետևել ու հարկ եղած դեպքում՝ միջամտել: Այսպես, կայսր և պատմիչ Կոնստանդին է Ծիրանածինը (Պորֆիրոզեն) թվարկելով Հայկական պետական այն կարևորագույն միավորումները, որոնց հետ կայսերական արքունիքը կապեր ունի, հիշատակում է և Խաչենի իշխանությունը: Նրանց նամակները ուղարկվում էին «Խաչենի իշխանին՝ Հայաստան» հասցեով¹⁶⁵:

¹⁶⁴ «Արարատ» ամսագիր, 1919 թ., Ա-ժբ, էջ 51, ինչպես և Լեո, երկերի ժողովածու, հ.2, էջ 51 (այսուհետ՝ Լեո):

¹⁶⁵ Կոնստանդին Ծիրանածին, Թարգմանություն բնագրից, առաջաբան և ծանոթագրություններ՝ Հրաչ Բարթիկյանի, Երևան, 1970, էջ 151: Ինչպես նաև՝ Կ. Ծ. Բյուզանդական արքունիքի արարողությունների մասին, գիրք ք. գլ. 48, ինչպես նաև՝ Բ. : Տես նաև՝ Ուլուբաբյան, էջ 50:

Սահակ Սևադան տիրում էր նաև Գուգարքի մի մասին: Նա բարեկամական հարաբերություններ է հաստատում Սմբատ Բագրատունուն փոխարինած Աշոբ Բ Երկաթ թագավորի հետ, նրան կնության տալով իր դստերը: Սևադա Բագրատունի իշխանն արդեն հանդես է գալիս իր փեսայի զինակցի դերում: Շաքի-Կամբեճանի և Արցախի իշխանությունները շարունակում էին մնալ Բագրատունյաց հարստության կազմում: Երբ Ուտիքում ապստամբում է Մովսես իշխանը, Աշոտ Երկաթը, միացած Սևադայի հետ, ճնշում են ապստամբությունը, ձերբակալում Մովսեսին, որպես պատիժ՝ կուրացնում: Սահակ Սևադան իր երկրորդ դստերը տալիս է Կարսի Մուշեղ թագավորին (962-984 թ.) կնության: Սևադան բարեկամական սերտ կապեր է հաստատում նաև Սյունյաց տերերի հետ, գահերեց իշխան Սմբատին տալով իր մյուս դստերը՝ Շահանդուխտին: Շրջահայաց և դիվանագիտական ունակություններով օժտված Սահակ Սևադան ասես հայոց այս երեք թագավորությունները Աղվանից իշխանության միջոցով միավորող օղակի երկրածվել: Այս Սմբատը Բաղաց Կապանում թագավորություն է հիմնում: Ընդհանրապես, Արցախ-Ուտիքի և Սյունիքի ժողովուրդների կապը շատ հմուց է գալիս: Նրանք փաստորեն նույն արմատներից են սերում, խոսում են հայերենի նույն բարբառով: Արցախը հաճախ ընդգրկվում էր Սեծ Սյունիքի կազմում և կոչվում էր Փոքր Սյունիք: Դժվարին իրավիճակներում հարևան իշխանները հնարավորության դեպքում հաճախ էին իրար օգնության հասնում: Աղվանքի մեծ իշխան Սահակ Սևադայի իշխանությանը ոչ միայն հայոց թագավոր Աշոտ Բ-ի, այլև ամենայն հայոց կաթողիկոսի, Ատրպատականի կառավարիչ Յուսուփի և ներքին կռիվներից հալածյալ իշխանների ու կրոնավորների ապաստարանն էր: Օտար բռնակալներից հալածված հայոց կաթողիկոս և պատմագիր Դովհանեսը որոշ ժամանակ ապաստանում է Սահակ Սևադայի և նրա եղբոր՝ Կամբեճան-Շաքի թագավոր Ատրնեբսեհի մոտ: Հայոց թագավոր Աշոտ Երկաթը ևս, իր դեմ հորեղբոր որդու՝ Աշոտ Շապուհյանի (որին թագադրել էր հայոց թշնամի Ատրպատականի կառավարիչ Յուսուփը) լարած դավադրությունից մեղմելով, ապաստան է գտնում աներոջ՝ Սահակ Սևադայի մոտ: Սակայն շուտով իրար հակառակվում են Աղվանից մեծ իշխան Սահակ Սևադան և իր փեսա Աշոտ Բագրատունին: Վերջինս, լսելով անվստահելի մարդկանց խորհուրդները, ձերբակալում է Վասակին, որը Գեղարքունիքի իշխանն էր, բանտարկում Չորափորի Կայան բերդում: Սևադան, որը շատ դժգոհ էր փեսայի այս վճռից, ապստամբում է նրա դեմ: Անխուսափելի ճակատամարտը խափանվում է Դովհանես կաթողիկոսի ջանքերով: Սակայն Աղվանից մեծ իշխանը իր գործով գնում է Չորավար (Տավուշ - Թաուզ), գրավում Կայան բերդը ու շրթաններից ազատում Վասակին, որը գնում է իր Գեղարքունի գավառը: Սև-

ադան գրավում է մյուս բերդերը ևս, տեղի ժողովրդին տեղափոխում իր իշխանությունը: Աշոտ Երկաթը, որը գնացել էր Վրաստան՝ իր դեմ ապստամբած Գուրգենին պատժելու, այստեղ նրան հաղթելուց եվ հաշտություն կնքելուց հետո, լսելով աներոջ ապստամբության մասին, շտապում է Չորափոր: Աշոտն այստեղ հանդիպում է աներոջ ութ հազարանոց զորքին, որի կողմից շրջապատվում է: Աշոտ թագավորը մի եպիսկոպոս է ուղարկում իր աներոջ մոտ, հաշտություն խնդրելով նրանից, առաջարկելով իրար հետ լինել հայր և որդի: Սևադան չի զիջում և որոշում է ճակատամարտել: Աշոտ Բագրատունին անսպասելիորեն հարձակվում է, հաղթում եվ գերում Սահակ Սևադային ու նրա որդուն՝ Գրիգորին, անգթորեն կուրացնում երկուսին էլ: Դրանից հետո Աշոտը գրավում է Սահակ Սևադային պատկանող Գարդման բերդը ևս, այն հայտարարում իր սեփականությունը, այստեղ կառավարիչ նշանակում Ցլիկ մականունով Ամրան իշխանին: Ողջ Ուտիքի ժողովուրդը ապստամբում է Աշոտ Բագրատունու դեմ, որը արաբական խալիֆից Շահնշահի (արքայից արքա) տիտղոս էր ստացել:

Աղվանից Դավիթ կաթողիկոսից հետո կրկին ինքնակոչ կաթողիկոս է հայտնվում, դա Մեծ Կողմանքի Սահակ եպիսկոպոսն էր, որը միաբանելով Սյունյաց Յակովբ մետրոպոլիտի հետ, ապստամբում են Մայր-Աթոռ ս. Էջմիածնի՝ դարերով սրբազորված իրավունքի դեմ: Սովորաբար Սյունիքի եպիսկոպոսները ձեռնադրվում էին Հայոց հայրապետի կողմից ու սրբալույս մեռոնը ստանում նույն հայրապետից: Եվ ահա նրանք այլև ձեռնադրվում էին Աղվանից կաթողիկոսի կողմից, որից էլ ստանում մեռոնը: Հայոց Անանիա կաթողիկոսը փորձում է գրագրություններով կարգավորել իրավիճակը, սակայն ոչինչ չի ստացվում: 958 թ. Անանիա Մոկացի կաթողիկոսն այցելեց Աղվանք: Այդ ժամանակ Հերթ-Շաքիում Ատրնեբսեհին փոխարինել էր Իշխանակը, որին արաբները կոչում էին Աբո Աբդ ալ-Մալիք: Աղվանքում եկեղեցական ժողովին եկած Անանիա հայրապետը գրում է, «Տեր ծագեաց ի սիրտս հզորացն Աղուանից ի թագաւորն, որ կոչեր Իշխանակ՝ որդի Ատրնեբսեհի...»¹⁶⁶: Մինչ այդ կաթողիկոսը այցելել էր Սյունիք, որտեղ Հակոբ մետրոպոլիտը մեղա է գալիս և խոստովանում իր մեղքերը: Սակայն կաթողիկոսը չի կարողանում Աղվանք հասնել, քանի որ Աշոտ Երկաթին փոխարինած Աբաս թագավորից լուր է առնում թագուհու մահվան մասին և ստիպված ետ է վերադառնում: Այդ ժամանակ Աղվանից կաթողիկոս Սահակը մահանում է, որին փոխարինում է նրա եղբայրը՝ Գագիկը՝ նույն անկատար օծությամբ: Կաթողիկոսը Աղվանից իշխաններին թուղթ է գրում՝ չենթարկվել ինքնակոչ Գագիկին: Հովհան անունով մի եկեղեցականի ուղարկում են օժվելու Հայոց կաթողիկոսի կողմից: Տեր Անանիան սի-

¹⁶⁶ Մոկացի Անանիա կաթողիկոսի ինքնագիր թուղթը, «Արարատ», 1897, էջ 181:

րով կաթողիկոս է օծում և ուղարկում Աղվանք: Սակայն սուր վեճեր են ծագում Գագիկի և Յովնանի կողմնակիցների միջև: «Անանիան, այս բոլորը լսելով, իր մտքում վարանում և տարակուսում էր եկեղեցու տեսակ-տեսակ պառակտումների ու ապստամբությունների պատճառով, և հավաքելով եպիսկոպոսների ու գլխավոր հայրերի բազմությունը, խաչն ուն առած՝ որպես առաջամարտիկ՝ գալիս է եկեղեցու շեղված ու պառակտված պաշտոնյաների հարցով, դիմում, գնում է Աղվանք»,- գրում է Սյունյաց պատմիչը¹⁶⁷: Հայոց հայրապետը հասնում է հաչենի գավառը, որտեղ նրան հյուրընկալում է Գրիգոր իշխանը: Տեր-Անանիան իշխաններին, եպիսկոպոսներին ու վանականներին հավաքում է Արդախ կոչված վայրում, գալիս են և Գագիկն ու Յովնանը: Հայրապետը ծանոթանում է Աղվանից աշխարհի պատմությանը: Երկու թեկնածուներին էլ կարգալույծ է անում ու հեռանում: Ժողովը հավաստիացնում է Հայոց կաթողիկոսին, որ իրենք համապատասխան մեկին կընտրեն և կուղարկեն օծվելու:

Համաշխարհային վիթխարի ուժը՝ արաբական խալիֆաթը այլևս իրենից ոչինչ չէր ներկայացնում: Նա չէր կարող տիրել կամ ճնշել որևէ երկրի: Նրան ենթակա բոլոր երկրներն ու իշխանությունները անկախացան և ինքնիշխան դարձան: Բաղդադի գահը այսուհետ ներքին կոիվների թատերաբեմ էր միայն: Մոսուլում հաստատվել ու հետզհետե գործդանում էր Համադանյան արաբական հարստությունը: Եգիպտոսն ու Սիրիան ընկան Ֆարմայան հարստության ձեռքը: Կասպից ծովի հարավային մասերը, ուր Թաբասարանն էր (այժմ Մազանդարան), տիրապետում է Բուվեյհյան զուտ պարսիկ հարստությունը, որի սահմանները շուտով հասնում են Իրանի հարավին՝ Պարսից ծոցին, նրանք նույնիսկ նվաճեցին Բաղդադը՝ խալիֆին մի խաղալիք դարձնելով իրենց ձեռքում¹⁶⁸: Փաստորեն Հարավային Կովկասին մի խաղաղ ընդմիջում է շնորհվում: Ատրպատականի դաժան տիրակալ Յուսուֆի սպանությունից հետո այս ամիրությունը ևս իրենից լուրջ վտանգ չէր ներկայացնում: Այս ժամանակամիջոցում ասես խորը քնից արթնանում և հզորանում է Բյուզանդիան: Թվում է, թե Հայաստանի ու Հայաղվանքի համար շատ նպաստավոր պայմաններ են ստեղծվել: Բյուզանդիայի հայկական դինաստիայի մեջ երևան են գալիս երեք հզոր աշխարհակալ կայսրեր և զորքերի անպարտելի հայ հրամանատարներ: Կոնստանդին է Ծիրանածին կայսերը զուգահեռ երկիրը կառավարում էր նրա աները՝ հայազգի Ռոմանոս Լեկաբենոս ծովակալը (919-944 թթ.): Այդ ժամանակ բյուզանդական զորքերի գլխավոր հրամանատարն էր հայազգի Հովհան Կուրկուսը (Գուրգեն)՝ X դարի խոշորագույն զորավարը: 941 թ. Կուրկուսը ջարդում է

ռուս իշխան Իգորի բանակը, որը մոտեցել էր Կոնստանդնուպոլսին՝ թալանի նպատակով: Հետաքրքրական է, որ ռուսների մասին նույն ժամանակահատվածի վերաբերյալ տեղեկություն է հաղորդում «Աղվանից աշխարհի պատմության» մատենագիրը. «Միևնույն ժամանակներում հյուսիսային կողմերից հայտնվում է այլակրոն, անծանոթ մի ցեղ, որին ռուզիկ են անվանում»: Սա, անշուշտ, Կ.Պոլսի վրա հարձակմանը նախորդած Իգորի դրուժնան (զորաբանակ) էր, որ թալանի նպատակով Անդրկրովկաս էր թափանցել Դերբենտի դռնից: Մինչ այդ ռուս վարձկանները գալիս էին հոների և խազարների հետ: Այսուհետև մատենագիրը հայտնում է. «Սրանք ոչ ավելի, քան երեք ժամ ընթանալով մորիկի նման համատարած Կասպից աշխարհածովի ելքով (Դերբենտ), հանկարծ հասան Աղվանքի Պարտավ մայրաքաղաքը, սա ուժ չունեցավ նրանց դիմադրելու, և քաղաքը մատնեցին սրածության, խլեցին բնակիչների ամբողջ ունեցվածքը: Նույն ինքը՝ Սագարը (Ստրպատականի մարական Դելմիկների ցեղից տիրակալ), պաշարեց նրանց, բայց ոչ մի վնաս չկարողացավ տալ, որովհետև ուժի կողմից անհաղթելի էին: Իսկ քաղաքի կանայք հնար մտածելով, թույն խմեցրին ռուզիկներին (ռուսներին). սրանք իմացան դավադրությունը և անխնա կոտորեցին կանանց ու նրանց մանուկներին: Եվ Պարտավում վեց ամիս մնալով թափուր ու դատարկ թողին, գնացին»¹⁶⁹:

Աշոտ Բ Երկաթի մահից հետո Հայաստանում թագավում է նրա եղբայրը՝ Աբաս Ա-ն (930-952 թթ.), որը գահանիստ է դարձնում Վանանդի Կարս բերդը: Հայաստանի հյուսիսում աշխուժանում են աբխազները, որոնց Բեր թագավորը մեծ զորքով արշավում է դեպի Հայաստան, նպատակ ունենալով գրավել Կարսը և հպատակեցնել երկիրը, ինչպես ինքն էր ասում, տիրանալու Աբասի կառուցած տաճարին: Աբասը զորքով ընդառաջ է ելնում ու բանակները կանգնում են դեմ դիմաց՝ Կուրի աջ և ձախ ափերին: Ճակատամարտում Աբասը զլխովին ջախջախում է ինքնավստահ Բերին, գերում նրան և շրթայակապ տանում Կարս՝ ցույց տալու իր կառուցած տաճարը¹⁷⁰:

Իսկ Արցախում Սահակ Սևադային հաջորդում է նրա ավագ որդին՝ Հովհաննեսը: Ինչպես հաղորդում է Աղվանից աշխարհի պատմության վերջին շարահարող հայ մատենագիր Մովսես Դասխուրանցին. «Բարձրյալի (Քրիստոսի) աջը Հովհաննեսին ընտրեց, որը Սենեքերիմ կոչվեց, բարձրանալով թագավորական գահը: Ամենակալ տեղը սրա միջոցով վաղուց ի վեր խափանված թագավորությունը վերականգնեց»¹⁷¹: Սենեքերիմ-Հովհաննես

¹⁶⁹ Կաղանկատվացի, էջ 264:

¹⁷⁰ Լեո, էջ 576, Լեոն հաղորդում է, որ 1920թ. թուրքերը այդ տաճարը մզկիթի են վերածել:

¹⁷¹ Կաղանկատվացի, էջ 267:

¹⁶⁷ Ատ. Օրբելյան, էջ 242:

¹⁶⁸ Լեո, էջ 571:

(958-1003 թթ.) Աղվանից թագավորին թագ, երիվար և թագավորական զգեստ ուղարկեց պարսից թագավորը (Բուվեյհյան հարստություն), ինչպես և բյուզանդական կայսրության ներկայացուցիչ Դավիթ Մագիստրոսը, որը «մի չքնաղ թագ և արքայական ծիրանի ուղարկեց այդ աստվածահաջող մարդուն՝ իբրև պատիվ և գովեստ, որը հայրապետական աջով (հավանաբար Թեոդորոս Ա կաթողիկոսի) թագավորական օծում ստացավ ի փառս Քրիստոսի»¹⁷²: Սենեքերիմը իր նստավայրը ընտրեց Փառիսոս քաղաքը, որը գտնվում է Շամբոր գետակի վրա (այժմյան Աղբրեջանի Գանրապետության Կալաքենդ գյուղի մոտ)¹⁷³: Փառիսոսի թագավորությունը տարածվում էր Մռավի լեռներից մինչև Շամբոր քաղաքը, ընդգրկելով և ողջ Գարդմանքը: Փառիսոս քաղաքը տեղադրված էր Կուրի աջակողմյան Չարեք (Շամքո) վտակի երկու կողմերում, ներկայիս աղբրեջանաբնակ գյուղի տեղում: Քաղաքն ուներ 12 եկեղեցիներ ու վանքեր¹⁷⁴: Փառիսոսի բերդը՝ թագավորության գլխավոր հենարանը, գտնվում է քաղաքից ոչ հեռու, գետի ձախ ափին: Միջնադարի հայ պատմիչ Ասողիկը հայտնում է, որ Կարսի Աբաս թագավորի մայրն էր Փառիսոսի Սենեքերիմ և Գրիգոր (որին կուրացոցեց Աշոտ Բ. Երկաթը) թագավորների քույրը¹⁷⁵: Փառիսոսի թագավորությունը տևեց հարյուր տարի:

Աղվանքի Մեծ իշխան էր համարվում Աշոտ Բ-ի կողմից կուրացված Գրիգորը, որի նստավայրն էր Գանձասարի դիմաց գտնվող Դավթախաղաց բերդը: Իսկ Արցախի հարավում շարունակում էին իշխել Եսայի Ապունուսե իշխանի ժառանգորդները: Խաչենի, Ուտիքի և Կամբեճան-Շաքիի մասնատված այս իշխանապետությունները պետք է շարունակեին անմատույց պահել Դայաստանի հյուսիս-արևելյան սահմանները: Սակայն, քանի որ Դայաստանի Բագրատունյաց թագավորները ավելի շուտ զբաղված էին արտաքին ու ներքին պատերազմներով, երկրի հյուսիսարևելքը ինքնահոսի էր թողնված: Դայոց կաթողիկոսները ևս պատերազմների պատճառով չէին կարողանում կապ պահպանել Սյունիքի ու Աղվանից իրենց ենթակա եկեղեցիների հետ: X դարի կեսերին Աղվանքի Սահակ կաթողիկոսը, ապա և նրան Փոխարինած Գագիկը, որը Սահակի եղբայրն էր, սերտ կապեր ունեին Սյունաց եպիսկոպոս Տեր-Գակոբի հետ և համախոհներ էին: Նրանք սկսել էին իրենց երկրների իշխանների նման իրենց անկախ զգալ ու չենթարկվել հայոց կաթողիկոսներին: Անանիա Մոկացի կաթողիկոսը (943-

965 թթ.) ստիպված եկավ Սյունիք: Դակոբ եպիսկոպոսը խոստովանում է իր մեղքերն ու ենթարկվում կաթողիկոսի կամքին: Աղվանից Գագիկ կաթողիկոսը օծված չէր Դայոց կաթողիկոսի կողմից, ուստի Անանիան թուղթ ուղարկեց Աղվանքի իշխաններին և հոգևորականներին, որ չենթարկվեն Գագիկին: Աղվանքից կաթողիկոսի մոտ ուղարկեցին Դովնանին՝ ձեռնադրվելու: Երբ Դովնանը ետ՝ Աղվանք գնաց, Գագիկի հետ մեծ հակասություն եղավ, ուստի երկուսն էլ մերժվեցին: Անանիան մեծ շքախմբով 949 թվականին գնաց Խաչեն, Արդախ կոչված վայրը, որտեղ գտնվում էր Գանձասարի վանքը: Նրան հյուրընկալում է Գրիգոր Մեծ իշխանը: Գանձասարում Անանիա կաթողիկոս Մոկացուն ասում են, որ Աղվանից կաթողիկոսությունը չպետք է ենթարկվի հայոց եկեղեցուն: Անանիան պահանջում է Մովսես Կաղանկատվացու «Աղվանից աշխարհի պատմությունը» գիրքը: Ընթերցելով գիրքը, համոզվում է, որ Աղվանից առաջին եպիսկոպոս Գրիգորիսը ձեռնադրվել է հայոց առաջին եպիսկոպոսապետ Գրիգոր Լուսավորչի կողմից: Անանիան Գանձասարում ժողովի է հրավիրում Խաչենի, Ուտիքի և Կամբեճան-Շաքիի հոգևոր ու աշխարհիկ տերերին: Ժողովին մասնակցում էին Իշխանիկը, որը Արցախի գահերեցն էր, Իշխանաց իշխան Սենեքերիմը, որը մի քանի տարի հետո թագավորություն հիմնեց Փառիսոսում, Խաչենի Գրիգոր իշխանի որդի Սենեքերիմը, Գորոզվաց իշխան Վաչականը, որը Եսայի Ապունուսեի ժառանգներից էր, Դայոց արևելքի մեծ իշխան Գուրգենը, եպիսկոպոսներ, այլ իշխաններ¹⁷⁶: Անանիան կարգալույծ արեց թե իր ձեռնադրած Դովնանին և թե Գագիկին իրար դեմ բամբասելու համար: Ապա մերժում է Խաչենի իշխան Գրիգորի խնդրանքը՝ վերստին ձեռնադրելու Գագիկին: Դայոց կաթողիկոսը առանց որևէ մեկին ձեռնադրելու հեռանում է Աղվանքից: 958 թվականին մեռնում են թե Սյունաց եպիսկոպոս Դակոբը և թե Աղվանքի արքեպիսկոպոս Գագիկը: Անանիան վերստին զալիս է Սյունիք, գնում Կապան՝ Ջիվանշիր իշխանի մոտ, Սյունյաց եկեղեցապետ կարգում իշխանի եղբորը՝ Վահան եպիսկոպոսին, որը Վահանավանքի միաբանության առաջնորդն էր: Սակայն Աղվանք գնալ չի հաջողվում, քանի որ հայոց Աշոտ Գ. (Ողորմած) Բագրատունի թագավորն Անի մայրաքաղաք է կանչում: Սենեքերիմն ու Իշխանիկը Դայոց հայրապետի մոտ որպես Աղվանից կաթողիկոս ձառնադրվելու են ուղարկում Խոտակերաց կամ Քարկովի վանքից (Վայոց Ձորի Խաչիկ գյուղի մոտ) Դավիթ եպիսկոպոսին: Աղվանից իշխանները կաթողիկոսական աթոռի թեկնածու են ընտրում Խոտակերաց վանքի (Վայոց Ձորի Խաչիկ գյուղի մոտ) Դավթիմ և ուղարկում Դայոց հայ-

¹⁷² Ստ. Օրբելյան, էջ 257:

¹⁷³ Լեո, էջ 571:

¹⁷⁴ Б. Карапетян, С. Карапетян, Тайны Гандзак (Кировабада) и Северного Арцаха, Москва, 1998, стр. 77.

¹⁷⁵ Վարդան Արևելցի, Պատմություն տիեզերական, Մոսկվա, 1861, էջ 198

¹⁷⁶ «Արարատ», «Տեառն Անանիայի հայոց կաթողիկոսի՝ յաղագս ապստամբութեան տանն Աղուանից», 1897, էջ 143:

րապետի մոտ օծության: Անանիա Մոկացին օծում է նրան և ուղարկում Փառխոս¹⁷⁷:

Անանիա կաթողիկոսը ոչինչ չի գրում Չերեթ-Շաքիում տեղի ունեցող դավանափոխության մասին, որը ձեռնարկել էր Իշխանակ թագավորի մայրը՝ վրացուհի Դինարը: Նիկողայոս Մառը գրում է, որ Չերեթը X դարում դարձավ քաղկեդոնական ու միացավ Կախեթին¹⁷⁸: Վաղուշտի Բագրատունի ժամանակագիրը «Կախեթի և Չերեթի պատմությունում» 918 թ. տակ գրում է. «Դինար թագուհին Չերեթն հերձվածքից ուղղափառ դավանության դարձրեց»¹⁷⁹: Դինարը, ըստ Աղոնցի, Աջարիայի և Ղուելի իշխան Գուրգենի (896-941) քույրն էր, Աշոտ Կյուրապաղատի թոռան թոռը: Ինչ խոսք, որ դա հայոց եկեղեցու պասսիվության հետևանք էր: Շուրջ 70 տարի Չայոց կաթողիկոսության կողմից Աղվանից եկեղեցին անտերության էր մատնված: Իսկ եթե աշխարհիկ իշխանությունը չի ամրապնդվում եկեղեցու կողմից, անպայման այն կործանման է ենթակա: Աղվանից եկեղեցին առանց կրոնապետի թողնելու Չայոց հայրապետի քայլը խիստ բացասաբար անդրադարձավ: Շաքիի Իշխանիկ թագավորը, որը Գանձասար ժամանած Չայոց կաթողիկոսից խնդրում էր Աղվանից կաթողիկոս հաստատել Գագիկին, նկատի ուներ նրա միջոցով երկիրը փրկել վրաց եկեղեցականների հարձակումից, որը ձեռնարկել էր իր մայրը՝ Դինարը: Սակայն Անանիա Մոկացին անսասան էր: Նա միայն կարողացավ ցույց տալ, որ թագավորների կամքն անգամ իր համար նշանակություն չուներ: Իսկ դրա արդյունքում հայերը կորցրին Շաքի-Շիրվանը: Չերեթում հայերը կորցրին ոչ միայն հավատքը, այլև հայության այդ հատվածը վրացիներ դարձան, երկրամասը մեկընդմիջտ կտրելով հայկական միջավայրից:

Չայաստանում գահ է բարձրանում Աշոտ Դ Բագրատունի Ողորմածը (952-977 թթ.): Նա մայրաքաղաքը Կարսից տեղափոխում է Անի ամրոցը, կաթողիկոսական աթոռը տեղափոխում Շիրակ՝ Արգինա գյուղը, որը հեռու չէր Անիից: 961 թվականին հանդիսությամբ կատարեցին Անիի որպես մայրաքաղաքի նվիրագործումը: Աղվանքից հրավիրեցին Դերբենտի թագավոր Փիլիպպոսին՝ իր շքախմբով, ինչպես նաև Աղվանից կաթողիկոս Դավիթ-Մանուկին՝ 40 եպիսկոպոսներով: Այս առթիվ XII դարի ժամանակագիր Մատթև Ուռնայեցին գրում է. «Անհրաժեշտ եղավ հրավիրել Աղվանից աշխարհի ամենագովելի կաթողիկոս տեր Դավիթ-Մանուկին (Դավնան Ե - Բ.), նրա հետ նաև քառասուն եպիսկոպոսների: Մեծ շուքով հրավիրեցին նաև Աղվանից թագավոր Փիլիպպոսին, մի աստվածահաճո և սուրբ մարդ՝ Վաչականի որդի

¹⁷⁷ Ստ. Օրբելյան, էջ 240-248:

¹⁷⁸ Н. Мапп, Аркаун, монгольское название христиан, Петербург, 1905, стр. 67.

¹⁷⁹ Մելիքսեթ-բեկ, Վրաց աղբյուրները..., հատոր Գ, էջ 67:

Գոշակտակի որդուն, ովքեր թագավորել էին Աղվանքում: Այդ օրը գումարվեց կարևոր և մեծ ժողով Անի քաղաքում, որն այն ժամանակվանից սկսած դարձավ հայոց թագավորանիստ քաղաք»¹⁸⁰: Քիչ անց ժամանակագիրը ճշգրտում է Փիլիպպոսի թագավորության տեղը. «Այն ժամանակ (974 թ.) հայոց Աշոտ Բագրատունի թագավորի մոտ հավաքվեցին հայոց բոլոր թագավորազունները, ազատները, իշխաններն ու արևելյան շրջանների ղեկավարները՝ Կապանի թագավոր Փիլիպեն, Աղվանից թագավոր Գուրգենը (Կյուրիկե-Բ.), Կարսի տեր Աբասը, Վասպուրականի տեր Սենեքերիմը և ողջ Սասնա տունը»¹⁸¹: Դետագայում Ուռնայեցին ավելի է ճշտում թագավորության տեղն ու ժամանակները. «Կային և ուրիշ հայ թագավորներ՝ Դարբանդ գավառում, որ կոչվում էր Կապանք՝ օզերին և աղվաններին սահմանակից, նրանք ազնիվ և սրբակրոն թագավորներ էին և պատարագներում հիշվում են նրանց անունները՝ աստվածասեր այլ սուրբ թագավորների շարքում, այն է՝ Վաչականի, նրա որդու՝ Գոշակտակի որդու՝ Փիլիպեի, Փիլիպեի որդու՝ Սևադայի, Սևադայի որդու՝ Սենեքերիմի, Սենեքերիմի որդու՝ Գրիգորի, որը մեր այս մատյանի գրության ժամանակ (1136 թ.) դեռ կենդանի էր»¹⁸²: Դերբենտի հայ-աղվանական թագավորության մասին մանրամասներ է հաղորդում Սեդրակ Բարխուդարյանը¹⁸³: Սարգիս Ջալալյանը Խաչմաս գյուղի (Աղբեջանի Չանրապետություն, Կասպից ծովի մոտ) գերեզմանոցում տեսել է Դերբենտի երեք թագավորների գերեզմանները, գրի առել վիմագրերը¹⁸⁴: 1041-1042 թթ. Դվինի քուրդ ամիրա Աբուլսուարը, որը Կյուրիկյան Դավիթ Անիողիմի քրոջ ամուսինն էր, Տուրղիլի հետ միացած արշավում է, գրավում Պարտավն ու Գանձակը, սպառնում Դավիթին: Վերջինիս օգնում են Բագրատունի Դավիթ-Մանուկը և Կապանի (Դերբենտ) թագավորը երկու հազարանոց զորագնդով¹⁸⁵: Մակար եպ. Բարխուտարեանցը հայտնում է, որ Աղվանքի հին մայրաքաղաք Կապաղակի մոտ Փիլիպպե թագավորը հիմնել է իր անունով կոչվող երկու ամրոց¹⁸⁶: Նրա իշխանությունը ընկած էր Կուր գետի և Կովկասյան լեռնաշղթայի միջև ու ընդգրկում էր Ջարը (Չար), Բելականը, Շաքին (Նոխուտ), Կուրթաշենը, Վարդաշենը, Կուսարին, Խաչմասը, Դերբենտը: Փիլիպպոսի իշխանությունը ժառանգում են նրա

¹⁸⁰ Մ. Ուռնայեցի, ժամանակագրություն, 1973, էջ 2 (այսուհետ՝ Ուռնայեցի):

¹⁸¹ Նույն տեղում, էջ 11:

¹⁸² Նույն տեղում, էջ 151 - 152:

¹⁸³ Ս. Բարխուդարյան, Դերբենտի հայ-աղվանական թագավորությունը,

«Պատմա-բանասիրական հանդես», Եր., 1969, N3, էջ 125:

¹⁸⁴ Ս. Ջալալյան, Ճանապարհորդություն ի Մեծն Չայաստան, մաս Բ, Տիֆլիս,

1858, էջ 240:

¹⁸⁵ Ս. Բարխուդարյան, Դերբենտի..., էջ 130:

¹⁸⁶ Ս. Բարխուդարյան, Պատմութիվն Աղուանից, Թիֆլիս, 1901, էջ 137-138:

Յովհաննես և Գրիգոր որդիները: Խաչմասուն գտնվող նրանց տապանաքարին մինչև XX դարի սկզբները պահպանվել էր «Յովհաննես կրտսեր և Գրիգոր կրեյսար» վիմագրությունը¹⁸⁷: Նրանց հաջորդում է Բալա-Ղազարը, որը, հաստատվելով Խաչմասուն, դաժան պատերազմներ է մղում լեզգի լեռնականների դեմ: Դերբենտի հայոց թագավորությունը գոյատևեց շուրջ 200 տարի: Եթե Ս. Բարխուդարյանը ենթադրում է, որ Դերբենտի թագավորական տան ժառանգները սերում են Սյունիքից, ապա Մակար եպիսկոպոսը, առանց նշելու աղբյուրը, նրանց Բագրատունի է համարում: Նկատի ունենալով Բագրատունիների՝ հարավ-կովկասյան ընդհանուր միացյալ հզոր պետություն ստեղծելու ծրագիրը, հակված ենք կարծելու, որ Դերբենտում հայկական թագավորության հիմնումը պատահական չէ ու այն Բագրատունյաց տան մեծ ծրագրի մի մասն է, ուստի նման պատասխանատու գործը նրանք կարող էին վստահել միմիայն Բագրատունյաց հարստության ներկայացուցիչին, ինչպես դա արվեց մյուս բոլոր դեպքերում:

Բյուզանդիայի կայսերական արձույն 963 թվականին նստում է հայ զորավար Նակեփոր Փակոսը: Նա շուտով նվաճում է Կիլիկիան: Իսկ Արևելքի զորքերի գլխավոր հրամանատարն էր հայագզի մեծ զորավար Յովհաննես Չմշկիկը, որը 969 թվականին գահ է բարձրանում: Հայաստանի համար դա մի շատ բարեհաջող շրջան էր: Այստեղ գահին տիրում է Սմբատ Բ. Բագրատունին (977-990 թթ.): Նա շուտով պատերազմում է արխանդների (վրացիների) դեմ, իր հետ տանելով Վասպուրականի, Սյունիքի և Աղվանքի բանակները: Արխանդների թագավոր Գուրգենը վախենում է Դավիթ Կյուրապաղատին (Կայսերական Բյուզանդիայում կայսրից հետո չորրորդ աստիճանը) միացած Սմբատի ուժից, հաշտություն է խնդրում և ետ դառնում:

Սմբատ թագավորի եղբայր Գուրգենը, նշանակվելով Տաշիր գավառի կառավարիչ, իրեն 982 թվականին այստեղ թագավոր է հայտարարում և հիմք դնում Գուգարքի Բագրատունի թագավորության, որը հայտնի է նաև Կյուրիկյան անունով, քանի որ Գուրգենին հույները Կյուրիկե էին կոչում: Պատերազմ և խռովություն չսիրող Սմբատը ոչինչ չձեռնարկեց երկրի այս մասնատման դեմ: Նա ավելի շատ զբաղված էր Անիի շինարարությամբ: Կառուցում էր նոր տաճարներ, եկեղեցիներ, պարիսպներ...

Հայոց գահին Սմբատից հետո բարձրանում է նրա եղբայրը՝ Գագիկ Ա. Բագրատունին (990-1020 թթ.), որը ավագ եղբոր համեմատ քաջ էր ու պատերազմասեր: Նա առաջին հերթին արշավում է դեպի Սյունյաց Վայոց

ծորն ու Խաչենը՝ հպատակեցնելու նպատակով և շատ բերդեր է խլում: Խաչենում հասնում է մինչև Տիգրանակերտ (Շահաղբյուր) բերդը, որտեղ հուշարձան է թողնում արձանագրությամբ: Գուգարքում 989 թվականին Գուրգենին փոխարինել էր որդին՝ Դավիթը: Գուգարքը կարևոր կետ էր հայվրացական սահմանագլխին: Դավիթը Վրաստանից և Ուտիքից նոր հողեր նվաճելով, ընդարձակեց իր թագավորությունը: Նա, նեղելով Թիֆլիսի էմիրին, նրան ևս հպատակ դարձրեց իրեն: Դավիթը շատ հողեր նվաճելու համար ստանում է Անհողին անունը: Ավելի շատ նա խորացել էր Ուտիքի մեջ: Սա շատ կարևոր է այն տեսանկյունից, որ Գանձակում նրա հանդիման հաստատվել էր Շեղդադյան էմիրական հարստությունը, որը ծագումով քուրդ էր¹⁸⁸: Նրանք իշխում էին նաև Դվինում: Երեք եղբայրներ Դվինից, գալով Գանձակ, սպանում են տեղի էմիրին և իրենք տիրապետում այստեղ: Էմիր է դառնում երեք եղբայրներից Փատլունը, որն իր զորքով փորձեց կանգնեցնել Դավիթի առաջխաղացումը դեպի Գանձակ: Առաջին իսկ ընդհարումից պարտություն կրեց քուրդ Փատլունը և հազիվ կարողացավ փրկվել զոհվելուց: Դավթի դեմ ապստամբում են նրան ենթակա Գագ (այժմ՝ Ղազախ, Ադրբեջանի հանրապետություն) գավառի հայ իշխանը, որը վրացադավան էր դարձել, վրաց թագավորից ստացել «արքայիկ» տիտղոս: Դավիթը հեշտությամբ ճնշում է ապստամբությունը: Նա իրեն անկախ է հայտարարում, չենթարկվելով «Շահնշահ» տիտղոս ունեցող Գագիկ Բագրատունուն: Իսկ Գագիկը ծգտում էր կենտրոնացած հզոր պետություն ստեղծել, միավորելով բուն Հայաստանի նահանգները: Սակայն դրա համար նա պետք է կրկին վերանվաճեր հենց Հայաստանի մեծ մասը, որի գավառներում ծնվում էին նորանոր թագավորություններ: Սյունիքում բավականին հզոր էր Բաղաց թագավորությունը: Արցախում, որն արդեն Խաչեն անունով էր հայտնի, թագավորներ էին հռչակվել Եսայի Ապունուսեյի ժառանգները, ինչպես նաև Վերին Խաչենի, Փառիսոսի, Կամբեճան-Շաքիի տերերը:

Գագիկ թագավորը առանց մեծ ճիգերի նվաճեց Գուգարքի թագավորության տարածքները, ու Դավիթը ստիպված դիմեց Սարգիս կաթողիկոսի միջնորդությանը: Դավիթը հպատակվեց հորեղբորը և լծվեց նոր բերդերի շինարարությանն ու երկրի ամրացման կարևոր գործին: 1003 թվականին, երբ մահանում են Փառիսոսի տերերը, Գագիկ Բագրատունին իսկույն իր իրավունքի տերը կանգնեց: Գանձակի էմիր Փատլունյանը ևս ուզում էր իր ձեռքը զցել բերդերով հարուստ և խիստ ամուր երկրամասը: Կարճատև պատերազմը բերեց մի համաձայնության, որի հետևանքով Փառիսոսը բաժանվեց Անիի թագավորության և Գանձակի էմիրության միջև: Ըստ հավա-

¹⁸⁷ Մ. Բարխուդարյանց, Պատմութիւն Աղուանից, հատոր Բ, Թիֆլիս, 1907, էջ 15: Մակար եպիսկոպոսը մինչև իր ժամանակները պահպանված տապանաքարերի արձանագրություններով գտնում է Փիլիպպոսյան հարստության շառավիղները, որոնք ձգվում են մինչև XIX դ. կեսերը:

¹⁸⁸ Стенли Лен-Пуль, Мусульманские династии, стр. 294.

նականության, ռազմավարական տեսանկյունից Գագիկին ձեռնտու էր միայն լեռնային մասը, որը պետք է պահպաներ երկրի հյուսիսարևելյան սահմանները: Սակայն Սևաղայի ժառանգները շարունակում էին իշխել Փառիստում մինչև XI դարի կեսերը: Փառիստում լավ հիմքերի վրա էր դրված կրթությունը, մշակույթը: Սրա արգասիքն է դառնում Փառիստի հայ մեծ փիլիսոփա, պատմիչ և մեկնաբան Յովհաննես Իմաստասերի ծնունդն ու գործունեությունը (XI դարի կեսերին):

919 թվականին Վասպուրականում արևելքից հայտնվեց մի ասպատակիչ զորաբանակ, որը զարհուրելի էր ոչ միայն իր դաժանությամբ ու վայրենի բարքով, այլև արտաքին տեսքով, որոնց հայ պատմիչ Ուռհայեցին անվանում է «թունավոր օձեր»: Արևելքում ծնունդ էր առել մի նվաճող ուժ, որը պետք է պատուհաս դառնար շատ ժողովուրդների համար: Դրանք Միջին Ասիայի տափաստանների հարազատ զավակներն էին սելջուկ-թուրքերը: X դարի վերջերին Ղուզերի (Օղուզ-եզ, որ տոտեմական նշանն է) որոշ խմբակցություններ սկսել էին թափանցել Իրանի Սամանյանների արքունիքը և ազդեցիկ դիրքեր գրավել այնտեղ¹⁸⁹: Սելջուկն ղուզ-օջուզների իշխաններից էր, որ իշխում էր նրա մի ճյուղին: Սելջուկը իր զորքով շարժվում է դեպի իսլամական աշխարհը ու մահմեդականություն ընդունում: Երբ Իլաքի որդի Բադրխանը ներխուժեց սամանյանների երկիրը, վերջինները դիմեցին Սելջուկի օգնությանը, որն իր որդուն Ալիասլանին ուղարկեց կռվելու նրանց կողմից: Ի վերջո Սամանյանները պարտվում են: Նրանց երկրի մի մասին տիրում են Կարախան թուրքերը: Սելջուկի ցեղակից Ալի-Թազինը խորասանում սպարապետ է դառնում ու Ղազվինում հիմնում իր իշխանությունը: Հետո սպարապետ է դառնում թուրք Մահմուդը, որն իրեն է ենթարկում խորասանն ու խորեզմը: Այստեղ Մահմուդը պատերազմում հաղթում է Սելջուկի որդի Ալիասլանին ու Ղուզերից հիսուն հազար թուրքերի բնակեցնում խորասանում: X դարի վերջերին խաչնարած թուրք-օղուզները սկսեցին թափանցել Իրանի խորքերը, իրենց յուրտերը (վրանները) հաստատելով Իրանի տարբեր վայրերում: Ատրպատականի այդ ժամանակվա տիրակալը Վեհուդանն էր, որ թշնամական դիրք էր գրավել հարևան երկրների, այդ թվում՝ Սյունիքի, Արցախի իշխանների և Գանձակի Շադդադյանների նկատմամբ: Քուրդ էմիրը, տեսնելով այս ցեղի ռազմատենչությունը, շատ ուրախացավ և նրանց բնակավայր տվեց իր երկրում: Բայց սրանք հանգիստ չնստեցին, շարունակաբար խուժեցին և ասպատակեցին Չայաստանն ու այլ վայրեր և չզլացան կողոպուտներ և ավերներ կատարելուց¹⁹⁰:

¹⁸⁹ Էսաթոլլահ Ռեզա, Առան և Ազարբայջան, Եր., 1994, էջ 134:

¹⁹⁰ Ահմադ Զասրավի, «Զարվանդ-է Բասրավի» ժողովածու, Թեհրան, 1977, էջ 328:

Հենց այս պատուհասի ժամանակաշրջանում հայոց գահը ժառանգում է մի շատ թույլ, միայն սեփական անձի մասին հոգացող անձնավորություն՝ Յովհաննես-Սմբատ Բագրատունին: Վասպուրականի Սենեքերիմ թագավորը, որը սարսափել էր սելջուկ-թուրքերի առաջին հարձակումից, իր որդուն՝ Ղազվին 1021 թվականին ուղարկում է Վասիլ Բ. (976-1024 թթ.) կայսեր մոտ, առաջարկելով վերցնել իր հողերը, դրա փոխարեն տարածքներ տալ Բյուզանդիայի խորքերում: Դրանից առաջ Վասիլը նույն կերպ 1001 թվականին Բյուզանդիային էր կցել Չայոց Տայքը: Սենեքերիմը չի գրկվում իր գահից և իր ժողովրդի մի մասի հետ տեղափոխվում է Բյուզանդիայի խորքը՝ Սեբաստիա, այնտեղ ապահով շարունակում իր իշխանությունը: Բյուզանդիայի կայսրը Սենեքերիմից ստանում է 72 բերդ, 8 քաղաք, 400 գյուղ, 115 վանք: Իսկ Յովհաննես-Սմբատը բարեկամական կապեր հաստատելու համար Վասիլ կայսեր մոտ է ուղարկում Պետրոս կաթողիկոսին, որը կրթություն էր ստացել Բյուզանդիայում և հունասեր էր: Կայսրը հայոց թագավորին խոստանում է պաշտպանել նրա տերությունները թե՛ ներքին և թե՛ արտաքին թշնամիներից, թագավորին կատարյալ հնարավորություն է տրվում հանգիստ ապրելու մինչև իր օրերի վերջը, և նույնիսկ կայսերական գանձարանից դրամական նպաստ է ստանում: Իսկ դրա փոխարեն Բյուզանդիան որպես ժառանգություն Յովհաննես-Սմբատի մահից հետո ստանում է Անի քաղաքը: Արիստակես Լաստիվերցի պատմիչը Տրապիզոնի այս դաշնագրի մասին գրում է, որ այն եղավ հայոց կորստյան գիրքն ու նամակը¹⁹¹: Ինքը՝ Պետրոս կաթողիկոսը, որն ընչաքաղց մարդ էր, այս դաշնագրության համար Վասիլից մեծաքանակ արծաթ և ընծաներ է ստանում: Թագավորը նրան չէր լիազորել այս վաճառքը: Սակայն Պետրոսը դավաճանորեն վաճառեց հայրենիքի անկախությունը: 1025 թվականին մեռնում է խորամանկ և մեծ դիվանագետ Վասիլ կայսրը, որին փոխարինում է նրա Կոստանդին եղբայրը: Սա թագավորեց երեք տարի և դրանով վերջացավ հայկական դինաստիան:

1033 թվականին Պետրոսը հեռանում է Անիից, գնում բյուզանդացիների մոտ: Յովհաննես-Սմբատը կաթողիկոս է նշանակում Սանահինի վանքի առաջնորդ Դիոսկորոսին: Պետրոսի կողմնակիցները խիստ դժգոհ էին, ուստի թագավորը առաջարկում է Աղվանից Յովսեփ կաթողիկոսին միջնորդել և լուծել խնդիրը: Յովսեփը Անիում եկեղեցական մեծ ժողով է գումարում, որին մասնակցում են չորս հազար հոգևորականներ և իշխաններ: Ժողովը գահընկեց է անում Դիոսկորոսին, վերստին հաստատում Պետրոսին:

¹⁹¹ Ա. Լաստիվերցի, Պատմաթին Արիստակեսայ Վրդ., Լաստիվերցովոյ, Թիֆլիս, 1912թ., էջ 17:

1040 թվականին Աղվանքի արևմտյան գավառները, որոնք Դավիթ Անհողինի տիրապետության տակ էին, լցվում են Դվինում տիրող քուրդ Աբուլսուար էմիրի զորքերով: Դավիթը, որն ուներ ընդամենը 10 հազար զինվոր, դիմեց Անիի, Սյունիքի և Աբխազիայի թագավորներին, որ եթե օգնական զորք չուղարկեն, կմիանա քրդերի հետ և կոչնչացնի նրանց երկրները: Օգնական ևս 10 հազար զորք ստանալով, դիմում է Զովսեփ կաթողիկոսի օգնությանը: Փոքրաքանակ զորքով Դավիթը ջախջախում է Քրդի մեծ բանակին:

Զաջորդ տարի մահանում է Զովհաննես-Սմբատ Յայոց թագավորը: Բյուզանդիայի Միքայել Ե. կայսրը պահանջում է, որ իրեն տրվի Անին ըստ Տրապիզոնի դաշնագրի: Պետրոս կաթողիկոսն ու Վեստ Սարգիսը ամեն ինչ անում էին դյուրացնելու բյուզանդացիների զործը: Վահրամ Պահլավունու հրամանատարությամբ հայոց 30 հազարանոց զորքը ճակատամարտում հաղթում է Անին «ստանալու» եկած բյուզանդական զորքին: Թագավոր է կարգվում Աշոտ Ե-ի որդին՝ 18-ամյա Գագիկ Գ-ն (1042-1045 թթ.): 1042 թվականին կայսր դարձած Կոնստանդին Մոնոմախը ամեն ինչ անում է վերացնելու հայոց թագավորության վերջին բեկորը: Նա պահանջեց Գագիկ Բագրատունուց կատարելու դաշնագրության պայմանը: Կայսրը պայմանավորվում է Դվինի էմիր Քուրդիի հետ, որ նա թիկունքից հարվածի հայերին և որպես վարձ ստանա այն հողերը, որը կգրավի հայերից: Գագիկը նախ ջարդեց բյուզանդական զորքին, ապա դարձավ դեպի Քուրդի զորքերը: Վեստ Սարգիսը, որը ևս դավաճան էր, բյուզանդացիներին հուշեց, որ խորամանկ քայլերի դիմեն: Կայսրը Գագիկին հրավիրեց Կ. Պոլիս, իբրև խաղաղության դաշինք կնքելու: Գագիկը հասկանում և զգում էր լարած որոգայթը: Բայց մյուս դավաճանը՝ Պետրոս կաթողիկոսը, հորդորում, համոզում է, որ մեկնի: Պետրոս Գետադարձ կաթողիկոսը Յայաստանում ամենահարուստ մարդն էր: Նա ուներ սեփական 500 գյուղ և ապրում էր մի այնպիսի շքեղության մեջ, որի նմանը չէր կարող երագել Բագրատունյաց հարստության և ոչ մի ժառանգորդ: 1045 թվականին Գագիկը մեկնում է Կոստանդնուպոլիս ու այլևս չի կարողանում ետ վերադառնալ: Այսպես, Յայոց Բագրատունյաց թագավորությունը 158 տարի գոյատևելով, թուրքական հարձակումների շեմին ողբերգական ավարտ ունեցավ:

Պետրոս կաթողիկոսը դիմում է կայսրին՝ «Ի՞նչ կտաս, եթե Անին ու մյուս բերդերը քեզ հանձնեն»: Կոնստանդինը մեծաքանակ գանձեր է ուղարկում ընչաքաղց կաթողիկոսին: Դա ամենասոսկալի դավաճանությունն էր: Սակայն դավաճանության համար էլ պարարտ հող էր պատրաստվել Բյուզանդիայի կողմից: Բյուզանդիայի Կոնստանդին Մոնոմախ կայսրը, ռազմավարական տեսանկյունից ոչ միայն զիջում էր իր նախորդներին, այլև իր անխտենությունը ու սխալներով կործանման եզրին հասցրեց հենց իր երկիրը՝ եր-

բեմնի մեծ ու հզոր Բյուզանդական կայսրությունը: Բյուզանդագետ Գ. Զերգերզը գրում է. մինչդեռ առաջ Յայաստանի ռազմասեր լեռնային շրջաններն իրենք էին մեծ քաջությամբ պաշտպանում իրենց հայրենիքը, այժմ այդ վտանգավոր տեղերի պաշտպանությունը կախված է առավելապես Կ. Պոլսի կառավարության կանխատեսությունից, ուժից և միջոցներից: Անմիջական վնաս բերեց այն մեծ սխալը, որ արեց Կոնստանդին թագավորը... Նա դրամական հարկ դրեց արևելյան սահմանամերձ բնակիչների վրա, որոնք մինչ այդ ազատված էին հարկերից: Այս դրամական վճարումների փոխարեն Կոնստանդինն նրանց (իշխաններին) ազատեց մշտական զորք պահելու պարտավորությունից, մի զորք, որը մշտապես պատրաստ էր սահմանազուխը պաշտպանելու: Այսքան անհեթեթ կարգադրությունների հետևանքով արձակվեցին վրաց և հայոց տեղական զորքերի մոտ 50 հազար զինվորները, իսկ բյուզանդական կենտրոնական իշխանության վրա դրվեց մի նոր ծանր պարտավորություն, որ նա, տարաբախտաբար, չկարողացավ կատարել ինչպես հարկն է»¹⁹²: «Մեծ էր Բյուզանդիայի պատասխանատվությունը քաղաքակիրթ մարդկության առջև, - գրում է պատմաբան Լեոն: - Այս պատասխանատվությունը նա չիրագործեց: Պատճառը, անշուշտ, ներքին քայքայումն էր, բարոյական անկումը: Կործանելով Յայաստանը, այս հսկա երկիրը փաստորեն զրկեց իր արևելյան սահմանները ահարկու և արյունարբու զազանից պաշտպանելու հնարավորությունը»:

Սելջուկ-թուրքերը, որ սարսափում էին Բյուզանդիա անուսից, տեսնելով նրա կոտրված թևերը ու վահանի բացակայությունը, համարձակորեն խուժեցին երկրի ներսը: 1049 թ. կայսրի ու Տուրդիլ-Բեկ սուլթանի միջև հաշտություն կնքվեց: Օգտվելով այս զինադադարից, Մոնոմախը կարգաթող, ապա ներքինացված քահանա, բայց և տաղանդավոր զորավար Նիկիփորի գլխավորությամբ մի զորաբանակ ուղարկեց Դվինի և Գանձակի քուրդ էմիրների դեմ: Նիկիփորը նախ անցավ Արցախի լեռները, գրավեց Գանձակը, հասավ մինչև Դերբենտ: Դվինի էմիր Աբուլսուարը և Գանձակի էմիր Փաղլունյանը իրենց պարտված ճանաչեցին և հանձն առան հին պարտավորությունները: Նիկիփորը պատանդ վերցրեց Փաղլունի որդի Արտաշի-րին և վերադարձավ Կ. Պոլիս:

XI դ. երկրորդ կեսին թուրք-սելջուկները իրենց են ենթարկում ողջ Յայաստանն ու Յայաղվանքը: Ալփ-Արսլան սուլթանին հաջորդած Մելիք- շահի գահակալության ժամանակ (1072- 1092թթ.) որոշակի կարգ ու կանոն է հաստատում իրեն ենթակա երկրներում, արտոնություններ տալիս եկեղեցիներին: Նա առանձնապես բարյացակամ էր խաչեմի և Սյունիքի իշխան-

¹⁹² Г.Ф.Герцберг, История Византии, М., 1987, стр. 227-228.

ների նկատմամբ: Սակայն նրա մահից հետո Սելջուկյան պետությունը սկսում է քայքայվել: Կրկին հանդես են գալիս տեղական անկախ իշխանությունները, թալանչիական հարձակումներ գործում մեկը մյուսի վրա:

1136թ. սեպտեմբերին գիշերվա ժամին Չայաղվանքի տարածքում տեղի ունեցավ ահավոր երկրաշարժ: Կործանվեցին Գանձակը, Փառխոսը, Ջրաբերդն ու Խաչենը: Տասնյակ հազարավոր մարդիկ մնացին փլատակների տակ: Այս աղետը սրտառուչ է նկարագրում Մխիթար Գոշը¹⁹³: Իսկ Կիրակոս Գանձակեցին գրում է, որ երկրաշարժից փլվում է և Ալիբակ լեռը, և լքվելով ծորը, արգելում է գետակի ճանապարհը ու լճակ է առաջանում, որի մեջ ազնիվ ձկներ են բազմանում: Այս լիճը, որ նախկինում բնակիչները Մարիամ լիճ էին անվանում, այսինքն՝ աստվածամոր կամքով ստեղծված, հետագայում եկվոր բնակիչները տվել են Գյուլ-գյուլ (Կապույտ լիճ) անունը: Կրաց Դեմետրե թագավորը իր զորքը բերում է թալանի, իր հետ տանում է Գանձակի երկաթյա դռները: Աղվանից Տեր Ստեփաննոս կաթողիկոսը, որ փրկվել է աղետի ժամանակ, հաստատուն տեղ չունենալով, գալիս հաստատվում է Չարեքի դիմաց Քարհերձ վայրում: Գանձակի Կուճի Բատրատին ամիրան հրավիրում է Ստեփաննոս կաթողիկոսին օրհնելու Գանձակի ջուրը: Գանձակի մահնեղական բնակչությունը զազագում է, կալանավորում իրենց ջուրը խաչով «պղծած» Ստեփաննոսին: Նրա փոխարեն կաթողիկոս է օծվում Տեր Գովհաննեսը, որը նստում է Գարդմանքի Չարեք բերդի մոտ Քարհերձում, ապա տեղափոխվում Միափոր գավառ, այնտեղ հիմնում Խամշի վանքը:

Փաղուճյան տոհմի ներկայացուցիչները, որ վարչական կենտրոն էին դարձրել Գանձակը, տիրություն էին անում դաշտային մասերում: Սեպի պես խրվելով Չայոց արևելից կողմանց միասնության մեջ, նա դարձավ տեղական հիմնավորյց իշխանությունների ախոյանն ու նրանց մի մասի ոչնչացման պատճառը¹⁹⁴: Առանի դաշտային տարածքներում իշխող Առանշահիկ իշխանները ստիպված էին քաշվել լեռները՝ ճնշվելով Գանձակի մահնեղական քուրդ իշխաններից: Իսկ մի մասն էլ, վերցնելով իրենց ընտանիքները, թափառում էին օտար երկրներում: Դրանցից էր և հիմնավորց Առանշահիկներից սերվող Օշին իշխանը, որը 1123թ. հեռանալով հայրենի Ուտիքից, Միջերկրականի ափին Կիլիկիայում հիմնեց հայկական նոր իշխանություն¹⁹⁵: Օշին իշխանի հաջորդն էր Դեթում Ա-ն, որի անունով էլ թագավորական հարստությունը կոչվեց Դեթումյան: Օշին իշխանի հայրենիքը

¹⁹³ Մ. Գոշ, Չայ Գանձակ, Ալիշան, Չայապատում, էջ 361

¹⁹⁴ Կ. Գանձակեցի, Պատմություն Չայոց, Եր., 1961, էջ 117 (այսուհետ՝ Գանձակեցի)

¹⁹⁵ Բ. Ուլուբաբյան, էջ 95

Ուտիքի Շակաշեն (Արշակաշեն) գավառն էր, Մայրեաց ջուրքը, որ հեռու չէր Գանձակից¹⁹⁶: Քուրդ էմիրից նեղվելով Բաղաս Կապան էր փոխադրվել Աղվանից կաթողիկոս Ստեփանոսը, որը մահացավ Սյունաց Վահանավանքում: Երկրաշարժից հետո Արցախի և Ուտիքի վրա է հասնում մի նոր աղետ, արդեն Գանձակից: Քաղաքի շահապ (քաղաքագլուխ) կարգված Խուհտուղտին ապստամբում է Մասուդ սուլթանի (1134-1155թթ.) դեմ, որը Սելիջքահի թոռն էր, մեծ զորքով շարժվում է շրջակա գավառների վրա, նպատակ ունենալով ընդարձակել իր տիրապետության սահմանները և հիմք դնել մի նոր ամիրության: Ինչպես պատմում է Մխիթար Գոշը, նա 1142թ. գալիս է Կաթողիկոսի Քար կամ Կարապետի Քար (Մայրաքաղաք) կոչվող բերդը, պաշարում դրանք, ավերում, հրկիզում ամեն ինչ, քանդում եկեղեցիները¹⁹⁷: Խուհտուղտի ապստամբությունը ճնշելու համար սուլթանն ուղարկում է Չուլի զորավարին: Նա պատժում է ապստամբին, հանելով նրա աչքերը, ապա շարժվում դեպի Արցախ, գրավում բերդերը, ավերում եկեղեցիներն ու բնակավայրերը, սրի քաշում շատերին, մեծ մասին գերի տանում: Սամուել Անեցին պատմում է, որ Չուլին խաբեությամբ իր մոտ է կանչում հաչենի իշխաններին, կալանավորում նրանց¹⁹⁸: 1145-1146 թվականներին Չուլին իր զորքով կրկին ասպատակում է Խաչենը, որի իշխանների անհնազանդությունից զազագել էր թուրք զորապետը, ավերում է ամրոցները, վանքերը: Գոշը դառնությամբ գրում է, որ հրկիզում է նաև Դադի վանքը: Այդ ժամանակներում Չայաղվանքի բնակչությանը հաճախ էր օգնության ձեռք մեկնում Կրաստանի թագավորը, որի հզորությունը օրըստօրե աճում էր: Խաչենի իշխանները ստիպված էին մշտական պատերազմների մեջ լինել Գանձակի ամիրայության դեմ, պաշտպանել իրենց ինքնուրույնությունը: Այս մասին հարուստ տեղեկություններ են պահպանել Խաչենի վիմագրերը: Այսպես, Դաթերքի տեր և Կերին Խաչենի իշխանաց իշխան Դասանը 1182թ. գրում է, որ 40 տարի շարունակ շատ պատերազմներ է մղել և հաղթել իր բոլոր թշնամիներին¹⁹⁹: Երբ Սելջուկյան հսկայածավալ տիրապետությունը քայքայվում էր, տեղական կառավարիչները իրենց ինքնիշխան էին զգում և ազատորեն թալանում բնակչությանը: Շատ դեպքերում իշխանները ստիպված էին լինում իրենց դուստրերին կնության տալ բռնակալին, խնամիանալով փրկել իրենց իշխանությունը: Դա գրգռում էր մյուս իշխաններին, տեղի տալիս թշնամության: Խաչենի ներսում սկսվում

¹⁹⁶ Ս. Անեցի, Դաւաքմունք ի գրոց պատմագրաց, Վաղարշապատ, էջ 117

¹⁹⁷ Չայապատում, էջ 386, տես նաև Բ. Ուլուբաբյան, էջ 115: Կաթողիկոսի քարը գտնվում է ԼՂՀ Մարտակերտի շրջանի Մաղավուզ գյուղի դիմաց, Թարթառի աջ ափին, այժմ կոչվում է Կաթողիկոսասար կամ Մայրաքաղաք:

¹⁹⁸ Անեցի, Դաւաքմունք ի գրոց պատմագրաց, էջ 132

¹⁹⁹ Բ. Ուլուբաբյան, էջ 118

են նեքին անհաշտ կռիվներ: Այսպես, օրինակ, Խոխանաբիրոյի իշխան Գրիգորին փեսայացել էր Տողանը, որը որպէս կառավարիչ նստում էր Չարաբերդ (Ջրաբերդ) ամրոցում: Գրիգորի տոհմակից Յասանը իր դստերը տվել էր թուրքմեն առաջնորդից մեկին, ձգտելով իր փեսայի միջոցով ազդեցության նոր ուղորտներ ձեռք բերել: Գրիգոր ու Յասան իշխանները թշնամանալով, անհաշտ կռիվներ էին մղում իրար դէմ: Իսկ Տողանը իր աներոջ միջոցով ձգտում էր գրավել ողջ Առանը: Գրիգոր իշխանը (1147թ.) միանալով Տողանին, զորքով գալիս է Արցախի Յերքան գավառը (իետագայում Գյուլիստանի մեկիւթը): Կայծի ծառ կոչվող լեռան մոտ, որը գտնվում է Յերքան (Գյուլիստան կամ Ձեվու) բերդի մոտ²⁰⁰: Նրանք ընդհարվում են Գուրբուղայի փեսա Ռովադի դէմ: Տողանը առաջարկում է հպատակվել, սակայն Ռովադը, որի թուրքմենական զորքը Դիվախու լեռան վրա էր, հարձակվում է և մինչև վերջին մարդը կոտորում հակառակորդին: Սպանված Գրիգորին բերում են Գանձասար, թաղում նախնեաց տապանատանը: Նմանօրինակ կռիվներն անվերջ էին: Օգտվելով տիրող այս անիշխանությունից, Նախճավան նահանգի տեր դարձած Էլկտուզ ամիրան նվաճում է Գանձակը, ապա Ատրպատականում մահացած Մասուդ սուլթանի տեղում թագավոր կարգում Ասլան-շահին, ինքը դառնում Աթաբակ (սուլթանի խնամակալ), տիրանում Արևելյան Ղազախստանին և Վրաստանին:

Սակայն նրան չի հաջողվում տիրել Արցախի իշխաններին, քանի որ նրանց բերդերը անմատույց էին, Արցախի տերերն ու ժողովուրդը՝ անհնազանդ: Այս երկարատև պատերազմներից տրոհվում էին Արցախի նախարարական տները: XII դարի երկրորդ կեսին Խաչենի իշխանությունը երեք մասի էր բաժանվել: Մեկի նստավայրը Խաչենագետի աջ կողմում գտնվող Խոխանաբերդն էր, կամ նրա ստորոտում գտնվող «Դարպասներ» ապարանքը, մյուսինը՝ Յաթերք ամրոցն ու Ականաբերդը, որ Թարթառ գետի ձախ ափին էր, երրորդը՝ Ղանդաբերդում, որ Ծար գավառում էր: Այս իշխանական տները ոչ անցյալի ընդհանուր արմատի պատճառով համերաշխ էին իրար հետ: Սրանց զուգահեռ կային այլ մանր իշխանություններ, որոնք ենթակա էին երեք հզորներից մեկին, որը գահերեց էր մյուսների նկատմամբ: Յուրի վեր պահպանվում էր Իշխանաց իշխան տիտղոսը, որն անցնում էր այն տոհմին, որի առաջնորդը ավելի ազդեցիկ դիրք ուներ և զորեղ էր: Ուրեմն, եթե տեղի իշխանները վաղուց կորցրել էին թագավորական կարգավիճակը, ապա պահպանել էին Իշխանաց Իշխան տիտղոսը, որը ամբողջացնում, մեկ ընդհանուր համակարգի մեջ էր փորձում պահել երկրամասի պաշտպանությունն ու ինքնությունը: XII դարում հզորացավ Վրա-

²⁰⁰ Յերքանը Գյուլիստանն է, քանի որ Ղազախստանն էջ 387-ում նշվում է Պարխսյուղը, որը Գյուլիստանի բնակավայրերից է:

ցական պետությունը, հատկապես Թամար թագուհու օրոք (1184-1213թթ.): Ստեղծվեց հզոր բանակ: Վրաստանում թագավորում էր Բագրատունիների տոհմը, որի ակունքները սկիզբ են առնում հայ Բագրատունյաց իշխանական տնից: Սպերում, Տայքում և Կղարջքում տիրող Բագրատունյաց ճյուղը, IX դարում ընդունելով քաղկեդոնական դավանանք, վերածեց վրացական ազգային հարստության: Այն իր հզորացման ակունք դարձրեց հայ իշխանների հետ միասնականությունը, համատեղ ծրագիրը՝ այն է անդուլ պայքարը թուրք- սելջուկների դէմ: Վրաց թագավորությունը, որի զորքերի մեջ կռվում էին հայկական զորամասեր, կարողացավ ոչ միայն իր երկիրն ազատագրել ասպատակիչներից, այլև նրանց դեմ մղած հերոսական ճակատամարտերում փրկել սահմանակից հայկական նահանգները Անի մայրաքաղաքով: Վրաց թագավորության հզորացման մեջ զգալի դեր ունեն Ջաքարյան իշխանները: Ղազախ զորքերի սպարապետ Սարգիս Ջաքարյանն իր զորքով մտնելով վրաց-հայկական զինակցության մեջ, շուտով դարձավ զորքերի գլխավոր հրամանատարը, խոշոր դեր կատարելով թագավորության ամրապնդման և հզորացման գործում²⁰¹: Ինչպես գրում է պատմաբան Աշոտ Ղուկասյանը, «Վրաց Բագրատունիները հանդես էին գալիս Ղազախստանում ոչ որպես նվաճողներ, այլ որպես գահաժառանգորդներ, որին աջակցում էր հայ ժողովուրդը: Վերամիավորելով Ղազախստանն ու Վրաստանը, վրաց Բագրատունիները չէին դիտում Ղազախստանը որպես իրենց անձնատուր եղած մի երկիր, այլ որպես իրենց տոհմին պատկանած մի տիրույթ, որի ֆեոդալական ազատությունները վերականգնվել էին հայ և վրաց ուժերի համատեղ ջանքերով»: Այս իմաստով նրանք փորձում ին իրականություն դարձնել դեռևս VIII դարում ծնված Բագրատունյաց Ղամակովկասյան ընդհանուր պետություն ստեղծելու ծրագիրը:

Վրացական թագավորության մեջ ամիրապատարության ու աթաբակության պաշտոնները ժառանգաբար պատկանում էր Ջաքարյան իշխանական տանը: Ղետաբքեյր էր, որ Սարգիս Ջաքարյանը հայոց տարբեր հատվածները ի մի բերելու նպատակով իր չորս դուստրերին կնության տվեց Յուս-արևելյան Ղազախստանի ամենաազդեցիկ իշխանական տների պայազատներին, խնամակար կապով ի մի բերելով երկիրը: Անշուշտ, Ջաքարյանները երազում էին վերականգնել հայոց թագավորությունը, որը մոտ էր իրական դառնալուն: Ջաքարյանները բազում հաղթական պատերազմների միջոցով ազատագրում են Գարդմանքը, Քարեհեծը, Երզնկանքը, Տավուշը, Կածարեթը, Տերունականը, Գագը և Շամբորը²⁰²: Որտեղի՞ց էին սերում Ջաքարյանները: Այս հարցին սպառնիչ պատասխան է տալիս Ի-

²⁰¹ Բ. Ուլուբայան, էջ 125:

²⁰² Կ. Գանձակեցի, էջ 163:

վանե Ջաքարյանի ընդարձակ վիճազիրը՝ Յայոց աշխարհը սելջուկներից ազատագրելու և ի հավերժացումն նոր վախճանված Ջաքարիայի հիշատակի, Հաղարծնի վանքի գավթի վերանորոգման մասին, որը տեղադրված է արտաքուստ, արևմտյան դռան բարավորից վերև. «Կամաւ ամենակալին ԱՅ. Այս մեր գիր յիշատակի է և արձան մշտընցենաւոր որդեաց մեծի Սարգսի յազգե Բագրատունեան՝ Ի վանէի և Ջաքարէի, յորժամ նախախանանութիւնն ԱՅ. էհաս յարարածս և ետ... արառին սէփական ժառանգութեանն նախնեաց մերոց, ես ի ձեռս մեր յառաջ զանառիկ դղեակն Անբերդ, և գթագավորանիստ քաղաքն Անի, ապա զամուրն Բջնի, զՄարանդ, միչք և գավազանք ի Թաւրեժ, զԿարնոյ քաղաք մինչև Խլաթ, զՇաքի և զՇրուան, Պարտաւ, մինչև Բելուկան և այլ զբազումս իւրեանց սահմանաւք, զոր ավելորդ համարեցաք յիշատակել...»²⁰³: Ըստ երևույթին, այս Ջաքարյանները հայաստանյան թագավորական տան շառավիղներից են: Հենց դա է եղել պատճառը, որ որպէս արյունակից հարազատներ ընդունվելով Վրաց Բագրատունիների կողմից, այդքան մեծ պատվի և վստահության են արժանացել Վրաստանի թագավորների կողմից, նշանակվելով երկրորդը՝ իրենցից հետո: Եւ Ջաքարյան Բագրատունիները, անշուշտ, Բագրատունյաց վրացական ճյուղի հետ համատեղ, սրբությամբ իրականացնում էին Աշոտ Մսակերի, հավանաբար, նաև Կույր Աշոտի՝ Կովկասյան համահավաք պետության ստեղծման ծրագիրը:

Սարգիս ամիրսպասալարը (սպարապետ) իր մի դուստրին՝ Խորիշահին, կնության էր տվել Նեքին Խաչենի (Խոխանաբերդի) տեր Վախտանգ-Տանգիկին, Դոփին տվել էր Վերին Խաչենի իշխանության Ծարա ճյուղի տեր Հասան Ա-ին, Նանային՝ Լոռու Կյուրիկյան Աբասին, իսկ Նրջիսը հարս էր գնացել Դսեղի Սամիկոնյանների տունը: Հայաստանի ազատագրված նահանգի տերերը տարբեր աստիճանի կախվածություն ունեին Ջաքարյաններից: Սակայն Նեքին Խաչենի տերերը իրենց համարում էին իրենց երկրամասի ինքնակալ իշխանապետները²⁰⁴: Այս գավառի տերերը սերում են Աղվանքի թագավոր Գրիգոր-Համամից ու նրա որդի Սահակ Սևադայից և համարվում են Բագրատունյաց տոհմի ճյուղավորումներից մեկը: Նրանց զուգահեռ ճյուղը տիրում էր Հաթերքում: XII դարի կեսերից Արցախի գահերեց իշխանը կամ իշխանաց իշխանը Հաթերքի տեր Հասան էր²⁰⁵ (1142-1182թթ.), որի մահից հետո գավառի (Վերին Խաչենի) տեր է դառնում նրա

²⁰³ Դիվան հայ վիճագրության, հ. II, Եր., 1977, էջ 22:

²⁰⁴ Բ. Ուլուբաբյան, էջ 134

²⁰⁵ Առանի, ինչպես և Սյունիքի իշխանական տներում այդ ժամանակներում տարածված էր արաբական տիրապետության ժամանակաշրջանից ընդօրինակած մահասան անունը, որը նշանակում է գեղեցիկ:

ավագ որդին Վախտանգը, որն ուներ ևս հինգ եղբայր՝ Վասակը, Ամբատը, Գրիգորը, Խոյրանը և Գրիգորիսը: 1184թ. Գանձակում նստող Աղվանից կաթողիկոս Ստեփաննոսի խարդավանքներից ու դավերից հալածված, ժամանակի մեծագույն զիտնականներից մեկը, մեծ իրավագետ, պատմիչ և առակագիր Մխիթար Գոշը ապաստան է գտնում Հաթերքում՝ իշխանաց իշխան Վախտանգի մոտ: Եվ իր հռչակավոր Դատաստանագիրքը սկսել էր գրել Հաթերքում, որի մասին գրում է գրքի հիշատակարանում²⁰⁶: Գոշը վկայում է, որ Վախտանգը այլ իշխանների գլխավորն է, և նրա իշխանությունն առավել նշանակալից և հուսատու բեկորն էր կորսված հայոց թագավորության: Վախտանգն ու նրա հինգ եղբայրները 1191թ. Մխիթար Գոշի համար Աղստևի հովտում²⁰⁷ կառուցում են Նոր-Գետկի վանքը, որը հաստատվում է այստեղ թողած վիճագիր արձանագրությամբ: Գոշը իր Դատաստանագրքի օրինակներ է ընծայել իշխանաց իշխանին: Ուրեմն, այն արդեն կիրառություն էր գտել Արևելյան Հայաստանի երկրամասում: Չնայած Խաչենի իշխանությունը ևս մտնում էր վրաց - հայկական զինակցության մեջ, նրանք իրենց ամուր բերդերի վրա հենվելով ինքնուրույն էին և անկախ: Դրա ապացույցն է և մի օրինակ, որը նկարագրում է վրաց տարեգիրը, ըստ որի իրենց թագավոր Դավիթը հռչակավոր մի նժույգ էր գնել Հաթերքի մեծ իշխան Վախտանգ Խաչենեցուց՝ դիմացը վճարելով Գարդմանք բերդն ու մի ավան²⁰⁸: Չիերն ու ծիաբուծությունը դեռևս հարգի էին Արցախում, դարեր շարունակ պահպանվում էր այս մշակույթը: Ինչպես ցույց են տալիս Արցախյան խաչքարերի ու տապանաքարերի վրա սովորական դարձած ծիերի ու հեծյալների բարձրաքանդակները, ծին շարունակում էր որպէս պաշտանունքի առարկա մնալ արցախցիների համար: Իսկ որ արցախյան ցեղի ծիերը ռազմական տեսանկյունից ամենադիմացկունն էին, դա վաղուց էր հայտնի: Խաչենի իշխանությունը այդ ժամանակներում շարունակում էր հերոսաբար ետ մղել թուրք-սելջուկների բռնատիրության մնացորդների հարձակումները: Խաչենցիները կռվում էին ոչ միայն Խաչենում, այլև Հայաստանի այլ մասերում: Օրինակ, Վախտանգի եղբայրը՝ Վասակը, թուրքերի դեմ իր զորքերով կռվում է Սյունիքում 1201 թվականին, որտեղ և նահատակվում է: Ուրեմն՝ Հայաստանի արևելյան հատվածում գոյություն ուներ պաշտպանական մի ընդհանուր համակարգ՝ Ջաքարյանների գլխավորությամբ: 1212 թվականին Վախտանգի մահից հետո, քանի որ մահացել էին

²⁰⁶ Հայերեն ձեռագրերի հիշատակարաններ, Ե-Ժ դարեր, Եր., 1988թ., էջ 242, Գիրք Դատաստանի, տես նաև՝ Մխիթար Գոշ, Հիշատակարան սակավաք, Եր., 1988, էջ 242:

²⁰⁷ Այժմ յան. Դիլիջան և Իջևան քաղաքների միջև:

²⁰⁸ Վրաց աղբյուրները Հայաստանի մասին, Բ, էջ 1:

ճան նրա երկու որդիները, Իվանն Չաքարյան աթաբակը, որը ձգտում էր Չայաստանի բոլոր իշխանությունները հավաքել Չաքարյան գարնիկների կամ թե նրանց հետ խնամիացած տոհմերի ձեռքում, ժառանգորդ չունեցող Չաթերքի իշխանությունը միացնում է Վերին Խաչենի կամ Ծարա իշխանությանը: Այստեղ իշխանական աթոռին տիրում էր Իվանեի քույր Դոփը, որի ամուսինը մահացել էր: Իսկ Վախտանգի մահվանից հետո նրա կին Արզու Խաթունը, որը Տփղիսի ամիր Քուրդ Արծրունու դուստրն էր²⁰⁹, շինարարական լայն գործունեություն ծավալեց, կառուցելով Դադի վանքի փառավոր Կաթողիկեն, ձեռագործ գարնանահրաշ ծածկոցներով ու վարագույրներով զարդարեց վանքի բեմը: Իսկ Ծարուն Դոփը իր հզոր եղբոր Իվանեի օժանդակությամբ իր իշխանության համար մի արտոնյալ վիճակ էր ստեղծում Արևելյան Չայաստանում, և պատահական չէ, որ Վերին Խաչենի իշխանությունը, ինչպես և ողջ իշխանական տոհմը կոչվում էր «Դոփյան»: Այս իշխանությունը բավականին ընդարձակ տարածություն էր ընդգրկում՝ Սևանի շրջակայքից (Գեղարքունի) մինչև Արցախի Դաշտային շրջանը:

Տեր-Ստեփաննոս Աղվանից կաթողիկոսը, որը հալածվելով մահմեդականների կողմից, սկզբում տեղափոխվում է Չարեք բերդի դիմաց գտնվող Քարհերծի վանքը, ապա տեղափոխվում Միափոր գավառ, այնտեղ հիմնում Խանձի վանքն ու զբաղվում ժամանակագրությամբ: Ահա նախկին կաթողիկոսը իր տարեգրությունում հայտնում է. «ՈԾ (1201) սպարապետքն Չայոց ու Վրաց Չաքարե և Իվանե առին զԴվին և կոտորեցին և թափեցին գաշխարհա Չայոց ի տաճիկեն, ի Կուռ գետոյ մինչև յերասխ և Բարկուշատ, մինչ ի Սժնկերտ»²¹⁰: Ապա հայտնում է, որ Չաքարեն և Իվանեն 1211 թ. թուրքերից գրավել են Ականան ու Ջրաբերդը: Իսկ հետո լրացնում. «ՈԿԹ (1220) թին ազևոր աստղն (գիսաստղ) ելավ և զթաթարն վրացին կոտորեաց ի Կոռմանա ջրին»²¹¹: Գիտնականները կարծում են, որ այն Կուրակ գետն է: Սոնդուլների 20 հազարանոց զորքով այս հետախուզական արշավանքի ժամանակ Գանձակ չեն մտել, այլ անցնելով Դերբենտը, պատերազմներ մղելով արշավել են մինչև Դրին:

Այս ժամանակներում ևս չէին դադարում կրոնական վեճերն ու ընդվզումները բյուզանդական կրոնապետների և հայոց միաբնակ եկեղեցու միջև: Բյուզանդական եկեղեցու պետերն ու արքունիքը երբևէ չէին հրաժարվում իրենց հայակուլ քաղաքան նկրտումներից, քանի որ նրանց կարծիքով հայ ժողովրդի մեկուսի գոյությունը խանգարում էր բյուզանդական քաղաքական ու կրոնական տիրապետությանը արևելքում: Հույների նոր

²⁰⁹ Կ. Գանձակեցի, էջ 215:

²¹⁰ Մանր ժամանակագրություններ, XIII-XVIII դդ., հ. 1, Եր., 1951, էջ 32:

²¹¹ Նույն տեղում, էջ 38:

առաջարկությունները 1179 թվականին քննարկվեցին Հռոմկլայում, որը Կիլիկյան հայոց կաթողիկոսների աթոռանիստն էր: Եկեղեցական ժողովին հրավիրել էին նաև Չյուսիս-արևելյան Չայաստանի կրոնական առաջնորդներին ու վարդապետներին, որոնք Կիլիկիա գնալու փոխարեն ուղարկեցին իրենց համախոսական թուղթը՝ միութայն մերժումով: Վերջապես, շատերը համոզվեցին, որ Բյուզանդական եկեղեցու առաջնորդները «միություն» անվան տակ հասկանում էին իրենց գերիշխանությունը և մյուսների վերացումը: Այս մերժմանը ի պատասխան կայսրը դաժան միջոցներ է ձեռնարկում հայերի դեմ: XIII դարի սկզբին քաղկեդոնության պարտադրումը հայերին ձեռնարկեց հայ ամենահեղինակավոր պետական գործիչը՝ Չաքարե ամիրսպասալարը: Հավանաբար, հայերի և վրացիների հավատքի մեջ տարբերությունները որոշ ղեկավարություններ էին հարուցում նրա միապետական տիրապետության համար: Եկեղեցու առաջնորդները դեմ են կանգնում Չաքարեի նորամուծություններին: Ի վերջո, մեզ հայտնի է պատմությունից, որ քաղկեդոնության նկատմամբ զիջումները հող նախապատրաստեցին Կիլիկյան հայկական թագավորության կործանման համար: Չաքարե ամիրսպասալարի նորամուծությունների դեմ կանգնեց Հաղբատի վանքի առաջնորդ Գրիգորիսը, որը հենց Չաքարեի քրոջ՝ Դոփի որդին էր:

Բյուզանդիան ու նրա եկեղեցին, ինչպես և Նրանց քաղաքականության հետագա ժառանգորդները ոչ մի կերպ չէին հաշտվում այն մտքի հետ, որ իրենց կողքին գոյություն ունի մեկ այլ ինքնուրույն եկեղեցի: XIII դարի կեսին Հռոմի պապը դիմում է Կիլիկիայի Չայոց թագավոր Հեթումին՝ առաջարկելով իրենց գերիշխանությունը, քանի որ իբր միայն Հռոմի աթոռը կարող է որոշել բոլոր եկեղեցիների ու քրիստոնյա երկրների կարգն ու կանոնը²¹²: Հետագայում ևս հայոց ինքնուրույն դավանանքի դեմ չդադարեցին լատին բռնատիրական հարձակումները, ինչպես և երբեք չթուլացավ հայ եկեղեցու արևելյան թևի վարդապետների պայքարի թեժությունը: XIII դարը, թերևս, ամենաժանրն էր հայոց, ինչպես և նրա հյուսիս-արևելյան հատվածի Ուտիքի և Խաչենի (Արցախ) համար: Այս նոր աղետի ակունքը Կենտրոնական Ասիայում բնակվող թաթար-մոնղոլներն էին, որոնք 1206 թվականին Տենուչինի գլխավորությամբ մեծ և հզոր պետություն էին ստեղծել: Հետախուզական մի քանի արշավանքներից հետո, որոշվելու ուժերի հարաբերակցությունը, սկսեցին նվաճողական արշավանքները: Իսկ մինչ այդ Խաչենում, ինչպես և ողջ Չյուսիս-Արևելյան Չայաստանում Չաքարյան իշխանների վարած քաղաքականության շնորհիվ մի ծաղկուն շրջան էր սկսվել, երբ ամենուր նոր վանքեր, տաճարներ, բերդեր էին կառուցում:

²¹² «Թուղթ Կոնստնյա կաթողիկոսի Չայոց գոր գրեաց առ Հեթում թագավորն...», Գիրք թղթոց, Թիֆլիս, 1901, էջ 501-50:

Ներքին հաչենի տեր Վախտանգի մահից հետո (1214թ.), նրա տեղը գրավում է ավագ որդին՝ Չասան-Ջալալը: Թե՛ միջնադարի և թե՛ ուշ շրջանի մատենագիրները միշտ գովեստով են խոսել 13-րդ դարի հայ ականավոր գործչի մասին: 1216 թվականին նրա եղբոր՝ Սմբատի կանգնեցրած խաչքարի արձանագրությունում Չասան-Ջալալին անվանում է «արքա»²¹³:

Եթե նրա «Չասան» արաբական անունը նշանակում էր «գեղեցիկ»²¹⁴, ապա «Ջալալը» նույն արաբերենով նշանակում է «փառք, վեհություն, մեծություն»²¹⁵: Չասան-Ջալալ անվանը արձանագրություններում ավելացված է նաև «Դավլա» անունը, որը դավլաթ բառից է, և նշանակում է «հարստություն, մեծություն, իշխանություն»²¹⁶: Չասան-Ջալալը Չաթերքի իշխանության թուլանալու պատճառով, ինչպես և անծնական բնատուր օժտվածության շնորհիվ շուտով իշխող դիրք է գրավում ողջ հաչենում և գահերեց դիրք գրավելով, կոչվում է իշխանաց-իշխան կամ թագավոր: Նրա կենսագրության մեջ նշանակալից մաս է կազմում շինարարական գործունեությունը, որը ծավալել էր ոչ միայն հայրենի հաչենում, այլև նրա սահմաններից դուրս՝ Չաղբատում ու Կեչառիսում: Չասան-Ջալալը եկեղեցիներ է նորոգում, կառուցում նորերը, կանգնեցնում խաչքարեր, օժանդակում մատյաններ ստեղծելուն, դրանք նվիրում եկեղեցիներին: Առաջին արձանագրությունը, որը պատմում է իշխանաց իշխանի շինարարական գործունեության մասին, պահպանվել է նրա նստավայրից՝ Դարպասներ դղյակից ոչ հեռու Վաճառ ավանի եկեղեցու ավերակներում. «Ես Չասան՝ որդի Վախտանգի և Խորիշահի, տեր հաչենի, շինեցի սուրբ եկեղեցիս... Ո՛ՅԸ (1229թ.)»: Գանձասարի տաճարի բարձրաքանդակներում պահպանվել է Վաճառի եկեղեցու մանրակերտ-քանդակը, որից դատելով կարելի է եզրակացնել, որ այն հիմքում կլոր է եղել, որ հայտնի է «զվարթնոցատիպ» անունով, ըստ երևույթին կրկնել է Անիի Յովվի եկեղեցու հորինվածքը: Վաճառ ավանը այդ ժամանակ առևտրական կարևոր կենտրոն էր, որը մեծ նշանակություն ուներ Առանի դաշտային վայրերում ապրող խաչնարածների և լեռնային բնիկ ժողովրդի (հայերի) միջև փոխհարաբերություններում: Ցավոք, այս ավանը կործանվեց երկրաշարժից: Խաչենի խաչքարերին յուրահատուկ է պատկերաքանդակների առատությունը, որոնք աշխարհիկ բնույթ ունեն: Այստեղ պատկերված են զինվորներ, ռազմական ու կենցաղային զանազան տեսարաններ: Չասան-Ջալալ իշխանը 1216 թ. ձեռնարկում է Գանձասարի վանքի շինարարությունը: Նա այս գործում ընդգրկում է ժամանակի

²¹³ Բ. Ուլուբաբյան, էջ 174:

²¹⁴ Գ. Աճառյան, հայոց անծնանունների բառարան, հատոր 9, էջ 51:

²¹⁵ Նույն տեղում, հատոր 7, էջ 268:

²¹⁶ Նույն տեղում, հատոր Բ, էջ 76:

հայ շինարարական, ճարտարապետական և քանդակագործական լավագույն ուժերը: «Թաթար-մոնղոլների առաջին արշավանքների, ավերի ու ավարի միջոցին նրանք ասես վերացել էին ժամանակից ու տարածությունից և կառուցում էին հավերժության համար, հաստատելով այն պարզ ճշմարտությունը, որ արարիչ ձեռքը անհնար է կտրել» - գրում է պատմաբան Բ. Ուլուբաբյանը²¹⁷: Վանքի շինարարությունն ավարտվում է 1238թ., իսկ օծումը տեղի է ունենում 1240թ., որին ներկա էին Աղվանից կաթողիկոս Ներսեսն ու ողջ Չայաստանից հյուր եկած 700 եպիսկոպոսներ: Վանքի մասին գովեստով է գրում օծմանը ներկա եղած պատմիչ Կիրակոս Գանձակեցին, այն անվանելով «երկնաման տաճար փառացն աստծո»²¹⁸: Ճարտարապետության պատմության մասնագետ ռուս գիտնական Ա. Լ. Յակոբսոնը Գանձասարի վանական համալիրի մասին իր ուսումնասիրություններում գրում է, որ այն պետք է համարել «XIII դարի հայ ճարտարապետության հանրագիտարանը»²¹⁹: Իսկ Փարիզի Սորբոնի համալսարանի բյուզանդական ճարտարապետության պրոֆեսոր Շարլ Դիլը, բնութագրելով հայ ժողովրդի ճարտարվեստի գործերից համաշխարհային մշակույթի գանձարանը մտած հինգ ամենաուշագրավ երևույթները, Վանա լճի Ախթամարի եկեղեցուց ու էջմիածնի Զոփիսիմեի տաճարից հետո երրորդը համարում է Գանձասարի վանքը²²⁰:

Այժմ տեսնենք, թե ինչ վիճակում են Արցախի իշխանական տները: Խաղբակյան իշխաններից Ջաջառը բնակվում էր Գանձաքարի ձորում: Ջալալյան իշխանը ամրացել էր Խոխանաբերդում, Վախտանգ թագավորացնը՝ Չաթերքում, Դովի որդի Գրիգորը՝ Ծար բերդաքաղաքում: Կյուրիկե Գ-ի որդիները բնակվում էին Գարդմանքի Մլզնաբերդում, Վահրամ իշխանը՝ Շամքորում, Շահնշահը՝ Լոռիում: Մեծ Կողմանքում իշխում էր Շիրանշահանց իշխանական տոհմը: Տեր Յովհաննեսի միջոցով, որ իրենց տոհմից էր, վերանորոգում են Գլխո և Եղիշե առաքյալի վանքերը, հիմնում Գյուլխտանի Միջի ու Վերի վանքերը, ամրացնում Գյուլխտանի բերդերը:

Մինչ թաթար-մոնղոլների գալը Չայաղվանքին մի նոր պատուհաս է հասնում Իրանից: Փախչելով ու հալածվելով թաթար-մոնղոլների ասպատակություններից, հորասանի սուլթան Ջալալդղինը իր զորքով գալիս,

²¹⁷ Բ. Ուլուբաբյան, էջ 117:

²¹⁸ Գանձակեցի, էջ 270:

²¹⁹ А. Л. Якобсон, "Из истории армянского средневекового зодчества", Исследования по истории культуры народов Востока. Сборник в честь И. Орбели, М., -Л., 1960, стр. 144-158.

²²⁰ Թ. Թորամանյան, «Հայկական ճարտարապետության փոխազդեցության շուրջը», Նյութեր հայկական ճարտարապետության պատմության, Եր., 1948, էջ 25:

գրավում է Գանձակը, օգտվելով անիշխանությունից ու վրացական պետության թուլացումից, ասպատակություններ է սփռում շուրջը, 1255թ. գրավում ու թալանի ենթարկում Թվիլիսը²²¹: Սակայն նա, ի վերջո, պարտվում է Աղվանք հասած թաթար-մոնղոլներին: Այսպես, չարն ու համայն կոտորածը կրկին հասան Դայաստան: Մոնղոլական 30 հազարանոց բանակը Չարմաղանի հրամանատարությամբ անցնում է Արաքսը, առանձին զորաջոկատների բաժանվելով, ասպատակում տարբեր ուղղություններով՝ Խաչեն և Ուտիք, Վրաստան, Դյուսիսային Դայաստան: Մոնղոլները պաշարում են Անին, ի վերջո, գրավում այն: Ինչպես վկայում է Կիրակոս Գանակեցին, մոնղոլները իրենց համար որպես ծնեռոց են ընտրում Կուր-Արաքսի բարբեր հովիտը, նրա Մուխանք դաշտը. «լի ամենայն բարության»՝ ջրով, փայտով, մրգով և որսով²²²: Այստեղից նրանք ասպատակություններ են սփռում շրջակա երկրների վրա: Մոնղոլները, 1231-32թթ. հանկարծակի հարձակվում են Գանձակ քաղաքի վրա, որի բնակիչների մեծ մասը պարսիկներ էին, փոքր մասը՝ հայեր²²³: Բնակիչները, տեսնելով այս պատուհասը, հրկիզում էին իրենք իրենց ու տունը, որպեսզի ոչինչ չմնա մարդակեր ոհմակին: Ողջ քաղաքը ավերվում է, ժողովրդի մեծ մասը՝ սրի քաշվում, մի մասը՝ գերի տարվում: Վրաստանում իշխում էր Ռուզուղանը՝ Թամարի դուստրը, որին իր վավաշտության (տուփամուլության) համար Կիրակոս Գանձակեցին նրան համեմատում է Շամիրամի հետ: Սակայն նա, հակառակ իր մոր, անընդունակ էր կառավարելու երկիրը: Իսկ Իվանե Չաքարյանի մահից հետո (1234թ.) վրացական զորքը արդեն լիովին անընդունակ էր որե՛ն լուրջ դիմադրություն ցույց տալ մոնղոլներին: Այլևս խաթարվել էր հայ-վրացական զինվորական դաշնակցությունը, առանց որի անհնար էր մոնղոլ նվաճողներին դիմադրության կազմակերպումը: «Երկիրը լցվել էր մեռյալների դիակներով, ու ոչ ոք չկար, որ թաղեր նրանց, և չկար մեկը, որ լացեր նրանց համար», - գրում է Կիրակոսը²²⁴: Մոնղոլները Մուլար-Նոյինի զխավորությամբ պաշարում են Շամքորը, որտեղ տիրում էր Վահրամ իշխանը: Քաղաքը պարիսպներից բացի պաշտպանված էր քաղաքի շուրջը փորած փոսով: Մոնղոլները այն լցնում են ծղոտով ու փայտով, սակայն քաղաքի հայ պաշտպանները գիշերը հրկիզում են այն: Դետո մոնղոլները փոսը լցնում են հողով, գրավում քաղաքը, կոտորում բնակիչներին, ավերում տները: Ապա մոնղոլները գրավում են Գարդմանքի Տերունականը, Երզնկանքը, Մեծաբերդը, ապա գրավում Չարեքն ու Գետաբակը, հետո ար-

²²¹ Գանձակեցի, էջ 226

²²² Նույն տեղում, էջ 235

²²³ Նույն տեղում, էջ 235

²²⁴ Նույն տեղում, էջ 248

շավում դեպի Տավուշ, Կածարեթ, Նոր Բերդ, Գագ (Ղազախ)²²⁵: Իսկ Վահրամ իշխանը փախչելով փրկվում է: Կիրակոսը մանրամասն նկարագրում է Խաչենի կոտորածը ու իշխան Ջալալի և մոնղոլների հարաբերությունների մասին: 1238-39թթ. մոնղոլների հետ ընդհարվում է և Դասան-Ջալալ իշխանը: Կիրակոսը նրան պատկերում է իբրև «հեզ և հանդարտ, ողորմած և աղքատասեր, հույժ քահանայասեր և ուսումնասեր, ընթերցող աստվածային կտակարանացն»: Բայց իշխանը օժտված էր նաև դիվանագիտական տաղանդով, ինչպես նաև հարկ եղած դեպքում քաջ պատերազմող էր: Իշխանն ու բնակչության մի մասը ապաստանում են Խոխանաբերդում: Երբ մոնղոլները պաշարում են, բայց և տեսնում, որ բերդն առնել անհնար է, դիմում են իշխանին, առաջարկելով խաղաղություն: Իմաստուն իշխանը տեսնելով, որ դիմադրություն անիմաստ է ու այն մեծ ավեր ու կոտորած կբերի, հնազանդություն է հայտնում, պարտավորվում իր զորքով մասնակցել նրանց պատերազմներին: Նրանց հարկը իշխանն էր տալիս, այդպես և ժողովրդին ազատելով մոնղոլների բռնություններից: Իշխանը ստիպված է լինում գորապետ Չարմաղանի որդուն Բորա-Նոյինին կնության տալու իր դստերը՝ գեղեցկուհի Ռուզուբանին: Մոնղոլների տիրապետության ժամանակաշրջանում Վերին Խաչենն ու Շարը ենթակա էին Իվանեի որդի Ավագ Չաքարյանին, որը մոնղոլական հպատակություն էր ընդունել: Իսկ Ներքին Խաչենի իշխանական ճյուղը մոնղոլների գալուց առաջ էլ պահպանել էր իր անկախությունը: Գանձասարի վանքի իր մեծ արձանագրությունում, որ գրվել էր 1240թ. երկի օծումից առաջ, Դասան-Ջալալը իրեն ներկայացնում է «Ինքնակալ բարձր և Մեծ Արցախական աշխարհի թագավոր»²²⁶: Սակայն հայ իշխանները, որոնք արյուն չէին թափել իրենց երկիրը մոնղոլներից պաշտպանելու համար և հպատակություն էին հայտնել, այժմ նրանց զորքերի կազմում իրենց զորամասերով մասնակցում էին մոնղոլական նվաճողական պատերազմներին: 1242թ. սկզբներին համրացած Չարմաղանի փոխարեն զորահրամանատար է նշանակվում Բաչու-Ղուրչին, որը Արևմտյան Դայաստանը սելջուկ սուլթան Դիյասեդդին քայ-խոսրովից նվաճելու համար հայկական զորագնդերից բանակ է կազմում, որի մեջ է ընդգրկում նաև Դասա-Ջալալին, Ավագ և Շահնշահ Չաքարյաններին, այլ իշխանների²²⁷: Այս ժամանակներում Դասան-Ջալալի դիվանագիտական միջնորդությամբ հայկական Կիլիկիայի թագավոր Դեթումի և մոնղոլ Բաչու խանի միջև դաշինք է կնքվում, որի շնորհիվ հայկական պետությունը

²²⁵ Նույն տեղում, էջ 243

²²⁶ Մ.Բարխուդարյան, Դիվան հայ վիմագրության, V պրակ, Եր., 1982, էջ 38, տես նաև Բ. Ուլուբաբյան, էջ 192

²²⁷ Գանձակեցի, էջ 280

փրկվում է հարևան երկրներին վիճակված ավերածություններից²²⁸։ Կիլիկիան արաբ Ղյաստղիին սուլթանի դաշնակիցն էր և ենթակա էր նրա ճակատագրին։ Սակայն մոնղոլական արշավանքներին մասնակցելը կամ ճկուն քաղաքականությունն ու կապերը չկարողացան օգնել խաչենի տիրակալին ազատվելու մոնղոլ հարկահանների ճիրաններից։ Չարկահաններ են նշանակվում Բուղան և Արղունը, որնք աչքի են ընկնում նենգությամբ ու դաժանությամբ։ Հասան-Ջալալը 1249թ. դիմում է Բաթու խանի որդի Սարթախի օգնությանը, որը քրիստոնեություն էր ընդունել և ամեն կերպ օգնում էր քրիստոնյա իշխաններին ու հոգևորականներին։ Կիրակոսը համակրանքով է գրում Սարթախի մասին։ Հասան-Ջալալը Սարթախի մոտ է գնում մի փոքրիկ պատվիրակության հետ, որի կազմում էին բազմահմուտ դիվանագետ ծերունի Գրիգոր Տղան (Իվանե իշխանի մոտ հեջուր եղած Գրիգորը), երիտասարդ իշխան Դեսունը, վարդապետ Մարկոսը և եպիսկոպոս Գրիգորը²²⁹։ Սարթախը Ջալալյան իշխանին ու նրա պատվիրակությանը ուղեկցում է իր հոր՝ Բաթու խանի մոտ, որը գտնվում էր Աթլ (Կուլգա) մեծ գետի մոտ, Կասպից ծովի ափին Իթլ (այժմյան Աստրախան) քաղաքում։ Բաթու խանը մեծ պատվով ընդունում է Հասան-Ջալալին և նրան վերադարձնում «իր հայրենի Չարաբերդը, Ականաբիրդն ու Կարկառը»²³⁰։ Այս բերդերի աշխարհագրական տեղաբախշումը ցույց է տալիս, որ Հասան-Ջալալն իշխում է ողջ Արցախի վրա։ Այս երեք բերդերը այն կարևոր հենակետերն էին, որոնց տերը կարող է իշխել ոչ միայն Արցախի, այլև շրջակա երկրների վրա։ Եթե Չարաբերդը Թարթառի վրա գտնվող հռչակավոր Ջրաբերդն է, իսկ Ականան Չաբերքի մոտ Բերդավանն է, ապա Կարկառը գտնվում է համանուն գետի վրա և XV դարից սկսած հայտնի է դառնում Շուշի անունով։ Կրացական մի աղբյուրի համաձայն Կարկառը ոչ միայն քաղաք է (բերդաքաղաք), այլև գավառ և ընկած է խաչենի ու Բայլականի միջև²³¹։ Արղուն հարկահանը նոր սադրանքներ է նյութում Հասան-Ջալալի դեմ։ Հայ իշխանը նեղվելով բռնավորի կողմից, այս անգամ արդեն իր կնոջ՝ Մամբանի ու միակ որդու՝ Աթաբակի հետ, կրկին Սարթախի ուղեկցությամբ 1256թ. մեկնում է Կարա-Կորում՝ Մանգու մեծ խանին գանգատվելու։ Մեծ խանը իր հերթին նրան է վերադարձնում նրա ժառանգությունը։ Սարթախը նշանակվում է վախճանված հոր՝ Բաթու խանի տեղ՝ Դյուսիսի և Կուվկասի կուսակալ²³²։ Մանգու մեծ խանի՝ բոլոր մոնղոլների տիրակալի մոտ էր գնացել և

²²⁸ Մ. Չամչյան, Պատմություն Հայոց, հ. 3, Եր., 1984թ., էջ 219:

²²⁹ Գանձակեցի, էջ 359:

²³⁰ Նույն տեղում, էջ 359:

²³¹ Կրաց աղբյուրները Հայաստանի և հայերի մասին, հ. Բ, Եր., 1936, էջ 14:

²³² Գանձակեցի, էջ 373:

հայոց Կիլիկիայի թագավոր Հեթում առաջինը։ Մեծ խանը հաստատում է Կիլիկիայի հետ մոնղոլների դաշինքը՝ խոստանալով Հեթումին իր հովանավորությունը, իհարկե, նաև պահանջելով, որ օգնական զորք տա Եգիպտոսի արաբների դեմ պատերազմներում։ Հետագայում Հեթումը ստիպված էր երկրորդ անգամ գնալ Հորդա, արդեն ականատես լինելու մոնղոլների նոր առաջնորդի ընտրությանն ու նրան ևս իրեն դաշնակից դարձնելու նպատակով։ Հասան-Ջալալից հետո հաջորդ տարի երկրորդ անգամ Մանգու խանի մոտ էր գնացել նաև Սյունիքի իշխան Սմբատ Օրբելյանը։ «Նախքան Սմբատի գնալը, ինչ-որ մատնության պատճառով Արղունին կանչել էին արքունի դուռը և նրա (Սմբատի) հասնելու ժամանակ Արղունն արդեն կապանքների մեջ էր։ Մատնիչները Սևինձ բեկը ու Շարափ-եղդինն էին, ... որոնք կամենում էին նրա տեղը»²³³։ Սմբատը արդարացնում է Արղունին, որին Մանգու խանը ազատում է և կրկին նշանակում իր տեղում²³⁴։ Իսկ Հասան-Ջալալի ամբողջ այս ճամփորդությունը տևում է հինգ տարի։ Վերադարձին իշխանը մնում է Թավրիզում, իսկ կնոջն ու որդուն ուղարկում խաչեն։ Երբ իշխանը Թավրիզից տուն է հասնում, կնոջը գտնում է վախճանված։ Իշխանի բախտը չի բերում մի կարևոր հարցում ևս. իր բարեկամ Սարթախը շուտով թունավորվում է մերձավորների կողմից և մահանում։ Իսկ ամենադիտերին թշնամին Արղունը, վերադառնում է վեգիրի իր պաշտոնին՝ Հասան-Ջալալից վրեժ լուծելու մտադրությամբ։ Այս ամենի մասին 1261թ. հայ իշխանը գրել է մի ավետարանի հիշատակարանում, որը պահվում է Մատենադարանում²³⁵։

1260թ. մոնղոլների դեմ ապստամբում է վրաց թագավոր Դավիթը, սակայն նա անհաջողություն է կրում և փախչում։ Արղունը ճնշում է ապստամբությունը, կալանավորում Դավիթի կնոջը, Ջաքարե ամիրսպասալարի որդի Շահնշահին, որը սպարապետն էր, ինչպես նաև Հասան-Ջալալին։ Ըստ երևույթին, նա ևս մասնակից էր այդ ապստամբությանը։ Արղունը խաչենի տիրակալին կապանքների մեջ առած տարավ Դավիթին։ Ռուզուբանը, որ մոնղոլ զորապետի կինն էր, փորձում էր իր կապերով ազատել հորը։ Սակայն Արղունը տեղեկանալով այդ մասին, շտապ դահիճ է ուղարկում, որը հողակոտոր անելով սպանում է «սուրբ և արաղար այրին»։ Որդին՝ Աթաբակը, գնում է, մի պարսիկի օգնությամբ ցամաք ջրհորի հատակից վերցնում է հոր նշխարները, բերում Գանձասար, ու Ջալալյանների տոհմական տապանատանը՝ վանքի գավիթում հողին հանձնում։ Հուլավա խանը հոր փոխարեն խաչենի իշխան է կարգում նրա որդուն՝ Աթաբակին, որին պատմիչը

²³³ Ստ. Օրբելյան, էջ 330:

²³⁴ Անդ, էջ 331:

²³⁵ Մատենադարան, ձեռագիր N387, էջ 8թ. 9ա:

Նկարագրում է իբրև «այդ սրբասունուհ, պարկեշտ ու հնարամիտ աղոթական, զի ծնողքն նորա այսպես սնուցին զնա»²³⁶:

Ժամանակահատվածները, ինչպես և վիճաբար արձանագրություններում Չասան-Ջալալ իշխանին արքա կամ թագավոր են անվանում: Ըստ պարսիկ մի անանուն ժամանակագրի տեղեկության «Խաչենը դժվարամատչելի մարզ է, լեռների ու անտառների միջև: Այն Առանի նահանգներից է: Այնտեղ հայեր են բնակվում: Աբխազի (Վրաստանի) մարդիկ նրանց Փատիշահին կոչում են թագավոր»²³⁷: Ինչ խոսք, որ այստեղ «թագավորը» այն հին ավանդական նշանակությունը չունի և միայն կարող է իր ընդարձակ երկրի ինքնուրույն իշխանը լինել: Նրա իշխանապետությունը, որը կոչվում է Խաչեն, ընդգրկում էր ողջ հին Արցախի տարածքը իր գավառներով՝ Արաքսի ափից մինչև Գարդմանքի սահմանները: Սակայն Մուխանք գավառը ընդմիջտ կտրվեց Արցախից, որն արդեն ոտքի կոխան էր դարձել եկվոր հորդանների սմբակների տակ: Այն XII-XIV դարերում ասպատակիչ մոնղոլների ու թաթար հորդանների ծնեռոցն էր: Չասան-Ջալալի որդին Աթաբակը Խաչենում իշխում է մինչև իր մահը՝ 1287 թվականը:

Արցախ-Խաչենի XIII դարի մշակույթը հայ մշակույթի մեջ իր ուրույն տեղն ունի: XIII դարը առանձնահատուկ է ողջ Չայաստանում, ինչպես և Կիլիկիայում, ազգային հոգևոր ու մշակութային կյանքի մեծ առաջընթաց ապրեց, որի պատճառով էլ այն կոչվել է «արծաթե դար»: Դարասկզբին մշակութային բուն վերելքը շարունակվեց և դարի երկրորդ կեսում մոնղոլների տիրապետության շրջանում: Այս վերելքի արգասիքն են անգերագանցելի Գանձասարի վանքը, Դադի վանքի Կաթողիկեն, Խաթրավանքը, Ծարա Սբ. Աստվածածինը, Վաղուհասի Սայրաքաղաքը, Գոռեկավանքը: Նկարչական արվեստի բարձր մակարդակի վկայություն են Դադի վանքի Կաթողիկեն տաճարի որմնանկարները: Նկարչական արվեստը հիմնականում իր զարգացումն էր ապրում մանրանկարչության մեջ: Խաչենի վանքերում ստեղծված գրչագրերը համեմատված են մանրանկարներով ու զարդապատկերներով: Արցախի վանքերում գործում էին բազմաթիվ դպրոցներ, որտեղ գրագիտությունից, փիլիսոփայությունից բացի սովորում էին նկարչություն, իսկ կույսերի համար դասավանդվում էր ասեղնագործություն: Խաչքարի արվեստը, որը Արցախում սկիզբ էր առել վաղ միջնադարում, նոր վերելք է ապրում XII-XIII դարերում: Գազարավոր իրար չկրկնող խաչքարերի մեջ իրենց նրբագեղությամբ ու ճոխ զարդամոտիվներով առանձ-

նանում են Դադի վանքի անգերագանցելի զույգ խաչքարերը, որոնց պահպանելու համար հատուկ ժամատուն է կառուցվել: Այս խաչարձաններին չէին զիջում և Գուշավանքի խաչարձանները, որոնք միջնադարի հայ քանդակագործական արվեստի նվաճումներից են: Խաչեն-Արցախը անթիվ թելերով կապված էր Չայաստանի մյուս մարզերի ու կենտրոնների հետ, ընդհուպ մինչև Կիլիկյան հայկական թագավորությունը: Վանական վարդապետը, որը Չասան-Ջալալի հովանավորյալն էր, կապված էր ժամանակի մշակույթի ազգակից գործիչների հետ: Կիլիկիայում և Արևմտյան Չայաստանի հոգևոր կենտրոններում ստեղծված բազմաթիվ ձեռագրեր են բերվել Խաչեն ինչպես նվիրատվությունների ու գնումների ճանապարհով, որը արձանագրված է այդ ձեռագրերի հիշատակարաններում, այնպես էլ թաթարմոնղոլական արշավանքների ընթացքում Խաչենի իշխանների ձեռքով փրկվելու եղանակով: Այս ամենն էլ իրենց դրոշմն են թողել երկրամասի մշակութային զարգացման մեջ: Իհարկե, Արցախն իր հերթին քիչ բան չի տվել հայրենի երկրին: Գայոց գիր ու գրականությունն էր, որ սելջուկների, ապա և թաթար-մոնղոլների բռնատիրության պայմաններում լեռներում ապաստանած հայությանը հայ տեսակի մեջ պահեց: Այլևս ոչ մի բռնատիրություն ի վիճակի չէր մարդկանց մեջ կտրել սերը դեպի իր հոգևոր արժեքները, իր գիրն ու գրականությունը, պատմությունը, արգելակել հայեցի ու հայերեն ստեղծագործելու այն շունչը, որը պետք է հարատևեր հետագա դարերում, անիշխանության, բազում արհավիրքների միջով պահպաներ իր պետականությունը վերականգնելու փափագն ու ձգտումը, դրա նախահիմքերի կառուցումը: Չայաստանի զանազան հոգևոր ու մշակութային կենտրոններում մեծ ազդեցություն են թողել ծնունդով ու կրթությամբ արցախցի եկեղեցու ու մշակութային զանազան գործիչներ: Գաղբատի վանական համալիրում երկար ժամանակ առաջնորդում էին Խաչենցի հոգևորականները, որոնք էլ կառուցում էին նոր հոյակերտ տաճարներ, կանգնեցնում հուշակոթողներ, ձեռնարկում նոր ձեռագիր գրքերի ստեղծումը: Ինչ խոսք, որ սկսած արաբական տիրապետության շրջանից Առանի (Արցախ և Ուտիք) դաշտային մասը էթնիկական որոշակի փոփոխություններ է կրում: Որպես տիրապետող գերիշխանության զինվորներ, հարկահաններ, վարչական այլևայլ ծառայողներ, առևտրականներ, ինչպես նաև արհեստավորներ են եկել այլացեղ տարրեր՝ արաբներ, պարսիկներ, հրեաներ, XI դարից հետո՝ սելջուկներ: Նրանք հիմնականում բնակություն էին հաստատում քաղաքներում՝ Պարտավում, Գանձակում, Բայլականում: Գրավոր պատմությունը չի հիշատակում, թե երբևէ բռնակալ արաբների, սելջուկների կամ մոնղոլների կողմից գյուղական նստակյաց բնակչություն բերված լինի Կուր-Արաքսի միջագետը (Առան), այսինքն, գյուղական բնակչությունը հայկական

²³⁶ Գանձակեցի, էջ 392.

²³⁷ Н.Д.Миклухо-Маклай, "Географическое сочинение XIII века", на персидском языке, Ученые записки Института востоковедения, т. IX, Ленинград, 1951.

էր մնում՝ իր եկեղեցիներով, ազգային նիստ ու կացով, սովորություններով, տեղանքին յուրահատուկ բարբառով: Արաք ժամանակագիր Ռաշիդ-աղ-դի-նը արժանագրել է մի դեպք, որը տեղի է ունեցել 1276 թվականին և վկայում է Առանի գյուղացիության մասին: Հուլիսի խանի (1256-1282թթ.) հաջորդ մոնղոլ Աբաղա խանը (1265-1282թթ.) եկել էր իրեն հպատակ Առան երկրամասը: Մի օր նա այստեղ որսի էր դուրս գալիս իր թիկնապահներով: Հանկարծ զինված տեղացիների մի խումբ հանկարծակի հարձակվում է խանի ու նրա մարդկանց վրա: Տեղի է ունենում ընդհարում, որից հետո ապստամբները հեռանում են: Աբաղա խանը կարգադրում է այդ վայրը բերել նահանգի աշխարհագրորդ՝ ապստամբներին ճնշելու համար: Հետո ապստամբների գլխավորը խանին է ներկայանում և հայտնում իր հնազանդությունը²³⁸: Հեղինակը ապստամբների էթնիկական պատկանելության մասին ոչինչ չի ասում: Պատմաբան Լ.Բաբայանը ուսումնասիրելով ժամանակագրի տեղեկությունը, եզրակացնում է. «Առանի տարածքում այդ ժամանակաշրջանում տակավին գերիշխող էթնիկական տարրն էր հայ ազգաբնակչությունը, ուստի սխալված չենք լինի, եթե նկատենք, որ այդ անհնազանդները ամենայն հավանականությամբ, եղել են հայ գյուղացիները»²³⁹: Եթե Պարտավում և Գանձակում տիրում էին արաք, ապա և թուրք (սելջուկ) բռնակալները, ապա լեռնային ու նախալեռնային շրջանների լիիրավ տերերը մնում էին Բագրատունի և Առանշահիկ իշխանների ճյուղավորված ժառանգները: Այս պայմաններում, ինչ խոսք, որ պետք է զարգանա հայ մշակույթը, հայ արվեստը, որից հազարավոր հուշարձաններ հասել են մինչև մեր օրերը ու լիարժեք պատկերացում են տալիս ազգային միջավայրի, մշակույթի մասին: Իսկ ասպատակիչները շատ քիչ հետքեր են թողել Առանում: Դաշտային հատվածում խազարներից մնացել են քարակոփ կուռքեր կամ բաբաներ, արաքներից՝ մի դամբարան Նախճավանում, սելջուկ-թուրքերից ու թաթար-մոնղոլներից՝ ոչինչ: Դրա փոխարեն նրանք ավերել են հարյուրավոր եկեղեցիներ, տաճարներ, դղյակներ, բերդեր ու քաղաքներ, այրել հազարավոր ծաղկազարդ գրչագրեր...

Մակար եպիսկոպոսի մի հնագույն Ավետարանի (1069 թ.) հիշատակարանից արտագրած և հրատարակած մասունքներից մեկում հայտնի է դառնում, որ Մեծ Կողմանց իշխան Շիրվանշահեանց Ուզի որդի Հասանը մասնակցել է Փոքր Ասիա կատարած մոնղոլական արշավանքներին, Կեսրիայում օտարների ձեռքից գնել է մագաղաթյա սք. Ավետարանը: Մակարը մա-

²³⁸ Рашид-ад-Дин, Сборник летописей, Т. III, пер. А.К.Арендса, М.-Л., 1946, стр. 91.
²³⁹ Լ. Բաբայան, Հայաստանի սոցիալ-տնտեսական և քաղաքական պատմությունը XIII-XIV դ.դ., Եր., էջ 375:

գաղաթյա, ամբողջապես գլխատառերով գրված Ավետարանը, որի հիշատակարանը բացակայում էր, տեսել է Թալիշ գյուղում մի «աշխարհական» տանը: Շիրանշահեանց Հասանը ավետարանի վերջին թերթին գրում է. «Ձաստուածափառ և զաշխարհայոյս սուրբ ավետարանս որ ձեռաւք Հասանայ Ուզին որդոյ բերաւ ի Կեսարիոյ և նոյն Հասանայ և ամուսին Ելթի և պարծանաց որդիք իւր Հասըմբեր և Սասնայ ետուն զսա յիւրեանց տապանատունս որ էին տեղոյս իշխանք զտուն Շիրանշահեանց Դաւթի ձեռաւք ի վանս Եղիշէի և հաստատի սմա բանիւն Աստուծոյ և յանուն Հասնային և Եյթոյն ետ մահու պատարագ ի Քրիստոս յամեն եկեղեցիս ի զատկին յարութեան աւրն, որ յարոյց ընդ իւր բազում մեռեալք և յարուսցե Քրիստոս փառաւք զՀասանայն և զԵլթի հանդերձ իւր ծնելալք միս անգամ զալստեանն: Արդ որք խափանեն զպատարագն և կամ հանձն զավետարանս և զՇիրանշահեանց տունն ի Տապանատնես, հանեսցի նա յարքայութենն Աստուծոյ: Առանց աշխարհավերի թիւն Հայոց էր Չժէ (1268): ՉԻԱ (1282) շինեցալ ժամատունս (Եղիշէի)»²⁴⁰: Եթե ինչխանական տան տապանատունը, ինչպես վկայում է Հասան Շիրանշահեանց իշխանը, հնուց ի վեր Եղիշէ առաքյալի վանքն է եղել, ապա իշխանական տունը պետք է որ հեռու չլիներ այդ վայրից: Երկու տարբերակից՝ Դյութական Մայրաքաղաքից ու Հոռեկից այս դեպքում նախընտրելի է Մայրաքաղաքը, որտեղ ևս հայտնաբերվել են իշխանական ապարանքների փլատակներ: Դրանց վերակազմությունը տվել է ճարտարապետ Արտակ Դուլյանը²⁴¹: Սակայն այս դեպքում կարող էին որպես տապանատուն ընտրել Հոռեկի Գլխտ վանքը: Իշխանի գրությունից առաջ Ավետարանում զստեղծված է մեկ այլ գրություն. «Յանուն Աստուծոյ մեք Ներքի տանուտերքս... յիշե Ջավելի դի Մուսին. ես Դավիթ իմ վանական եղբարքս վկայ եմ այս գրոյս ի թուականութեանս ՇժՁ (1069) հաստատուն, եթե աստուած կամի»: Ուրեմն՝ Ավետարանը ստեղծվել է 1069 թվականից ավելի վաղ: Եթե իշխանն ակնարկում է իր և կնոջ՝ Ելթիի հաջորդ զալստյան մասին, ուրեմն, նրա բնակավայրը ամենևին էլ մոտ չի գտնվում Ջրվշտիկից: Մեծ Կողմանց իշխանական տան մասին ավելի ստույգ տեղեկություն է հայտնում Մայրաքաղաքի Հին Մեծ-շենի հանգստարանում գտնվող եկեղեցու մուտքի ճակատկալ քարին պահպանված վիմագրությունը. «Թիւ ՉԹ (1260) էր կամավն Աստուծո ես Խուռում (Հոփիսիմե) շինեցի զեկեղեցիս, եղբայր իմ Վահրամ Շահ ի յիշատակ մեզ և ծնողաց մերոց ի իշխանութեան Ուքանին և յամիրութեան Փախրայդիմին ի ի յառաջնորդութեան Տեր Սուքիասին յաղավթս...»: Կարելի է ենթադրել, որ «Շահը» իշխանական տոհմանվան կրճատ ձևն է, իսկ Խուռումն

²⁴⁰ Բարխուտարեանց, Արցախ, էջ 146:
²⁴¹ Ա. Դուլյան, էջ 50:

ու Վահրամը՝ այդ իշխանական հարստության մի ճյուղը: Արցախի Գետաշեն ավանի Ավագ սուրբ Նշան մատուռում պահվում էին չորս ձեռագիր ավետարաններ: 1116 թվականին ստեղծված մագաղաթյա պատկերազարդ ավետարանի հիշատակարանում գրված է. որ Հաղբատի Սարգիս կրոնավորը, ձեռք բերելով այն, 1223 թ. «ընծայեաց զսա Մեծ Կողմանց եպիսկոպոսարանիս... ի իշխանութիւնս հզարին Հասանայ որդւոյ Վախթանգայ և ի հայրապետութեանս տեառն Յովհաննիսի...»: Եպիսկոպոսարանի տեղը ճշգրտվում է գրքի երրորդ նորոգողի թողած հիշատակարանում. «ՊԼԲ (1363) էր, մեհեկի անսի ԻՁ էր, որ կազմեցավ, որ է Սուրբ Ավետարանս Մեծ Կողմանց Խաչենոյ եպիսկոպոսարանեն Մայրաքաղաքենս, իշխանութեան պարոն Ջալալին, եպիսկոպոսութեան տէր Գրիգորին Գեռաքարեցին...»²⁴²: Ուրեմն կարելի է վստահությամբ ասել, որ Մայրաքաղաք ավանը XIV դարի երկրորդ կեսին դեռ կար և եպիսկոպոսանիստ էր ծառայում: Հայտնի է, որ Մեծ Կողմանքի Հասան իշխանին հաջորդում է Համբեր Շիրանշահանցը: Այս իշխանական հարստության ներկայացուցիչ էր Մեծ Կողմանց առաջնորդ Յովհաննես երիկոպոսը: XIII դարի երկրորդ կեսին կառուցված Մեծ Կողմանքի վանքերի ու եկեղեցիների մուտքերի ճակատքարերին որպես հիմնադիր հիշատակվում է նրա անունը: Հռոեկա վանքի ճակատքարին արձանագրված է. «Ի քահանայապետություն Ստեփաննոսի գշինող գեկեղեցիս զտեր Յովհաննես յիշեցեք ի Քրիստոս Ոսն զծնողս և զեղբարսն իւր թիւ ԶԻԸ (1279)»: Իսկ գավթի մուտքին նույն եպիսկոպոսը գրել է. «Յաշխարհակալ տէրութեան Ապաղա խանին և ի հայրապետութեան տէր Ստեփաննոսին և ի պարոնութեան Նորադինին և Սրաադինին և Գուրգադինին ես տէր Յոհաննես շինեցի զգավթս յիշատակ ինձ և ծնողաց իմոց ԶԼԳ (1284)»: Շիրանշահաց տոհմի իշխանական տունը նույն եպիսկոպոսի միջոցով կառուցում է Գյուլիստանից ոչ հեռու Միջի և Յերի վանքերը, Մայրաքաղաքի ուսումնարանը, վերանորոգում Ջրվշտիկի, Հռոեկա, Գետաշենի եղնասարի վանքերը, որոնք ծանր ու դժվարին ժամանակներում կարևոր դեր ունեին ազգապահպանման գործում: Արցախ-Ուտիքի հյուսիսի՝ Գարդմանքի իշխանները, ասես մրցակցելով իրար հետ, կառուցում են Պանդալյոնի, ս. Աստվածածնի, ս. Սարգսի, Քարխանաց, Թարգմանչաց, ս. Ամենափրկիչ, Հռոռնաշեն, վիմափոր Քարահերձ վանքերն ու եկեղեցիները: Իսկ «Շիրանշահի» Շիրվանշահի կրճատ ծնն է: Կարելի միայն ենթադրել, որ այս տոհմը Շիրվանում տիրապետող դիրք է ունեցել, որին դուրս են մղել մահնեղականները:

Գիր ու գրականությունն էր ու հայոց եկեղեցին, որ թուրք-սելջուկների, ապա և թաթար-մոնղոլների դաժան բռնատիրության պայմաններում լեռնե-

²⁴² Բարխուտարեանց, Արցախ, էջ 170:

րում ապաստանած հայությունը հայ պահեց: Ինչքան էլ ներսում անմիաբան ու կենտրոնախույս լինեին, այլևս ոչ մի բռնատիրություն անընդունակ չէր մարդկանց մեջ կոտրել սերը դեպի իր հոգևոր արժեքները, իր գիրն ու գրականությունը, պատմությունը, հավատքը, արգելելու հայեցի ու հայերեն ստեղծագործելու այն շունչը, որը պետք է հարատևեր հետագա դարերում, անիշխանության պայմաններում փայփայեր պետականությունը վերականգնելու փափագն ու ձգտումը:

1271 թվականին վախճանվում են հայոց մեծ պատմիչները՝ Կիրակոս Գանձակեցին ու Վարդապետ Բարձրաբերդցին: Հաջորդ ժամանակաշրջանը նշանակալից պատմիչ չի ծնում, և ասես հետագա իրադարձությունները կրկին ընկղմվում են խավարի մեջ:

XIII դարի վերջերին Չինգիզ խանից ժառանգություն մնացած տիեզերական տիրակալությունը (Հնդկաստանից մինչև Միջերկրական ծովը, Ռուսական հյուսիսից մինչև Պարսից ծոցը) սկսվել է տրոհվել առանձին պետությունների: Այսպես գոյացավ Հուլավու խանի պետությունը, որն իր մեջ ընդգրկում էր ողջ Հարավային Կովկասը, Հայաստանն ու Ատրպատական-Ազարբայջանը: Ազգային ու ցեղային տեղաշարժերը բավականին էթնիկական փոփոխություններ իրականացրին Իրանում, Արևմտյան Հայաստանում ու Բյուզանդիայի արևելյան մասերում: Պարսիկ ժողովրդի այն հատվածը, որը «մար» էր կոչվում, խառնվում է արաբների, եկվոր բուրքական ցեղերի հետ: Չամչյանը գրում է, որ ոմանք նրանց պարսիկ են անվանում, ոմանք՝ թուրք²⁴³: Սակայն նրանց արմատը մարական է մնում, չնայած հետագայում աստիճանաբար տիրապետող է դառնում թուրքերենի, պարսկերենի և մարական հին լեզվի մի խառնուրդ, որին հետագայում պետք է տան «ազարի» անունը:

ՂԱՐԱԲԱՂԸ XIV-XV ԴԱՐԵՐՈՒՄ

XIV դարի առաջին կեսին աստիճանաբար տրոհվում է մոնղոլական տիրապետությունը: Մոնղոլ խաներն ու զորապետները ընդհանուր հզոր իշխանության բացակայության պայմաններում իրարից խլխլում են երկրները, անընդիատ պատերազմում իրար դեմ, իհարկե, ասպատակում մեկը մյուսի տիրույթը, թալանում, կեղեքում ժողովրդին: Այս ժամանակաշրջանի մասին հարուստ տեղեկություններ են պահպանվել բազմաթիվ հիշատակարաններում և վիմագրերում: Հայաստանի տարբեր շրջաններում սկիզբ է առնում մեծ արտագաղթը, որի հետևանքով դատարկվում են հայոց բարեկարգ բնա-

²⁴³ Ս. Չամչյան, էջ 418:

կավայրերը: Իսկ Ուտիքի և Արցախի հայությունը, ապավինած իր լեռներին, դիմադրեց այս փորձությանը, պահպանեց իր գյուղերն ու ավանները, սպասելով ավելի բարեհաջող ժամանակների: Անընդհատ ասպատակությունները, ավազակային հարձակումները գյուղացուն զրկել էին տնտեսական աշխատանքներ (ցանք և բերքահավաք) անելու հնարավորությունից: Արցախցին ապավինում է իր հարուստ բնությանը, բերքառատ անտառներին, որտեղ, ամառ թե ձմեռ, միշտ ուտելու բան էր գտնում: Սելջուկներից սկսած, ասպատակիչները հիմնականում ձմեռում էին Մուխանքում, որը XIV դարի կեսերից անվանում էին Ղարաբաղի դաշտ, իսկ ողջ Արցախը թաթարները կոչեցին Ղարաբաղ (սև այգի): Այս անունը կազմված է թուրքերեն «ղարա»-սև ու պարսկերեն «բաղ»-այգի արմատներից: Ըստ երկրի, այն արտահայտում է երկրի բերրի սևահողային լիմեղը, ու այս իմաստով Առանի (բերրի երկրի) մեկ այլ արտահայտությունն է: «Ղարաբաղ» անվանումը առաջին անգամ հանդիպում ենք XIII դ. սկիզբն ընդգրկող վրացական պատմագրության մեջ²⁴⁴: Ակադեմիկոս Ս. Երեմյանի կարծիքով, «Ղարաբաղ» անունը «Բաղակարանի» այլափոխված ձևն է: Ղարաբաղ անվանումը հանդիպում ենք նաև XIV դարի պարսից պատմագիր Չամդ-Ալլահ Մուստավի Ղազվինիի «Նուզհաթ-ալ-Բուլբաթի աշխարհագրական մի մասը» գրքում²⁴⁵: Ըստ այս հեղինակի, Ղարաբաղի հարթավայրային մասը կոչվում էր Բաղ-ի սաֆիդ (Սպիտակ այգի), իսկ լեռնային մասը Բաղ-ի սիախ, այսինքն՝ սև այգի, որն էլ Իրանում տիրապետող թուրքալեզու դասի լեզվով կոչվեց «Ղարաբաղ»: Ընդհանրապես, թուրքալեզու նվաճողներին միշտ յուրահատուկ է եղել նվաճված երկրներում աշխարհագրական տեղանունները անմիջապես փոխելն ու թուրքերեն անվանելը: Սա նվաճած երկիրը իրենցը դարձնելու եզակի մարտավարություն էր, որը բնորոշ էր թուրք-թաթարական ցեղերին: Քանի որ աշխարհագրական տեղանունների՝ հանդերի, դաշտերի, բնակավայրերի, լեռների, բլուրների, գետերի, աղբյուրների անվան մեջ պահպանվում էին բնիկ ժողովրդի լեզվի, մշակույթի տարրերը, այս իմաստով հսկայական կորուստներ են ունեցել Իրանը, Միջին Ասիան, Արաբական երկրները, Բալկանյան թերակղզին, բոլոր այն վայրերը, ուր ոտք է դրել թուրքը: Իսկ Փոքր Ասիան (Բյուզանդիա, Կիլիկիա, Չայաստան) իր բոլոր աշխարհագրական անուններով թուրքացվել է: Անդրկովկասում նույն քաղաքականությունն էին վարում XVII դարի վերջերին ու ողջ XVIII դարում այստեղ թափանցած թափառական թրքախոս ցեղերը:

²⁴⁴ Վրացական ժամանակագրություն 1207-1318 թթ., թարգմ. Փ. Մուրադյան, Եր., 1971, էջ 112:

²⁴⁵ Hamid-Allah Mustawi of Gazwin, The Geographical Part of the Mushatal-Qulab, by le Strange, G. Leyden, 1919, pp. 173-174.

XIV դարի երկրորդ կեսին Միջին Ասիայում նախապատրաստվում էր համաշխարհային մի նոր չարիք, որը դաժանությամբ պետք է գերազանցեր իր նախորդներին: Դա ազգությամբ ուզբեկ-թաթար, սամարղանդցի Լենկթեմուրի իշխանությունն էր, որը տեղի սուլթանի մահից հետո 1366 թ. նստում է գահին: Միջին Ասիական ասպատակիչների՝ դեպի արևմուտք արշավանքների ճանապարհին միշտ Իրանն էր, որն էլ նրանց ուժերի առաջին փորձաքարն էր դառնում: Ահա Լենկթեմուրը (Կաղ Թեմուրը) փորձում է զավթել Խորասանը: Սակայն Խորասանի տեր Շահմասուրը ետ մղեց նրանց զորքերին: Լենկթեմուրը դիմում է խորամանկության ու անսպասելի հարձակումով հաղթում Շահմասուրին, տիրում Սպահանին ու Շիրազին, մահ ու ավեր սփռում ամենուր: Լենկթեմուրը շարժվում է դեպի Ատրպատական: Թավրիզը Ահմեդ էմիրից գրավել էր Ղրիմի խան թաթար Թոխտամիշը: Վերջինս, տեղեկանալով Լենկթեմուրի արշավանքի մասին, 1375 թ. ձմռանը Նախճավանը, Սյունիքն ու Արցախի Ծար գավառը ավարի ենթարկելով, նահանջում է դեպի Ղերբենտի դուռը: Սակայն շուտով նա թողնում է ողջ ավարն ու գերիները, փախչելով փրկում կյանքը: Ատրպատականում Լենկթեմուրը զորահավաք է հայտարարում, գումարում 700 հազարանոց զորք և արշավանքներ կազմակերպում տարբեր ուղղություններով: 1387 թվականին ասպատակում է Սյունիքը, Արարատն ու Արցախը: Նա չէր ներում ոչ իր դեմ կռվողներին և ոչ էլ հպատակվողներին: 1401 թվականի հուլիսի 9-ին Բաղդադը գրավելուց հետո վերադառնում է Ատրպատական: Այս ժամանակաշրջանից հետաքրքիր տեղեկություններ է հաղորդում գերմանացի Յոհան Շիլտբերգերը: Խաչակիրների ու թուրքերի միջև ճակատամարտերում 1394 թ. գերմանացի զինվորը գերի էր ընկել թուրքերի ձեռքը, ապա և գերվել թաթարների կողմից ու շուրջ 31 տարի նվաճող զորքերի հետ ճանապարհորդել Ասիական ու Աֆրիկյան երկրներում, ի վերջո, 1427 թ. վերադառնալով տուն, գրել է իր ճամփորդության մասին: Յոհան Շիլտբերգերն էլ հաղորդում է, որ Թամերլանը (Լենկթեմուր) 1401 թ. Թավրիզից գնում է ձմեռելու Ղարաբաղում: Լենկթեմուրի մահից հետո Յոհանը ծառայում է նրա որդուն՝ Շահռուխին: «Նա (Շահռուխը) սովորություն ուներ ձմեռել մեծ հարթավայրում, որը կոչվում էր Ղարաբաղ: Այն առանձնանում էր լայն արտավայրերով... նրա (Արաքսի) ափերին հավաքվում է ամենալավ մետաքսը: Չնայած այդ հարթությունը գտնվում է Չայաստանում, այնուամենայնիվ այն պատկանում է հեթանոսներին (մահմեդականներ), որոնց հայկական գյուղերը ստիպված են հարկ տալ»²⁴⁶: 1405 թ.

²⁴⁶ Путешествие Шильбергера по Европе, Азии и Африке с 1394 по 1427 г. по переводу и примечаниям Ф. Беруль, Одесса, 1866, стр. 110. Գիրքը կրճատումներով և Չ.Բուսիաթուլի առաջաբանով վերահրատարակվում է

ահեղ բռնակալի մահից հետո նրա ժառանգների ու տարբեր երկրամասերում կարգած կուսակալների ու զորապետների միջև պատերազմներից ազատվելով, թուրքական կարա-կոյունլու ցեղը հաստատում է իր տիրապետությունը: Նրանց առաջնորդ Կարա-Յուսուփը պակաս դաժան ու անմարդկային չէր, քան Լենկթեմուրի զորապետները: 1406 թ. Պետրոս Բ աղվանից կաթողիկոսին հաջորդում է տեր Կարապետը: Նա Գանձակից հեռանում է Կապադակ և Ճալեթում կառուցում Ճալեթի վանքը: Տաճարի մուտքի ճակատկալ քարին գրված է. «Յանուն Աստուծոյ ես Կարապետ կաթողիկոս շինեցի զԵԼԵՂԵՑԻս Ի թւին ՊԿ (1411) յիշատակ հոգւոյ իմոյ, յաղաթս յիշեցեք»²⁴⁷: Խաչենում շարունակում էր տիրել հին իշխանական տունը, որը այսուհետ կոչվում էր Ջալալյան: Ժառանգաբար նրանց էր պատկանում նաև Գանձասարի վանքի առաջնորդությունը: Անշուշտ, այսուհետ ևս դժվար ճակատագիր էր վիճակված Ղասան-Ջալալի իշխանության ժառանգորդներին: 1282 թ. մահացած Աթաբակ-Իվանեին փոխարինում է նրա որդին Ջալալ Բ-ն: XIV դարի երկրորդ կեսում ևս Ներքին Խաչենի իշխանները գահերեց էին Արցախում²⁴⁸: XIV դարի վերջը աղետաբեր էր նաև հայոց Կիլիկյան թագավորության համար: 1375 թվականին հարևան արաբական պետությունների հարվածներից խորտակվում է հայոց Կիլիկյան պետությունը, որը 300 տարի Միջերկրականի ափին պահպանել էր իր գոյությունը, ունեցել ծաղկման և անկման ժամանակաշրջաններ: Նրա վերջին թագավորները հույսը դրել էին Յոթմի պապի ու Եվրոպական երկրների օգնության վրա: Իսկ այդ նեղ ժամանակաշրջանում Յոթմը Կիլիկիայի հայերից պահանջում էր հավատափոխություն և կաթոլիկության անվերապահ ընդունում:

Ինչքան էլ դառն լինեին ժամանակները, Արցախում շարունակում էին նոր մատյաններ գրվել, արտագրվել ավետարաններ, ճաշոցներ, ճառընտիրներ, դրանց հիշատակարաններում նշել ժամանակաշրջանի իրավիճակի մասին, տեղեկություններ հաղորդել իշխանների ու հոգևոր առաջնորդների մասին: Ահա 1428 թ. նման ավետարան է ստեղծվում Շուշի բերդավանում: Սա Կարկառի բերդի անվան վերափոխության առաջին հիշատակությունն է: Արցախցի գրիչ Տեր-Մանուելը իր ստեղծած Ավետարանի հիշատակարանում գրում է, որ գիրքը գրել է 1428 թ. Շուշի կոչվող գյուղի սբ. Աստվածածին եկեղեցում, Աղվանից կաթողիկոս Տեր-Յովհաննեսի, բռնակալ Իսկանդարի, որը «քրիստոնյաների չարչարող էր, և հույսն աստվածն է»: Յին աղբյուրներում հիշատակված Կարկառ բերդաքաղաքը ոչ միայն կոր-

րել էր իր բերդի նշանակությունը, այլև XV դարի առաջին կեսում գյուղի էր վերածվել: չնայած պահպանում էր որպես մշակութային կենտրոնի իր նշանակությունը, քանի որ ամեն տեղ չէ, որ գիրք էր ստեղծվում: Ժամանակի մասին հարուստ տեղեկություններ են հաղորդում ոչ միայն գրքերի հիշատակարանները, այլև եկեղեցիների վիճագրերը, խաչքարերը, տապանագրերը: Վաղուց Արցախում կար մի սովորություն, ըստ որի եկեղեցու նվիրատուները իրավունք ունեին տաճարի պատին հատկացված մասում արձանագրել իր նվերի ու իր տոհմի, ինչպես և ժամանակաշրջանի մասին: Այսպես, Գանձասարի վանքի պատերին արվել են 250 արձանագրություններ, որոնք փաստորեն Կաղանկատվացու «Աղվանից աշխարհի պատմության» շարադրանքի շարունակությունն են: Պակաս արձանագրություններ չեն պարունակում Արցախի և Ուտիքի հարյուրավոր մյուս վանքերը, եկեղեցիները, խաչարձանները:

XV դարի կեսերին հզորանում է Ջհան շահը: Նա հայոց բեկերին տալիս է մելիքության կարգավիճակ, իրավունք տալիս զորք պահել զորավար հարյուրապետի (յուզբաշի) հրամանատարությամբ: Յուրաքանչյուր իշխան պարտավոր է իր ժառանգությունը ծնողից հետո հաստատելու համար անձամբ թագավորից հատուկ հրովարտակ (փիրման) ստանալ: Շիրվանում թագավորական տան շառավիղներից Կարա-Քեշիչ Օղլի (Աև-Տերտերի որդի) Ալի-ջանը 1444 թ. Շաքիի խան է կարգվում, Ջհան շահի արքունիքում հաստատելով նախնիներից՝ Բագրատունի Սահլ Սմբատյան ու Սահակ Աևադա իշխանաց իշխաններից ու Իշխանիկ թագավորից եկող ժառանգական իրավունքը: Բագրատունիների ժառանգորդը խանական տիտղոս է ստանում մահմեդականություն ընդունելու գնով²⁴⁹: 1457 թ. Ալի-ջանին հաջորդում է նրա որդին՝ Թահմիր-խանը: Շուրա քաղաքի սբ. Աստվածածին եկեղեցում պահվող 1477 թ. ստեղծված պատկերազարդ Ավետարանի հիշատակարանում Մակար եպիսկոպոսը ընթերցել է Կարա-Քեշիչ անունը, որը 1501 թ. միջնորդել է, որպեսզի Ավետարանը վաճառվի Դանիելի որդի Յովհաննիս²⁵⁰: Շահ Թահմասպը 1551 թ. Կարա-Քեշիչ-Օղլիների փոխարեն Շաքիի կառավարիչ է նշանակում ղզլբաշների ցեղից: «Շահմիր խանը՝ Շաքիի խաքինը, Շաքիի հին տերերի տոհմից է (այսինքն, տեղի հնուց եկող Քեշիչ-Օղլի խանական դինաստիայի ժառանգորդը, որին 1551 թ. գահից զրկել է շահ Թահմասպը)»²⁵¹: Շահ Թահմասպ I-ը (1525-1576 թթ.) էմիր Ջի-

Բաքվում, 1984թ. «Աղբյուրների պատմության աղբյուր» խորագրով: Բունիաթովը հեղինակի «Ղայաստան» անվան փոխարեն հասկանում է «Աղբյուրայան»:

²⁴⁷ Բարխուտարեանց, Պատմություն Աղուանից, 3. Բ. Թիֆլիս, 1907, էջ 175:

²⁴⁸ Բ.Ուլուբաբյան, էջ 304:

²⁴⁹ И. П. Петрушевский, Очерки по истории феодальных отношений в Азербайджане и Армении в XVI-XIX вв., Ленинград, 1949, стр. 138. (Смотри так же: Абд-ал-Лягиф-эфенди, Ц и Т, изд. Баку, 1926, рус. стр. 5-6).

²⁵⁰ Մ. Բարխուտարյանց, Աղուանից երկիր և որացիք, Երևան, 1999, էջ 19:

²⁵¹ Петрушевский, стр. 104.

յադ-օղլուին, որը դաջարական ցեղից էր, Ղարաբաղի բեկլարբեկ նշանակեց, հողեր և արոտներ նվիրելով Ղարաբաղում: Վրաց ժամանակագիրը հայտնում է, որ 1548 թ. Շահ-Թահմասպը ավերել է Շաքին, իսկ Շաքիի տեր Ղավրիշ-Մահմադը փախավ Գյուլիստանի բերդը²⁵²: Դա ամենևին էլ պատահական չէր, քանի որ Շաքի-Նուխիի հայազգի տերերը սերտ կապեր էին պահպանում Արցախի, մանավանդ Գյուլիստանի տերերի հետ, ուստի և նրա ամրությունները որպես վերջին ապաստան են ծառայել: Ու ամենևին էլ պատահական չէր XVII դ. սկզբներին այս տոհմի քրիստոնյա մնացած շառավիղներից Սև Աբովի ընտանիքի հետ այստեղ տեղափոխվելը: XVII դ. թուրք պատմիչ Ռաշիդը «Ջիհան-նյուայում» գրում է, որ Գյուլիստանի սեպածև, բարձր ու ամրակուռ բերդը Շիրվանի (հայ) մելիքների համար որպես ամառային բնակավայր է ծառայել²⁵³: XVII դ. երկրորդ կեսին թուրքական իշխանության ժամանակ կրկին Շաքի-Յերեթում տիրում են հայազգի Կարա-Քեշիշ-Օղլիները: «1598 թ., երբ Ալեքսանդրե խանը (վրաց թագավոր) հպատակություն ցույց տվեց (թուրքերին - Բ.), նրան հանձնարարվեց Շաքիի բերդի գրավումը, - գրում է թուրք ժամանակագիր Փեչևի-Իբրահիմը, - դրա համար ուղարկվեցին զինվորական մասից 200 սիվահի (հեծելազոր) և եմիրներից Միրզա Ալիբեյն ու (Լեվենդի-Լևոն - Բ.) Լազոս-Ահմեդ բեյը: Այս հնագույն երկիրը Ահմեդ բեյի հայրենիքն է, որի հայտնի առյուծներից ու գայլերից է ինքը: Բայց նրանց ճանապարհի վրա գտնվող Կըմըք (Ալազանի - Բ.) գետի խիստ հորդացած ու տղմոտ լինելու պատճառով մի քանի օր ուշացան: Յետո հարմար առիթ գտնելով գետն անցան և պաշարեցին Շաքիի բերդը: Բարձրյալն Աստծո բարերարությամբ նրանք բերդը գրավեցին փաղիշահական պետության համար: Իր հոր այդ ծառայության Լևենդի (Լևոնի) որդին՝ Առաքել-Միրզան, նշանակվեց այդ էլայեթի իշխողը»²⁵⁴: Նրանց իշխանությունը ճանաչում և հաստատում են նաև Շահ-Աբբաս Մեծն ու նրա հաջորդները: Տոհմի «Սև» անունը, հավանաբար, մնացել է Սևաղայի անունից: X դարի բյուզանդական կայսր և պատմիչ Կոնստանդին Ծիրանածինը այլազգիներին ուղղված նամակների թվում հիշատակում է և Շաքիի տերերին «Սևորդեաց, այսինքն՝ Սև Որդիներ կոչվող երեք իշխաններից» հասցեն²⁵⁵: Իսկ VIII - XI դարերի իրադարձություններից մեզ հայտնի է, որ Շաքի-Յերեթում իշխում էր Բագրատունյաց մի ճյուղը: Արաբ

²⁵² Գր. Լ. Մելիքետբեկ, Վրաց աղբյուրները Չայաստանի և հայերի մասին, հ. 9, Եր., 1955, էջ 68:

²⁵³ Թուրքական աղբյուրները Չայաստանի, հայերի և Անդրկովկասի մյուս ժողովուրդների մասին, հ. Բ, Եր., 1973, էջ 17:

²⁵⁴ Նույն տեղում, հ. Ա, Եր., 1973, էջ 38-39:

²⁵⁵ Կոնստանդին Ծիրանածին, «Բյուզանդական արքունիքի արարողությունների մասին», Օտար աղբյուրները Չայաստանի և հայերի մասին, հ. 6, Եր., 1970, էջ 15:

պատմիչ Մաադին Սևորդիների տոհմը համարում է «հայոց մի ճյուղը»: Վերջին անգամ այս անվանը մենք հանդիպում ենք Շիրվանից Թալիշ-Գյուլիստան տեղափոխված Աբովի անվան հետ (Սև Աբով), որն այս տոհմի շառավիղներից է: XVII դ. թուրք պատմիչ Չելեբին «Ջիհան-նյուայում» գրում է. «Մականատայի» (Մաքամ - Բ.) Շարնեշին (իրանա-արաբական բանասեր Աշ-Շարիշի, մահ. է 1222 թ. - Բ.) ասել է, որ «Չայաստանը կազմված է երեք մասերից. դրանցից առաջինը Դերիլն է, Կալիկալան, Խլաթն ու Շենիսաթը, երկրորդը՝ Բարդան (Պարտավը), Բայլականը, երրորդը՝ Նախիջևանը»²⁵⁶:

Չայերը այս երկու պետություն-համակարգերի՝ Պարսկաստանի և Օսմանյան Թուրքիայի միջև մի առանձին դիրք են զբաղում՝ շնորհիվ մեծ առևտրի մեջ ունեցած ազդեցության: Չայ վաճառականներն էին տիրում մետաքսի մեծ ճանապարհին, որն ընդհատվել էր Բյուզանդիայի վերացումով: Չայ առևտրականների հետ եվրոպա էին գնում նաև հոգևորականներ, զիր ու գրականության մարդիկ: Այսպես, XVI դարի սկիզբը Վենետիկում մեծ շրջադարձ էր հայ ժողովրդի կյանքում: Ահա այս պայմաններում սկիզբ է առնում մարդկության համար նոր ժամանակաշրջանը:

ԴԱՐԱԲԱՐԸ ՆՈՐ ԴԱՐԱՇՐՋԱՆՈՒՄ

(XVI - XVII դդ.)

XVI դարի սկզբին արդաբիլցի Շեյխ-Սեֆիի թոռը շեյխ Իսմայիլը, որ 20-ամյա պատանի էր ու տոհմի միակ ժառանգը, յոթ հազարանոց զորքով անցնում է Արաքսը, ապա և Կուրը, անսպասելիորեն հարձակվում Շիրվանի կենտրոն Շամախի վրա: Շամախին, որպես առևտրական կենտրոն և վաճառաշահ քաղաք, իր հարստությամբ մեծ հռչակ էր ձեռք բերել: Նման մի հարձակման ժամանակ արդաբիլցի թուրքերը պարտվել էին, իսկ Իսմայիլի հույսը Շեյխ-Յեյդարը զոհվել է: Պատանի Իսմայիլը գրավում է քաղաքը, սպանելով չիրվանշահին՝ լուծում է հոր վրեժը, ապա գրավում Բաքուն: Տեղեկանալով, որ ակ-կոյունլուների ցեղապետը զորքով շարժվում է իր դեմ, շտապում է հանդիպել նրան, ու Նախճավանի մոտ 1501թ. ճակատամարտում հաղթում: Ողջ Իրանի երկրամասերը այնպիսի մի իրավիճակում էին, որ վաղուց հասունացել էր մի կենտրոնածիճ ուժի շուրջը միավորվելու կարիքը: Իսմայիլի այս հաղթանակները նրան այնպիսի հռչակ բերեցին,

²⁵⁶ «Джихан-нома» и «Фезеле» Кятыба Челеби как источник по истории Армении, XVII, Ереван, 1973, стр. 93, см. также: И.Ю.Крачковский, изв. соч., стр. 306.

որ նա անարգել իրեն շահ հռչակեց նոր պետության մայրաքաղաք դարձնելով Թավրիզը: Նրան են միանում Ֆարսն ու Խորասանը: Իսմայիլ շահը աչքի է ընկնում կազմակերպչական ջիղով ու ռազմավարական ծրագրերն ընկալելու և այն իրականացնելու խորաթափանց մտքով: Շուտով Իրանը տարածվում է հին Ասասնյան պետության սահմանների մեջ՝ Միջին Ասիայից մինչև Եփրատ, Պարսից ծոցից մինչև Կովկասյան լեռնաշղթա: Այսպես շահ Իսմայիլը սկիզբ է դնում Սեֆևիդների հարստությանը, որը կոչվեց ղզլբաշների պետություն: Անդրկովկասը ընդգրկվում է Երևանի խանության մեջ²⁵⁷:

Երբ 641 թ. ողջ Իրանը գրավեց արաբական խալիֆաթը, թվում էր, թե մահմեդականությունն ընդունելով ոչ միայն երկիրը, այլև ժողովուրդն ու նրա բազմադարյան մշակույթը ամբողջությամբ կուլ կզնա արաբներին, մանավանդ որ արաբները ապագայնացման քաղաքականություն էին վարում: Սակայն պարսից հին մեծ մշակույթը, ազգային ինքնագիտակցությունը դիմադրեցին այս փորձությանը: Պարսկական կրոնը՝ զրադաշտականությունը ոչնչացվեց: Կրակապաշտների մի փոքր խմբի հաջողվեց իրենց կրոնի հետ Չնդկաստան տեղափոխվել, այնտեղ պահպանել անշեջ կրակը: Պարսկական մշակույթի մի մասն, իրոք, կորսվեց անվերադարձ: Պարսիկները արաբացման վտանգից միայն մի ելք ունեին՝ ազգայնացնել իսլամը: Դենց սեփական կրոնը Շիա աղանդն էլ միակ ելքն էր ստեղծված վիճակից: Արդաբիլում ապրող Շեյխ-Սեֆիի գերդաստանը իրար է միացնում Իրանի բաժան-բաժան եղած ծվենները: Իսկ Իսմայիլ շահը պետականացնում է կրոնը, որը միավորում, կուռ ամբողջության մեջ է ընդհանրացնում Իրանում ապրող ժողովուրդներին: Ատրպատականը այդ ժամանակներում վաղուց արդեն Ազարբայջան էր կոչվում, քանի որ Իրանը նվաճող արաբները միայն այդպես կարող էին արտասանել երկրամասի անունը: Իսկ թուրքա-

²⁵⁷ Որոշ պատմաբաններ, մանավանդ բաբլեցի գիտնականներ, սեֆևիդների հիմնադրած ղզլբաշների պետությունը իր ծագումով, էթնիկական ու ռազմական կազմով համարում են աղբրեջանական պետություն (И. Петрушевский, Азербайджан в XVI-XVII вв., Сборник статей из истории Азербайджана, Баку, 1949, стр. 233, также: История Азербайджана, т. 1, Баку, 1958, стр. 288). Սակայն Շահ-Իսմայիլ Ա-ն իրեն հայտարարեց Իրանի շահնշահ: Պետական լեզուն Պարսկերենն էր, ու ամեն ինչ արվում էր վերականգնելու իրանական պետական ավանդներն ու նվաճելու Ասասնյան կայսրության մեջ մտնող բոլոր երկրները՝ Խորասանից մինչև Միջագետք ու Հայաստան: Այս շրջանի համար ևս հատկանշական է պետության աստվածապետական բնույթը: Ազարբայջան-Ատրպատականը այս պետության մի նահանգն էր միայն և ոչ ավելին, ու Սեֆյան հարստության պատմիչները այն երբեք ազարբայջանական չեն համարել. իսկ քաղաքական նպատակներով պատմության կեղծումը, վաղ թե ուշ, բացահայտվում է:

կան խաշնարած ցեղերը Ատրպատական-Ազարբայջանում սկսեցին բնակվել սելջուկների տիրապետության շրջանում: Դա հաստատում է և թուրք պատմաբան Ջեքի Տողանը²⁵⁸: Պետք է ասել, որ զուտ թուրքական զանգվածները բնաջնջվել էին Չինական կայսրության բանակների հարվածներից: Երբ նրանց փրկված մասը գաղթում է դեպի արևելք, նրանք միախառնվում են Միջին Ասիայի այլ ցեղերի հետ, ստեղծում նոր ցեղեր, որոնք բնիկ թուրքեր չէին, լեզուն ևս խառնածին էր, չնայած պահպանվում էր «թուրք» անվանումը²⁵⁹: Այս կապակցությամբ Ռաշիդ-էդդին Ֆազլուլլահ Համադանին գրում է. «Օղուզի զավակներից 24 ճյուղ առաջացավ, ինչպես որ մանրամասն գրվել է ցուցակի մեջ: Ցուրաքանչյուրն ունեցավ իր անունն ու տիտղոսը, և աշխարհում գտնվող բոլոր թուրքմենները այդ ցեղի սերունդն են և Օղուզի որդիներից են սերում: Անցյալում թուրքմեն անունը գոյություն չի ունեցել, և անապատաբնակ թուրքանման բոլոր ցեղերին պարզապես թուրք էին կոչում»²⁶⁰: Իրն Ֆազլանը այսպես է գրում թուրքերի թաղման մասին. «Եթե նա իր կենդանության ժամանակ մարդ էր սպանել, ուրեմն և արի մարդու համբավ ուներ, նրա ձեռքով սպանված մարդկանց թվին հավասար փայտե ինչ-որ ձևեր էին տաշում, դնում նրա գերեզմանի մեջ և ասում. «Սրանք նրա ծառաներն են և արքայությունում պիտի ծառայություն մատուցեն նրան»²⁶¹: Ատրպատական թափանցած թուրքերը իրենց վրանները հաստատում էին գյուղերում և ջրառատ շրջաններում, ուր ընդարձակ արոտավայրեր կային, քանի որ իշխող տարր էին և հաղթող: Գյուղի բնիկները շատ շուտ ծուլվեցին խաշնարած ցեղախմբերի մեջ, մոռանալով իրենց բարբառն ու լեզուն²⁶²: «Թուրքերեն լեզուն նախ գյուղերում է գերիշխել տեղական լեզվի վրա և հետո միայն տարածվել դեպի քաղաքները և առևտրական կենտրոնները», - գրում է Էնանթոլլահ Ռեզան: Դենց Սեֆևիդների օրոք Ատրպատականում իշխող է դառնում պարսկերենի և Միջին Ասիայից բերած խառնածին լեզվի մի նոր խառնուրդը, որը «ազարի» է կոչվում: «Սեֆևիդների բոլոր գործերը ազերիների ձեռքում էր և նրանց արքունիքում, լինի Թավրիզում, Դազվինում և կամ Սպահանում, խոսում էին ազերիների լեզվով, նաև տիտղոսների և անունների մեծ մասը այդ լեզվով էր...», - գրում է Համդուլլահ Մուսթոֆին²⁶³: Ուրեմն, թե լեզվական և թե էթնիկական բավականին տարբերություններ կային Բյուզանդիայում հաս-

²⁵⁸ Togan Zeki Velidi, Umumi, Turk tarihie giris, C-1 Ankara, 1946, p. 186-187.

²⁵⁹ Էնանթոլլահ Ռեզան, էջ 131:

²⁶⁰ Ռաշիդ-էդ-Դին Ֆազլուլլահ, Ջամե-ուլ-Թավարիխ, հ.1, Թեհրան, 1959, էջ 35:

²⁶¹ Նարխաշի, Աբու Բաքր Մուհամմադ բին Ջաֆար, «Թարիխե Բուխարա», Թեհրան, 1972, էջ 102:

²⁶² Էնանթոլլահ Ռեզան, էջ 140:

²⁶³ Համդուլլահ Մուսթոֆի, Նիվհաթ-ուլ-Կուլաբ, Թեհրան, 1957, էջ 3

տատված օսմանյան թուրքերի ու Իրանում տիրող Սեֆևիդների միջև, որպեսզի նրանց միջև անհաշտ թշնամություն առաջանար: Փոխադարձ ատելության պատճառներից մեկն էլ կրոնական տարբեր աղանդների պատկանելին էր: Թուրքերը սունի աղանդն էին ժառանգել, իսկ իրանցիները շիա էին: Նրանց միջև պատերազմներին կրոնական կերպարանք էր տրված: Օսմանցիների մեծ մուֆթին հայտարարում էր, որ աստուծու համար մի հատ շիայի մահն ավելի հաճելի է, քան յոթանասուն քրիստոնյաների մահը²⁶⁴: Սելիմ սուլթանի հրամանով Թուրքիայում մահապատժի են ենթարկում 40 հազար մահմեդականների միայն այն բանի համար, որ նրանք շիա աղանդին են պատկանում: Մեկը մյուսի դեմ արշավանքներն անցնում էին նրանց միջև ընկած Հայաստանի տարածքով: Հաճախ ճակատամարտերը տեղի էին ունենում հենց Հայաստանում: Իհարկե, պատերազմների բուն պատճառը երկու տերությունների նոր երկրներ նվաճելու նրջակցությունն էր ու թալանի իրավունքը: Այս ամենը հայ ժողովրդին XVI դարում բերեց նոր աղետներ ու փորձություններ: Հայաստանը երկու երկրների համար հարմար հենակետ էր իրենց հետագա արշավանքների, նվաճումների համար: Հայկական ձեռագրերի հիշատակարաններում հարյուրավոր սահմուկեցուցիչ նկարագրություններ են պահպանվել օսմանյան թուրքերի բռնությունների մասին: Շահ Իսմայիլը մի անգամ Հայաստանով անցնելիս ձգտում է ավերել երկիրը, որպեսզի պարեն և սնունդ չթողնեն հալածող սուլթանի բանակի համար: Ի վերջո, 1555 թ. Ամասիայում երկու երկրների միջև կնքվում է դաշնագիրը, որի համաձայն Հայաստանը կրկին կիսվում է, ու Արևելյան Հայաստանը, որի հետ էլ Արցախն ու Ուտիքը, անցնում են Իրանին: Երևելի թագավորներին թե Իրանում և թե Թուրքիայում փոխարինելու են գալիս ընդունակություններով շատ թույլ տիրակալներ: Ընդհանրապես, Իրանի կառավարման համակարգն այնպիսին էր, որ նրա ուժեղ կամ թույլ լինելը կախված էր շահի ունակություններից: Այս երևույթը բնորոշիչ է նաև Կենտրոնական Ասիայի երկրներին: Բավական է, որ երևան գա մի ռազմական տաղանդով օժտված Սելջուկ, Չինգիզ, Թեմուր, Օսման կամ Իսմայիլ, որպեսզի բոլորը միավորվեն նրա շուրջն ու սկսեն ասպատակությունները: Հենց մեռնում է այս տաղանդավոր կազմակերպիչը, երկիրը կամ պետությունը նույն պահին քայքայվում է, իսպառ վերանում: Օսմանյան Թուրքիայի բանակը Իրանի համեմատ, իր մեջ որոշ կայուն համակարգեր էր պահպանել, որոնք փոխառել էր բյուզանդականից, ուստի ավելի կազմակերպված տեսք ուներ և, չնայած թույլ սուլթանների, իներցիայով պահպանել էր ուժը:

²⁶⁴ Ph.Lavalee, Histoire de l'Empire Ottoman, Paris, 1855, p. 206, տես նաև Լեո, էջ 172:

Լավ հրետանի ունենալով, նա հաճախ առավելություններ էր ձեռք բերում պարսկական բանակի նկատմամբ:

Ղզլբաշների (Շահ-Իսմայիլ Ա) 1505 թ. ավերիչ պատերազմների հետևանքով Արցախի հայերի մի մասը Վրաստանի Կախեթ գավառ է գաղթում: Այդ նույն թվականին Աղվանից կաթողիկոսության աթոռին տեղ Թովմային հաջորդում է տեղ Առաքելը, որը նստում է ճալեթի վանքում: Նույն վանքի միաբան Ստեփան եպիսկոպոսը մի ավետարան է գրել տալիս, որի հիշատակարանում կաթողիկոսը գրում է. «Ի թիվ 24 (1511) ես՝ տեղ Առաքել կաթողիկոս, գնեցի վերստին պարոն Հասան բեկեն եկեղեցույս դրան ճալեթ գիւղս ԳՈ (3000) թանկա խարճ արի և տուի վասն մեր հոգույս սբ. Աստուածածնիս, և ով հակառակի այս գիւղ ճալեթիս կամ խլե...»²⁶⁵: Տեղ Արիստակես Բ-ն, որը, սկսած Գրիգորիսից, 72-րդն է Աղվանից կաթողիկոսների շարքում, հիշատակված է Շահ Թահմազ Ա-ի հրովարտակում, այսինքն պարտադիր հաստատում է ստանում շահից, գահակալում է Գանձասարում: Իսկ Գրիգոր կաթողիկոսը 1573 թ. ուրանում է հավատը, նրան փոխարինում է Արջածորից տեղ Դավիթ Թ-ն, որին անհայտ պատճառով խաչենցիք կախում են Գանձասարի վանքի զանգակատնից: Այդ ժամանակներում Դիզակում և Վարանդայում իշխում էր Հայսիջան իշխանի որդի Մելիք Պապին, իսպեն, Ջրաբերդ ու Գուլիստան գավառներում՝ Ջալալյանների տոհմից Սայտունի որդի Մելիք-Հատիրը, Ծար և Սողք գավառներում՝ Շահնշահ իշխանի որդի Մելիք-Ուլուբեկը: Մելիքներն իրավունք ունեին սեփական զորք պահել իրենց հարյուրապետներով²⁶⁶:

1541 թվականին էջմիածնի կաթողիկոս էր ընտրվել Ստեփաննոս Սալմաստեցին, որի պատանեկությունն անցել էր Կ.Պոլսում, ապա եղել էր Լեհաստանում և Մոսկվայում, լավ ծանոթ էր արևմտյան աշխարհի քաղաքական հանգամանքներին, գիտեր մի քանի օտար լեզուներ: Նա վաղուց էր փայփայում Հայաստանը արևմտաեվրոպական երկրների օգնությամբ ազատագրելու երազանքը: 1547 թ. կաթողիկոսը էջմիածնում գաղտնի ժողով է հրավիրում, որին մասնակցում էին թե՛ աշխարհիկ տերեր, թե՛ կրոնապետներ: Ժողովը վճռում է, որ կաթողիկոսը գնա Եվրոպա, դիմի քրիստոնյա պետությունների ու Հռոմի պապի օգնությանը, պարտավորվելով այդ գնով վերացնել դավանական տարբերությունները կաթոլիկ և հայ եկեղեցիների միջև: Ինչպես հայտնի է, Ստեփաննոս կաթողիկոսի այս առաքելությունը դեպի Եվրոպա և Ռուսաստան ոչ մի հետևանք չուներ: Սակայն դա Կիլիկիայի վերջին թագավորներից հետո առաջին դեպքն է, որ հայերը նման հարցով փորձում են դիմել Եվրոպայի թագավորներին: Չինադադարը

²⁶⁵ Մ.Բարխուտարեանց, Պատմություն Աղուանից, Թիֆլիս, 1907, էջ 20:

²⁶⁶ Բարխուտարեանց, Պատմություն..., էջ 178-179:

Իրանի և Թուրքիայի միջև երկար չի տևում: Երկու երկրների պատերազմական գործողությունների թատերաբեմ է դառնում Անդրկովկասը: Ընդհարումները տեղի էին ունենում Վրաստանում, Արարատյան դաշտում, Ղարաբաղում, Շաքիում, Շիրվանում... Թուրք Օսման-Յուզղեմիլը, 1579 թ. պարտություն կրելով պարսիկներից, գնաց Դերբենտ, նվաճեց Դաղստանը, Հյուսիսային Կովկասով գնաց Ղրիմ, իրեն միացրեց այնտեղի խանին և Դաղստանի ռազմատենչ ցեղերին, արշավեց Իրանի դեմ: Ղրիմի խանը Անդրկովկասից գերեվարեց 160 հազար մարդ, որոնց մեջ շատ հայեր կային և տարավ Եգիպտոս վաճառելու²⁶⁷: Թուրքերի, թաթարների և դաժանությունների մասին նկարագրել է Հովհաննեսիկ վարդապետ ժամանակագիրը, որը ականատես էր այդ բռնություններին: XVI դարում Արցախի եկեղեցին տվեց մի այնպիսի գործիչ, ինչպիսին է Հովհաննեսիկ Ծարեցին (1560-1623 թթ.) դարի երկրորդ կեսի ժամանակագիրն ու գրիչը, որը գործել է Դաղի վանքում, տեղի մատենադարանը հարստացնելով իր գրչագրերով (Գոշի «Ղատաստանագիրքը» և իր «Ժամանակագրությունը»), նորոգում հին ձեռագրերը: Այնուհետև Հովհաննեսիկը, որը սերում է Ծարա իշխանական տան Ջհանշահանց իշխանական գերդաստանից, կարևոր գործերից մեկն է համարում Գեղամա գավառում սբ.Աստվածածին եկեղեցու կառուցումը (1618 թ.): Նա իր ժամանակագրությունում առավել ցայտունորեն է նկարագրել թուրք ասպատակիչների ավերածությունները գորապետ Օսման Յուզղեմիլի գլխավորությամբ (1578 թ.): Պատկերում է Գյանջա (Գանձակ), Պարտավ քաղաքների, Ջրաբերդի, Խաչենի, Վարանդայի, Դիզակի Չարեկի գետից մինչև Երասխ կոտորածն ու թալանը: Ասպատակությունը տևել է երեք տարի՝ 1576-1580 թթ.: Առավել սարսափելի էր Գանձակի և Ղարաբաղի վիճակը: Օսմանի հետ հայտնվեց և ժանտախտը: Գանձակը, Խաչենը, Ջրաբերդը, Վարանդան, Դիզակը մինչև Արաքս գետը ավերեցին մի քանի օրվա ընթացքում: Երկրում ավերից ու թալանից հետո մնացել էին կոտորված մարդկանց դիակները: «Եվ եթե մի որևէ անկյունում մնացել էր շինություն, - գրում է հայ տարեգիրը, - այնտեղ էլ տնանկներն են ու մերկերն էին գետնի վրա: Մնացած ժողովուրդը ոտի վրա էր, անդադար ման էր գալիս, թափառում էր մի կտոր ուտեստ գտնելու համար»²⁶⁸: Հեղինակը ցնցող գույներով ու սոսկալի փաստերով նկարագրում է սովի համատարած տեսարանը²⁶⁹: Թերևս, ամենաճշմարտացի նկարագրությունը այս իրադարձությունների ականատես Հովհաննեսիկ Ծարեցուն է. «Ի թակահիս Ռիժ (1579) եղև սաստիկ և մեծ տարածան մահ ի Յատրպատական և

ամենայն ազգեաց, մինչ բազում տունք անտերունջի և բազում հայրք և մայրք անգաւակ մնացին: Եւ երկիրս Յաղամից ի մեջ այսպիսի վտանգի գոլով. զմեռեալն սգալով և զկենդանի զանկեալն և զինքեանք ևս հոգալով մտածմամբ ասին՝ Ռ-ի թե գերծանիմք ի տարածան մահուանես, թե ոչ»²⁷⁰: 1583 թ. Հովհաննեսիկ Ծարեցի վարդապետը վախճանվում է: Սակայն չնայած այս համատարած ավերին, «Հայկական լեռնաշխարհում կային տակավին որոշ վայրեր, ուր թուրք-իրանական տիրապետության այս դարերում իսկ պահպանվել էին տոհմատիրական կարգերի կենդանի հետքերը, վայրեր, ուր հայ ֆեոդալական իշխող խավը չէր կորցրել կապը ազատության համար մարտնչող ժողովրդական մասսաների հետ: Որպես օրինակ կարող ենք հիշատակել Լեռնային Ղարաբաղը, Սասունը, Չեյթունը և Լոռին...»²⁷¹: Այդ ժամանակներում ոչ միայն նեղացել էին Արցախի իշխանների ազդեցության ոլորտները, այլև նրանք իրենց ձեռքն են վերցնում նաև վանքերի կառավարումը, իրենց տոհմից որևէ մեկին ժառանգաբար կարգելով եկեղեցու առաջնորդ²⁷²: Այդպես էր Ծարա իշխանությունում, որտեղ տիրում էին Դովիյանները, Խաչենում, ուր ժառանգաբար տիրում էին Ջալալյանները: Գանձասարի վանքի առաջնորդությունը ևս այդ տոհմի ժառանգական սեփականությունն էր: «Ինչպես Ներքին Խաչենի, այդպես էլ Ծարա կամ Վերին Խաչենի իշխանական տների, իսկ հետո նրանց հիմքի վրա ստեղծված մելիքությունների պատմությունը ոչ այլ ինչ է, եթե ոչ հայկական ավատական դասի մի հատվածի կենդանի ու չընդհատվող շղթան, որի ամբողջ երկարությամբ այդ տները, ճիշտ է, հպատակ էին եկվոր տիրողներին, կիսանկախ էին նրանցից, հաճախ էլ ինքնիշխան, բայց երբեք ոչնչացած»²⁷³: Պարսկական գերիշխանությունը Անդրկովկասում կազմել էր երեք ռազմավարչական միավորներ՝ Շիրվանի (Շամախի կենտրոնով), Չուխուր-Սաղի (Երևանի կամ Փոսա նահանգ) ու Ղարաբաղի (Գանձակ կենտրոնով) բեկլարկեկությունները: XVI դարի վերջին Ղարաբաղը Երևանի բեկլարկեկության կազմի մեջ էր առնված²⁷⁴: Մատենադարանի պարսկերեն վավերագրերի մեջ կալվածագրերը տեղեկություններ են թողել այնպիսի դեպքերի մասին, երբ օտար նվաճողները (ակ-կոյունլուներ, թուրքեր և այլն) բռնագրաված կալվածքները «օրինավոր» կերպով վաճառում են այդ

²⁷⁰ Հովհաննեսիկ Ծարեցու ժամանակագրությունը, Մանր ժամանակագրություններ, XIII-XVIII դդ., հ 2, եր., 1951, էջ 242:

²⁷¹ Աշ.Հովհաննիսյան, Դրվագներ հայ-ուսական հարաբերություններից, հ. Ա, էջ 461:

²⁷² Նույն տեղում, էջ 455-456, ինչպես և Բ.Ուլուբաբյան, էջ 345:

²⁷³ Բ.Ուլուբաբյան, էջ 346:

²⁷⁴ Մատենադարանի ձեռագիր .N 4375, էջ 264ա, ինչպես նաև Աշ.Հովհաննիսյան, Դրվագներ, հ. Բ, էջ 24, ծան. 2:

²⁶⁷ Լեռ, էջ 184:

²⁶⁸ Նույն տեղում, էջ 195:

²⁶⁹ «Ճռաքաղ» ամսագիր, Մոսկվա, 1859., էջ 69-70:

հողերի ժառանգական տերերին²⁷⁵: Աղվանքի 552 թ. հիմնված կաթողիկոսության նստավայրն էր Պարտավը, իսկ ամառանոցը՝ Բերդակուր ամրոցը Մայրաքաղաքում: VII դ. Յովհաննես Բ կաթողիկոսը, նեղվելով Պարտավում նստած արաբ բռնակալների կողմից, Աղվանից կաթողիկոսությունը տեղափոխում է Բերդակուր: Սակայն հետագայում Աղվանից կաթողիկոսության կենտրոնն է դառնում Գանձակ քաղաքը, իսկ Կաթողիկոսասարը մնում է որպես ամառային նստավայր: Աղվանից կաթողիկոսները միշտ էլ ենթակա էին Ամենայն Չայոց կաթողիկոսին, որի կողմից էլ ձեռնադրվում էին: Իսկ իրենց հերթին Աղվանից կաթողիկոսներին էին ենթարկվում Շաքիի, Շիրվանի և Դերբենտի հայ և բնիկ ժողովուրդների հոգևոր առաջնորդները²⁷⁶: Ըստ երևույթին, XIV դարում կաթողիկոսության կենտրոնն են դառնում Սբ. Յակոբա և Գանձասարի վանքերը, որոնք դառնում են կաթողիկոսության գահանիստ, քանի որ այս գահին տիրանում են Խաչենի Յասան-Ջալալյան տան հայրապետները, որոնք էլ դառնում են այս գահի ժառանգական տերերը: Այս իրավունքը ճանաչվում էր ոչ միայն Ամենայն Չայոց կաթողիկոսի, այլև հաստատվում էր եկվոր տիրակալների հրովարտականքով, որոնք պահպանվել են: Այսպես, օրինակ կարա-կոյունլու սուլթան Ջահանշահին ժամանակավոր փոխարինած նրա կինը՝ Բեգում-խաթունը (Սուլթանը գնացել էր Բաղդադ՝ ճնշելու ապստամբությունը) 1462 թ. օգոստոսի 6-ի հրովարտական Գանձասարի կաթողիկոս է հաստատում Ջալալ Մեծ իշխանի որդի Յովհաննեսին²⁷⁷: Այս հրովարտականքն նաև նշվում է, որ Յովհաննեսը գահակալական իրավունքը հիմնավորելու համար արքունիք է ներկայացրել Մատթևա կաթողիկոսի գահակալությունը հաստատելու մասին Ջահանշահի հրովարտակը, որն իր հերթին հաստատվել էր արքա Շեյխ-Ուվեյս Բահադուրի (1356-1374 թթ.) հրամանագրով: Այս փաստաթուղթը հաստատում է, որ Աղվանքի կաթողիկոսները նախապես ձեռնադրվում են Կիլիկյան Չայոց թագավորի («Սսի թագավոր») ու հայոց կաթողիկոսի կողմից: Ըստ հրովարտակի, Աղվանքի կաթողիկոսը բավականին լայն իրավունքներով է օժտվում արքայի կողմից: Արքան նախ կարգադրում է այս վիլայեթում իր տերության ներկայացուցիչներին, որպեսզի Աղվանքի կաթողիկոսին «ճանաչեն այդ վիլայեթում ապրող հայերի առաջնորդ ու ղեկավար, և նրա ձեռքը այդ գործում ուժեղ և իրավագոր համարեն, նրան պատկանող վայրերում չիջևանեն, նրանց չորքտանիներն ուլաղ չվերցնեն, նրանցից ու նրան ենթարկվող հոգևորականներից ջիզայի և բեյթ-ուլ-մալի

²⁷⁵ «Մատենադարանի պարսկերեն վավերագրերը» (այսուհետ՝ ՄՊՎ), II, Կալվա-ծագրեր, կազմեց Վ. Փափազյանը, Եր., 1968, էջ 77, ՄՊՎ, I, էջ 116:

²⁷⁶ Բ. Ուլուբաբյան, էջ 37

²⁷⁷ ՄՊՎ, Ա, էջ 45:

պատրվակով ոչինչ չպահանջեն»: Իսկ երկրի հոգևորականներին ու քրիստոնյաներին կարգադրում է. «Աղվանքի, Գանձասարի հայերը թող նրան ճանաչեն որպես իրենց առաջնորդին ու ղեկավարին և իրենց կրոնի վերաբերյալ նրա ասած խոսքերի և խրատների սահմաններից դուրս չգան, նրան ենթարկվելն անհրաժեշտ համարեն և երբեք նրանից չանջատվեն, ոչ մի արարած նրա գործերին չխառնվի ու չմիջամտի, նրան ենթակա հոգևորականների ու մերձավորների նկատմամբ հանցանք չգործեն, նրանցից ոչինչ չպահանջեն և որևէ ցանկություն ու ակնկալություն չունենան»²⁷⁸: Պարսից Սեֆևիդները ևս հանդուրժողական քաղաքականություն էին վարում Աղվանից կաթողիկոսների նկատմամբ՝ հաճախ նրանց շնորհելով անսահմանափակ արտոնություններ, որը արձանագրվում է շահի հրովարտականքում²⁷⁹: Սակայն միշտ չէ, որ եկեղեցին ազատվում է հարկերից: Չայ հոգևորականության բարեկամը համարվող Շահ Աբաս Ա-ն կարգադրում է տարիների ընթացքում կուտակված հարկը համարել «թաֆավուտ-ե ջիզայա» (այլադավանության համար գանձվող հարկի տարբերություն) և գանձել եկեղեցուց²⁸⁰: Աղվանից կաթողիկոսությունը հաճախ դառնում է էջմիածնի կողմից վարվող պառակտողական քաղաքականության զոհը: Մի բողոքագրի տակ, որը ստորագրել են «Շամախու, էիրվանի, Շաքիի և առհասարակ Ալանաց երկրի» բնակիչները, ուղղված էր ընդդեմ նրանց, ովքեր ուզում են նրանց անջատել Աղվանից կաթողիկոսությունից և ուղիղ ենթակայեցնել էջմիածնին»²⁸¹: Քանի որ Գանձասարի կաթողիկոսությունը արտոնյալ վիճակում էր, ու նրա ենթակաները ազատված էին շատ ու շատ հարկերից, իշխանները ինքնակամ առատ նվիրատվություններ են կատարում եկեղեցուն, որի տերը իրենց տոհմն է: Հատկապես շատ էին օգտվում տապանատուն-վանքերը: Այս ձևով աշխարհիկ ավատատերերը եկվոր նվաճողների կողոպուտից զերծ էին պահում իրենց տնտեսությունը: Այս նվիրատվությունները սովորաբար արձանագրվում էին վանքերի, եկեղեցիների պատերին:

XVI դարի վերջերին պատմությունը մի նոր անակնկալ մատուցեց՝ քայքայված, արևմուտքից թուրքերի, արևելքից՝ ուզբեկների հարվածներից խորտակվող Իրանին տալով շատ տաղանդավոր մի թագավորի՝ շահ Աբաս Առաջինին, որին շուտով Սեծ պետք է կոչեն նրա ժամանակակիցները: 1586 թ. Խուրաբանդա-Շահին հաջորդեց նրա որդի Աբբասը: Նա շտապեց թուրքերի հետ ծանր պայմաններով հաշտություն կնքել՝ զիջելով Անդրկովկաս

²⁷⁸ Նույն տեղում, էջ 46:

²⁷⁹ Մատենադարանի ձեռագիր N 6644, էջ 166բ, 167ա:

²⁸⁰ ՄՊՎ, Բ, էջ 87:

²⁸¹ Թովմեան, Ցուցակ ձեռագրաց, Խ. Դադեան, Բ, էջ 19:

ու Ատրպատականը: Իրանի տիրակալը ծագում էր ամեն գնով ժամանակ շահել ուժ հավաքելու համար: Ուզբեկները գրավել էին Խորասանը, ավերել Ջերաթն ու Մեշեդ սրբազան քաղաքը: Երկրի ներսում ծայր էին առել ապստամբությունները: Ուժերի գերլարումով Շահ-Աբբասը 1597 թ. ճակատամարտում ջախջախում է ուզբեկների զորքը: Դա վերականգնում է Սեֆևիդների հարստության ամուրը: Մի հանճարեղ կանխատեսմամբ նա շարունակեց իր նախորդների սկսածը, ամբողջացրեց և զարգացրեց այն համակարգը, որը միացնում էր պարսկական պետության բոլոր հատվածները կրոնի և լեզվի ամուր կապերով²⁸²: Բանակի վերականգնմանը զուգահեռ նա հոգ է տանում երկրի տնտեսական զարգացման, առևտրի բնագավառում նոր հնարավորություններ ստեղծելու ուղղությամբ: Իր երկրի բարօրության համար նա ձեռնարկեց մի դաժան ու բարբարոսական ձեռնարկ, ինչպիսին է հայերի մեծ տեղահանության ծրագիրը:

Իսկ Թուրքիայում 1596-1610 թթ. կատարյալ անիշխանություն էին տիրում: Այստեղ ծայր էր առել գինվորական ապստամբությունները: Թուրք փաշաները միանում էրն ավազակախմբերին, իրենց անվանում Ջալալիք, ավերում, թալանում Ստամբուլից մինչև Երևան: Հսկայական զորախմբերը գրավում էին բերդերը, թալանում բնակիչներին: Սրանց մեջ էր նաև Քոռոզլի ավազակապետը: Թուլակամ սուլթան Մուհամմադը, որ գահ էր բարձրացել 1595 թ., ոչինչ անել չէր կարող: Սա պարսից շահի համար շատ հարմար ժամանակաշրջան էր: Իրանի բանակի վերականգնման գործում շահին օգնում էին երկու անգլիացի՝ Անտոնի և Ռոբերտ Շերլի եղբայրները, որոնց նպատակն էր Եվրոպայի համար մեծ վտանգ ներկայացնող Թուրքիայի թիկունքում հզոր ուժ ստեղծել: Նրանք Իրանի շահին օգնում էին դիվանագիտական հարցերում Իրանը կապելով Եվրոպական երկրների, ինչպես նաև Հռոմի պապի հետ²⁸³: Անդրկովկասից հայերի, վրացիների, մահմեդականների ներկայացուցիչները հայտնվում էին Իրանի մայրաքաղաք Սպահանում, ներկայանում շահի Ալի-Ղափ պալատը, խնդրում, որ շտապի գալ Հայաստան և Վրաստան, ազատել իրենց օսմանյան բռնակալությունից: Հայ պատմագիր Առաքել Դավրիժեցին հիշատակում է Աղվանքից Շահ Աբբասին ներկայացած իշխանների Սարուխան-բեկ և նրա եղբայր Նազարը Ոսկանապատից (Ուտիք), Օղլան-բեշիրը (քահանա) և իր եղբայր Դալաբեկը՝ Հաթերքից, Ջալալ-բեկը և իր եղբորորդիները՝ Խաչենից, Մելիք-Մուջուլը՝ Դիզակից, Մելիք-Փաշիկը՝ Քոչիզ գյուղից, Մելիք-Բարեն Բրիտիս գյուղից, Մելիքսեթ եպիսկոպոսը՝ Վերին Ջակամի Մելիքզադա գյուղից, Մելիք-Հայկազը՝ Ջանգեզուրի (Քշտաղ) խնածախ գյուղից: Պատմագիրը նաև հա-

ղորդում է, որ Աբգախի Դիզակի գավառից չորս գյուղ, հալածվելով թուրքերից, անցան Պարսկաստան, և շահը նրանց բնակեցրեց Սպահան քաղաքում²⁸⁴: Շահ-Աբբասը, նախապատրաստելով բանակը, թշնամու համար անսպասելիորեն հայտնվում է Թավրիզի մատույցներում ու շեշտակի գրոհով խուճապի մատնում թուրքերին: Թավրիզից ոչ հեռու Սոֆյանի դաշտում շահը ջախջախեց օսմանցիների բանակը, գերեց հրամանատարին: Թուրքերը, հանձնելով Նախնվանը, ամրացան Երևանի բերդում: Շահը, անցնելով Արաքսը, 1604 թ. հյուրընկալվեց Ջուղայում: Վաճառականների քաղաքը ընդունելություն կազմակերպեց իրենց «ազատարար» շահի պատվին, որը քիչ զարմանք չպատճառեց հենց իրեն՝ հզոր արքային: Ժամանակի միջազգային առևտրական ուղիներում հանգուցային դեր ունեին Ջուղայի հայերը, որն էլ նրանց մեծ հարստություն էր բերում: Ջուղացիները XV-XVI դարերում առևտուր էին անում մի կողմից Հնդկաստանում ու Չինաստանում, մյուս կողմից՝ Արևմտյան Եվրոպայի երկրներում: «Վաճառական թագավոր էր Շահ-Աբբասը», - գրում է պատմաբան Լեոն²⁸⁵: Նա կառավարում էր մետաքսի առևտուրը արևելքի ու արևմուտքի միջև, որը ոսկով լցնում էր արքունական զանձարանը: Սա ևս ցույց է տալիս, որ Շահ-Աբբասը, հակառակ իր նախորդների, երկրի վերելքի միակ ճանապարհը համակարգ ստեղծելու մեջ էր տեսնում: Եվ ահա շահը, տեսնելով Արաքսի ժայռեղեն լանջին թառած ոսկեղեն քաղաքը, վճռում է պոկել այն այստեղից և տեղափոխել Իրանի սիրտը՝ Սպահան մայրաքաղաքը: Ինճամայա պաշարումից հետո պարսից բանակը, առանց կռվի, 1604 թ. հունիսին գրավեց Երևանը: Պարսից զորամասերը անարգել թալանում էին հայերի տները, ապա իրար մեջ բաժանում երեխաներին ու կանանց, հետո տանում վաճառելու Իրանում: Սա մի նոր պատուհաս էր հայ ժողովրդի գլխին: Շահը իր բանակը ուղարկեց Կարսի ուղղությամբ: Նրան ընդառաջ դուրս եկավ թուրքական բանակը: Շահը, երբ փոքր ինչ կասկած էր ունենում ճակատամարտի ելքի վրա, ընտրում էր թշնամուն հաղթելու այլ մարտավարություն: Նա սկսեց նահանջը: Սակայն դա սովորական նահանջ չէր: Շահը վճռեց թուրքական բանակից Պարսկաստանը պաշտպանել արհեստականորեն ստեղծված «անապատով», որը անանցանելի կլինի օսմանյան բանակի համար: Եթե չկար այդ անապատը, ապա նա որոշեց ստեղծել այն, ամեն ինչ ավերել, ոչնչացնել Հայաստանում, իսկ ժողովրդին բռնի տեղափոխել Իրանի խորքերը: Սակայն սա միայն մարտավարություն չէր: Նա Պարսկաստան էր տեղափոխում հայերի վաճառականական ընդունակությունները, արհեստագործությունը: Շահը լավ գիտեր, որ երկրի իսկական հարստու-

²⁸² Լեոն, հ. 3, գ. 1, էջ 224:

²⁸³ М.С.Иванов, Очерки истории Ирана, М., 1952, стр. 64.

²⁸⁴ Առաքել Դավրիժեցի, Պատմություն, Եր., 1988թ. էջ 25:

²⁸⁵ Լեոն, հ. 3-1, էջ 238:

յունը ոչ թե ոսկին է, այլ ոսկի ստեղծող շնորհալի մարդը: Ջուզայի 12 հազար հայությանը տեղափոխեց Սպահան՝ Ջայանդուզ գետի աջ ափին մեծ հողատարածք հատկացնելով նրանց: Սակայն դատարկեց նաև Արարատյան դաշտը, Ապարանը, Լոռին, Շիրակը, Կաղզվանի ձորը, Մակուն, Աղբակը, Խոյը, Սալմաստը, Ուրմին (Որմի), որոնց տեղափոխեց Սպահանից ոչ հեռու լեռնային գոտի՝ Փերիա, Չհարմհալ, Բուրվար²⁸⁶: Միայն 10-15 տարի հետո Շահ-Աբբասն ու Երևանի կառավարիչ Ամիր-Գունա խանը հասկանում են, որ երկրի ամայացման ռազմավարությունը միանգամայն հակասակ հետևանքներ ունեցավ: Տեղահանելով բնիկ հայ ժողովրդին, նրանք միանգամայն անարգել են դարձրել թուրքական բանակի տեղաշարժը: Շահը ըմբռնեց, որ պետք է հայ բնակչության մեջ կայուն հեծարան ունենալ: Ամիր-Գունա խանը, որին դրական գույներով է պատկերել ժամանակագիր Ջաբարիա Քանաքեռցին, ձեռնարկում է Արարատյան դաշտի հայերով վերաբնակեցումը²⁸⁷: Դա պարսից արքունիքին ձեռնտու էր նաև հայերից գանձվող «ջիզյա» գլխահարկի պատճառով, որը բավականին մեծ գումար էր կազմում: Ամիր-Գունան Արևմտյան Չայաստան արշավելով, խորանալով մինչև Արծկե և Խլաթ, հայերին գաղթեցնում էր Արարատյան դաշտավայր: 1606 թ. Պարսից բանակը օսմանյան զորքին (Ջղալօղլի փաշա) ջարդելուց հետո, անցնում է Արաքսը, պաշարում Գանձակը: Ի վերջո, օսմանցիները, որ դիմադրում էին, անձնատուր եղան: Բոլոր օսմանցի թուրքերին և տեղի Չեկիրլու սունի ցեղի բնակիչներին անգթորեն սրի մատնեց: Թիֆլիսից ետ դառնալիս շահը հյուրընկալվում է Մազրա (այժմ Ջող) գյուղում (Գեղամա գավառ), Մելիք-Շահնազարի տանը: Դավրիժեցին գրում է. «Մելիք-Շահնազարը հայ էր, հավատով քրիստոնյա, նա իշխան էր հզոր ու փառավոր և շահին այնպես հյուրընկալեց, ինչպես վայել էր թագավորին, ինքը բարեկամ ու մտերիմ էր (թագավորին) և հարգված թագավորի մոտ: Այդ պատճառով էլ թագավորը թանկագին ու ազնիվ զգեստներ նվիրելով շքեղացրեց: Նրան գավառի մելիքության իշխանությունը պարգևեց, այլև դաստակերտներ, գյուղեր տվեց նրան ու նրա եղբայրներին: Չաստատուն հրովարտակ գրեց, թագավորական կնիքով կնքեց ու տվեց նրանց, որպեսզի հաստատուն լինի այդ ժառանգությունը սրանց ու նրանց զավակների համար սերնդեսերունդ մինչև հավիտյան»²⁸⁸: Պատմաբան Բ.Ուլուբաբյանը ժամանակի աղբյուրներով ճշգրտում է, որ Մելիք-Շահնազարը 1606 թ. մահացել էր, ուստի շահը իր նախորդներով ու զորապետներով հյուրընկալվում է Մելիք-Շահնազարի որդիների՝ Յավրի բեկի, Քամալ բեկի և ազգականների

²⁸⁶ Դավրիժեցի, էջ 52, ինչպես նաև՝ Լեոն, էջ 246:

²⁸⁷ Չաբարիա Սարկավազ, հ. Ա, էջ 45-46:

²⁸⁸ Դավրիժեցի, էջ 85:

կողմից²⁸⁹: Բ.Ուլուբաբյանը հին վիճական արձանագրությունների և հիշատակարանների քննությամբ ցույց է տալիս, որ Սողքի այս իշխանական տունը, սկսած Ուլուբեկից, Շարա Դուխյան իշխանական տան մի ճյուղ է, որը առանձին հարստություն էր դարձել: Շահ-Աբբասը մելիքի որդիներին է նվիրում նաև Արցախի Վարանդա գավառի իշխանությունը: Իսկ այդ ժամանակներում Չայաստանում մտցվել էր գավառների կառավարման մելիքական վարչակարգը: «Մելիք» տիտղոսը Չայաստանում սկսել է գործածվել XVI դարի սկզբներից, այն օրինականացվեց միայն դարի երկրորդ կեսին, երբ Մելիք-Շահնազար Ա-ի հայր Մելիքբեկը մելիք հաստատվելու մասին շահական ֆիրման ստացավ: Պարսից արքունիքը փաստորեն խրախուսում էր իշխանական տների՝ մանր ճյուղերի տրոհումը, տեղական ինքնավարի արտոնություններ շնորհելով այդ տրոհված ճյուղերին: Ամեն մի գավառապետ իր հարևանի թշնամին էր և կարոտ օտար գերագույն տիրապետողի հովանավորության²⁹⁰: Նվաճված երկրի նկատմամբ այս քաղաքականությունը ամենևեին էլ նորություն չէր: Դեռևս V դարում, վերացնելով հայոց միասնական թագավորությունը, պարսից Սասանյանները խրախուսում էին նախարարական տների կենտրոնախույս ձգտումները: Արաբական խալիֆաթն իր հերթին խրախուսում էր մանր թագավորությունների ստեղծումը: Չետագոտողները հայտնում են, որ մելիքական վարչակարգը ավելի կանոնավոր ձև ստացավ Շահ-Աբբաս Մեծի օրերից: Պարսից արքան հաչենի, Սյունիքի և Գեղարքունիքի մելիքներին խրախուսում է կանոնավոր զորք պահել, որը հարկ եղած դեպքում կարող էր օգտագործել շահին իր արշավանքների ժամանակ: Մելիքներն իրենց տրված երկրամասի ինքնիշխան տերերն էին և հանդիսանում էին հին նախարարական-իշխանական տոհմերի բեկորները: «Մելիքական տոհմերի ծննդաբանությունը մեզ տանում է Չայոց պատմության այն փառավոր շրջանը, երբ Չայաստանի հյուսիսային լեռնական նահանգներում կազմակերպվեց հայ իշխանական տոհմերի մի հզոր դաշնակցություն՝ Ջաբարե ամիրսպասալարի գլխավորությամբ»²⁹¹, - գրում է Լեոն: Գոյություն ուներ մելիքի հաստատման կարգ: Մելիքը նախ ստանում էր ժողովրդից համախոսական՝ որ համաձայն են նրա մելիք կարգվելուն: Այս համախոսականը երևանի կամ Շամախու բեկլարբեկի ստորագրությամբ վավերացվում էր, նոր միայն դիմում էին պարսից արքունիք հարստության հրովարտակ ստանալու համար: Մելիքական իշխանությունը ժառանգական էր, սակայն ժառանգը պետք է շահից ստա-

²⁸⁹ Բ.Ուլուբաբյան, էջ 412, ինչպես նաև՝ Սմբատ Տեր-Ավետիսյան, Ցուցակ Ա, էջ 67-68:

²⁹⁰ Բ.Ուլուբաբյան, էջ 419:

²⁹¹ Լեոն, հ. 3-2, էջ 14:

Նար Նրա իշխանությունը հաստատող ֆիրմանը: Իր կողմից մեկիքը պարտավոր էր արդարադատ լինել, հոգ տանել երկրի բարօրության մասին: Նա պարտավոր էր հավաքել արքունական հարկը և ուղարկել անմիջապես բարձր կառավարությանը: Այս մեկիքները վաղուց խաթարված հայկական պետականության պահպանված սերմերն էին, որոնք, լեռնային ամրոցներին ապավինելով, պահպանել էին ոչ միայն իրենց գոյությունը, այլև իշխանությունը, ինչպես և իշխելու իրավունքը: Ղարաբաղում էր, որ ծնունդ առավ հայրենի պետականության վերստեղծման գործը: Ղա բնական էր, քանի որ Ղարաբաղում էր, որ պահպանվել էր ազնվականությունը: Իբրև ազգային իշխանության կազմակերպված միավոր և իբրև ռազմական հզոր ոժ Արցախ-Ղարաբաղն էլ դարձավ հայոց ազատագրական պայքարի օրրանը²⁹²: XVII դարի սկզբներին Սյունիքում սկիզբ է առնում եկեղեցական մի շարժում, որը լուսավորչական ու մտավոր զարթոնքի պայմաններ է ստեղծում Հայաստանում: Այս շարժման հեղինակները երկու համեստ հոգևորականներ էին՝ Սարգիս եպիսկոպոսն ու Կիրակոս քահանան, որոնք իրար հանդիպելով՝ երուսաղեմում, որոշում են նոր միաբանություններ ստեղծել: Նրանք գործունեության վայր են ընտրում Սյունիքը: Որոտանի կիրճում, Տաթևի վանքից ցած 1610 թ. հիմնում են Մեծ Անապատը: Սահմանում են խիստ կանոններ. աշխարհիկ կյանքից կատարյալ խզում, խստակեցություն, զրկանքներ, պահեցողություն: Պարտադիր օրենք էր հոգու փրկությունը որոնել գրքերի ընթերցանության մեջ: Միաբանության անդամները, կտրված աշխարհից, արտագրելով, բազմացնում էին հին գրքերը: Մեծ Անապատը մի հսկա դպրոց էր: Ղա ոչ թե ճգնավորական հիմնարկ էր, այլև կոչված էր ծառայելու երկրի կարիքներին: Այստեղ պատրաստվում էին գործ սիրող, անձնվեր, բարեխիղճ կրոնավորներ, որոնք դուրս գալով Տաթևի ձորից, ցրվում էին զանազան կողմեր, հիմնում էին նոր միաբանություններ, գրասիրություն տարածում չորս կողմերում: Այս միաբան քարոզչությունները ամենուր տարածում էին մաքրության, ընդհանուր բարիքի գաղափարը: Արցախի լեռներում ու խոր անտառներում ևս բացվում են անապատներ, որոնք շարունակում են Մեծ Անապատի դպրոցի գործը: Լուսավորչական այս շարժումը, անշուշտ, շուտով տալիս է իր պտուղը: Առաջին հերթին դա գրագիտության տարածումն էր, երկրի անցյալի պատմության իմացությունը և, անշուշտ, պետականության վերակենդանացման գաղափարի ծնունդը: Արցախն իր հերթին անմասն չի մնում եկեղեցական այս շարժումից: Անապատներ են հիմնվում Գյուլիստանում, Ջրաբերդում, Ծարում, Գարդմանքում:

²⁹² Նույն տեղում, էջ 27:

1653 թվականին կաթողիկոս է կարգվում տեր Պետրոս Գ Խանձկեցին, որը նորոգում է Հայոց ու Աղվանից եկեղեցիների ի սկզբանե հաստատված հարաբերությունները, ձեռնադրվում էջմիածնում, ապա և պաշտպանում Գանձասարի կաթողիկանիստ լինելու իրավունքը Պարսից շահի պալատում: Սակայն Ջրաբերդի եպիսկոպոսները ոչ մի կերպ չեն հանդուրժում Գանձասարի նախաթռուցությունը, իսկ տեղի մեկիքական տոհմն իր հերթին համաձայն չէր, որ Ջալալյան տոհմից լինեն կաթողիկոսները: Ջրաբերդցիները լավ գիտեին, որ հին և միջին դարերում Գյուտական-Մայրաքաղաքն է կաթողիկոսանիստ հանդիսացել: Եվ ահա մեծշենացի Սիմոն եպիսկոպոսը ինքնակոչ կաթողիկոս է կարգվում: Նրան պաշտպանում էին Ջրաբերդի, Գյուլիստանի, Հյուսիսային Արցախի եկեղեցիները: Հայոց Հակոբ Ջուղայեցի կաթողիկոսը բանադրում է Սիմոնին, Ջալալյան Երեմիա վարդապետին 1676 թ. կանչում էջմիածին, որպես Աղվանից կաթողիկոս ձեռնադրում և օծում, ուղարկում Գանձասար: Տեր Երեմիայի մահից հետո Ջալալյան իշխանական տնից նրան հաջորդում է Եսայի Հասան Ջալալյանը:

ՀԱՅՈՑ ՍՂՆԱԽՆԵՐԸ ԱՆԿԱԽՈՒԹՅԱՆ ՀԱՄԱՐ ՊԱՅՔԱՐՈՒՄ

«Ահա Ղարաբաղի լեռնաստանում էր, որ ծնվեց և գլուխ բարձրացրեց հայրենիքի ազատության գործը, - գրում է Լեոն,- այս բնական էր, նա չէր կարող ոչ ծնվել, ոչ էլ սնվել այնպիսի մի տեղ, ուր չկար հայ ազնվականություն, իբրև իշխանության կազմակերպված ուժ և իբրև ռազմիկ տարրերի առաջնորդ: Ղարաբաղն էր, որ ուներ այդ բոլորը: Ղարաբաղն էլ կարող է դառնալ հայոց ազատագրական պատմության օրորոց: Ինչպես միշտ անցյալում՝ ազնվականությունն ու հոգևորականությունն էին իրենց ձեռքն առնում շարժումը, և ժողովուրդը հետևում էր նրանց»²⁹³:

Մինչ Արցախ-Ուտիքում Օսմանյան Թուրքիայի հարձակումներից երկրամասը պաշտպանելու նպատակով Հայոց Սղնախների գործունեության մասին պատմելը, քննության առնենք, թե ովքեր էին իշխում Հայոց ծայր հյուսիս-արևելքում:

Ջրաբերդն ու Գյուլիստանը մինչև մեկիքական վարչատարածական բաժանումը Մեծ Կյուվանք (հետագայում՝ Մեծ Կողմանք) գավառի մասն էին կազմում: Ուշ միջնադարում Մեծ Կողմանքը տրոհվում է Թալիշ-Գյուլիստանի և Ջրաբերդի մեկիքությունների: Գյուլիստանի կամ Թալիշի մեկիքությունը ձգվում է «Ռազվ լեռից ու այգեշատ Գյուլիստանից մինչև Կուր գետը՝ եր-

²⁹³ Լեոն, հ. 3, գ. 2, եր., 1973, էջ 27:

կայնությամբ և Թարթառ գետից մինչև Գերան (Գուրան)՝ լայնությամբ²⁹⁴։ Գյուլիստանում իշխող մելիքական տոհմն, ըստ Մակար եպիսկոպոսի, ծագում է Ծարում իշխող Յասան Գ-ից, որին հաջորդում են Աղբուղան, ապա Տարսունը և Այտինը։ Անշուշտ, այս վարկածը ևս հավանական է, չնայած հեղինակը չի նշում իր այս տեղեկության աղբյուրը։ Սակայն իշխանական այս տոհմից Ղարա-Յասանը մի քանի սերունդ հետո՝ Սև Աբով անունները հուշում են, որ «Սևը» նրանց տոհմանունն է։ Այս գերդաստանի մի ճյուղը մահնեղականություն էր ընդունել, այդպես պահպանել իր իշխանությունը Կուր գետի ձախափնյակում։ Յետագայում պարսից շահից նրանք խանական իրավունք և կոչում են ստանում, իշխում Շաքի-Յերեթում։ Այս խաներից, թերևս, ամենագորեղը Յաջի Չալաբի խանն էր, որն Օսմանյան Թուրքիայի հովանավորությամբ ու դրոմամբ ապստամբել էր Պարսկաստանի դեմ և անկախացել։ XV դարի կեսերին այս տոհմի մի ճյուղի նախահոր դերը վիճակվեց կատարել Այտինին, որը Շաքիի իշխանական տոհմի քրիստոնյա մնացած շառավիղն էր ներկայացնում, Ջհան շահից հարյուրապետի աստիճան էր ստացել, 1455 թ. վերադարձել հայրենիք։ Նա շահից իբրև սեփականություն ստանում է հայրենի Նիժ ու Սուլթան-Նուխի ավաններն իրենց գյուղերով, և իր գերդաստանով բնակվում է Նիժ ավանում։ Տեղի հայ և ուտի բնակչությունը Այտին-յուզբաշուն ընդունում է իբրև Յաջոց իշխանական տոհմի օրինավոր ժառանգորդ ու հպատակվում նրան։ Այտինին հաջորդում է Ղարա Յասան (Սև Յասան) յուզբաշին, ապա Կարդան-յուզբաշին և Դավիթ-յուզբաշին։ Վերջինիս հաջորդած Սև-Աբով-յուզբաշին, թուրք քալախների հարձակումներից ու թալանից խուսափելու միջոց է գտնում երկրից հեռանալը։ Նա խաչենի Յասան-Չալալյան իշխանների խորհրդով 1600 թ. իր 50 ազգակից ընտանիքներով տեղափոխվում է Տրտու (Թարթառ) գետի կողմերը, հաստատվում հինավուրց Յոռեկում, վերակառուցում հին ապարանքներն ու բերդերը։ Կարելի է հաստատապես ասել, որ Աբովի Յոռեկ գալը պատահական չէր։ Ըստ մի ավանդության, որը գրի էր առել 1881 թ. Արցախում ճանապարհորդած վիպասան Րաֆֆին, Սև-Աբովը անուն է հանում։ «Մի օր նրա գրաստները դաշտում արածելու ժամանակ վրա հասան մի խումբ ավազակներ և ավարի առին անասունները, - գրում է Րաֆֆին, - այդ միջոցին դուրս եկավ Սև հարյուրապետը և նրա հետ մի քանի երիտասարդներ, նետվեցին ավազակների ետևից։ Մի քանի ժամից հետո վերադարձան նրանք, բերելով իրենց հետ ոչ միայն կողոպտված անասունները, այլև ավազակներին, որոնց բոլորին կալանավորեցին։ Մյուս օրը հայտնվեցան մի այլ խումբ ծիավորներ, որոնք դիմելով «Սև հարյուրապետին» (Րաֆֆին կարծում էր, թե Սև անունը մաշկի թուխ լինելու համար

²⁹⁴ Միրզա Յուսուֆ Ներսեսով, Ճշմարտացի պատմություն, Եր., 2000, էջ 43։

էին կնքել, այնինչ այն ազգանվան սկզբնամասն էր, - Բ.), ասացին նրան, թե իրանք Բարդայի խանի մարդիկ են, թե իրենց հրամայված էր այդ ավազակներին բռնելու, որովհետև նրանք մեծ վնասներ են հասցրել երկրին և այժմ շատ ուրախ են, որ ավազակները կալանավորվեցան առանց իրենց աշխատության։ Այդ խոսքերով առնում են ավազակներին և տանում են Բարդայի խանի մոտ, առանց հայտնելու նրան, թե ով եղավ ավազակների բռնողը, որպեսզի խանի պարզվել իրենք ստանան։ Խանը հրամայում է ավազակներին գլխատել, իսկ իր մարտիկներին վարձատրել, նրանց քաջության համար։ Այդ միջոցին ավազակապետը ասում է խանին. «Պատեցեք մեզ, որպես ձեր կամքն է, որովհետև մենք քո երկրները ավերակ դարձրինք։ Բայց մի անպատվեք մեզ, այդ ողորմելի մարդիկների չկատարած քաջությունները վարձատրելով, իբր թե դրանք են եղել մեզ հաղթողները...»²⁹⁵։ Խանը պարզում է ճշմարտությունն ու Սև Աբովին որպես բնակավայր շնորհում Գյուլիստան գավառի Թալիշ գյուղը։ Մելիքը վերականգնում է Յոռեկա դղյակն ու ամրոցը, մելիքական իրավունք ստանում շահից, ամրանում այդտեղ։ Ապա վիպասանը հայտնում է, որ Յոռեկա վանքի մոտ գտնվող Սև Աբովի տապանաքարի վրա գրված էր նրա մահվան ՈՉԱ (1632) թվականը։ Սև Աբովին հաջորդում է որդին՝ Մելիք-Յավրին, որի մասին վկայում է Թալիշ գյուղում պահվող Ավետարանի հիշատակարանը։ Երվանդ Լալայանը գրում է, որ հիշատակարանում կարդացել է, թե 1650 թ. Թառիջ (Թալիշ) գյուղում իշխել է Մելիք-Յավրին²⁹⁶։ Սրան հաջորդում է Մելիք-Բեգլար Ա-ն, ապա Մելիք-Աբով Բ-ն, որին Կադ Աբով էին ասում։ Նա քաջ ու համարձակ մարդ էր, իր իշխանությունն ընդարձակում է Գյուլիստանում որպես նախնեաց ժառանգություն իշխող Աբրահամ հարյուրապետից (Իբրահիմ գյավուր) խլում ու իր տարածքին միացնելով Գյուլիստանի գավառի Վերին շեն, Ներքին շեն, Էրքեջ գյուղերն ու Գյուլիստանի բերդը։ Ըստ ավանդության, որը գրի էր առել ազգագրագետ Երվանդ Լալայանը, մի անգամ Գանձակի ճանապարհին մելիքը հիվանդանում է, ջերմում, իջնում ծիուց և Տուլուզ (հետագայում՝ Ղարաբուլախ գյուղի մոտ) գյուղի հանդեպ ծառի տակ նստում հանգստանալու։ Այդ պահին Գանձակի մեծահարուստ կալվածատեր Միրզա-Մահմատ Մուստաֆայի գեղեցկուհի դուստրը՝ Ղամար Սուլթանը, շրջապատված աղախիներով, զբոսնելու էր դուրս եկել։ Կադ Աբովը հենց տեսնում է գեղեցկուհուն, մոռանում է ջերմի մասին, առևանգում է, յուր ծիու գավակն առնելով, փախցնում է Ամենափրկիչ վանքը (Ընապատ), քրիստոնյա է մկրտել տալիս և ամուսնանում հետը։ Յայ մելի-

²⁹⁵ Րաֆֆի, համասյի մելիքությունները, Երկերի ժողովածու, հ. 10, Եր., 1964, էջ 165-166։

²⁹⁶ Ե. Լալայան, Երկեր, հ. Բ, Եր., 1988, էջ 210։

քի հետ մի քանի կռիվներում խայտառակ պարտություններից հետո, ի վերջո, Միրզա-Մահմադ Մուստաֆան ստիպված է լինում հաշտվել ինքնակոչ փեսայի՝ Մելիք-Աբովի հետ և նրան նվիրում Գյուլիստանի գավառի մյուս գյուղերը²⁹⁷։ Կաղ Աբովին XVII դ. վերջերին հաջորդում է Մելիք Թամրազ Ա-ն, որի մասին է վկայում Գոռեկի մելիքական ապարանքի դռան ճակատքարի «Յիշատակ է Ոհան Բաբուն մերեն Մելիք Թամրազ ՌՃԾ (1701)» արձանագրությունը²⁹⁸։ Նրան հաջորդում է Մելիք-Իսախանը, որը հիշատակվում է Արցախի մելիքների՝ 1716 թ. Պետրոս Մեծին գրած նամակում։ Այս մելիքին հաջորդում է Մելիք Բաղին, որը լուրջ դեր ուներ Աղմախներում։ Նրա ժամանակ Գյուլիստանի սղնախի գորահրամանատարներն էին Միրզա և Մելքում հարյուրապետները։ Գավառանունը աստիճանաբար, ըստ պարսիկ տերերի հաճության, վերափոխվում է Գյուլիստանի, որը հարմար էր տիրապետողների լեզվին, իսկ բնիկները հեշտությամբ հարմարվում են դրան։

Ջրաբերդ-Չարաբերդի մելիքությունը երկայնությամբ տարածվում է Ղըրխ-ղըզից մինչև Բայաթի անտառը և Պարտավ, իսկ լայնությամբ՝ Խաչեն-նագետից ու Ղաբարթուի հովտից մինչև Սռավ լեռը²⁹⁹։ Ջրաբերդի նախկին տերերի՝ Շիրանշահանց իշխանական տան ճակատագրի մասին XV դարի վերջից ոչ մի տեղեկություն չի պահպանվել։ Այդ ժամանակի տեղեկությունները վկայում են, որ Ջրաբերդն ընկել էր Խաչենի Ջալալյան իշխանների տիրապետության տակ։ Մի տապանագիր հետաքրքիր տեղեկություն է պարունակում Ջրաբերդի քաջ զինվորականների՝ օսմանյան բռնակալների դեմ մղած պատերազմների մասին. «Այս է տապան Ղուլաստ որդի Յովհան(նիսի) չ-է եղբարսն զայն ստացո թվ. ՌՁ (1557) եկաւ երկրիս շատ տեղ ... ցայք վերջին... դալօամե տեսար ասգար եկաւ մեզ վերայ է Ծ(700) թովկոլա եկաւ, իմ քարեն (Ջրաբերդ) չկարաց օճել, յետոյ մասիհադարն դան (տան) սպանեցին»³⁰⁰։ Մակար եպիսկոպոսը հայտնում է, որ շիրմաքարին քանդակված է քաջ հեծյալի պատկեր, որը թուրք բարձրացրել է օսմանցու ֆեսով ասկյարի վրա, որն իջել է ձիուց, բռնել սանձից, խղճալի դիրքով կանգնած, իր թուրք հանձնում է հաղթողին։ Մելիքական շրջանում այստեղ տիրապետում էին Մելիք-Իսրայելյանները։ Րաֆֆին ու Մակար եպիսկոպոսը միակարծիք են, որ նրանք Ջրաբերդ են գաղթել Մեծ Սյունիքից։ Րաֆֆին հայտնում է, որ 1687 թ. Մելիք-Իսրայելյանի որդի Մելիք-Եսային ստիպված գաղթում է Ղարաբաղ, իր հետ բերելով բազմաթիվ ընտանիքներ, «տիրում է Կուանք կոչված ձորին և սկսյալ Ռմբոստյան լեռներից մին-

չև Դյուտական գյուղը, որ այժմ կոչվում է Կաթողիկասար, տարածում է իր տիրապետությունը»³⁰¹։ Միրզա Ներսեսովը գրում է, որ մելիքական այս տունը եկել է Մաղավուզից³⁰², որը Սյունիքի Աղահեճք, հետագայում՝ Քաշաթաղ գավառի անվանումներից մեկն է։ Ինքը բնակություն է հաստատում Ջրաբերդ գավառի Մոխրաթաղ գյուղում, իսկ գաղթական բնակիչներին բնակեցնում է Մաղավուզ, Տոնաշեն և Մեծ-Շեն գյուղերում։ Ըստ ավանդության, Մոալի փեշին այստեղ գաղթած Մելիք-Իսրայելյանները սահմանաքար են տեղադրում՝ «Այս է սահմանը Սյունիքի»։ Նոր տերերին թվում է, թե իրենց հետ ձգել, բերել են և հայրենի եզերքի սահմանը։ Տոնաշեն գյուղում հաստատվում են Մելիք-Իսրայելյանների տոհմաճյուղերից Եղիգարի երեք որդիները՝ Թունին (Չարություն), Առստամն ու Եղիգարը՝ իրենց ընտանիքներով։ Տոնաշենը հինավուրց Դոնի շեն գյուղն է, որը, ելնելով հնդեվրոպական նախալեզվից, «ջրաշեն» կամ «գետաշեն» է նշանակում։ Այս գյուղի մի թաղամասը պահպանել է Կյետին կյումեր (Գետագոմեր) անունը, որն առնվազն մ.թ.ա. 750 թ. հնություն ունի։ Գանձակի սբ. Գովհաննես Մկրտիչ տաճարում պահվող ավետարաններից մեկում Մակար եպիսկոպոսի գրի առած հիշատակարանը տեղեկություն է հաղորդում Ջրաբերդի մելիք Եսայու մասին. «Ի թուրքերութեան Չայոց ՌՅԳ (1724) ապրիլի ԺԸ (18) առի աստուածախոս Ավետարանս ես մեղապարտ և անարժան Մելիք Եսայիս յերկրէն Չարապերթու և ի կեղմն Մոխրաթաղու։ Այդ լուայ գծայն աստուածային, որ ասէ. երանի այնորիկ, որ ունի որդի Սիօնի և ընտանի յերուսաղէմ և ի զութ շարժեալ որդոյ իմոյ առի զաստուածախոս սուրբ Ավետարանս յիշատակ իմ և ծնողաց մարմնաւորաց իմքց և մօրն իմ ևս կողակցին իմոյ Գուրին և որդոյն իմ Յովսեփին, Մեծլումին, Դանիէլին, Իսրայէլին և դստերացն իմոյ և տուի յիշատակ և վախճ սուրբ երից մանկանց ... ի հայրապետութեան Աղուանից տեառն Ներսեսի հեզահողի կաթուղիկոսին»³⁰³։ Մելիքության գորահրամանատարներն էին Շիրվան և Սարգիս հարյուրապետները։

Խաչենի երբեմնի հզոր իշխանության իրավահաջորդը XVII դարակալքին Խաչենի մելիքությունն էր։ Հասան Ջալալյան իշխանաց իշխանից սկսած Խաչենի ճյուղը հասավ մելիքական շրջան, մինչև Ջալալ Մեծը, որն իշխել է XV դ. առաջին կեսին։ Նրա մասին տեղեկություն է պահպանել Խաչեն գավառի Ս. Գակոբա վանքում ստեղծված XIII դ. ավետարանի հիշատակարանը։ Ջալալ Մեծին հաջորդում է Աղբաստ - Սայտուն - Վելիջան

²⁹⁷ Նույն տեղում, էջ 211:

²⁹⁸ Լալայան, էջ 252:

²⁹⁹ Միրզա Յուսուֆ Ներսեսով, ճշմարտացի պատմություն, Եր., 2000, էջ 43:

³⁰⁰ Բարխուտարեանց, պատմություն, էջ 23:

³⁰¹ Գակոբ Գիսուսիի ժամանակագրությունը, Մանր ժամանակագրություններ, Եր., հ. 1, էջ 170:

³⁰² Ներսեսով, էջ 43:

³⁰³ Բարխուտարեանց, Արցախ, էջ 29:

Ա (XVI դարի 2-րդ կես) - Հատիր Մելիք - Մեհրաբբեկ Ա - Բաղդասար բեկ. - Վեյիջան բեկ ճյուղը: Սղնախների ժամանակաշրջանում Խաչենի մելիքությունը ժառանգում է Մելիք Գրիգորը՝ իր Պաղի, Սարուխան և Օհան յուզբաշի հրամանատարներով: Մելիք Գրիգորը շեկ լինելու պատճառով թուրքերը նրան «Սարը-մելիք» էին անվանում: XIII դ. սկսած Խաչենի հոգևոր կենտրոնը՝ Գանձասարի վանքի առաջնորդարանը, Հասան-Ջալալյան իշխանական հարստության ժառանգական մենաշնորհն էր դարձել: XIV - XV դդ. Աղվանքի կաթողիկոսությանը տիրացած Հասան Ջալալյանները աթոռանիստը տեղափոխում են Գանձասար: Կաթողիկոսները, պահպանելով դարավոր ավանդությունն ու կարգը, պարտադիր ձեռնադրվում էին Հայոց հայրապետի կողմից ու նաև հրովարտակով հաստատվում օտար տիրակալների կողմից: Մինչ Հայոց Կիլիկյան թագավորության անկումը Աղվանից կաթողիկոսները հաստատվում էին նաև Կիլիկիայի թագավորների կողմից: Կաթողիկոս Գրիգոր Ջալալյանը (Մեհրաբբեկի որդին) հիշատակվում է որպես ուրացող: 1574 թ. բռնակալ Փաթիշահը թլպատել է տալիս նրան ու բռնի մահնեղական դարձնում: Նրա հաջորդին՝ Դավիթ կաթողիկոսին, Արջածոր գյուղում անհայտ մարդիկ կախաղան են հանում:

Շահ-Աբբասյան շրջանում փոխվում է Վարանդայի մելիքական տունը: Մինչ այդ այստեղ իշխում էին Դիզակի մելիքները: Սրանց մի ճյուղը, Մելիք Պապից սկսած, առանձնանում է Վարանդայի Քոչիգ գյուղում, շարունակում գավառի առանձին կառավարումը: Մելիք Պապին հաջորդում են Մելիք Ավանը, այնուհետև նրա եղբայր Մելիք Աղանը և որդին՝ Մելիք Փաշան ու Մելիք Սուլունը: Նրանց հաջորդում են Մելիք Դանիելն ու Մելիք Սուզաֆարը, որն էլ հրաժարվում է մելիքությունից, տեղը զիջում Մելիք Շահնազարյանների ներկայացուցիչ Մելիք Բաղիին, որին մելիքական վկայագիր էր շնորհել Շահ-Աբբասը: Վարանդայի այս մելիքները սերվում են Սողքի Մելիք-Շահնազարյաններից, որոնց Շահ-Աբբասը լայն արտոնություններ էր շնորհել: Մելիք-Շահնազարյաններն, իրենց հերթին, Հաթերքի իշխանական տան մի ճյուղավորումն են: Մելիք Բաղի Ա-ն Մեծ Մագրայից Վարանդայի Ավետարանոց գյուղն է տեղափոխվում 1627-1628 թթ., ամրացնում մելիքանիստի բերդը: Նրա սպանվելուց հետո հաջորդում է Մելիք-Շահնազար Ա-ն: Սղնախների շրջանում Վարանդայում տիրում էր Մելիք-Պաղի Բ-ն, որի զորահրամանատարներն էին Ավան, Ջաքաիա, Դավիթ և Թարխան հարյուրապետները: Ավանը, որը Շիրվանից էր Արցախ տեղափոխվել, ամրացնելով հիմնավորը Կարկառի բերդը, որն արդեն Շուշի էր կոչվում, այստեղ սղնախ է հիմնում: Ավանը փաստորեն Արցախի ընդհանուր զորահրամանատարն էր:

Դիզակի իշխան Ներսեհ-Դժնդակի իշխանից մինչև Մելիք Պապին իշխում էին Դիզակում, Վարանդայում և Բերդածորում: Դիզակում իշխող Մելիք Սուլունը, որը գնաց Սպահան, սակայն շուտով ետ վերադարձավ: Նրան հաջորդում է Մելիք Ավանը, որը, չկարողանալով դիմադրել Ջալալիների ավազակային հարձակումներին, 1607 թ. 50 ընտանիքի հետ նա գաղթում է Վրաստան, ապա հաստատվում Լոռիում: Նրան հաջորդում է Մելիք Բախտան Բ-ն, իսկ նրան՝ թողն՝ Մելիք Ավան Բ-ն, որը հոգնած կալվածական վեճերից ու ընդհարումներից, իր հոր՝ Դուկաս վարդապետի հետ 1716-ին հայրենի Դիզակ է վերադառնում³⁰⁴: Հայրը նորոգում է Գտիչ վանքը, միաբանություն հաստատում և բնակվում վանքում: Մելիք Ավանը ամրացնում է Տողը, հաստատվում այստեղ: Այնուհետև մելիքին Ատրպատականի թուրքերը Մելիք Եգան անունով են կոչում:

Ծարի մելիքության ակունքը Վերին Խաչենի Դովյան իշխանական տունն է, որը XV դ. 2-րդ կեսին բաժանվում է երեք ճյուղերի: Մեկն իշխում էր Սողում, մյուսը Ծարում, երրորդը՝ Փառականքում (այժմյան Ծովինար գյուղն իր շրջակայքով): Ծար իշխանանիստ ավանը տեղադրված է բարձր սարահարթում, որի երեք կողմերը վիճահերձ ապառաժներ են, իսկ արևմտյան կողմը վիճահերձից վիճահերձ ամուր պարիսպներով են պատված և փաստորեն անմատչելի բերդավանի է վերածված: Ծարա տերերը հիշում էին իրենց անմիջական նախնու՝ Ջհանշահի (վխճ. 1387 թ.) անունը: Նրան հաջորդում են Հասանը, Ջհանշահ Բ-ն, Միրզաջանը: Վերջինիս հաջորդ Մելքունը ունենում է յոթ զավակ՝ Հովհաննեսիկ վարդապետ Ծարեցին (1560-1623), Թումա քահանան, Միրզաբեկը, Ուլուխանը, Փարին, Խանսուլթանն ու Նազուլինը: Սրանցից նշանավորը տաղանդավոր տարեգիր Հովհաննեսիկ Ծարեցին է, որի ժամանակագրությունը բացառիկ երևույթ է հայ գրականության մեջ: Նրան նախորդել էր պապի եղբայր Հովհաննես վարդապետը, որը ևս իր դարի ժամանակագիրներից է: Այն վկայում է, որ այստեղ մշակութային լուրջ հիմքեր ու ավանդություններ ունեցող դպրոց է եղել: Գավառի հոգևոր կենտրոնը Դաղի վանքն էր:

Գարդմանից մելիքների նստավայրը Ոսկանապատ գյուղն էր: Առաջին մելիքը, որի մասին հիշատակվում է, Մելիք-Շահնազարն է: Թե ինչ կապ ունի նա Մեծ Մագրայի իշխանական գերդաստանի հետ, անհայտ է մնում: Հայտնի է, որ Մելիք Նազարը մի խումբ այլ մելիքների հետ Սպահան՝ Աբբաս Մեծի մոտ էր գնացել: Նրան հաջորդում է Մելիք-Հովսեփը, ապա և Մելիք Յավրին, որին էլ բախտ է վիճակվում գործել Սղնախների ժամանակաշրջանում: 1720 թ. նրան հաջորդում է Մելիք Հովսեփ Բ-ն, որի զորահրամանատարներն էին Փանոս և Սաղի հարյուրապետները:

³⁰⁴ Բարխուտարյանց, Պատմություն..., էջ 36-37:

Չնայած մելիքները մշտական զորք չէին պահում, սակայն կարիք լինելու դեպքում նրանցից յուրաքանչյուրը կարող էր անմիջապես հազար զինվորից կազմված մի զորագունդ հավաքել: Սակայն Գյուլիստանի մելիքները սովորաբար կարողանում էին երեքից չորս հազարանոց զորք հավաքել: Համեմատության համար նշենք, որ Ղարաբաղի բեկլարբեկությունը պետությանը (Իրանին) պահանջի դեպքում պարտավոր էր տալ 1430 զինվոր, իսկ պատերազմի դեպքում միայն Ղարաբաղը տալիս էր 6084 զինվոր, Հայաստանն ու ողջ Ատրպատականը միասին՝ 27566 զինվոր³⁰⁵: Ամեն տուն պարտավոր էր մելիքի պահանջի դեպքում մի զինվոր տալ, իսկ եթե դրույունը ծանր է լինում, զինվում էին զենք կրելու ունակ բոլոր մարդիկ: Չինվորն ինքը պետք է հայթայթի իր զենքն ու ձին: Իսկ եթե նա չի կարող, ապա այս խնդրում նրան օգնում է մելիքը, որն ընդհանուր հրամանատարն էր: Չորագունդը բաժանված էր խմբերի, որի հրամանատարներն էին հարյուրապետները (յուզբաշի), որոնց պաշտոնը ժառանգական էր: Չինվորական համազգեստ գոյություն չուներ: Չինավարժության հատուկ օրերին փոխարինում էին տոնական օրերին կամ հարսանիքներին երիտասարդ զինվորների մրցակցությունը՝ ծիարչավները, խաղերը, հրածությունները: Մելիքը ներկա էր լինում այդ խաղերին: Սովորություն էր մեծ պասի առաջին օրը մելիքի հետ զուռնա-դիլի ուղեկցությամբ ծիարչավի գնալը: Ունեոր գյուղացիք խոնջաներով ուտելիք էին բերում, հյուրասիրում հեծյալ տղաներին: Վերջում մելիքի տուն էին գնում, ու մելիքը կարգադրում է ծիարչավի բոլոր մասնակիցներին մի-մի թաս զինի տալ: «Մելիքի մին օրը հազար դառնա» կոչելով նրանք խմում են ու գնում իրենց տները: Չինվորները ռոճիկ չէին ստանում: Չրաբերդից կամ Գյուլիստանից նրանք հաճախ էին դեպի տափաստանային գյուղերը հարձակումներ գործում ու բերած ավարից մելիքի բաժինը տալուց հետո մնացածը իրար մեջ բաժանում: Սակայն և նրանք միշտ պետք է պատրաստ լինեին մելիքության գյուղերը պաշտպանելու հարթավայրի քոչվորների կամ դաղաստանցիների թալանչիական հարձակումներից: Չինվորների զենքն էր թուրը, դաշյունն ու հրացանը: Մելիքները ծախ կողքից կեռ թուր էին կապում, առջևից՝ դաշյուն, ծախ ուսով ձգում էին վառողամանը, որից վառող էին լցնում հրացանի կայծառի մեջ, աջ ուսով ձգում էին փամփշտակալը, որի փոքրիկ պարկերում պատրաստի կամ օգտագործած փամփուշտերն էին տեղադրում: Մելիքին հետևում էր նրա հրացանակիրը, որն իր հետ մելիքի համար միշտ պատրաստ պահում էր երկու կամ երեք հրացան: Հրացանը Գյուլիստանի բերդում էին պատրաստում կամ նորոգում, իսկ վառողը՝ Վրին շենում, որտեղ բորակի (селитра) հանք

³⁰⁵ Петрушевский, стр. 138.

կար: Մելիքն իր մոտ մշտապես պահում էր 300 հոգանոց թիկնազոր: Վառողի պատրաստելը մելիքի իրավունքն էր: Իրեն վստահված երկրի պաշտպանության համար մելիքն ուներ բերդեր ու ամրոցներ: Եթե վտանգ լինելու դեպքում Չրաբերդի մելիքը Մայրաքաղաքի տարածքից անմիջապես կարող էր շարժական կամրջով անառիկ Չրաբերդում հայտնվել, ապա Գյուլիստանի մելիքները ապաստանում էին Գյուլիստան բերդում: Լավագույն բերդերը ապահովված էին ջրով ու հացով: Չրաբերդի տարածքն այնքան ընդարձակ էր, որ ցորեն էին ցանում: Իսկ ջրի համար անցք էին փորել, որը բացվում էր գետի մեջ ու դոսից չէր երևում: Այն «ջրագողի» ճանապարհ էր կոչվում: Խաչենի Կաշաղակաբերդը (արաբներն անվանում էին հիսն Ար-ռան) թեև անմատչել էր, սակայն ջրի խնդիրը լուծված չէր: Բերդում պաշարվածները ապառաժի մեջ պատրաստած փոսերի մեջ ջուր էին ամբարում, որը սակայն երկար չէր կարող պահել նրանց: Սառնորակ ջուր ուներ Քթիչ բերդը: Այս բերդերը, մելիքներին ենթարկվելուց բացի, ընդհանուր պաշտպանական համակարգի մեջ էին մտնում: Բավականին լավ մշակված էր ազդանշանային համակարգը: Ողջ երկրամասում վտանգի ազդանշանը կրակի միջոցով ընդամենը 15-20 րոպեում հյուսիսից հարավ ու արևելքից արևմուտք էր հասնում: Դրան հասել էին բերդերի հատուկ տեղադրությամբ ու միջանկյալ ազդանշանային աշտարակների միջոցով: Մելիքների ապարանքներն ու վանքերի մեծ մասը պարսպապատ էին, չորս անկյուններում աշտարակներով: Մելիքական լավագույն ապարանքներից էին համարվում Հոռեկի մելիքական տունը, Մայրաքաղաքի տարածքում Բերդակուրն ու Մոխրաբաղի պալատները: Մելիքն օժտված էր իր ենթակայության տակ գտնվող ժողովրդին դատելու իրավունքով: Թեթև հանցանքները գյուղի տանուտերն էր վարում, ծանր հանցանքների դեպքում՝ մելիքը: Տանուտերի վճռից դժգոհ գյուղացին կարող էր բողոքարկել մելիքին: Իսկ մելիքի վճռից դժգոհ գյուղացին հաճախ անցնում էր մելիքին հակառակորդ մելիքի կամ խանի կողմը, կամ էլ՝ լրտեսություն անում նրանց օգտին, ամեն կերպ ձգտելով վնաս հասցնել իր տիրոջը: Նման դեպքերը ևս պատահում էին: Վճռի իրականացումը տանուտերի կամ մելիքի ձեռքին էր: Դատավճռի փոխարեն զգիրը ցույց էր տալիս մելիքի կնիքը: Դատավարության համար հատուկ օրենքներ չկային: Միակ օրենքը նահապետական ավանդությունն էր: Մելիքը դատավարությունն իրականացնում էր կիրակի օրերին, ամռանը՝ իր տան բակում, ցուրտ օրերին՝ ապարանքի սրահներից մեկում: Գանգատվորները պարտավոր էին իրենց ցուցմունքը հաստատել վկաներով կամ երդումով: Շատերը ձգտում էին ամեն կերպ խուսափել երդում տալուց, քանի որ հավատում էին, որ երդման կեղծ լինելու դեպքում կպատժվեն Աստծո կողմից: Ընդունված էր որպես պատիժ կիրառել ծեծը,

բանտարկությունը, անվանարկությունը (անառակ կնոջ երեսին մուր էին քսում ու էշի վրա նստած պտտեցնում գյուղերով), դաղմա խփելը (հետույքին կնիք խփելը), այրումը (շիկացրած փլավթամիչը հազցնում են մեղադրյալի գլխին), կախաղան, ծիու պոչից կապելն ու քաշ տալը: Մեղիքները սովորաբար հյուրասեր էրն: Գանգատավորների, այլ վայրերից եկած գյուղացիների և հասարակ հյուրերի համար ամեն օր առատորեն ճաշ էր պատրաստվում «քարխանա» կոչվող տանը, որտեղ էլ հյուրընկալում էին նրանց: Այստեղի սեղանը ամենքի համար բաց էր: Ամենահեռավոր գյուղում էլ գիտեին, որ մեղիքի մոտ զնալիս երբեք սոված չեն մնա: Նման հյուրասիրությունը փոխանցվել է նաև ժողովրդին, որն էլ ավանդական է դարձել:

XVII դարի վերջին քառորդից սկսած Սեֆյան Իրանը ներքին քայքայում էր ապրում: Եթե Շահ-Աբբաս Մեծից հետո Իրանի թագավորները զգալիորեն զիջում էին իրենց մեծ նախորդին, ապա Շահ-Սուլթան Յուսեյնը (1694-1722 թթ.) ավելի թուլամորթ էր ու անդեմ: Շահն ու իր արքունիքը ավելի շատ զբաղված էին հարեմով ու գինարբուքով, քան պետական գործերով: Պետական գանձարանի պակասը լրացնելու միջոցը նրանց համար հարկերի անընդհատ բարձրացումն էր, սեփական ժողովրդի անխնա կեղեքումը, որն էլ պիտի բերեր պետության քայքայմանը: Յենց Իրանի հզորության թուլացման պատճառով է, որ կրկին Անդրկովկասի վրա է բեռնվում մեծ երկրների ուշադրությունը: Թուրքերը հարմար առիթ էին սպասում Իրանից խլելու Անդրկովկասը, ինչպես նաև Ատրպատականը, դրանով իսկ ճանապարհի հարթելու դեպի Միջին Ասիա, ապա և նախասիայրենիք՝ Ալթայ (ըստ երևույթին, թուրքերը մի անվերջանալի անհաղթահարելի կարող են զգում դեպի հայրենի Ալթայը ու ձգտում, ինչ զնով էլ լինի, վերադարձալ, բայց և տիրել Միջերկրական ծովին՝ Ադրիատիկից մինչև Սիբիր): Թուրքիայից բացի, Անդրկովկասի իրավիճակին էր ուշադրությամբ հետևում ռուսական արքունիքը: Ռուսաստանը աճող կայսրությունների մեծ ամեն առիթ օգտագործում էր նորանոր երկրներ նվաճելու համար: Իսկ քրիստոնեական Հայաստանը հարմար հենակետ կարող էր ծառայել հետագա նվաճումների և Պետրոս Առաջինի ռազմավարական նոր ծրագրերի իրականացման ճանապարհին: Ռուսաստանը Իրանի և Թուրքիայի նկատմամբ ուներ այն առավելությունը, որ հայերն ու վրացիները քրիստոնյա էին ու կարող էին հավատալ քրիստոնեական Ռուսաստանի «ազատարար» դերին և կամա թե ակամա նպաստել իր նվաճողական քաղաքականությանը: Հայերին ու վրացիներին այս դեպքում մնում էր ընտրել, թե որ տիրապետողն է «հարմար»՝ ռուսը, պարսիկը, թե թուրքը: Եթե վերջին երկուսին վաղուց էր ծանոթ, ապա առաջինին դեռևս չէին ճանաչում, ուստի հայացքները դեպի հյուսիս էին ուղղել: Գեռևս 1665 թ. Արցախի մեղիքները, հավաքվելով կաթ-

ղիկոսանիստ Գանձասարի վանքում, նամակ էին հղել Ռուսաստանի թագավոր Ալեքսեյ Միխայլովիչին խնդրելով օգնել ազատագրելու Հայաստանը: 18-րդ դարի շեմին հայ ժողովուրդը դեռևս ուշքի չէր եկել Շահ-Աբբաս 1-ինի կազմակերպած բռնագաղթից: Սակայն հայ ժողովուրդը երբեք չէր դադարել ազատության ձգտումից: Մանավանդ Հայաստանի հյուսիս-արևելյան մասերում, որտեղ պահպանվել են հնուց եկող իշխանական սաղմերը, XVIII դարի շեմին օրեցօր թափ էր առնում ազատության և անկախության գաղափարը: 1678 թ. էջմիածնում հավաքվում է մի փոքրիկ խորհրդակցություն, որին մասնակցում էին վեց հոգևորական և վեց աշխարհական: Ժողովը վճռում է կաթողիկոսի գլխավորությամբ մի պատվիրակություն ուղարկել Յոն կաթողիկե եկեղեցու հավատքին միանալու առաջարկով: Դրա փոխարեն պետք է ռազմական օգնություն և քաղաքական հովանավորություն ստանան Հայաստանի պետականության վերականգնման համար³⁰⁶: 1699 թ Յոնի պապին հասցեագրված Արցախի մեղիքների մի նոր նամակում պատմվում է այս խորհրդակցության հանգամանքների և պատվիրակության Յոն մեկնելու մանրամասների մասին: Կաթողիկոսին պետք է ընկերակցեր Իսրայել իշխանը, «որը սերված է հայերի մեջ հռչակավոր Պռոչ իշխանից»³⁰⁷: Սակայն հետագայում նրա փոխարեն որպես պատվիրակ է մեկնում որդին Յավրին: Սա, անշուշտ, Ստեփանոս Սալմաստեցի կաթողիկոսի անկատար մնացած գաղափարի իրականացման մի նոր նախաձեռնություն էր: Հակոբ կաթողիկոսը նախ մեկնում է Թիֆլիս՝ Վրաստանի թագավորի հետ խորհրդակցելու ու հայ-վրացական միություն ստեղծելու առաջարկով: Ապա մեկնում է Կ.Պոլիս, որտեղ հանդիպում է երուսաղեմից իր հետ հանդիպելու եկած Կիլիկիո կաթողիկոս Եղիազարին և Յոնի պապի ուղարկած երկու պատվիրակներին: 82-ամյա կաթողիկոսը չկարողացավ Յոն զնալ ու Կ.Պոլսում մահացավ 1680 թ.: Պատվիրակությունը վերադարձավ էջմիածին: Սակայն պատվիրակության անդամներից 21-ամյա Իսրայել Յավրին (հետագայում Ֆրանսիայում Օրի է դառնում) զնաց եվրոպա՝ հայոց խնդիրը ներկայացնելու եվրոպական պետություններին: Իսրայել Յավրին-Օրին երեք տարի ապրում է Վենետիկում, ապա տեղափոխվում Ֆրանսիա, ուր 10 տարի մասնակցում է Ֆրանսիական բանակի պատերազմներին, ռազմական փորձ ձեռք բերում, հետո գերևարվում է անգլիացիների կողմից, ազատվելով՝ տեղափոխվում Գերմանիա՝ Դյուսելդորֆ: Նա Ֆրանսիայում այդպես էլ հնարավորություն չունեցավ հանդիպելու Լուի XIV թագավորին և պատմելու Հայաստանի մասին: Այդ ժամանակ Թուրքիայի դեմ ռազմական պայքարի լծակները արդեն Փարիզից տեղափոխ-

³⁰⁶ Լեո, 3-1 էջ 337:

³⁰⁷ Պռոչյան իշխանական տոհմը Ջալալյան իշխանական տան մի ճյուղն է:

վել էին Վիեննա՝ Ավստրա-Հռոմեական կայսրության արքունիք: Լուին արդեն հրաժարվել էր ազատարար խաչակրաց արշավանք ձեռնարկելու ծրագրից: Թուրքական խնդիրը պետք է լուծեր Լեոպոլդ կայսրը: Իսկ կայսրին Հայաստանի խնդիրը մատուցելու լավագույն ձևը Պֆալֆցի կյուրֆուրստ Հովհան-Վիլհելմի հետ մերձ հարաբերություններ ստեղծելն էր: Կյուրֆուրստը ազգակցական կապեր ուներ եվրոպական բոլոր թագավորական տների հետ և այդ ժամանակ եվրոպական ամենաազդեցիկ իշխաններից մեկն էր: Թուրքական բանակը առաջին խոշոր պարտությունը կրեց Վիեննայի մատուցներում, երբ պաշարել էր Հաբսբուրգների ոստանը, և ուր որ է ամբողջ Եվրոպան պիտի ընկներ թուրքական բռնատիրության լծի տակ: Լեհաստանի թագավոր Յան Սոբեսկին փառավոր հաղթանակ տարավ փախուստի մատնելով թուրքերին: Ավստրիայի, Լեհաստանի և Վենետիկի դաշնակցությունը պաշտպանությունից անցավ հարձակման: Դաշնակցությանը միացավ նաև Ռուսաստանը՝ նպատակ ունենալով ոչնչացնել «ամբուծելի հիվանդ մարդուն», ինչպես պատկերավոր կերպով Եվրոպայի դիվանագետները որակում էին Թուրքիայի դրությունը: Ռուսական թագավորները չէին մոռանում, որ իրենք Բյուզանդիայի վերջին կայսր Կոստանդինի օրինական ժառանգորդն են, քանի որ Բյուզանդիայի վերջին կայսեր ազգականուհին Իվան III ցարի կինն էր Սոֆիա Պալեոլոգը: Ռուս ցարերն իրենց վրա էին վերցնում Կոստանդնուպոլիսը (Ստամբուլը) ազատագրելու խնդիրը: Այս դաշնակցությանը մեծ ու հզոր Ռուսաստանի միացումը ազատագրական շարժման մեծ ալիք առաջացրեց Թուրքիայի բռնատիրության լծի տակ հեծող երկրներում: Եվրոպան զգում էր, որ արդեն որոշված է թուրքական կայսրության ճակատագիրը, այն պետք է քայքայվի: 1696 թ. ռուսական բանակը տարավ առաջին հաղթանակը՝ ազատագրելով Ազով քաղաքը: Պետրոս Մեծը եվրոպական տերություններին առաջարկեց համատեղ արշավանք կազմակերպել քրիստոնյա ժողովուրդներին օսմանյան լծից ազատագրելու համար: Պետրոսը Հոլանդիայում պատրաստել տվեց իր պատկերը, որի տակ գրված էր. «Պետրոս, ռուս-հունական թագավորության միապետ»³⁰⁸: 1697թ. ավստրիական զորքերը Եվզենիոս Սավոյացիի հրամանատարությամբ Տիսսա գետի մոտ խոշոր հաղթանակ տարան գլխովին ջախջախելով թուրքական բանակը: Հովհան-Վիլհելմ կյուրֆուրստը, զգալով, որ հարմար պահ է Հայաստանի ազատագրման ծրագրի կենսագործման համար, Իսրայել Օրիին դիվանագիտական առաքելությամբ ուղարկեց Հայաստան: Լեոպոլդ կայսրը հրաժարվեց հանձն առնել Հայաստանի ազատագրման խնդիրը, քանի որ արդեն դաշինք էր կնքել Թուրքիա-

³⁰⁸ M.Y. Saint-Martin, *Memories historiques et géographiques sur l'Arménie*, t. II, Paris, 1819, pp. 479-485.

յի հետ, ընդունել նրա զիջումները: Մեծ դժվարությամբ Օրիին հաջողվեց Թուրքիայով 1699 թ. ապրիլի սկզբներին հասնել Էջմիածին: Հայոց կաթողիկոս Նահապետը չէր բաժանում Հայաստանի ճակատագրի վերաբերյալ իր նախորդների քաղաքականությունը և ավելի շատ մտահոգված էր կաշառքի միջոցով իր աթոռը պահելու խնդրով³⁰⁹: Օրին շտապում էր Արցախ, որտեղ գտնվում էր ժամանակի հայ ազատագրական շարժման ոգին: Եթե մեկիքները պատրաստ էին օժանդակելու Օրիին, ապա Էջմիածնի և Գանձասարի կաթողիկոսները մերժեցին կաթոլիկ եկեղեցու հովանու տակ մտնելու առաջարկությունը: Սյունիքի 11 մեկիքներ Անգեղակոթի տեր Մելիք-Սաֆրազի տանը գաղտնի խորհրդակցություն են անցկացնում, որը տևում է 20 օր: Ժողովը նամակ պատրաստեց ուղղված Հռոմի պապին, որտեղ ցանկություն էր հայտնվում կաթոլիկություն ընդունելու մասին³¹⁰: Հաջորդ դիմումը ուղղված էր Հովհան-Վիլհելմին, որտեղ հայ մեկիքները նրան առաջարկում են Հայաստանի թագը: Կյուրֆուրստը նախապես պետք է օգնական զորքով Հայաստան ուղարկեր իր եղբորը՝ Կառլոսին, ու երբ ամեն ինչ պատրաստ լիներ, ինքը պետք է ընդուներ հայոց գահը: Անգեղակոթի ժողովը մեկ այլ խնդրագիր էլ ուղղում է ռուսաց ցար Պետրոս Մեծի անունով: Այն իր բովանդակությամբ տարբերվում էր գերմանացի իշխանին հղած նամակից: Այստեղ ոչ թագ է առաջարկվում, ոչ էլ այլ պայման: Հայ իշխանավորները միայն խնդրում են ռազմական օգնություն, որի դիմաց խոստանում են հնազանդություն Ռուսաստանին: Այս ձևակերպման մեջ հայ մեկիքները հասկանում էին ինքնավար հայկական պետություն Ռուսաստանի հովանու և պաշտպանության տակ: Եթե Հռոմի պապին և հռեմոսյան կյուրֆուրստին խոստանում են հավատափոխություն և գահ, որը ամենևին էլ հայ իշխանների սրտից չէր բխում, և ընդունվել էր քաղաքական անելանելի վիճակի ճնշման տակ, ապա ռուսական օգնության տարբերակը ավելի ընդունելի էր:

Եվրոպայում իր դիրքերը զիջող Թուրքիային զուգահեռ, XVII դարի վերջին քառորդից սկսած Սեֆյան Իրանը ևս անկում էր ապրում: Պետական զանձարանի պակասը լրացնելու միակ միջոցը նրանց համար հարկերի անընդհատ բարձրացումն էր, սեփական ժողովրդին անխնայ կեղեքումը, որն էլ իր հերթին ապստամբություններ էր առաջացնում և խորացնում ճգնաժամը, քայքայում երկիրը: Հենց Իրանի այս թուլացումն էր, որ առիթ

³⁰⁹ Լեո, էջ 37:

³¹⁰ Նամակը պահվում է Վատիկանում: Այն լատիներեն է թարգմանել լեհահայ գիտնական Ստեփանոս Ռոշքան (Ստեփանոսի Ռոշքա, ժամանակագրություն, Վիեննա, 1964, էջ 190): Նամակը հրատարակել է Էզովը, *Эзов, Сношения Петра Великого с армянским народом*, СПб, 1898, стр. 2-6 (далее - Эзов).

տվեց հարևան երկրներին Անդրկովկասի վրա բևեռելու նրանց ուշադրությունը: Թուրքիան ևս մի հարմար և հզոր հենարան ուներ Անդրկովկասում, դա Կուրի ու Կովկասյան լեռնաշղթայի միջև ընկած տարածքում ապրող բնիկ ժողովուրդն է՝ լեզգիները, ավարները, ուտիները, ծախուրները, քաբասարանցիները, որոնք հավատքով սունի էին, ավելի հակված դեպի օսմանյան Թուրքիան: Այս ժամանակաշրջանում Իրանի խորքերից, մանավանդ Խորասանից, Առանի դաշտ ու Վրաստանի հարավային սահմաններն էին սկսել գաղթել քոչվոր խաչնարած ցեղեր, որոնք շիա աղանդին էին պատկանում, և իրենց էթնիկական կերպարը կամ հասկացությունը չունենալով, իրենք իրենց «մուսուլման» (մահմեդական) էին կոչում: Նրանք խոսում էին թուրքական բարբառի ու պարսկերենի խառնուրդից գոյացած մի խառնածին լեզվով: Սրանց վրա շատ վստահ չեն կարող լինել ոչ թուրքերը, ոչ էլ պարսիկները, քանի որ նրանք միշտ ուժեղի կողմն են բռնում:

Ահա Անդրկովկասն այս իրավիճակում էր, երբ հայոց դեսպան Իսրայել Օրին ընկերակցած խանաբերդցի վարդապետ Մինաս Տիգրանյանի հետ, վերադառնում է Եվրոպա: Օրին այստեղ կազմում է Հայաստանն ազատագրելու մի ընդարձակ ծրագիր՝ 36 կետերով: Այս ծրագրի հիմնական միտքը Եվրոպայի ռազմական ու քաղաքական միջնորդությամբ Արևելյան Հայաստանը Պարսկաստանից խլելն էր և Հայաստանի թագավորության վերականգնումը: Եվրոպական դաշնակցության միացյալ զորքը պետք է Ռուսաստանով հասնի Կասպից ծովի Անդրկովկասյան ափերը (Քաբու), գրավի Շամախին, Գանձակը, Ղափանն ու Նախճավանը, անցնելով Արաքսը շարժվի մինչև Թավրիզ: Ծրագրում Թուրքիայի բռնատիրական լծի տակ հեծող Արևմտյան Հայաստանի մասին խոսք չկար, քանի որ թուրքական իշխանությունները այնպես էին խաթարել Հայկական լեռնաշխարհի այս հատվածի էթնիկական կերպարը, երկիրը լցրել թուրք ու քուրդ տարրերով, որ Իսրայել Օրին սրա ազատագրումը չկապեց Արևելահայաստանի խնդրի հետ: Պարսկաստանին ենթակա մասում հայերը, հանձինս եկեղեցու և հայ իշխանների, որոշակի ինքնուրույնություն ունեին: Իսկ Ղարաբաղը Հայաստանի համար այն միջնաբերդն էր, որն իր ներքին ուժով, ներքին միասնականությամբ և բնական պայմանների շնորհիվ պահպանել է իր ամբողջականությունը: Մեկը մյուսին հաջորդող օտար նվաճողների արշավանքների ժամանակ, պահպանելով իր որոշակի ինքնուրույնությունը, Ղարաբաղի հայը անխաթար էր պահել իր ազգային նկարագիրը: Արցախ-Ղարաբաղը փաստորեն անառիկ բերդերի մի հսկա համակարգ է, որն ամբողջովին գրավել ու հպատակեցնել ոչ մի ուժի չի հաջողվել: «Այստեղ ցեային ինքնորոշման և ինքնապահպանման բնագոյը գերակշռող է հանդիսանում կենսական մյուս բոլոր պայմաններից», - գրում է Լեոն: Երբ Հայաստանը ներքին

խռովությունների և երկպառակությունների պատճառով թուլանում էր և նվաճվում օտարների կողմից, արցախցիները անմիջապես փորձում էին ճկուն դիվանագիտության ու սեփական ուժի համադրմամբ ինքնավար պետական կարգավիճակ ստանալ և պահպանել ամբողջականությունը: Այդպես էր IV-V դարում Հայաստանը Բյուզանդիայի և Իրանի միջև բաժանումից հետո: Առանձին դեպքերում արցախցիները ստեղծում էին իրենց ինքնուրույն թագավորությունը: Հայ իշխանների վեհապետական իրավունքները ճանաչեց և օրինականացրեց Սեֆյանների Պարսկաստանը: Հայ իշխանները իրենց հերթին պարսից շահին էին ճանաչում որպես ամենաբարձր իշխանություն և նրանից էլ ստանում էին «մելիքե» տիտղոսն ու կալվածքները: Շահ-Աբբաս Առաջինն ու նրա հետնորդները հետևողականորեն իրականացնում էին այս քաղաքականությունը: Սակայն Իրանի թուլացումն ու ներքին խռովությունները արդեն լուրջ տագնապ էին առաջացրել ողջ Հայաստանում, ու ազնվականությունը ելք, ինչպես և նոր հովանավոր տերություն էր փնտրում իր վաղեմի երազանքը՝ իր շահերը պաշտպանող պետականության վերականգնումը իրականացնելու համար: Հայ իշխանները պատմության դառը փորձից արդեն գիտեին, որ ուր որ է գալու է օտար նվաճողը, ավերի երկիրը, ուստի եռանդորեն հզոր հովանավոր երկիր էին փնտրում: Սակայն Օրիի այս ծրագրին վիճակված չէր իրականություն դառնալու: Շուտով Եվրոպայում ծագեցին նոր պատերազմներ: 1700թ. մահանում է Իսլանդիայի թագավորը, որն անմիջական ժառանգ չուներ իր աշխարհասփյուռ տիրապետության համար: Ժառանգորդներ էին համարվում Ֆրանսիայի Լուի XIV թագավորն ու ավստրիական Լեոպոլդ կայսրը: Իսպանացին իրեն ժառանգ էր կարգել Ֆրանսիայի թագավորի թոռանը: Սակայն Լեոպոլդը նպատակ ուներ իր որդուն նստեցնել Իսպանիայի գահին: Անգլիան ու Չոլանդիան, դաշնակցելով Ավստրիայի հետ, պատերազմ են սկսում Ֆրանսիայի դեմ: Լեոպոլդը, որը պետք է գլխավորեր Հայաստանի ազատագրման ծրագիրը, լիովին կլանվում է իր համար շատ կարևոր այս պատերազմով: Այդ ժամանակ սկիզբ է առնում նաև ռուս-չվեղական պատերազմը: Պետրոս Առաջինը, ձգտելով Ռուսաստանի համար ելք ստեղծել դեպի Բալթիկ ծով, 1700 թ. նոյեմբերի 19-ին 45 հազարանոց զորքով պաշարում է Նարվա բերդը: Ռուսները պարտություն են կրում: Պետրոսը եռանդով սկսում է պատրաստվել նոր հարձակման:

Վճռվում է, որ Իսրայել Օրին կրկին Հայաստան գնա, բայց այս անգամ արդեն Ռուսաստանով: Հովհան-Վիլիելմի օգնությամբ ստանում է Հռոմի պապի նամակը՝ ուղղված պարսից Սուլթան-Հուսեյն շահին: Կաթոլիկ եկեղեցու գլխավորը խնդրում է, որ շահը արգելի հարստահարումը իր հպատակ քրիստոնյաների նկատմամբ: Հայ դեսպանին այս նամակը ավելի

շատ անհրաժեշտ էր, որպեսզի այն շահին հանձնելու պատրվակով Պարսկաստան գնա և մինչ դեպի Անդրկովկաս ռուսական արշավանքը տեղեկություններ ստանա Իրանի և Թուրքիայի մասին: Անդրկովկասի վերաբերյալ զգացվում են եվրոպական երկրների ռազմավարական մի շարք կարևոր փոփոխություններ: Հայոց դեսպանին հանձնարարելով դիմել Ռուսական ցարին, Եվրոպան փաստորեն Անդրկովկասը ճանաչում է որպես Ռուսաստանի ազդեցության ոլորտ: Օրին եվրոպայում ձեռք է բերում հրազեն և զինամթերք՝ Աստրախանում կազմակերպելիք հայկական գունդը զինելու համար: Այս գունդը ռուսական զորքերի հետ պետք է մասնակցեր Հայաստանի ազատագրմանը:

1701 թ. հուլիսի սկզբներին Սմոլենսկի վոյեվոդա Շերեմետևը հաղորդում է ռուսաց ցար Պետրոս Առաջինին, որ երկու օտարերկրացիներ են ժամանել Լիովայի սահմանից և ցարի մոտ են գալիս Հոռոմ-Գերմանիայի կայսր Լեոպոլդի, Լեհաստանի թագավոր Յան Սոբեսկու և բավարական Պֆալցգի կյուրֆուրստ Հովհան-Վիլհելմի՝ Պետրոս Առաջինին հասցեագրված նամակներով: Օտարերկրացիներից մեկը Իսրայել Օրին էր, մյուսը Մինաս վարդապետը: Պետրոս Առաջինը, որին շատ էր հետաքրքրում դեպի հարավ երկրի սահմանների ընդարձակումը, 1701 թ. հոկտեմբերի 7-ին Պետրոգրադում կանցլեր Գոլովինի տանը հանդիպում է Իսրայել Օրին ու նրա օգնականին: Օրին Հայաստանի ազատագրման մի ընդարձակ ծրագիր է ներկայացնում ռուս ինքնակալին: Ըստ այդ ծրագրի, ցարը պետք է կազակներից և չերքեզներից կազմված 25 հազարանոց զորք ուղարկի Հայաստան: 10 հազարանոց բանակը պետք է ափ դուրս գա Նիզաբադի նավահանգստում, շարժվի դեպի Շամախի, տիրի Հայաստանի չորս ամրություններին³¹¹, ապա Արցախի մելիքների հետ միացյալ ուժերով արշավեն Օրդուբադի վրա: Օրին նկատի ուներ այն հանգամանքը, որ Օրդուբադի զինագործական արհեստանոցներն են Իրանի բանակին զենք մատակարարողները: Այստեղ վերազինելով բանակը, ինչպես և համալրվելով Ձանգեզուրի կամավորականներով, կցնան Երևանի վրա: Ցարը հավանություն տվեց այս ծրագրին և խոստացավ իրականացնել այն:

Ռուս-չվեդական պատերազմի ձգձգման պատճառով Օրին ձգում է Ռուսաստանում մնալու ժամկետը: 1707 թ. հունիսին 50 հոգանոց խմբով Իսրայել Օրին Մոսկվայից շարժվում է դեպի Աստրախան, այստեղից՝ Շամախի, որտեղ սպասելով շահի թուլությունը՝ Սպահան մեկնելու համար, մնում է շուրջ երկու տարի³¹²: Ինչպես երևում է, Օրին չէր շտապում: Աշխարհի չորս ծայրերից Շամախի էին գալիս հայ վաճառականները և Օրինի

կարևոր լուրեր հաղորդում: Շամախին առևտրական այն կարևոր կետն էր, որտեղ կապվում էին Ռուսաստանն ու հարավային երկրները՝ Հինաստանից մինչև Թուրքիա: Այս գործում գլխավոր դերը պատկանում էր հայ վաճառականներին: Դեռևս 1667 թ. Ալեքսանդր Միխայլովիչ ցարը հատուկ հրահանգով արտոնություններ էր շնորհել հայ վաճառականներին՝ սահմանելով նրանց մաքսային հարկերը³¹³: Շամախիում Իսրայել Օրին պարբերաբար հանդիպումներ էր ունենում Եսայի կաթողիկոսի ու Արցախի մելիքների ներկայացուցիչների հետ: Օրինի հոգսերից մեկը Արցախում զինված ստորաբաժանումների ստեղծումն ու ամրապնդումն էր: Միա այս առիթով Օրինի մոտ են գալիս շիրվանցի հայ զորականներ, առաջարկում իրենց ծառայությունը: Ըստ հավանականության, այստեղ էլ Օրին հանդիպում է շիրվանցի Ավան զորապետին: Վարակվելով Օրինի հայրենասիրական շնչով և Եսայի Ջալալյան կաթողիկոսի անսահման հավատով դեպի ռուսական զենքն ու քաղաքականությունը, Ավանը հանձն է առնում շիրվանցիների զորախումբ կազմել և զնալ Արցախ, կազմակերպել երկրամասի պաշտպանությունը, ինչպես նաև նախապատրաստել ռուսական բանակը դիմավորելու և համատեղ ուժերով Հայաստանը շահի տիրապետությունից ազատագրելու գործը: Իսրայել Օրին Եվրոպայում ձեռք բերած իրազեցի ու զինամթերքի մի մասը հատկացնում է Ավանին, մյուս մասը՝ հայ վաճառական Պետրոս դը Սարգիս Գիլանենցին, հայրենասեր մի մարդու, որը հանձն էր առել ռուսական զորքի կազմում կռվող հայկական հատուկ եսկադրոնի հավաքագրումն ու զինումը: Իրանի թուլացման պայմաններում հաճախակի էին դառնում կռվկասյան լեռնականների ասպատակությունները դեպի Անդրկովկաս: Այս հարձակումների դեմն առնելու համար թույլ Իրանը ոչինչ չէր ձեռնարկում: Արցախահայության համար փրկության միակ միջոցը սեփական ուժերով պաշտպանական համակարգի ստեղծումն էր: XVII դարի վերջերին Արցախ-Ղարաբաղում և Ուտիքի լեռնային հատվածում, որտեղ բնակչության հիմնական մասը հայերն էին, ստեղծվում է Հայոց Սղնախներ (ամրացված վայր) պաշտպանական համակարգը: Սկզբնական շրջանում այն ընդգրկում էր վեց կենտրոններ՝ Գարդման կամ Մլզնաբերդ (Ուտիքի Տիգրանակերտը), Մեծ Կողմանց գավառ կամ Գյուլիստան, Ջրաբերդ, Կաչաղակաբերդ (Խաչեն), Ավետարանոց (Վարանդա) և Տող ամրոց կամ Ցորաբերդ (Դիզակ)³¹⁴: Ղարաբաղը այս ժամանակաշրջանում հայտնի էր Հայոց Սղնախներ անունով և փաստորեն ինքնագլուխ կարգավիճակ ուներ:

³¹³ Сборник актов относящиеся к обозрению истории армянского народа, М., 1833.

³¹⁴ Մակար Բարխուսարյանց, Պատմություն Աղվանից, Վաղարշապատ, 1902. Ի Բ, էջ 43:

³¹¹ Эзов, 19-20.

³¹² Լեո, հ. 3-2, էջ 12:

Սղնախներում երկրի գլխավոր դեմքերը ոչ թե մելիքներն էին, այլ զինվորական հրամանատարները: Իսկ Ջրաբերդում և Գյուլիստանում հրամանատարությունը իրենց ձեռքն էին վերցրել տեղի ֆեոդալները՝ մելիքները: Սղնախների գլխավոր հավաքատեղին Գանձասարի վանքն էր՝ Աղվանից կաթողիկոսի նստավայրը, ուր պարբերաբար ժողովի էին հավաքվում Սղնախների հրամանատարներն ու մելիքները: Եսայի կաթողիկոս Ջալալյանը իրականացնում էր Հայոց Սղնախների քաղաքական ղեկավարությունը: Նա երկրի միաբանության ոգին էր: Իսկ միաբանության հիմնական գաղափարախոսությունը ռուսաց զենքի օգնությամբ Հայաստանի պետականության վերականգնումն էր, այսինքն՝ Իսրայել Օրիի ծրագիրը: Արդեն երևան են գալիս ռուսական, պարսկական և թուրքական կողմնորոշման կուսակցությունները: Ռուսական կողմնորոշման կողմնակիցները համոզված էին, որ Ռուսաստանը, Իրանից նվաճելով Անդրկովկասը, շահագրգռված կլինի դրանց պաշտպանությունը ապահովելու համար քրիստոնյա բնակչության միջոցով պետություններ վերստեղծել: Յուրաքանչյուր սղնախ իր հերթին կազմված էր մի քանի բերդերից և հսկում էր իրեն ենթակա բնակավայրերը: Սղնախներում մեծ ոգևորություն է առաջացնում շվեդների նկատմամբ 1709 թ. Պոլտավա քաղաքի մոտ ռուսական զորքի հաղթանակի մասին Իսրայել Օրիի հայտնած լուրը: Արևելաեվրոպական քրիստոնյա երկրները դիմում էին Պետրոս Մեծին՝ ազատագրելու թուրքական լծից: Դա, անշուշտ, համապատասխանում էր դեպի հարավ ռուսական նվաճողական քաղաքականությանը: Ռուսաստանը եռանդուն նախապատրաստվում էր այս պատերազմին: Մոսկվայում վրաց իշխանները ևս եռանդուն գործունեություն էին տանում ռուսական օգնական ուժեր բերելու համար: Վրաց թագավորագն Արչիլն իր հերթին Մոսկվայում բանակցություններ էր վարում՝ Վրաստանը ազատագրելու խնդրով: Արևմտաեվրոպական պետությունները, վախենալով Ռուսաստանի հզորացումից ու սահմանների դեպի հարավ ընդարձակումից, դիվանագիտական ճանապարհով փորձում էին խոչընդոտել նրան: Լուի XIV-ի առևտրական ներկայացուցիչ Միշելը Սպահանում պարսից արքունիքին հուշում էր, որ Իսրայել Օրին ձգտում է ռուսների միջոցով վերականգնել հայոց թագավորությունը, ինքն էլ այդ գահի գլխավոր հավակնորդն է: Սակայն շահ Սուլթան-Յուսեյնը մեծ շուքով 1709 թ. ընդունում է Իսրայել Օրուն, նրա միջոցով ռուսաց Պետրոս կայսրին հղում հետևյալ պատասխանը. «Համաձայն Ձեր ցանկության Իսրայել Օրու դեսպանության կատարյալ հաջողության համար մենք ցույց տվինք նրան մեր ողորմած ուշադրությունը, օգնությունը և հարգանքը: Թող պարզ լինի Ձեր պայծառ հայացքին, որ թեև հիշյալ քրիստոնյա ժողովուրդների մեջ կան տգետներ, որոնք մեր պետության արժանապատվությունը նկատի

առնելով պիտի արժանի պատիժը կրեին իրենց վատ արարքների կամ վատ ուղղության համար, բայց Ձեր բարեկամական նամակը, որ ամրացնում է մեր մեջ վաղուց գոյություն ունեցող բարեկամությունն ու համաձայնությունը, հրավիրում է մեզ գնալ ողորմությունների և մեր հպատակներին հարգելու մեր ընտրած ճանապարհով, և մենք վեհամճաբար ներում ենք հիշյալ ժողովուրդների բոլոր արարքներն ու մեղքերը այն պայմանով, որ նրանք այսուհետև այլևս այդպիսի սխալների մեջ չընկնեն»³¹⁵: Պարզ է, որ պարսից արքունիքը ուշի ուշով հետևում էր Անդրկովկասի քաղաքական ընթացքին և տեղյակ էր տեղի ունեցող խնդրումներին:

Օրին Մոսկվա չի հասնում: Նա մեռնում է Աստրախանում: Օրիի այս հանկարծակի մահը հայոց փրկության մեծ գործը կիսատ թողեց: Նրան արժանի փոխանորդ չկար: Սակայն նրա ծրագիրը արդեն ընթացքի մեջ էր: Այդ ժամանակ մի շարք դեպքեր տեղի ունեցան Աֆղանստանում: Շահը Աֆղանստանի Ղանդահար քաղաքն է ուղարկում Գուրգին խանին (վրաց թագավոր, որ նեղվելով Վրաստանի իր այսոյաններից, իր զորագնդով անցել էր Իրան) տեղի ապստամբությունը ճնշելու համար: Շահը շուտով Ղանդահար է ուղարկում նաև տեղի առաջնորդ Միր-Վեյսին՝ իբր թե երկու հակառակորդները կպայքարեն իրար դեմ և կթուլացնեն իրար: Սակայն աֆղանցի Միր-Վեյսը շատ խորամանկ էր: Նա, խաբելով վրացի մահմեդականին, սպանում է, կողոպտում նրա զորագունդը և լուրջ սպառնալիք ներկայացնում Իրանի համար: Սպահանում մոտիկից տեսնելով պարսից արքունիքն ու թուլացած պետականությունը, նա արդեն գիտեր, որ նետ ու աղեղով զինված աֆղանցիներով կարող է գրավել ողջ Իրանը: Այս հանգամանքը լուրջ անհանգստություն էր պատճառում շահին:

Արցախում ապստամբության դեկը իր ձեռքն է վերցնում Գանձասարի Եսայի կաթողիկոսը: Նա 1716 թ. Մինաս վարդապետին Ռուսաստանում ապրող հայերի առաջնորդ է նշանակում, նրան հանձնարարելով նաև Ռուսաստանում իր դեսպանը լինելու պարտականությունը: Պետրոս Առաջինը Պարսկաստան է ուղարկում իր դեսպանին Արտեմի Վոլինսկուն: Նա, Սպահանում ուսումնասիրելով երկրի վիճակը, ռուսաց կայսրին գրած նամակում հայտնում է. «Իմ թույլ բանակայությամբ ես մի ուրիշ բան չեմ կարողանում մտածել, բայց միայն այն, որ Աստված այս թագը տանում է դեպի կորուստ, դեպի որը նրանք քաշում են մեզ իրենց անխելությունով, չեմ գարմանում, տեսնելով նրանց հիմարությունը, կարծում եմ, որ այդ Աստծու կամքն է՝ ի բախտավորություն ցարական մեծության: Թեկուզ մեր այժմյան պատերազմը (շվեդական) արգելել էր, սակայն տեսնում եմ այստեղի թու-

³¹⁵ Эзов, стр. 247.

լությունը, մենք կարող ենք պատերազմ սկսել առանց որևէ երկյուղի, որով հետև ոչ թե մի ամբողջ զորաբանակով, այլ մի փոքրիկ կորպուսով այս երկրի մեծ մասը կարելի է միացնել Ռուսաստանին, սրա համար ավելի հարմար ժամանակ, քան այժմյանը, չի լինի, որովհետև եթե առաջիկայում այս պետությունը վերանորոգվի մի ուրիշ շահի ձեռքով, այն ժամանակ կարգն էլ ուրիշ տեսակ կլինի»³¹⁶: Այդ ժամանակ Արցախում մի եռանդուն գործունեություն է սկսում Ավան հարյուրապետը լծված Իսրայել Օրու ռուսական ծրագրի իրականացմանը: Իր եղբոր Թարխանի և շիրվանցի հայ զինակազմների հետ Արցախ գալով, նա որպես հենակետ է ընտրում Շուշի (հնում Կարկառ) անառիկ բերդը: Բերդի Շուշի անվանը մենք հանդիպում ենք Երևանի Մատենադարանում պահվող մի ձեռագրում, որի հեղինակն է արցախցի գրիչ Տեր-Մանուելը: Նա տեղի սբ.Աստվածածին եկեղեցում ստեղծում է ձեռագիր Ավետարան, որի հիշատակարանում գրում է. «1428 թվականին ի գյուղ Շուշի կոչեցեալ Ամարասա վիճակի: Արդ գրեցավ աստվածագիծ գրչի Տեր-Մանուելի – ՊՅԷ (1428) ի կաթողիկոսություն Տեր Յովհաննիսի, ի բռնակալութիւն Շարանտարին, որ է թորգոմածին և չարչարող քրիստոնեից, և հույսն Աստված է»³¹⁷: Ամարասի եպիսկոպոս Ալեքսանոսը գրքի հիշատակարանում գրում է. «... և դառն ու անբարի ժամանակիս, որ թորգոմացի ազգն տիրեն աշխարհի, և ամենեքեան ի մեծ վշտի կան, և ազատութեան տեառն կամքն է»: Շուշի բերդը, որը վաղուց էր աչքաթող արված, մինչ Ավան հարյուրապետի գալը որևէ լուրջ դեր չուներ Սղնախների համակարգում և հարևան Շոշ գյուղի բնակիչների համար որպես ամառանոց ու ագարակ էր ծառայում³¹⁸: Կովկասյան ավարառու ցեղերի դեմ մղված անընդմեջ պատերազմներում ռազմական մեծ փորձ ձեռք բերած Ավանը, ծանոթանալով բարձրադիր սարահարթի հնարավորություններին, իսկույն գնահատում ու երևակայությամբ տեսնում է ապագա անառիկ բերդն ու այն իր գլխավոր հենակետը դարձնում: Շուշիի սարահարթի 2/3 մասը երիզված է անդրդախոր կիրճով եւ ուղղածիզ ապառաժներով: Այստեղից 20 կմ հեռու գտնվող Շիկաքար բերդի հետ Շուշին ասես հայացքի տակ է առնում դաշտավայրից Կարկառի հովիտ թափանցած օտար ամեն մի շարժում: Ավանը իր եղբոր հետ ձեռնամուխ է լինում նախ սարահարթի ամենաբարձր կետում՝ բարձր ապառաժների վրա կիսաքանդ իշխանական դղյակի և չորս անկյուններում աշտարակներ ունեցող ամրոց-միջնաբերդի վերակառուցմանը: Այս ապարանքից քիչ ներքեւ, քարանձավի խոռոչի վրա

կառուցում է երկրորդ ապարանքը, պատերին տեղադրելով հրակնատներ: Ավան զորապետին պակաս չէր հրապուրում և հունուտի կիրճը: Այստեղ ևս երկու հսկայական քարանձավներ կան: Ավանն այստեղ վերականգնում է հին ջրաղացներն ու կառուցում նորերը: Կիրճի յուրօրինակ միկրոկլիմայի շնորհիվ Ավանը, ըստ Իսրայել Օրիի ծրագրի, վերածում է ռուսական զորքի համար ձիերի ու անասունի հսկա պահոցի: Այն նաև մի օժանդակ տնտեսություն էր Շուշիի բերդապահների համար: Շուտով Ավանը ձեռնարկում է պարսպի վերականգնումը: Սարահարթի հյուսիսային կողմում երկու վերստ ծզվող հզոր պարիսպն ուներ 50 աշտարակ: Շինարարները պարսպից ոչ հեռու բերդի տարածքում վերականգնում էին հին թաղածածկ գլխատները, դրանք իրենց համար կացարանների վերածում: 1717 թ. Ավանը ավարտում է բերդի վերակառուցումը: XVIII դարի առաջին կեսում ապրած ժամանակագիրը հաղորդում է, թե «Ավան յուզբաշին (հարյուրապետ) եկավ Շոշվա քարն մտավ սահր խուրուշ իլավ ՌՁԿՁթ.»³¹⁹: Սակայն ամեն ինչ չէ, որ հարթ է գնում Արցախում: Երկիրը տրոհված է երկու եկեղեցիների՝ Գանձասարի և Երիցմանկանց վանքերի միջև: Երիցմանկանց վանքի վանահայրերը, իրենց շուրջը պահելով Ջրաբերդի ու Գյուլխտանի մելիքներին եւ զորապետներին, հակադրվում էին Գանձասարի վանքի (հաչենի) տերերին, իրենց վանքն էին համարում Աղվանից կաթողիկոսության կենտրոնը: Եթե Գանձասարում Աղվանից կաթողիկոս էր հռչակված Եսայի Դասան Ջալալյանը, ապա Երիցմանկանց վանքում կաթողիկոսական աթոռին հավակնում էր Ներսեսը: Այս հակամարտությունը սկսվել էր կաթողիկոսական աթոռը Կաթողիկասարից (Բերդակուրից) Գանձասար (հաչեն) տեղափոխելուց ի վեր: Այս եկեղեցիները միաբանվելու, վեճը հարթելու փորձեր միշտ էլ արել էին: Դեռևս 1677 թ. սեպտեմբերի 25-ից Սիմեոն կաթողիկոսը պարտավորագիր է տվել էջմիածնի Դակոբ և Աղվանից Երեմիա կաթողիկոսներին, որ ինքը քանի կենդանի է, առանց Երեմիայի հրամանի ոչ մի քայլ չի անի և որ իր ազգակիցներից ոչ ոք կաթողիկոսության չկանչվի իրենից հետո: Փաստաթղթի պատճենը ստորագրել ու կնքել են էջմիածնի երեք միաբաններն ու կաթողիկոսը: 1691 թ. փետրվարի 10-ին Արցախի մելիքներն ու իշխանները, ժողով գումարելով Գանձասարում, համախոսական են հռչակում առ այն, որ իրենք դեմ են Սիմեոնի կաթողիկոսության ու օրինական կաթողիկոս են ճանաչում միայն Երեմիային: Սակայն Երիցմանկանց քահանայապետները ոչ մի կերպ չէին հրաժարվում կաթողիկոսության աթոռին հավակնելուց: Դյուտական-Մայրաքաղաք-Բերդակուրի կաթողիկոսական ամառանոց-աթոռանիստի հիմնահատակ ավերումը ևս կապված էր Ջրաբերդի ու հաչենի մրցակցական պայքարի հետ: Սիմեոնի հաջորդները ևս Աղ-

³¹⁶ Соловьев, История России, т. 18, стр 29-30.

³¹⁷ Երևանի Մատենադարան, ձեռագիր N 8211:

³¹⁸ Դակոբ Պողոսյան, Պատմություն գավառի Արցախու, Երևանի Մատենադարան, ձեռագիր N 2734, էջ 3:

³¹⁹ Աշ.Յովհաննիսյան, Դրվագներ..., Եր., 1959, գ.2, էջ 699:

վանից կաթողիկոս էին հռչակվում ու իրենց հերթին խարխուլում Արցախի միասնությունը: Նրանք հակադրվում էին նաև քաղաքական կողմնորոշմամբ, որը վեր էր անվում բացարձակ թշնամանքի: Եթե մինչ Իսրայել Օրու ծրագրի երևան գալը գանձասարգիները հակված էին դեպի պարսկական տիրապետությունը, նրանց հովանու ներքո էին տեսնում Արցախի գոյությունն ու ինքնավարությունը, ապա Երիցմանկանց վանքի տերերը հակված էին դեպի օսմանյան Թուրքիայի տիրապետությունը: Էջմիածնի կաթողիկոսները իրենց հերթին ոչ միայն սկզբունքային չէին այս հարցում, այլ ներքուստ կողմ էին նման մասնատմանը, որը թուլացնում էր Աղվանից կաթողիկոսությունը և իրենցից միշտ կախման մեջ պահում: Էջմիածնի կաթողիկոսները միշտ ձգտել են թուլացնել Աղվանից եկեղեցու ազդեցությունը շրջակա երկրների վրա, հարմար առիթի դեպքում նրանցից ազդեցության տարածքներ խլել: Օրինակ, XVIII դարի առաջին քառորդում Էջմիածինը իրեն ենթարկեց Շամախու թեմը՝ այնտեղ ուղարկելով իր ներկայացուցիչներին: Շամախու թեմը, վաճառաշահ քաղաքի շնորհիվ, նյութական լուրջ օժանդակություն էր հանդիսանում Եսայի Ջալալյան կաթողիկոսի քաղաքական ձեռնարկի խնդրում, ուստի Գանձասարի վեհապետը մեկնեց Էջմիածին և վերստացավ Շիրվանի թեմը: Եկեղեցական ընդլվզումներին զուգահեռ լուրջ ընդհարումներ էին ունենում Ջրաբերդ-Գյուլիստանի ու Շուշի-Ավետարանոցի սղնախները:

1720-ական թվականների սկզբներին հաճախակի էին դառնում աղվանների առաջնորդ Միր-Վեյսի որդու՝ Միր-Մահմուդի արշավանքները դեպի Իրան: Պարսիկ զորավար Լուֆթ-Ալի խանը Քիրման քաղաքի մոտ հաղթեց Միր-Մահմուդին, սակայն շուտով դարձավ շահի կանանոցի ու ներքինիների վրեժխնդրության առարկան և բանտարկվեց: Այդ ժամանակ ավելի սանձարձակ էին դառնում Դաղստանի լեռնականները: Նրանց առաջնորդներից լեզգի Դաուդ-բեկը կապ ուներ թուրքաց սուլթանի հետ ու նրա հրամաններով էր շարժվում: Շամախու Դասանալի խանը փորձեց ավարառուների առաջն առնել, սակայն լեզգիները հանկարծակի գրոհով ոչնչացրին նրա զորքը և սպանեցին խանին: Լեռնականները 1720 թ. Սուրխայ Շամխալի, Իսմիլի, Դաջի Դաուդի ու Ալի Սուլթանի գլխավորությամբ հարձակվեցին Շամախու վրա: Քաղաքի պաշտպաններին օգնության եկան Դայոց Սղնախներից, Գանձակից և Մուխանքից: Ծակատամարտը տևեց ութ օր: Ի վերջո, լեռնականները զիջեցին ու ետ դարձան: Դաջորդ տարի ավելի մեծ զորքով օգոստոսին լեռնականները կրկին հայտնվեցին Շամախու մոտ: Այն շատ համեղ պատահ էր ավարառուների համար: Դասան Ջալալյան կաթողիկոսը մանրամասն նկարագրել է քաղաքի գրավումն ու թալանը: Սունի բնակիչները, որ Սարու Թորփաղ թաղամասում էին, գիշերը բացեցին քա-

ղաքի դռները: Կովկասյան լեռնականները անխնա կոտորեցին ղալբաշներին ու շիաներին, որոնց արհամարհաբար «ղաջար» էին անվանում: Եսայի կաթողիկոսը գրում է, որ շուկայում արյան գետ էր հոսում: Քաղաքի 800 մեծամեծները իմամի մոտ էին ապաստանել: Սունի լեզգիները, որ ատելությամբ էին լցված շիա մահմեդականների նկատմամբ, բոլորին հենց մկիթում գլխատեցին: Դայերին շատ չէին վնասում, սակայն նրանց զավակներից շատերին գերի տարան: Թալանեցին ողջ քաղաքի հարստությունը: Ռուս վաճառականները կորցրին շուրջ 500 հազար ռուբլի³²⁰:

Երևանից ու Պարտավից պարսիկների զորքը եկել էր կանգնեցնելու թալանչիների առաջխաղացումը: Մինչ նրանք Կուրի ափին, Պարտավի մոտ հանգստանում էր, լեզգիները անսպասելիորեն հարվածեցին ու ոչնչացրին ծուլ ու դանդաղաշարժ բանակը: Կենդանի մնացածները փախան դեպի Դայոց Սղնախները: Պարսից արքունիքը ոչնչով չպատասխանեց լեռնիցների այս հարձակումներին, քանի որ ամբողջությամբ զբաղված էր Միր-Մահմուդի գլխավորած արշավանքների դեմն առնելու հոգսերով: 1722թ. մարտին լեզգիները «իբրև զմարախ քիւրք և հազարք հազարաց», անցնելով Դերբենտի դռները, ի վերջո, հայտնվեցին Դիզակում, այն թալանելուց և բնակիչներին կոտորելուց հետո անցան Վարանդա: Այստեղի մեկը Բաղր Բ-ն ընծաներով դիմավորեց նրանց, ազատեց երկրամասը ավերումից, միևնույն ժամանակ ազատագրեց դիզակցի գերիների մի մասին: Մեկը Բաղր Բ-ն Գեղարքունիքի (Սոդք-Մազրա) Շահնագարյան մեկիքական ճյուղից էր: Նրա նախնիներից Միրզաբեկը, որը Մեկիք Շահնագար Ա-ի եղբայրն էր, 1603 թվականին Վարանդա էր եկել պարսից Շահ-Աբաս Մեծի տված մեկիքության վկայականով: Մեկիք Շահնագարյանների այս ճյուղը, թիկունքում ունենալով հզոր շահի պաշտպանությունը, ետին պլան մղեց Վարանդայի ավանդական մեկիքական տոհմին: Միրզաբեկին հաջորդել են Բաղր խանը, Բաղր Ա-ն ու Մեկիք Շահնագար Ա-ն: Մեկիք Բաղր Ա-ն 1627թ. Մազրայից Ավետարանոց և Շուշի է տեղափոխում տեղի հայությանը: Արցախի գահերեց Ջալալյանների խորհրդով մեկիքը ամրացնում է այս բերդը: Մեկիք Բաղր Ա-ն «Օժանդակությամբ տեղական և նորեկ ժողովրդականաց փութացնում է Ավետարանոց բերդի (վերակառուցման) ավարտումը և իւր ապաստարանը հաստատում բերդումն»³²¹: Մեկիք Բաղր Բ-ն, որին Գյուլիստանի Մեկիք Բաղրից տարբերելու համար Բաղի էին ասում, շարունակելով իր նախնիների ավանդական ճկուն քաղաքականությունը, ոչ մեծ փրկագնով լեզու գտավ լեզգիների հետ: Իհարկե, մեկիքի այս ձեռնարկին թիկունք եղան և Ավան զորապետն ու Թարխան հարյուրապետը, որոնք շիրավանցի

³²⁰ Եսայի, էջ 44:

³²¹ Մակար Բարխուտարեանց, Պատմութիւն Աղվանքի, հ.Բ., էջ 43:

լինելով լավ գիտեին լեռնցի ավարառուների բարքն ու սովորությունները: Ընդհանրապես, մեծ կարևոր հարցերը սղմախի զինվորական խորհրդում են վճռվում: Իսկ խաչենում ոչ դիմավորեցին, ոչ էլ դիմադրություն ցույց տվեցին: Սա ևս վկայում էր Սղմախների անմիաբանության մասին: Ավարառու հրոսակները թալանում էին, մարդկանց գերևարում, տները հրկիզում: «Ջգերին եւ զանասուն ընդ միմեանս խառնեալ էին իրբեւ յիեղել յորդ», - գրում է Ջալալյան կաթողիկոսը, որը Գանձասարի վանքի բարձունքից տեսնում էր գյուղի կոտորածն ու կողոպուտը: Լեզգիները չկարողացան վճատել ոչ Ջրաբերդին, ոչ Գյուլիստանին, ոչ էլ Շուշիին: Սակայն լեռնցիների այս ասպատակությունները ցույց տվեցին, որ Սղմախները դեռևս պատրաստ չէին միացյալ ուժերով պաշտպանելու երկիրը: Որոշակի դիմադրություն ցույց տվին Ջրաբերդն ու Գյուլիստանը: Մելիքների Պետրոս Մեծին հղած նամակում հայտնվում է, որ 12 հազարանոց զորքով իրենք կռվել են լեզգի ավարառուների դեմ, կոտորել ու հեռացրել իրենց երկրից: Մելիքները հայտնում են, որ սպասում են ռուսական զորքի գալստյան³²²: Այդ ժամանակ էլ Իրանը ծնկի եկավ աղվանների առջև: Միր-Մահմուդը հաղթեց վճռական ճակատամարտում և իրեն նստավայր ընտրեց Սպահանի մոտ գտնվող շահի շքեղ պալատը: Շահի որդին Թահմասպը, փախավ Դազվին: Իրանի խաները շուտափույթ նրան շահ հռչակեցին: Իսկ կովկասյան լեռնականները, թալանն ու գերիներին անցկացնելով Կուր գետը, Չաջի Դաուդի և Կազի-Կումուխի առաջնորդ Սուրխայի գլխավորությամբ մայիսին պաշարեցին Գանձակը: Քաղաքին 30 հազարանոց զորքով օգնության հասավ Վրաստանի թագավոր Վախթանգը: Լեզգիները, խուսափելով բախտամից, հեռացան Գանձակից: Սակայն գանձակցիները հրաժարվեցին վրացիներին տալ օգնության դիմաց խոստացած ոսկին: Գանձակի Ջավադ խանը հուշեց վրացիներին, որ պարտքի դիմաց թալանեն սունի թուրքական ցեղերին, որոնց հրավերով էին ասպատակում լեզգիները: Եսայի Ջալալյան կաթողիկոսը, որը Գանձակ Վախտանգի հետ բանակցելու էր եկել, մանրամասն նկարագրում է վրացիների թալանը, որը ոչ պակաս պատուհաս դարձավ հայերի համար: Վրացի զինվորները ոչ մի տարբերություն չէին դնում հայերի ու թափառական ցեղերի միջև: Չայերը աղ ու հացով, տոնական զգեստներով դուրս էին գալիս դիմավորելու քրիստոնյա եղբայրներին, իսկ վերջիններս հարձակվում էին, հանում մարդկանց հանդերձները, կողոպտում եկեղեցիները, տները: Ողջ թալանի 10-րդ մասը 25 հազար ոչխար և 9 հազար արջառ, տվեցին իրենց թագավորին Վախթանգին: Եսայի Ջալալյանը գրում է, որ վրացիները իրենց ազահությամբ ու անողորմությամբ գե-

րազանցում էին լեզգիներին: Սակայն այս իրադարձությունները չխանգարեցին, որ Գանձակի մոտ Եսային բանակցություններ վարի Վախթանգի հետ և համոզի միացյալ ուժերով դիմավորել ռուսաց կայսրի զորքերին: Եսայի կաթողիկոսը վճռեց Վախթանգի հետ գնալ Թիֆլիս և այնտեղ շարունակել բանակցությունները միասնական ուժեր ստեղծելու համար, ինչպես նաև օգնելու Վախթանգին՝ նրա ուժերի մեջ ներգրավելու քիֆլիսահայությանը: Վախթանգի որդի Շահնավազը (քրիստոնեական անունը՝ Բակուր) հոր հանձնարարությամբ 30 հայ զինվորական ու քաղաքական զործիչների ուղարկում է Չայաստանի տարբեր գավառներում ապստամբություն նախապատրաստելու համար: Նրանց թվում էին այնպիսի զործիչներ, ինչպիսիք էին Դավիթ-Բեկը, որը գլխավորեց ազգային-ազատագրական շարժումը Դավաանում, Մելիք Եզանը, որն ամրացավ Դիզակում, շիրվանցի Ավանը: 1722 թ. սեպտեմբերի կեսերին Վրաստանի բանակը Վախթանգի հրամանատարությամբ շարժվեց դեպի Գանձակ: Չորքի մեջ, շնորհիվ Եսայի կաթողիկոսի ջանքերի, հայերը մեծամասնություն էին կազմում: Եսայի Ջալալյանը գրում է, որ Վախթանգը ավելի շատ հավատ ու սեր էր ընծայում հայերին, քան թե իր ազգին, որոնք «միշտ նենգավոր են եւ խորամանկ»: Երբ զորքը Նրամ գետի վրա Կոտրած կամրջին է հասնում, Եսայի կաթողիկոսն իր արցախցի ուղեկիցների հետ առաջ է անցնում, շտապում Գանձասար լուր հաղորդում Սղմախներին, որ միացյալ զորքով միանան վրացական բանակին: Դա մի բարեպատեհ ժամանակ էր արցախցիների համար, երբ ռուսական զորքի գալստյան լուրը հաշտեցրել էր Եսայի և Ներսես կաթողիկոսներին: Ներսեսը իր հոր մեծնեցի Սիմեոնի պես խոստացել էր իր բոլոր քայլերը համաձայնեցնել Եսայի կաթողիկոսի հետ: Չաշտվել էին նաև սղմախների հրամանատարները: Բուրն ընդունում էին Ավանի գլխավորությունը: Ավանը մի այնպիսի պաշտպանական համակարգ էր ստեղծել Շուշիում, որ այն արդեն գլխավոր հենակետ էր դարձել ողջ Արցախում: Չրամանատարական խորհուրդը որոշեց վրացիների հետ միացման համար 10 հազարանոց զորք կազմել, յուրաքանչյուր սղմախից հատկացնելով երկու հազարական սպառազեն հեծյալ: Ավանը Շուշիի (Փոքր) սղմախում կազմակերպել էր զենքի, ինչպես և վառոդի արտադրությունը: Իր փոխարեն սղմախում թողնելով եղբորը՝ Թարխան հարյուրապետին, զորքին զունարելով Դիզակից եկած զինվորներին, շարժվեց դեպի Գանձակ՝ ճանապարհին միացնելով Ավետարանոցի, Ջրաբերդի ու Գյուլիստանի սղմախներից առանձնացված զնդերը՝ Շրվան, Շահան ու Սարուխան հարյուրապետների գլխավորությամբ: Ըստ նախնական ծրագրի, հայ-վրացական միացյալ զորքը շարժվելով դեպի Շամախի, կջախջախի Չաջի Դաուդի լեզգիական ավարառուներին, կգնա ռուսական զորքին ընդառաջ և միասնական ուժերով կազա-

³²² Эзов, стр. 340-341.

տագրեն Հայաստանն ու Վրաստանը, կարչավեն Վրաստանի խորքերը: Եւստի հայտնի էր, որ շահ Թահմասալը Անդրկովկասում իր տեղապահ (վալի) Վախթանգին հանձնարարել էր Սղնախների հետ միացյալ ուժերով գնալ Շամախի լեզգիների դեմ: Ինչ խոսք, որ սա ռուսական զորքին ընդառաջ գնալու մի քողարկված առիթ էր ստեղծում: Եթե որևէ պատճառով ռուսների հետ միացումը չիրականանա, ապա Վախթանգը կվկայակոչի շահի հրամանը: Հայոց զորքը հայ իշխանների ու եկեղեցու առաջնորդների հետ հասան Գանձակի մոտ, Չոլակ վայրը: Վախթանգի զորքը, որը բանակել էր Ղոչղարի գետի (Ղարա-արխ) մոտ, ընդառաջ գնաց հանդիսավորությամբ դիմավորելու և ողջունելու հայոց զորքին: Եսայի կաթողիկոսը, որ քիչ ջանք չէր թափել այս միավորման համար, մեծ խանդավառությամբ է նկարագրում այս երկու բանակների հանդիպումը: Մեր պատմության մեջ օտար նվաճողների դեմ պայքարում երկու ժողովուրդների վերջին միասնությունը կայացել էր Ջաբարյանների ամիրսպասալարության ժամանակ XII-XIII դարերում, երբ փաստացիորեն վրաց-հայկական միացյալ պետություն էր ստեղծվել: Եվ ահա երկուստեք ուրախությունը չափ ու սահման չունեց: Բանակները ճակատ առ ճակատ կանգնել էին, ու նրանց միջև գոյացած տարածքում հայ ու վրացի քաջամարտիկ հեծյալները վարժություններ էին ցուցադրում, խաղում, մրցում միմյանց հետ, պարեր բռնում: «Փոշխառն ծուխ նորին իբրև զկայծակնափայլ ամպ արգելել զճառագայթս արեգականն մինչ զի զմիմեանս հազիվ տեսանեաք»: Բոլորին համակել էր անսահման ուրախությունը: Եկել էր քրիստոնյաների փրկության ժամը: Բոլորը տեղյակ էին, որ ռուսական զորքը առանց գնդակ արծակելու գրավել էր Ղերբենտի երկաթյա դուռը: Ռուսական զորքը դեռևս հուլիսին էր Պետրոս Առաջինի գլխավորությամբ անարգել շարժվել մինչև Ղերբենտ: Պարենը, հրետանին ու ձիերի մնացած մասը տեղափոխում էին նավերով: Սակայն նավերի մեծ մասը խորտակվեցին ծովում: Իսկ Գանձակում հայկրացական զորքը անհամաբեր սպասում էր Պետրոս Մեծի հրահանգին, անտեղյակ, որ Կայսրը հոկտեմբերի 4-ին Աստրախան էր վերադարձել: «Սպասում էին ինքնակալին, ինչպես Քրիստոսին՝ Երուսաղեմում», - գրում է Թիֆլիսի հայոց առաջնորդ, արքեպիսկոպոս Սինաս Փարվազյանը: Երկու ամիս սպասելուց հետո զորքերը բաժանվում են: Վախթանգը վճռականությամբ չի ցուցաբերում ընդառաջ գնալու ռուսներին, այլ անորոշության մեջ մնալուց հետո զորքով վերադառնում է Թիֆլիս: Հայոց գնդերը վերադառնում են իրենց սղնախները: Հայերն ու վրացիները կրկին մնացին երեք կրակի թուրքերի, պարսիկների ու կովկասյան լեռնցիների արանքում: Ինչպես ցույց տվեցին հետագա իրադարձությունները, ռուսաց կայսրը չվեղական պատերազմից հետո լավ էր զգում իր զորքի հնարավորությունները,

ու ամենևին էլ մտադիր չէր ուժասպառ բանակով բախվելու թուրքերի կամ պարսիկների հետ: Եւստի նա նպատակադրվել էր օգտվել Իրանի թուլությունից և նրանից խլել Կասպից ծովի արևմտյան եզերքը: Ղերբենտից հետո ռուսական զորքը առանց ճիգերի գրավեց Բաքուն ու Ռեշտը: Իսկ ողջ Անդրկովկասի գրավումը թողեցին հետագային: Պետրոս Մեծը հանձնարարեց հայտնել շահին, որ Շամախու վրա են գնում ոչ թե Իրանի դեմ պատերազմելու, այլ պատժելու լեզգի խռովարարներին, որոնք նեղություն են պատճառել ռուս վաճառականներին, միևնույն ժամանակ արգելելու Թուրքիային գրավելու Կասպիականի ափերը: Ի վերջո, Իրանը ստիպված եղավ դաշնագրով այն զիջել Ռուսաստանին: Ռուսները նույն միջոցին բանակցում էին Օսմանյան Թուրքիայի հետ, որը ևս ձգտում էր օգտվել Իրանի թուլացումից ու գրավելու Հայաստանն ու Վրաստանը, ինչպես եւ արգելակել Ռուսաստանի առաջընթացը: Եթե Վախթանգը չսպասեր ռուսների հատուկ հրահանգին և միացյալ զորքով շարժվեր դեպի Շիրվան, երկի քաղաքական կացությունը այլ ընթացք կստանար: Ի վերջո, ռուս զինվորականներն ու դիվանագետները մեղադրում էին Վախթանգին դանդաղկոտության և անվճռականության համար: Կախտեթիայի Մուհամմադ-ղուլի խանը (Կոստանդ), որը մահմեդականություն էր ընդունել, միանալով Գյանջայի Օղուրլու խանին և Երևանի, Բորչալուի, Ղազախի բռնավորներին, գրում են պարսից շահ Թահմասալին, որ Վախթանգը միաբանելով Հայոց Սղնախների հետ, ռուսներին հրավիրում են տիրելու Իրանը: Անխոհեմ շահը պահանջեց, որ իրեն բերեն Վախթանգի գլուխը: Մուհամմադ ղուլի խանը մատնությամբ մտնում է բերդն ու թնդանոթներով ոմբակոծում նրա ապարանքը: Վախթանգը վրացիներից ու հայերից զորք է հավաքում և ուրացող Կոստանդինին դուրս քշում Թիֆլիսից: Վերջինս դիմում է լեզգիների օգնությանը, որպես վարձ խոստանալով, որ թույլ կտա թալանելու Թիֆլիսը: Եվ ահա հետևում է Կովկասյան ավարառուների հարձակումը Ալխուլթանի գլխավորությամբ: Վախթանգը, որ մշտական զորք չէր պահում, փախչում է, ապաստանում Գորի բերդում: Լեզգիները թալանեցին Թիֆլիս քաղաքն ու շատերին գերի տարան՝ ծանր տուրք դնելով քաղաքացիների վրա: «Ղերվիշ-Մահամադ-աղան (մահմեդականություն ընդունած Շաքի-Չերեթի հայազգի տերերի ժառանգներից, - Բ.) գնալով դեպի Թիֆլիս, Մուհամմադ ղուլի խանի հետ մի քանի անգամ տեսակցեց, համոզեց, որ նվիրական խլանական կրոնի պահապանին եւ ամբողջ աշխարհի վեհափառ խալիֆին ի սրտե հավատարիմ եւ հպատակ կլինի, - գրում է Իսմայիլ-Ասըմ էֆենդի Չելեբի գաղեն: Վախթանգը եւ որդին՝ Շահնավազը, հպատակություն են հայտնում (թուրքերին) եւ հանձնում Գորի բերդը»³²³: Մուհամմադ ղուլի

³²³ Իսմայիլ-Ասըմ էֆենդի, «Թարի Չելեբիգաղեն», Թուրքական աղբյուրները

խանը, որը շահ Թահմասախի նախրն էր, ու նրան էր հանձնված Վրաստանի, Արարատյան նահանգի ու Քանձակի տարածքները, ինչպես ու Արցախը, պատվիրակ է ուղարկում Շուշի Ավան գորապետի մոտ, առաջարկելով բարձր պաշտոնով և ռոճիկով ծառայության մտնել իր մոտ: Փոքր սղնախի (Շուշի բերդի) զինվորական խորհուրդը մերժում է, ուրացող խանին պատասխանելով, որ իրենք ռուսական «իմփերաթորին» են ծառայում, ու սպասում են նրա զորքի գալուստին, իսկ եթե ռուսները չգան, ապա իրենք կցրվեն իրենց տները, բայց երբեք չեն ծառայի հավատուրաց խանին: Վրաց խանը, որ մատնությամբ ու լեզգիների միջոցով հաղթել էր Վախթանգին և առիթ էր որոնում սղնախի գորապետ Ավանին ևս հաղթելու համար, իր գործը միացնելով Երևանի բերդի պարսկական զորքի հետ, շարժվում է դեպի Արցախ: Սղնախների զորքը Ավանի գլխավորությամբ ընդառաջ է դուրս գալիս վրաց-պարսկական միացյալ բանակին, ճակատամարտում կատարյալ հաղթանակ տանում և դուրս քշում Հայոց Սղնախներից: Պարտված խանը նահանգի ճանապարհին իր վրեժը լուծում է Քելարքունի գավառի հայերից, կոտորելով երկու հազար անմեղ բնակիչներին³²⁴:

Պետրոս Առաջինը Իրանը նվաճած Միր-Մահմուդի, Իրանի շահ Թահմասախի, Օսմանյան Թուրքիայի հետ միաժամանակյա դիվանագիտական և աշխույժ խաղերին զուգահեռ, անընդհանու ձգտում էր պահել հայերի ու վրացիների հավատը դեպի ռուսական ազատարար արշավանքը: 1723 թ. հունիսի 3-ին կայսրը գեներալ Ֆյոդոր Ապրաքսինի և գաղտնի խորհրդական կոնս Պյոտր Տոլստոյի հետ քննարկում է հայ ժողովրդին հղված հրովարտակը, որը պետք է ուղարկվի հատուկ դեսպանի հայազգի Իվան Կարապետի միջոցով: Այս փաստաթղթի ստեղծման առիթը Երիցմանկանց վանքի կաթողիկոս Ներսեսի և մելիքների նամակն էր ուղղված Պետրոս Մեծին, «վերև Աստված, նեքրում դու... ազատիր մեզ...»: Ներսեսը, որ առերես հաշտվել էր Եսայի կաթողիկոսի հետ, նամակում նրա անունը չի հիշատակում: Դա հակաթոռ կաթողիկոսի կողմից մի փորձ էր Քանձասարի աթոռից խելելու ազատագրական շարժման մեջ գրաված դեկավար դիրքը: Արքունիքը գրում է մի երկրորդ փաստաթուղթ ևս, որը կոչվում է Մեմորիա (հուշագիր): Պետրոսի հրովարտակը գրված է ընդհանուր խոսքերով և անորոշ արտահայտություններով: Այն ոչ մի կոնկրետ խոստում չի պարունակում հայ ժողովրդի ազատագրության գործում օգնություն ցույց տալու մասին: Հիմնական խնդիրը հայ առևտրականներին օգնությունն է, որպեսզի նրանք ակտիվ գործունեություն ծավալեն Կասպից ծովի շրջանում: Կանցլեր Գոլովինը բացատրում էր, որ

այդպես է գրվել, որպեսզի եթե հրովարտակն ընկնի թուրքերի կամ պարսիկների ձեռքը, դրա պատճառով նեղություն չտան հայ ժողովրդին: Իսկ իրական օգնության ծրագրի մասին Պետրոս Առաջինը գրել է «Հուշագիր» մեջ, որտեղ հայտնում է, որ իրազեկ է հայ ժողովրդի ծանր վիճակին, ուստի նպատակահարմար է գտել ուղարկել իր դեսպանին հանձնարարելով վստահեցնել ժողովրդին, որ ինքը նրան վերցնում է իր հովանու տակ և պատրաստ է ազատել օտար լծից: Բայց այդ ձեռնարկից առաջ նա ցանկանում է ամրանալ Կասպից ծովի ափին, նոր միայն օգնության ձեռք մեկնել³²⁵: Պետրոս Մեծը Հայոց Սղնախներ որպես պատվիրակ (էլչի) ուղարկեց հայազգի Իվան Կարապետին, որը Պետերբուրգում բնակություն հաստատած հայ առևտրականներից էր: Նրա եղբայրը՝ Ղուկաս Շիրվանովը (Лука Ширванов), ցարական արքունիքում որպես թարգմանիչ էր ծառայում: Ըստ ռուս պատմաբան Վ.Լիսցովի՝ Իվան Կարապետը նույն Իվան Եփրեմովն է, որը հայ երկու այլ առևտրականների հետ միասին 1723 թ. մայիսի 10-ին հրավիրվել էր սեմատ և հանձնարարություններ ստացել՝ Ռուսաստանում առևտուրը զարգացնելու համար³²⁶: Իվան Կարապետը արցախցի չէ, ինչպես ենթադրում էին որոշ գիտնականներ: Դա մատնում է նրա զեկուցագրերի և նամակների բարբառը, որն ավելի մոտ է Շիրվանի խոսվածքին: Իհարկե, Շիրվանի բարբառը ևս արցախյան բարբառի ճյուղերից է: Ի վերջո, Իվան Կարապետը Ղլարում (այժմ Կիզյար) մետաքսի գործարան էր հիմնել: Եթե նկատի ունենանք նրա եղբոր Շիրվանով ազգանունը, ապա պատվիրակի տոհմը Շամախիից է: Բաքվում Պետրոսի պատվիրակ Իվան Կարապետը հանդիպում է կայսեր մոտ մեկնող ղարաբաղցի պատվիրակներ շամախեցի Անտոն քահանա Առաքելյանին ու քոխվա Չալաբին³²⁷, որոնք Պետրոս Մեծին էին տանում Եսայի կաթողիկոսի և զորապետների նամակը: Եսային, նկարագրելով իրավիճակը, խնդրում է Ռ(1000) զինվոր ուղարկել Արցախ, «միայն թե Քո անունը մեզ վրա լինի, մենք Քո զորությամբ և Աստծո խնամակալությամբ կարող ենք հալածել Քրիստոսի խաչի թշնամիներին»³²⁸: Իվան Կարապետի ուղևորությունը Պետերբուրգից մինչև Արցախ տևեց շուրջ յոթ ամիս, որի ընթացքում նոր իրադարձություններ էին տեղի ունեցել տարածաշրջանում: Հայության կացությունը հետաքրքիր է նկարագրում Սալյանի վանքի Ալեքսան քահանան՝ 1723 թ. դեկտեմբերի 20-ին Դերբենտի պարետ Յուզգերին ուղղված նամակում. «Պա-

³²⁵ Эзов, стр. 357.

³²⁶ В. Лысцев, Персидский поход Петра I, М., 1951, с. 59.

³²⁷ Քոխվա Չալաբին մի դժբախտ հայ էր, որի 19 հոգուց բացկացած ընտանիքը գերել տարել են լեզգիները: Ես հույս ուներ իր այս դեսպանական առաքելությունների ընթացքում ռուսների օգնությամբ ազատել ընտանիքը գերությունից:

³²⁸ Эзов, стр. 365.

Հայաստանի, հայերի և Անդրկովկասի մյուս ժողովուրդների մասին, հ. Ա, 1973, էջ 130:

³²⁴ Լեո, հ. 3, գ. 2, էջ 212:

քում, որ հայ էլ չի (դեսպան, - Բ.) Կարապետ կայր, թաքավորն հրաման էր տվել, եկավ ԻՉ (26) օր գեղըս, դեկտեմբերի 24-ին գնաց Հայոց Սղնախն վեց մարդով: Որ Սուրխայը՝ Շամխալի դղեն, գնացին դեպի Ղարաքաղ, դեպի Ա-գուլխս, մինչև այսօր խաբար չկա, որ ճշմարտություն գրենք...: Իսմի դղեն գնաց, Քոռն (Կուր գետը) անցավ, գնաց Շահսևանի վրայ, չաշմիչ առին, շատ ապրանք բերին: Յետով Իսմի դղեն էլ գնաց դեպի Ղարաքաղ (թալանի- Բ.): (Օսմանցիք) ԿՌ (60 000) մարդով եկին Փանջու վրայ, տասներկու փաշայ ին, թովխանբարայ (հրանոթ) շաղ ունին, քաղաքի մինչև կեսն առին, մեր հայոց ազգն ողջ ապրանքն թալանեցին, որն կողորեցին, որն գերի դարան: Ով փող ուներ՝ գնաց իր երկսեքն ետ առին: Կաթուն տուն բշեցին, դարան Հոռոմաց դուն (Թուրքիա), մնացյալն փախստական, մերկ, պոպիկ, գնացին Հայոց Սղնախն (Արցախ): Սայ է մեր հայոց հալն...: Թե իմանաս, Փանջու վրա՝ փախան հոռոմեցիքն: ԲՌ մարդ էր կողորովել: Գնացին Թիֆլիզ, կեսըն գնացին Ըստանպոլ, որ արգ անեն իրանց խանքարին՝ էղ շատ դոշուն (գորք) վեր առնեն, որչափ որ երկիր կայ՝ էլ շատ դոշուն վեր առնեն գան...»³²⁹: Հոկտեմբերին 80 հազարանոց թուրքական բանակը Իբրահիմ փաշայի գլխավորությամբ արշավեց Փանծակի վրա: Թուրքերը 20 օր ավերում էին Փանծակի հայոց գյուղերը, շատերին գերեվարում: Սղնախներից մի պատվիրակություն դիմեց Իբրահիմ փաշային, պահանջելով, որ արծակի հայ գերիներին: Թուրք փաշան հայերի համակրանքը շահելու համար արծակեց հայ գերիների մի մասը: Ապա Իբրահիմը պատվիրակ է ուղարկում Ավան գորապետի մոտ, առաջարկելով նրան իր գործով միանալ իրենց: Իհարկե, թուրքերը որոշ տեղեկություններ ունեին Շուշիի վերակառուցված բերդի մասին: Ավանը, խորհրդի հրավիրելով հրամանատարներին, մերժեց թուրք գորապետի առաջարկը: Իսկ դրա փոխարեն Ավան գորապետն իր գնդով շտապում է օգնելու Փանծակի պաշտպանությանը: Դեռևս նախորդ տարվա հոկտեմբերին, երբ սղնախների գործերը վրացիների հետ միանալու էին գնացել, Ավանն ու Եսայի կաթողիկոսը Փանծակի խանի հետ փոխօգնության դաշինք էին կնքել: Քաղաքի մատույցներում տեղի ունեցած ճակատամարտում թուրքական բանակը, կորցնելով 2000 զինվոր, պարտվում է ու շտապ հեռանում դեպի Թիֆլիս, այստեղ կազմալուծվում: Թուրքերն արդեն հասկացան, որ դեպի Կասպից ծով տանող ճանապարհին իրենց առջև ծառայել է մի հզոր ամրոց, որը շատ դժվար կլինի անցնել: Դա Արցախամուր աշխարհն է իր պաշտպանական հզոր համակարգով՝ Հայոց Սղնախներով: Փանծակի ճակատամարտը դեպի Կասպիականի ափերը թուրքական արշավանքի առաջին լուրջ անհաջողութ-

³²⁹ Ա. Գ. Աբրահամյան, «Մի էջ Անդրկովկասի ժողովուրդների և հայ-ռուսական հարաբերությունների պատմությունից», Եր., 1953, էջ 143-144, (Այսուհետ՝ Աբրահամյան), տես նաև՝ ГАФКЭ, ф. С РА, 1724, Но. 4, л. 2.

յունն էր: Իսկ Սղնախների զինվորները, առաջին անգամ բախվելով թուրքական կանոնավոր բանակի հետ, հավատացին, որ կարող են հաղթել: Ներսեյին զուգահեռ օրեցօր հզորացող Շուշիի սղնախի հետ սկսեց հակադրվել և Գյուլխստանը, որի մեկիք Բաղիրն ամեն քայլի դիմում էր Արցախից հեռացնելու ազատագրական պայքարին լծված շիրվանցիներին: Բաղիրը, իբր հաշտվելու նպատակով, Գյուլխստանի բերդ է հրավիրում Շիրվանի ջոկատի 45 հրամանատարների, հյուրասիրում, ապա բոլորին գլխատում, գլուխները ուղարկում շահ Թահմասպին նվեր³³⁰: Նա նամակ է գրում Իրանի շահին, հրավիրելով գալ Ղարաքաղ և կոտորել ապստամբներին: Սյունիքում ևս ազատագրական ապստամբություն էր բռնկվել Դավիթ Բեկի գլխավորությամբ, որը երկրամասից դուրս էր բշում պարսից իշխանավորներին: Թե՛ Ավանի և թե՛ Դավիթ Բեկի առաջին հաջողությունները խուճապ են առաջացնում իրանական արքունիքում: Թահմասպ II-ի գահակալությունից անմիջապես հետո նորընծա շահին են ներկայանում Ղարաքաղից եկած իրանամետ Գյուլխստանի, Գարդանքի պատգամավորները, որոնք տագնապով պատմում են Արցախի ապստամբության մասին, ավելացնելով, որ այն ծավալվելով, սպառնալից բնույթ է ստացել և եթե շտապ միջոցներ չձեռնարկվի, շուտով Փանծակի և Երևանի բերդերը ևս նրանց ձեռքը կանցնեն³³¹: Ըստ երևույթին, այս պատգամավորների մեջ էր նաև հետագայում Դիզակի մեկիք կարգված Եզանը: Այս մասին մտածելու հիմք է տալիս մեկիք Եզանի տան դռան շուրջը նրա թողած արծանագրության սկիզբը «ՌՋՁՁ (1737թ.) Այս ընդունարանս անունն է Սեկիք Եզան, նախապես ժողովուրդը հավաքվեց և հիշատակ է: Այսպես է, որ ես՝ Դուկաս վարդապետի որդիս, որ ի ինձ քոյխվա (տանուտեր) կարգեց: Դրանից հետո երկիրը խառնակության մատնվեց, Սուլթան-Հուսեյնի որդի շահ Թահմասպ թագավորին որոշ ծառայություն մատուցեցի, և նա բերեց սրանց (վրա) (Դիզակի, - Բ.) ինձ մեկիքություն տվեց: Այսուհետև օսմանցին եկավ...»: Ինչ խոսք, որ շահը հենց այնպես, առանց կարևոր ծառայության Եզանին մեկիք չէր կարգի: Սակայն Եզանի այս քայլը դժվար է դավաճանություն համարել, քանի որ այստեղ որևէ խոշոր պետության նկատմամբ կողմնորոշման խնդիր է, կար նաև այն համոզմունքը, որ դեպի անհայտ, թեկուզ և քրիստոնեական Ռուսաստանը կողմնորոշումը, ի վերջո, կործանարար է, քանի որ այդքան մոտ գտնվելով, նրանց գործերը զլացան օգնության ձեռք մեկնել հսկա Թուրքիայի դեմ օրհասական կռիվ մղող արցախցիներ-

³³⁰ Լեո, էջ 145:

³³¹ Մուհամադ-Քազիմ, Լամե-յե Ավամարա-յե Լադերի (պարսկ. բնագիր), հատ 1, Մոսկվա, 1960, էջ 99 (այսուհետ՝ Մուհամադ-Քազիմ), ինչպես նաև՝ Հակոբ Փափազյան, «Հայ-իրանական զինակցությունը 1726-1736 թթ. և արևելյան Հայաստանի քաղաքական իրավիճակը Լադիր-շահի օրոք», Բաևեր Երևանի համալսարանի, 1972, N12, էջ 92:

րին³³²: Բարձրագույն դիվանի վաքիլ նշանակված Մուրթուզա-Կուլի խանը կարգադրում է ամիր Ռոստոմ Կարակոյունլուին 20 հազարանոց բանակով գնալ Ճնշելու հայերի ապստամբությունը: Միաժամանակ հրահանգ է ուղարկվում Մարաղայի, Ուրմիայի, Խոյի, Սալմաստի, Դունբալիի, Բուրզու-շատի և այլ շրջանների խաներին ու ամիրներին, որ իրենց զորքերով հիջրայի 1135-ին (1723թ.) զինվեն թավրիզում: Սակայն մինչ խաները կներկայանային, ենթարկվելով պալատականներից Մահամադ-Ալի խանի սադրանքին, շահը հրամայում է գլխատել Մուրթուզա-Կուլի խանին: Սա գորքերի, դասալքության ու խաների միջև պառակտման պատճառ է դառնում: Պետրոս Մեծի պատվիրակ Իվան Կարապետը իր ուղեկիցների հետ Սալմասի հայկական վանքում վարդապետական հանդերձներ հագնելով, ինն օր գնում և դեկտեմբերի 30-ին հասնում է Փոքր սղնախ՝ Շուշի, հյուրընկալվում Ավան և Միրզա գորահրամանատարների կողմից: Ողջ Շուշին ցնծությամբ է ընդունում ռուսաց ինքնակալի պատվիրակին և նրա հորվարտակը հայ ժողովրդին: Ավանը հունվարի 1-ին Շուշի է հրավիրում Դիզակի և Կարանդայի զինվորականության, եկեղեցու ու բնակչության ներկայացուցիչների և ընդունում ռուսական հպատակության հավատարմագիր. Ավանը հրավիրում է Դիզակի ու Կարանդայի զինվորականության, եկեղեցու, բնակչության ներկայացուցիչներին ու ընդունում Դիզակի ու Կարանդայի բնակչության ռուսաց հպատակության հավատարմագիրը, որը Իվան Կարապետն իսկույն ուղարկում է Պետրոս Ա-նաջիին: Ահա հիմնավորք բերդի վերականգնումից հետո Շուշիում գրված առաջին փաստաթուղթը. «Պատճառ գրոյս այս է, որ թվին փրկչի 1724 յունվար ամսի չորսուն մեք Դիզագոյ ու Կարանդոյ երկրիս ուզբաշեքս, և մեք մեր թամամիյ մեծով ու փոքրով, վարանդապետով ու քահանայիքը, մէլիքով ու քողտղէքով, քէվխով և ըռայթով, թամամի մեր ասկարովս, ներքոյ գրեալքս մեր կամօքն և մեր յոժարութեամքն ծառայ դարձանք վերոգրեալ մեծին արքային, որ էս թարեղեն մինչի գալուստն Քրիստոսի կամք ներքոյ հրամանին, որ ինչ որ մեծ թագավորն մեզ հրաման առի, ուր հրամանն կատարեմք: Եվ եթե ինչ որ հրաման առի, հրամանըն կատարեմք ոչ, դառնամք, թէ խաբեմք, մեր գլուխն՝ մեր ապրանքըն թագավորին լինի, առաջի աստծոյ թագավորն անպարտ լինի՝ մեք պարտական լինեմք:

Գրեցավ գիրս Շուշոյ Սղնախումն թին հայոց ՌՅԶԲ (1724) յունվար ամսուն, գրոյս վերջ»:

Հայոց Սղնախները, որպես վարչատարածքային միավոր, իր ռազմաքաղաքական իրավիճակով ճանաչվում էր հարևան երկրների ու խանությունների կողմից, և բոլորն էլ հաշվի էին նստում նրա փաստացի գոյության, ուժի հետ: Սակայն նրան մի լուրջ քայլ էր մնում կատարել դեպի պետակա-

նություն, որի վճռականությունն ու կամքը չունեցան արցախցիները: Ավելի շուտ հարցը այդպես չէր էլ դրվել: Նախ պետք է որոշվեր, թե որ հզոր երկրի խնամակալության տակ պետք է ստանան այդ կարգավիճակը: Ահա այս հարցում ևս Արցախի ուժերի մեջ նոր պառակտում առաջացավ: Ներսես կաթողիկոսը դրժում է Եսայի Ջալալյանի հետ հաշտությունը և Ջրաբերդում ստեղծում միայն իրեն ենթակա ռազմական հենակետեր: Պառակտման գլխավոր պատճառը նրա կողմնորոշումն էր դեպի Օսմանյան կայսրությունը, որի հարձակումից Արցախը պաշտպանող ուժ չէր տեսնում: Նա իր եղբոր՝ Ջրաբերդի Մեծ սղնախի հրամանատար Սարգիս հարյուրապետի հետ բաժանվում է Գյուլիստանի սղնախից, ստեղծում իր առանձին կայանն ու ձգտում ջլատել Սղնախների ուժերը: Սղնախների ներքաղաքական հարաբերություններում որոշակի լույս են սփռում մոսկովյան արխիվներում պահպանված նամակները: Երիցմանկանց վանքի Աղվանից Ներսես կաթողիկոսը, 1774 թ. հունվարին նամակ է գրում Պետրոս Մեծի դեսպան Իվան Կարապետին և թարխան հարյուրապետին. «Ի տեր Ներսես կաթողիկոսի օրինութեամբ ել բազում սիրով եւ ողջունի ծանուցումն լիցի հոգեւոր սիրեցեալդ մերոյ պարոն էլչի Իւան Կարապետիդ եւ պարոն թարխան ուզբաշիդ: Չեր թուղթն մեզ հասավ ծեռամբ Օղուզին (նամակատար - Բ.), ամենայն որպիսութիւն լիով իմացանք: Բայց այն մասլահաթին՝ թուղթ գրելոյն դեպի հիւսուսոյնցն (Ռուսաստան - Բ.) զայն դուք գիտասաջիք՝ թե մասլահաթ է՝ է՞ր չէիք գրել, տուք սոքա եղբայր եք, լինի թե աստուծոյ ողորմութեամբ օգնութիւն, այն եկած թղթեր (Պետրոս Մեծի հրովարտակը - Բ.) թէ որ մէք էլ տեսնէինք, մեղք չէր: Մեր եղբայր Եսայի հոգեւոր տէրն թե տեստ է, մեշխուջնութիւն չանեմք: Եւ այլ դուք լերուք ողջ տերամք: Դարձեալ հոգեւոր որդի իմ թարխան, շատ խորհրդավոր բան շատ ունիք ընդ քեզ, մին էստըլարի մարդ ուղարկէտ, որ իմ խորհուրթս իմանայ: Եւ դու թէ գալու լինիս դեպի Սոխրաթաղ, չգաս առանց իմ թղթի, եւ ամենայն կապի պատրաստ կաց, այտ կողմանետ այլ խոսք եմ լսում: Դարձեալ մեր Սարգիս (Ջրաբերդի հրամանատարը, - Բ.) ընդ քեզ է ճշմարտապէտ, որ այլ ուրիշ խօսկ ականջտ չնըտնու, Չանկաթաղե կողմանէն, գիտեն, խօսկ ես լսել, Օղուզն գիտե, որ քեզ կասի: Եվ դու լեր տէրամք»: Նամակը ստորագրել էր նաև Սարգիս հարյուրապետը: Եթե Գանձասարի Եսայի կաթողիկոսն անվերապահորեն հավատում է ռուսաց գալուն ապա շրջահայաց Ներսես կաթողիկոսը Մելիք Թամրազին ուղղված պատասխան նամակում գրում է, «...Միայն այտ ըռուսացտ գալն չէինք գիտում, թե ինչպես է, փոքր գալն մեզ օգուտ չկայ, լերուստ կողմանէ օսմանցիք լսեն՝ հայկական ազգիս լաւ չի, մինչեւ թէ աստուած այց անէ, որ բազմից գօրք թագավորի գան...»³³³: Ռուսական հպա-

³³² Յ.Փափազյան, ԼՆԳ N5, էջ 77:

³³³ Նույն տեղում, էջ 152:

տակություն ընդունելու խնդրում չի շտապում նաև Գյուլիստանի մելիք Բադին, որը երևում է հունվարին Ավետարանոցի հրամանատարներ Թարխանին և Բադի յուզբաշուն գրած նամակում. «Մելիք Պաղես պարով հասցե ձեզ՝ Թարխան ուզբաշի, Պաղի ուզբաշի: Եղ ուռուսեղ գիր էր պերեր, յգե տեսնիքը Ինչ որ քրեյ կո գայթ, ես կո դամ: Մեր կողմանակա քիլ չիլի: Հալպաթ, հազար հալպաթ, կանոխ (շուտ - Բ.) յղե տեմի, այլեայլ չի անիք, տեսնում եք թե ժամանակս ինչպես այ, մուղայթ կենաք (զգույշ եղեք - Բ.), ամեն պանուն փարաղաթ (դանդաղ) մեք կենալ: Ես դուք ողջ լերուք, բալ է»³³⁴: Պետրոս Մեծի պատվիրակ Իվան Կարապետը 1724-ի հունվարի գեկուցագրում հայտնում է, որ երեք սղնախներ հնազանդություն են հայտնել, իսկ մյուս երկուսը՝ Ջրաբերդն ու Գյուլիստանը դեռ չեն համաձայնել: Մեկը օսմանվիկն է ուզում, մյուսը՝ ղզբաշին, հայտնում է պատվիրակը, ավելացնելով. «Էս խայերին գլուխ չկայ, առանց գլուխ ան, չուն ուրենց միջումն մեծաւոր չունեն»³³⁵: Իսկ նույն տարվա փետրվարի 2-ի գեկուցագրում հայտնում է. «Ներսես կաթողիկոսը եւ իր եղբայր Սարգիս ուզբաշին եւ Աբրահամն եւ երկու Եսային օսմանլուին են ուզում», իսկ Գյուլիստանի մելիք Բադերի մասին գրում է, որ ղզբաշին է ուզում, հաճախակի հարձակվում է, հայկական գյուղերը թալանում, այրում տները... Այստեղ ուզում են գնան նրա փոքր բերդը այրեն, բռնեն մելիքին: Նա 55 ուզբաշիների կանչել էր իր տունը, պատիվ տվել, գլուխները կտրել, ուզարկել շահին: Վերջում պատվիրակն ավելացնում է. «Մինչեւ նրան չբռնեն, ես Մեծ Խայերի (Սյունիք - Բ.) չեմ կարող գնալ»³³⁶: Իսկ դրանից առաջ գրել էր, որ Ջրաբերդի հրամանատարներ Սարգիսն ու Աբրահամը «եկին, մին գեղ չափմիշ (թալան - Բ.) արին, հայի գեղ»: Այս առիթով բողոքի նամակ ստանալով Իվան Կարապետից, Գանձասարի կաթողիկոս Եսայի Ջալալյանը մարտի 5-ին գրած պատասխանում իր հերթին բողոքելով Թարխանենց (Ավետարանոցի սղնախ) ու գյուլիստանցոց միջև ծագած կռվից, գրում է. «Այս տղացոց գեղի վերայ կոհին՝ ինձ վերայ թօհմաթ էք գրել, ես դոցա վաքիլ չեմ, կամ թե՛ ո՞նք են լսում: Դուք հալա Փարազ իք, որ ես ես տեղեն դուրս եկի, գնացի ներքին գեղաւեքն, այլ չգիտեմ՝ ի՞նչ բանի վերայ այդպես արին: Յառաջ ի եկել ին պարիշել, հիմա լ դպես են արել... մեկին հետ խոսում ես, մեկն խոսվում... ես խօ նոցայ կամ դոցայ ընկեր չե՞մ»³³⁷: Պատվիրակը դեռևս հունվարի 5-ին ներքին միաբանություն ստեղծելու փորձ էր արել, ստիպելով Սղնախների հրամանատարներին վստահագիր տալ Գյուլիստանի մելիք Բադուն

³³⁴ Նույն տեղում, էջ 150:

³³⁵ Նույն տեղում, էջ 156:

³³⁶ Նույն տեղում, էջ 158:

³³⁷ Նույն տեղում, էջ 178:

չվնասելու մասին: Վստահագրում ասվում է. «Պատճառը գրոյս այս է, որ թիվն ՌՅԳ յունվարի ամսի հինգումն, մեք՝ Շուշի սղնախի գլխավոր՝ ես Ավան եւ ես Միրզայ ուզբաշիս, մեք մեր թաբուն թալեղովն, եւ մեր սղնախի մեծով եւ փոքրով, քվիտով եւ քաղխողեքով եւ ըռոյթով, մեք ես գիրս տվինք էլչի բեկ Իվան Կարապետին մելիք Բադերին ջահտուն: Թե՛ մեք մեր Սղնախի մեծով եւ փոքրով եւ մեր թաբուն թալեղովն, ես ըլքզոմըս տվինք էլչի բեկին մելիք Բադերն բերե՛ մեր սղնաղն, եւ թե՛ ինչ տեղ որ բերի, թե՛ մելիքին սպանենք կամ բռնենք եւ թե՛ նեղութուն տանք, մեր գըլուխն եւ մեր ապրանքըն թագաւորին լինի եւ մեք գունախար լինենք...»³³⁸: Ինչպես վկայում են հետագա իրադարձությունները, վստահագիրը, զորականների երդումը չհաշտեցրեց մելիքին: Անշուշտ, հիմնական պատճառը հայրենի եզերքի փրկության խնդրում քաղաքական կողմնորոշումն էր: Ավան զորավարը դժվարությամբ էր զսպում իր զինվորներին դեպի Գյուլիստան պատժիչ արշավանք կատարելուց: Բուրդն էլ լավ էին հասկանում, որ թուրքական բանակը վերստին կգա: Ավան զորավարը Իվան Կարապետի միջոցով մի հայտարարություն է ուղարկում ռուսաց արքունիք՝ Շուշիի սղնախի զինված ուժերի մասին: Ըստ այս փաստաթղթի, Շուշիի գունդը կազմված է հրազենով զինված 500 հոգիանոց հեծելազորից: Իսկ մնացած 6400 հոգին հրազեն ու ձի չունեին: Գրության հեղինակը ռուսաց կայսրին խնդրում է «օգնել հրազենով ու ռազմապաշարով, որպեսզի ծառայեն ռուսաց շահերին»³³⁹: Գանձասարում ևս ցնծությամբ են ընդունում ռուսաց կայսրի հրովարտակն ու նրա պատվիրակին: Եսայի Ջալալյան կաթողիկոսը ժողով է գումարում վանքի գավթում: Եսայի կաթողիկոսը, որ Սղնախների քաղաքական ղեկավարն էր, ու Ավանը, որը ռազմական ղեկավարն էր, լավ էին հասկանում, որ այս հրովարտակի ու պատվիրակի միջոցով կարող են փրկել Ղարաբաղն ու Սղնախները տրոհումից, և միավորող ուժ կհանդիսանան: Երեք սղնախներից՝ Դիզակից, Վարանդայից ու Խաչենից, Գանձասարում են հավաքվում 12 հազար զինվոր: Ութ օր այստեղ համաժողովրդական տոնախմբություն էր: Եսայի կաթողիկոսը Գանձասար է հրավիրում Ներսես կաթողիկոսին ու Ջրաբերդի զինվորականներին: Սակայն Ներսեսը մերժում է պատճառաբանելով, թե Սարգիս, Թարխան ու Փանի հարյուրապետները Թթոտ գյուղ են գնացել (ոչ հեռու Ջրաբերդից), իսկ ինքը ձի չունի, որ Գանձասարի վանք հասնի: Իվան Կարապետը մարտի 10-ի գեկուցագրում հայտնում է. «...քանի մարդից լսեցի՝ թե՛ Գոլստանայ (հավանաբար, խոսքը Ջրաբերդի մասին է) դալին (բերդ) գլխավորն Սարգիս եւ Աբ-

³³⁸ Նույն տեղում, էջ 147:

³³⁹ Ա. Գ. Աբրահամյան, էջ 145:

րահամըն օսմանը վիճակը բարձր ան, քեզ քե սպանեն: Ես թաղաֆուլ տվի, գնացի, ես հայոց երկիրն ման եկի, ստոնց հինգ սղնախն տեսի ես ետոյ գնացի Սարգսին եւ Աբրայամին բերթըն, աղիս (Պետրոս Մեծի) տված գիրն նշանց տվի: Դրին գլխներին վրեն, կարդացին, շատ ուրախութիւն արարին մեծով եւ փօքոով, ասացին թե՛ մեք մեր աղին ծառայ անք: ... Ես հարցրի՛ թե ինչո՞ւ եք օսմանը վիճակ ուզում, ծեր մարթը գնացել է նրանց գորքի մտո: Սարգիսը եւ Ապրայամը պատասխանել են. «Ի սէրն Քրիստոսի, աղեն թող գայ մեզ անօրինի ձեռնիցն ազատի, մենք ո՞նց գէ գնանք, անհավատի զուլաղ անենք, օսմանը արեկ Գանջայ, ժ սհաթեն ճանապար մնաց մինչի մեր բերթն, անճար մնացինք, տեսինք, որ մեր աղիցն շաղավարք եւ քօմակ (օգնություն-Բ.) չէ խասալ՝ անճարութենն, քանի հետ օսմանը վիճակ սարասքարն մեր վերեն գիր գրեց՝ թե ձեզնեն մին երկու մարթ գեք իմ կոչտըս, թէ չէ դօշուն կուղարկեն ձեր երկիրն քանդեն եւ ձեր օղուշաղն ետեր կառնեն: Ես ջահտն վախեցանք, երկու մարթ ուղարկեցինք, սաբաբըն (միջնորդ - Բ.) մեր հավատքին եւ մեր օղուշաղին համար, որ կարենք ոչ մինչի մեր աղին գալն: Չուն որ մեր աղին գիրն եկալաս, բերէլ, մեր գլխով, մեր մեծով եւ փոքրով աղին ծառայ անք: Եւ իրեքն էլ գիր ան գրել...»³⁴⁰: Կայսեր պատվիրակը քիչ ջանքեր չի թախել Արցախի մելիքների և Գանձակի ուժերի միջեւ փոխօգնության դաշինք կնքելու հարցում: Գանձակի հայ մելիքներից բացի, Մահմադ Դուլի խանն ու մյուս ֆյոդալները համախոսակամով հպատակություն են հայտնում Ռուսաց ցարին: 1724 թ. մարտի 21-ին պայմանագիր են կնքում գանձակցիների հետ. «... Էտ ջահտսն ես՝ Եսայի կաթողիկոսըս եւ ես՝ Ներսես կաթողիկոսըս, եւ ես՝ Ավան ուզբաշիս, եւ ես՝ Միրզա ուզբաշիս, եւ ես՝ Թարխան ուզբաշիս, եւ ես՝ Բաղի ուզբաշիս, եւ ես՝ Սարգիս ուզբաշիս, եւ ես՝ Աբրայամ ուզբաշիս, եւ ես՝ մելիք Թամրազս, եւ ես՝ մելիք Բաղդրըս, եւ ես՝ մելիք Գրիգորըս, եւ ես՝ մելիք Դանիելըս, եւ ես՝ մելիք Եկանըս... որ է գանջեցոց վերեն, թե օսմանը և թե լակգոյ դօշուն գայ, մեր հայոց ազգըս, թամամի վերոյգրեալքս, զընանք գանջեցոց քօմակ, չուն Գանջայ էլ մեր թագաւորին թաքտ այ: Եւ թե մեզ վերեն օսմանը կամ լազգի գայ, գանջեցիք գան մեզ քօմակ...»:

Կնիք եւ վերոգրեալն ինձ
Ավան ուզբաշոյս
ղաբալ այ ՚իմ
մորս այ

Եւ վերոգրեալն ինձ
Միրզա ուզբաշու
ղաբալ այ ՚իմ
մորս այ»³⁴¹:

³⁴⁰ Նույն տեղում, էջ 186:
³⁴¹ Աբրահամյան, Մի էջ..., էջ 145

«Մորս այ» արտահայտությունը վերաբերում է կնիքին, որի վրա մուր (բարբառում մոր) է քաված:

Սակայն շուտով Ջրաբերդի հարյուրապետ Սարգիսն իր մերձավորների հետ ներկայանում է Իվան Կարապետին և հպատակություն հայտնում ռուսաց կայսրին:

Ռուսաց պատվիրակը 1724 թ. ապրիլի 9-ի զեկուցագրում հայտնում է. «Խայեր էսօր գնացին ... Դափան... Աստուծով... Ես էլ գէ գնամ Դափան»³⁴²: Գյուլխտանի Եսայի ու Ջրաբերդի Սարգիս զորահրամանատարները հունիսի 4-ին ցարական արքունիք ուղարկած նամակում հայտնում են, որ Գանձակին ու Սղնախներին թուրքական բանակի հարձակման վտանգի պատճառով Իվան-Կարապետը ետ է կանչվել Դափանից. «Եթե կամենաք Իվան-Կարապետի մասին հարցնել, մեկ ամիս առաջ նա գնացել է Դափան... և մարդիկ ենք ուղարկել այնտեղ, որպեսզի նա ետ վերադառնա»³⁴³:

Ի վերջո, Իվան Կարապետին հաջողվում է թուրքական ագրեսիայի նախաշեմին միավորել հայ ֆեոդալներին ու զինվորականությանը: Թե՛ Ջրաբերդի և թե՛ Գյուլխտանի տերերը ու զինվորականությունը հպատակություն հայտնեցին ռուսաց իզոր կայսրի կամքին ու երդվեցին ամեն ինչով նպաստել ռուսական զորքի կովկասյան գործողություններին: Ավանը այս միջոցին եռանդազին պատրաստվում էր դիմավորելու ռուսական զորքին, որի համար Շուշիի Ներքին բերդում (Հունուտի կիրճ) մեծաքանակ ճմույգներ, ոչխար և կով, ինչպես նաև պարեն էր կուտակում: Հետաքրքիր է, որ Եսայի Ջալալյանի և Ավան զորապետի կողքին Արցախում երևան է գալիս ազատագրական շարժման մի նոր առաջնորդ եւս: Դա Պետրոս Մեծի պատվիրակ Իվան Կարապետն էր: Նա, որ մի առիթով Մեծ սղնախ՝ Ավետարանոց էր գնացել, հրաժարվում է Շուշի վերադառնալ: Հետաքրքրություն է ներկայացնում Ավան և Միրզա հրամանատարների նամակը Իվան Կարապետին. «... մեր թաք ու պարծանք հրամանքդ է, մեր զուլխ դու ես, մեք քեզ ծառայ ենք:... Դարցեալ այն, որ մեզ պարիշացիր, պիտի որ էն թարափն (կողմը և Բ.) պարիշացնես չունի (մինչև և Բ.) որ դանջեմանք (հանգստանանք և Բ.): Դարցեալ հրամանքդ Թարխան ուզբաշուն վեր առնայ քեաս, կընանք Դափան»³⁴⁴:

Իվան Կարապետի միջոցով ռուսաց թագավորին հնազանդություն է հայտնում Գանձակի խանը: Երևանի ու Բայազետի խաները դիմում են էջմիածնի կաթողիկոս Աստվածատուր Համադանցուն, խնդրելով հայտնել,

³⁴² Նույն տեղում, էջ 204:
³⁴³ Նույն տեղում, էջ 88:
³⁴⁴ Նույն տեղում, էջ 208:

իրո՞ք ռուսները հայոց Սղնախներ են եկել, ու եթե դա իրականություն է, ապա իրենք ևս պատրաստ են հպատակություն հայտնելու ռուսաց թագավորին: Իվան Կարապետի ու նրա առաքելության նկատմամբ առանձին հետաքրքրություն է ցուցաբերում Կրաստանի Մուհամմադ Ղուլի խանը, սուրհանդակի միջոցով խնդրում պատվիրակից տեղեկություն հաղորդելու ռուսական զորքի ծրագրերի մասին:

Իհարկե, Կախթանգը շրջահայաց էր և զգույշ: Նա չէր ուզում կորցնել Իրանի շահի վստահությունը, փոխարենը ոչինչ չունենալով, թեկուզ և շատ զայթակղիչ էին քրիստոնյա ռուսի միջոցով ազատագրվելու մասին զրույցները: 1724 թ. մարտի 5-ի Պետրոս Մեծին ուղղված նամակում սղնախների զորահրամանատարներն ու մելիքները գրում են, որ 20 հազարանոց զորք ունեն, որից 10 հազարն է հրազենով զինված: Նրանք կրկին խնդրում են կայսրից օգնական զորք ուղարկել³⁴⁵: Իվան Կարապետը, որը դիվանագետի տաղանդ և հմտություն էր ցուցաբերում, Պետրոս Մեծին ու ռուս զեներալներին ուղղված իր զեկուցագրում ձգտում է նրանց մոտ մեծ հետաքրքրություն ու զայթակղություն առաջացնել դեպի Ղարաբաղը, իր հերթական նամակում գրում է երկրի բնական ու ընդերքի մեծ հարստությունների մասին, առաջարկում գոնե ձևի համար, ի տես ամենքի, մի գունդ ուղարկել Գայոց Սղնախներ: Սակայն մեծ երկրների քաղաքական շահերը նրանց այլ քայլեր էին թելադրում: Ռուսական դիվանագետները, եթե Պարսկաստանի շահ Թահմասպ II-ին առաջարկում են ռուսաց օգնությունը աֆղանների դեմ, ապա աֆղանների առաջնորդին հորդորում են ամուր մնալ տեղում և չգիջել թուրքերին (պարսիկների խնդիրը վերջացած էին համարում): Ձուգահեռաբար բանակցություններ են վարում թուրքական իշխանությունների հետ՝ մի կողմ դնելով վրացիների ու հայերի ազատագրման ծրագրերը: Երկարատև բանակցություններից հետո, 1724 թ. հունիսի 12-ին Երևանի բերդը օսմանյան բանակի կողմից գրավելուց հինգ օր հետո Ռուսաստանն ու Թուրքիան դաշնագիր են ստորագրում: Ռուսները շտապում էին իրենց մերձկասպյան նվաճումները ամրապնդել պայմանագրով և օրենքի ուժ տալ: Ըստ դաշնագրի, Շամախի քաղաքը իր շրջակայքով ու Շիրվանի դաշտի բնակավայրերով հանձնվում է սուլթանի վասալ Գաջի Ղավուդի տիրապետությանը: Փաստորեն լեզգիները, թեկուզ վասալական կարգավիճակով, բայց և այնպես ինքնավարություն են ստանում: Կասպից ծովին կից գավառները մնում են ռուսական տիրապետության տակ: Անդրկովկասի մնացած մասն անցնում է Թուրքիային: Կուր և Արաքս գետերի միախառնման վայրը դառնում է երեք տերությունների՝ Ռուսաստանի, Թուրքիայի, Պարսկաստանի սահմանային կետը: Ռուս-թուրքական դաշնագրի համա-

³⁴⁵ Լեո, էջ 150:

ձայն, եթե Իրանը (շահ Թահմասպ II) դեմ լինի, ապա Ռուսաստանն ու Թուրքիան պետք է միասին պատերազմեն նրա դեմ³⁴⁶: Ղափանում ևս մեծ հետաքրքրություն են ցուցաբերում ռուսաց պատվիրակի նկատմամբ: Ղավիթ Բեկն ու Արցախի Սղնախները, որպես ազգային ազատագրական շարժման թևեր, սերտորեն կապված էին իրար հետ և օգնում էին իրար: Ղափանից շուտով լուր են ուղարկում Շուշի՝ Ավանին, որ քրդերը հարձակվել են Ղափանի վրա, կոտորել բնակիչներից չորս հազար հոգու, շատերին գերի տարել: Ավան հարյուրապետը իր զորքով իսկույն մեկնում է օգնության:

Մարտավարական տեսանկյունից Ղափանի ու Գայոց Սղնախների կռիվները տարբեր էին: Ղափանում շատացել էին թուրքախոս պարսիկների բնակավայրերը: Ուստի Ղավիթ Բեկի զորքերը հարկադրված էին անսպասելի ու շեշտակի գրոհներով հանկարծակիի բերել ու ոչնչացնել նրանց: Դա պարտիզանական պատերազմ էր հիշեցնում: Իսկ Արցախում մեծ բնակավայրեր չկային, ու արցախցիները պատրաստվում էին արյունահեղ ճակատամարտերի թուրքական բանակի դեմ: Ըստ երևութին, այս երկու թևերի միջև գոյություն ուներ նաև կողմնորոշման որոշակի տարբերություն: Եթե Ավանը անվերապահորեն ռուսական կողմնորոշում ուներ, ապա Ղավիթ Բեկը ավելի շրջահայաց էր ու քաղաքականապես ավելի ճկուն և սպասում էր հարմար պահի՝ կողմնորոշվելու համար: Սյունիքում լուրջ խնդիր էր դառնում և քրդական գործոնը: Ըստ երևթին, քրդերը նոր էին հայտնվել շահ Թահմասպի իրահանգով նպատակ ունենալով ցրել հայկական զորքերը: Ավան զորավարի հետ Սյունիք է մեկնում նաև Պետրոս Մեծի պատվիրակ Իվան Կարապետը: Ղափանի պատամարտյան առաջնորդներն ու ողջ բնակչությունը հպատակություն են հայտնում ռուսական կայսրին, հատուկ նամակով խնդրում, որ օգնեն ազատագրելու իրենց երկիրը: Թուրքական զորքերը 1724 թ. ամռանը, գրավելով Թիֆլիսը, Բորչալուն, Ղազախը, Լոռին, մոտեցել էին Գանձակին: Պայմանագրով ողջ տարածքը նրանց էր ենթակա, սակայն Ղարաբաղը արդեն այն խնձորն էր, որը երկաթի ամրություն ունի, և կծելու առաջին իսկ փորձից պետք է ջարդի օսմանլու թուրքի ատամները: Ղափանը ևս կենաց և մահու կռիվներ էր սկսում թուրքական զորքերի դեմ: Գետաքրքրական են այս իրավիճակում Իրաքի Սեֆեվի վերջին շահ Թահմասպ II քայլերը: Սեպտեմբերի 21-ի նրա հրովարտակը. «... (Բարգուշատի տեր կարգված Ֆաթ-Ալի սուլթանը) պետք է իր մոտ հավաքի այդ կողմերի բոլոր զինված ուժերն ու կռվի ելած ամբոխը (իջարի) և անմիջապես գնա Օրդուբադ քաղաքը և Նախիջևանի ու Մարանդի բարձրաստիճան հաքիմների հետ միասին, որոնց նույնպես կարգադրված է գնալ նշված գյուղաքաղաքը, գան Զախուր-Սադի բարձրաստի-

ճան բեկլարբեկի՝ Մանսուր-խանի մոտ և վերջինիս հետ խորհրդակցելով, միացյալ ուժերով հայերին, անարգ օսմանցիներին և քրդերին վանեն ու ոչնչացնեն, և հիշյալ գյուղաքաղաքը (Ղափանը) նրանց ձեռքից ետ վերցնեն: Անհրաժեշտ է նաև, որ նա հավաքի և հուսադրի ջիվանշիրի ու քաբիրլու ցեղերին և սրտապնդելով, անհրաժեշտ հոգատարություն դրսևորի նրանց նկատմամբ, և թող իրեն այս պարտականություններից ազատ չհամարի: Քանզի մեր արքայական մեծությունը հայերի և մյուս հակառակորդների սաստումը նրանից է պահանջում, և թող իմանա, որ հայերին սաստելու գործում նրան ազատություն է տրված, իրերի լավ կամ վատ ընթացքի համար մենք նրան ենք պատասխանատու ճանաչում...»³⁴⁷: Երբ Ղարաբաղի ու Սյունիքի հայությունը պատերազմի էր բռնվել թուրքական զորքերի դեմ, Իրանի շահը, որը չէր տիրապետում իրավիճակին, պատահական լուրերից ու բամբասանքներից ելնելով, իր հսկա փոխյանի դեմ կոժող հայերին իրեն թշնամի է համարում և հանձնարարում ոչնչացնել նրանց: Թուրքական զորքերի հրամանատար Ումար փաշան ստիպում է էջմիածնի Աստվածատուր կաթողիկոսին նամակ գրել Գանձասարի Եսայի կաթողիկոսին, պահանջելով, որ համոզի Սղնախների զինվորականությանը՝ հպատակություն հայտնել թուրքիային, պատգամավորություն ուղարկել թուրքերի հրամանատարություն, այլպպես սպառնում են մտնել Ղարաբաղ և կոտորել հայերին: Սղնախների հրամանատարներն ու հոգևոր առաջնորդները որոշեցին մերժել թուրք փաշայի առաջարկն ու սկսեցին պատրաստվել դիմագրավելու թուրքերի ներխուժումը: Ներքին կարգով Պետրոս Մեծը հանձնարարում է իր պատվիրակ Իվան Կարապետին՝ ամեն կերպ թույլ չտալ թուրքերին մտնել Ղարաբաղ, մինչև որ իրենք օգնության գան: Սղնախների ուժերի համախմբման գործում մեծ աշխատանք է կատարում Պետրոսի պատվիրակը, որը փաստորեն կոորդինացնում էր ապստամբությունը: Ավան զորավարն ու շիրվանցի հայ զինվորները երբեմն չէին դիմանում Գյուլիստանի ու Ջրաբերդի մելիքների դավերին և վճռում էին հեռանալ Արցախից, մանավանդ, որ Պետրոս դի Սարգիս Գիլանենցը (հայ վաճառական, որը առևտրականների մի ամբողջ համակարգի միջոցով կարևոր տեղեկություններ է հավաքում տարբեր երկրների մասին ու հաղորդում ռուսական հրամանատարությանը) Շամախիի ու Շաքիի հայերից էսկադրոն էր կազմել, որը կոժում էր ռուսական բանակի կազմում: Ամեն անգամ Շուշիի շրջակայքի բնակիչները աղաչում էին Ավանին, որովհետև, ինչպես Իվան Կարապետն է գրում իր 1724 թվականի հունիսին գրած զեկուցագրում. «Եթե շիրվանցիներն էս երկրեն թե էսօր դուրս գնայ, յեքսն անհավատն զէ գայ էս երկիրըս, զէ զավթի և եսիր կանի»: Ապա զանգատվում է գյուլիստանցի հա-

³⁴⁷ Ա. Գ. Աբրահամյան, էջ 145:

ոյուրապետ Եսայիից. «Եւ Եսային գրում այ թե ինչ աս նստեյ շիրվանըցոց քշտին, վեր կաց գնայ: Ել մին էլ ասում այ թե՛ գնալ չես, քեզ կտամ Չոբան Յաշամին»³⁴⁸: Եսայի կաթողիկոսը, որ այցի էր գնացել Ավանին, նամակ է գրում Մեծ Սղնախ Իվան Կարապետին. «Թե էս կողմերի ալ հալն իմանաս, էս եկի Տուզուզս (Դիզակ - Բ.) Ավանին ետրան (վերքը և Բ.) փոքր է աստուծով շուտ կու լավանայ: Իրեանց մեջն էլ հալա փարաղաթ (կամաց-կամաց - Բ.) են, վերջն աստված գիդի. ճշմարտութիւն չկայ: Մեք էլ շատ խոսեցինք սոցա մեջն:... Չալաքիտ (քոյսվա - Բ.) հոգսն էլ քաշող չիլալ (Մոսկվա գնալու ճանապարհածախսի մասին է խոսքը - Բ.) դորա կողման է, պիտի որ խարջի չտալու համար չգրես, մէկ էս անգամ էլ գնայ գայ: Եւ լէր ողջ տէրամք»³⁴⁹: Հավանաբար, Ավան հարյուրապետը Դիզակում վիրավորվել էր թուրքերի հետ ընդհարման ժամանակ: Գյուլիստանի հրամանատարներ Եսային, Աբրահամն և Սարգիսը հարձակվում են Մեծ Սղնախի վրա՝ գիշերը անակնկալի բերելով Ավանի եղբորը՝ Թարխան զորապետին: Ետ ճանապարհին գյուլիստանցիք թալանում են Կարանդայի գյուղերը: Գերեվարած Թարխանին, տանում են Գյուլիստանի բերդը, այստեղ ստիպում, որ հպատակություն հայտնի իրենց: Սակայն Բաղիբը, ենթարկվելով Իվան Կարապետի ճնշմանը ու խուսափելով Ավանի վրեժխնդրությունից, Թարխանին ազատ է արձակում:

Այս ժամանակաընթացքում Պետերբուրգում հասունանում էր մի նոր աղետ ևս, որին արցախցիներն առնչվեցին վեց ամիս հետո: Շամախեցի Անտոն քահանա Առաքելյանը, որը տանուտեր Չալաքիի հետ Պետերբուրգ էր մեկնել, տանելով Եսայի կաթողիկոսի և մելիքների նամակներն ու հավատարմագրերը, պատռում է նամակներն ու նախապես կնքված թղթերի վրա մելիքների ու զորահրամանատարների անունից նոր նամակներ գրում, խնդրելով «Նորին կայսերական մեծությանը, որ բարեհաճի նրանց իր հովանավորության տակ վերցնել էս հրամայել նրանց համար բնակության տեղեր նշանակել Կասպից ծովի մոտ՝ Գիլանում, Սալյանում, Բաքվի մոտ եւ Դերբենտում, որովհետեւ նրանք՝ հայերը, բոլորովին չեն ուզում այլեւս լինել մահմեդական լծի տակ...»³⁵⁰: Դեռևս 1722 թ. գեներալ Մատյուշկինին ուղարկելով նվաճելու Կասպյան ծովեզերքը, Պետրոս Մեծը հրահանգում է նվաճած տարածքները բնակեցնել հայերով և այդպես ամրապնդել ռուսական դիրքերը: «Աշխատանք գործ դնել ամեն կերպ հայերին, թե կան, կանչելու Գիլան և Մազանդարան ու բնակեցնել, իսկ մուսուլմաններին, այն է՝ թուրքաց օրենքին հետևողներին շատ խաղաղ կերպով, որպես-

³⁴⁸ Աբրահամյան, «Մի էջ...», էջ 210:

³⁴⁹ Նույն տեղում, էջ 169:

³⁵⁰ Լեո, հ. 3-2, էջ 160:

զի իմացող չլինի, որքան կարելի է, քչացնել»³⁵¹։ Ըստ երևույթին, այս ծրագիրը, Անտոն քահանայից քացի, Ղարաբաղում ևս ուներ իր կողմնակիցները, որոնց գլխավորը Ավան զորապետն էր։ Գեներալ Մատուշկինի վկայությամբ՝ «Ավանը, հավաքելով 10 հազար զինված մարտիկ, ցանկացել է Շուշիի սղնախից հեռանալ Գիլան՝ ռուսների մոտ։ Բայց թուլագոր մարդիկ լաց լինելով խնդրել են նրան, որ եթե նա գնա, իրենց բոլորովին կոչնչացնեն և որ ժողովրդի հույսը նրա վրա է։ Եվ նա լուրջ խորհելով, մնացել է սղնախում, բերդ է կառուցում»³⁵²։ Ուրեմն Ավանը շարունակում է ամրացնել Շուշիի բերդի պարիսպներն ու աշտարակները։ Թուրքական բանակը մտադիր էր 1725 թ. գարնանը արագորեն գրավել Ղարաբաղը, մտնել Շամախի, ապա շենտակի գրոհով գրավել Բաքու նավահանգիստը։ Թուրքական առաջին զորամասը, շուրջ 4700 ասկյար՝ Շահին Սալահ և Ալի փաշաների հրամանատարությամբ, շրջանցելով Գանձակը, անսպասելիորեն հայտնվեց Վարանդայում։ Այս սղնախի զինվորականությունը հանկարծակիի գալով, զգաց, որ պատրաստ չէ զինված դիմադրություն ցույց տալու թուրքերին։ Վարանդայի մելիք Բադր Բ-ն, որն ավելի կողմ էր ճկուն քաղաքականության և դիվանագիտական քայլերով արդեն մեկ անգամ փրկել էր իր մելիքությունը լեզգիական ավարառուներից, ընծաներով ընդառաջ գնաց թուրք զորապետներին ու առաջարկեց ձեռք ապահով անցկացնել Ղարաբաղի գյուղերում, իր վրա վերցնելով սննդի, կացարանի հոգսերը։ Թուրք հրամանատարությունը, որն արդեն քանիցս տեսել էր լեռնցի հայերի զենքի ուժը և իր հերթին խուսափում էր նրանց հետ բախումից, շատ գոհ լինելով նման ելքից, սիրով ընդունեց այս առաջարկը։ Օսմանցի զինվորներին 100-ական, 200-ական և 300-ական խմբերով բաժանեցին 33 գյուղերում և երկու օր կուշտ կերակրեցին։ Սակայն սա պարզապես լավ նախապատրաստված ծուղակ էր։ Գիշերը հայ զինվորները բոլորին կտտորեցին, գերի վերցնելով Սալահ փաշային։ Միայն 150 հոգու հաջողվեց փախչել։ Սպանվեցին Շահին ու Ալի փաշաները։ Սալահ փաշան պատմեց, որ թուրքերը որոշել էին իրենց մոտ հրավիրել հրամանատարներին, կտտորել գլխավորներին և տիրել Ղարաբաղին³⁵³։ Թուրքերի դեմ տարած այս փայլուն հաղթանակն ավելի միավորեց հայ զինվորականությանը։ Հայկական Սղնախներն ավելի համախմբվեցին զինվորական հրամանատարության շուրջը։ Պարսից Թահմասպ շահը, լսելով այս նշանավոր հաղթանակի լուրը, անմիջապես նամակ է ուղարկում Հայոց Սղնախներ։ Համոզված լինելով, որ օսմանյան ավելի մեծ բանակ է գալու սղնախների վրա, արցախցիները ավելի

³⁵¹ Эзов, стр. 334.

³⁵² ГАФКЭ, ф. СРП, 1725, №5, л. 365.

³⁵³ Эзов, стр. 419-421.

իրական դաշնակիցներ էին փնտրում։ Բոլոր սղնախներից 200 հոգանոց մի պատվիրակություն է մեկնում Ղազվին՝ շահ Թահմասպի նստավայրը, որտեղ Քյալբախի բեկի հետ խաղաղության պայմանագիր են կնքում։ Շահը առատաձեռնորեն բոլորին ընծաներ է տալիս, հրամանատարներին մեկական բաճկոն է նվիրում³⁵⁴։ Սակայն այս նույն զինվորականությունը դեռևս փայփայում էր ռուսների խոստացած ռազմական օգնությունը ստանալու հույսը։ 1725 թ. մայիսի 16-ին Անտոն քահանան և քյոխվա Չալաբին բերում են Պետրոսի հրովարտակը հայերի գաղթի մասին։ Վեց ամիս ճանապարհին լինելով, նրանք չգիտեին, որ 1725 թ. հունվարի 28-ին արդեն մահացել էր ռուսաց կայսրը, որին փոխարինել էր նրա կինը՝ Եկատերինա Առաջինը (1725-1727 թթ.)։ Անտոն քահանան զգուշության նպատակով Գանձասարի փոխարեն Ավան զորապետի մոտ Շուշի բերդ է գնում, քանի որ Ավանը տեղյակ էր այդ ծրագրին ու պաշտպանում էր այն։ Պետրոս Մեծի գրած հրովարտակը Շուշիում քննարկելու են հավաքվում Եսայի կաթողիկոսը, Սղնախների հրամանատարներն ու մելիքները, ինչպես նաև ռուսաց պատվիրակ Իվան Կարապետը։ Ռուսաց կայսրը միաժամանակ հրամաններ էր ուղարկել Դերբենտի, Բաքվի, Գիլանի և Մազանդարանի կառավարիչներին, որ գաղթող հայերին բնակության տեղեր հատկացվեն։ Պետրոս Մեծը գրում է բրիգադային գեներալ Ռուսյանցկին, որը արտակարգ դեսպան էր Կ.Պոլսում՝ հունիսի 12-ի դաշնագրի վավերացման օրինակը տեղ հասցնելու համար. «Մեզ մոտ եկան հայոց պատգամավորները խնդրելու մեր պաշտպանությունը թշնամիներից, իսկ եթե այդ անկարելի է, ապա թույլ տալ նրանց գնալ ապրելու Իրանից մեր նոր ձեռք բերած նահանգներում։ Մենք նրանց պատասխանեցինք, թե զորքով օգնել նրանց չենք կարող Բ. Դռան հետ կնքված դաշնագրի հետևանքով, իսկ գաղթել մեր մերձկասպյան նահանգները թույլատրեցինք և մեր հուսադրական հրովարտակն ուղարկեցինք։ Եթե թուրքերը սկսեն մեզ հետ խոսել այդ մասին, պատասխանեցեք, թե մենք ինքներս հայերին չենք կանչել, այլ նրանք հավատակցության պատճառով խնդրեցին մեզ ընդունել իրենց մեր հովանավորության տակ, մեզ քրիստոնեության պատճառով, հայերին, իբրև քրիստոնյաների մերժել անկարելի էր, ինչպես և ինքը՝ վեզիրը, հաճախ հայտարարում էր, թե հավատակցության հովանավորություն խնդրողներին մերժել անկարելի է, պետք է միայն նայել, որ հողերը պատկանեն նրան (այն պետությանը - Բ.), որի անունով նշանակված են դաշնագրության մեջ, իսկ ժողովուրդներին չպետք է արգելել, որ այս կամ այն կողմն անցնեն։ Բ. Դռան համար ավելի ձեռնտու կլինի, որ հայերը դուրս գնան, որովհետև նրանք այդ դեպքում առանց դիմադրության կտիրեն նրանց հողերին։ Ավելացրու, որ եթե Բ.

³⁵⁴ Լեո, հ. 3-2, էջ166:

Պուռը կկաննեա դեպի իր կողմը կանչել Իրանից մեր ձեռք բերած նահանգների մահմեդականներին, այս բանին մենք հակառակ չենք լինի, եթե գրավոր հուսադրություն պահանջեն՝ տվեք»³⁵⁵։ Սա, անշուշտ, բացահայտում է խոշոր տերության քաղաքական ու դիվանագիտական խաղերի, քարոզչության տակ թաքնված իրական նպատակները։ Գերտերության համար չի կարող լինել որևէ փոքր ժողովրդի շահի գերակայություն իր շահի նկատմամբ։ Իր շահի համար նա կարող է շոյել մեկի գլուխը, սիրաշահել՝ նրան դողեցնել իր թշնամու դեմ։ Երբ արցախահայությունը, հավատալով Ռուսաց կայսրի հրովարտակին ու օգնության գալու հավաստացումներին, օրհասական կռիվ էր մղում թուրքական բանակի դեմ, որի հետ անմիջական բախումից խուսափում էր ռուսական բանակը, դրժեցին իրենց խոստումն ու չեկան օգնության։ Ահա նրանք իրենց գրաված տարածքներն ամրապնդելու նպատակով ծրագրել են արցախահայությանը բնակեցնել այդ տարածքներում, անշուշտ, ոչ ի շահ այդ վերաբնակիչների։ Շուշիում հավաքված ռազմական խորհուրդը որոշեց հարթեցնել խնդիրը, գրել, որ Անտոն քահանայի (իրականում՝ Ավան գորավարի) հայտարարությունը գաղթականության մասին չի համապատասխանում հայ ժողովրդի տրամադրությանն ու ցանկություններին և այն սոսկ անձնական կարծիք էր միայն։ Փաստորեն պատվիրակը ևս դժգոհ էր հայությանը Ղարաբաղից գաղթեցնելու գաղափարից։ Անսպասելիորեն Անտոն քահանան անհետանում է։ Ոչ ոք չի կասկածում, որ մերձկասպյան տարածքներ գաղթելու գաղափարի դրողը Ավան գորավարն էր։

1725 թ. օգոստոսին թուրքական 40 հազարանոց բանակը Սարը-Մուստաֆա փաշայի գլխավորությամբ գրավում է Գանձակը։ Նրան օգնության էին եկել լեզգիների առաջնորդ Դաուդ-բեկը, նրա եղբայր Չաջին, Ահմեդ-խանը՝ իրենց զնդերով։ Դաուդ-բեկը սուլթանից պահանջեց նոր զորքեր ուղարկել Բաքվի վրա արշավելու համար։ Բայց օսմանյան բանակի ծանապարհին Արցախն էր Չայոց Սղնախները, առանց որին հաղթելը անհնար կլիներ դեպի Շամախի և Բաքու արշավելը։ Թուրքերը լքված էին վրեժխնդրության զգացումով։ Արցախցիների դեմ կռվին նրանք հատուկ էին պատրաստվում, բայց և երկյուղում էին Սղնախների միացյալ ուժերից, որի հարվածներից խայտառակ պարտություն էին կրել Գանձակի մոտ։ Հատկանշական է Շաքիի հայերի կողմից Ռուսաստանի կայսերը գրած նամակը. «Ընդունի եւ մեր բարեպաշտ եւ աստվածայտեր թագաւորիս մերոյ. Ղապալու (Կաբալա) երկրիցս հայոց է արդ լիցի հրամանոցդ. Օսմանցի դոշունն եկավ. Գանջայ առաւ, Սղնախն մնաց խեղճ, այսօր կամ վաղն Սղնախն էլ կառնեն, ապայ յետոյ կու գան Շամախի, քանի որ Սղնախն առել չեն, Շամախի գալն

³⁵⁵ Соловьев, стр. 74.

վախենում են, թե մեջ կու գցեն զմեզ կու կոտորեն. մեր զեղերանքն թամամ եւ Շաքու երկիրն թուրքացրել են ուժով, մեր զիր-գրեանքն եւ եկեղեցիքն այրեցին, մեր քահանայքը կոտորեցին, շատ մարդ հավատոյ խաթրին սուրով գնացին։ Հիմա ցերեկն թրջություն ենք անում, զիչերն՝ հայություն... մեր խնդիրքն այս է, որ ի սերն Քրիստոսի, մեզ մեկ փրկութիւն հասուցանես, դոշուն ուղարկես Շամախին առնու, համ մենք ազատուինք, համ Սղնախն։ Թամամ գանք քո հրամանոց դոշունի մեջն, հրամանոցդ իրահաթութիւն (հպատակություն) անենք, ինչ որ հասք եւ իրաւունք ունինք, հրամանոցդ տանք, ինչպես որ հրամանք կանես, էնպես գլխով ծառայութիւն կանենք։ Մեր անուն որ թուրք է, զնում ենք Գանջայ օսմանլուի մեջն, դոշունի մեջ ման ենք գալիս, մեզանից խոսք չեն թաքցնում, օսմանցիք ասում են, թե որ Շամախին առինք, Պաքուին, Դարպանդին շատ նեղութիւն կուտանք, այսպես օսմանցի դոշունն ասում է, իւրեանց փիքրն այլ է։ Գրեցաւ Թվն ՌՅԳԴ (1725) հոկտեմբերի ամսոյ 18-ումն։ Նիժ գեղի Բարսեղե եւ Ատվածատուրե, Չարլուի Ալլահվերդիե, Բումի տէր Մինասսէ եւ Պայրումէ, Թալու Թորոսէ, Մեխլուդավախի Նասիպե, Թոսիկի Վարդան»³⁵⁶։ Վերջապես ռուսական արքունիքի պատվիրակ Իվան Կարապետին հաջողվում է համաձայնության բերել Գյուլիստանի մելիքությանը։ 1726 թ. մայիսի 24-ին Գյուլիստանի քաղաքական ու ռազմական ղեկավարները՝ 24 հոգի, հավատարմագիր են գրում ռուսական արքունիքին. «Առաջին պարոն էլչի Իվան Կարապետին։ Պատճառը գրոյս այս է, որ ես Գուլիստանա զեղոյս Գեորգի որդի Ապրիամ ուզբաշիս, ես՝ Ղուկասի որդի Գրիգորս, ես՝ տեր Մելիքսեթի որդի Թամրազս, ես՝ Սարգիսի որդի Նավասարթս, ես՝ Մօսեսի որդի Միրզախանս, ես՝ Հախնազարի որդի Ալավերդիս, ես՝ Աղասի որդի Ղազարս, ես՝ Ակոբի որդի Սկրտիչս, ես՝ Պաղիի որդի Մռավդուլիս, ես՝ Ակոբի որդի Մելքունս, ես՝ Մանուչարի որդի Գրիգորս, ես՝ Ավաքի որդի Պապս, ես՝ Ավաքի որդի Աբամս, ես՝ Սարգիսի որդի Ներսեսս, ես՝ Վանեսի որդի Եղիս, ես՝ Առստակի որդի Ներսեսս, ես՝ տեր Ղազարի որդի Ակոբս, ես՝ Վանեսի որդի Մխիթարս եւ Պապս, ես՝ Մեհրապի որդի Չալս, ես՝ Վանեսի որդի Սարգիսս, ես՝ Պայանդուրի որդի Ներսեսս, ես՝ Աղապեկի որդի Ղարիպս, ես՝ Ղազարի որդի Խաչատուրս, ես՝ Ալեքսանի որդի Մավասարթս, ես՝ Սարգիսի որդի Պաղտասարս, Պարզումի որդի Այտինս, Վանեսի որդի Մարտիրոսս, Աղապեկի որդի Պետրոսս, ես՝ Աթայպեկի որդի տէր Յովաննեսս, ես՝ տէր Մելիքսեթի որդի Մարկոսս, մեր մեծ եւ փոքր թապուներալուղովս, այս զիրս տուինք վերոյգրեալ էլչի պեկին, որ հրամանէն, խճսկեն, թե եւ մասլահաթէն դուրս գանք, թակաւորին խային լինենք եւ մեր ապրանքն եւ տան ինչը

³⁵⁶ Բարխուտարեանց, Պատմություն..., էջ 85-86: Ств Іван ' ЭЗОВ, стр. 427-428.

թանակչեզայոյ անի, մեզ դապուլ եւ արժանի է: Մեք գլուխդանայ մեծ եւ փոքրովըս վկայ եմք եւ հնազանդ այս վերոգրեալ պանիս»³⁵⁷:

Թուրքերի առաջին հարձակումը դեպի Արցախ տեղի ունեցավ 1726թ. հուլիսին: Առաջին զոհը Ղազանչի, Ղապրթու և Չանկաթաղ գյուղերն էին (այժմ՝ ԼՂՀ, Մարտակերտի շրջան): Թուրք ասկյարները կոտորեցին անգն բնակիչներին, թալանեցին տները: Սղնախների զորքերը հակահարձակման անցան հունիսի 10-ին: Խաչեն գետի մոտ տեղի ունեցավ ճակատամարտը: Թուրքերը պարտություն կրեցին և, թողնելով ավարն ու գերիներին, մեծ զոհերի գնով դեպի Պարտավ փախան: Սակայն օսմանյան հրամանատարության զխավոր նպատակը Ղարաբաղի ամենամուր հենակետի Շուշի բերդի գրավումն էր: Սարը-Մուստաֆայի ներկայացուցիչը դիմում է Ավան զորապետին՝ հանձնվելու առաջարկով: Թուրք փաշան Սղնախներից հինգ տարվա հարկ էր պահանջում: Ավանը պատասխանում է, որ հայերը ոչինչ չունեն տալու թուրքերին, իսկ եթե գալու միտք ունեն, թող գան, քանի որ Աստոն օգնությամբ կդիմավորեն, ու ոչ մի երկյուղ չունեն նրանցից: Պատվիրակ Իվան Կարապետի՝ գրաֆ Գոլովինին ուղղված նամակից հայտնի է դառնում, որ Պարտավից Սարը Մուստաֆան շարժվել է դեպի Շամախի, սակայն թիկունքում զգալով Հայոց Սղնախների շունչը, համալրվել է Դաուդ-բեկի զնդերով, հսկա բանակով գնացել Պարտավ, այստեղ վերադասավորելով ուժերը, ուշադրությունը կենտրոնացրել է դեպի Ավանի նստավայրը: «Երբ վերոհիշյալը (սերասքերը) Շամախիում էր գտնվում, - գրում է թուրք պատմիչ Ասըմ-էֆենդի-Չելեբի զադեն, - նրանք (սղնախցիները) հազարի չափ հեծելազորով Սղնախի վրա ամհնագանդություն էին ցույց տվել...սղնախցիների պարագլուխը, Ավան անունով մի հայ, թնդանոթով եւ խումբարայով (հրագեն) եկել եւ սղնախի վրա ամրացել էր: Հաղթական (օսմանյան) բանակը իր դեկավարով Սղնախի զնդակի տակ գտնվող Շուշի գյուղը եկավ եւ հանկարծակի հարձակումով մինչեւ երեկո մի քանի թնդանոթով զնդակոծեց Սղնախներին»³⁵⁸: Թուրք ռազմավարները հասկանում էին, որ գրավելով Շուշին, կտիրեն և ողջ Ղարաբաղի վրա: Թուրքերը սկզբում ուժերը կենտրոնացրին Շուշիի Ներքին բերդի վրա՝ երկու կողմից պաշարելով Հունոտի կիրճը: Այստեղ ուժերը խիստ անհավասար էին, և Ավանն իր մարտիկներով ապառաժները բարձրանալով, վերևից ձորը մտած ասկյարների նկատմամբ մի իսկական սպանդ սարքեց: Թուր-

³⁵⁷ Աբրամյան, էջ 217 (փաստաթղթի աջ կողմից, ողջ թերթի երկարությամբ՝ 24 մատնահետքեր ու չորս կնիքներ՝ Աբրահամի, Սարգսի ու Սարգսի ստորագրությամբ):

³⁵⁸ Իսմայիլ-Ասըմ էֆենդի, «Թարի Չելեբիզադե», Թուրքական աղբյուրները Հայաստանի, հայերի և Անդրկովկասի մյուս ժողովուրդների մասին, հ. Ա, 1973, էջ 159:

քերին հաջողվեց տիրանալ այստեղ գտնվող նժույգների երանակների, ոչ-խարի հոտերի և կովերի նախիրների մի մասին, որը Ավան զորապետը կուտակել էր սպասվող ռուսական զորքի համար: Ավանը կռվելով նահանջում է Ավետարանոցի բերդը, այստեղից շարունակում անսպասելի հարձակումները: Թուրքական բանակը իր ողջ ուժերը նետում է դեպի Շուշիի սարահարթը՝ Վերին բերդը: Այստեղ պաշտպանությունը զխավորում էին Օհան և Սիմոն զորավարները: Շրջակա գյուղերի բնակիչները հավաքվել էին բերդում և օգնում էին պաշտպաններին: Նրանք քարերի կարկուտ էին թափում քշնամու վրա: Թուրքերը փորձեցին թնդանոթներով փչել պարիսպը, սակայն ապարդյուն: «Այդ գիշերը սղնախցին իր տրամադրության տակ գտնվող հայերի հետ միասին փախավ, - գրում է թուրք ժամանակագիրը, - հաջորդ օրը իսլամական զինվորները գրավեցին նրանց ինչքերն ու ապրանքները և փախստականներից ձեռք ընկած 400 անկրոն հայերի սպանեցին: Չմեռվա վերահաս ցրտի պատճառով սերասքերը շարժվեց դեպի Գենջե»³⁵⁹: Ութ օր տևած Շուշիի ճակատամարտում թուրքերը կորցրին 800 զինվոր, սպանվեցին Ղրխչեշնե և Ենգիչար հրամանատարները: Գլխավոր հրամանատար Սարը Մուստաֆա փաշան «քշերով վեր կացավ երկու օրեն ճամբան մին օր գնաց»³⁶⁰: Հայ զինվորականությունը գիտեր, որ այսուհետ ավելի անխնա և կատաղի են դառնալու թուրքական բանակի հարձակումները, ու այլևս առանց ռուսների օգնության դժվար կլինի: Սղնախներում մեծ ոգևորություն առաջացրեց քոխվա Չալաբիի Պետերբուրգից բերած կայսրուհի Եկատերինա Առաջինի հրովարտակը, որով շուտափույթ օգնություն էր խոստանում: Հրամանատարական մի պատգամավորություն է մեկնում Ռեշտ՝ ռուսական զորքերի հրամանատար գեներալ Դոլգորուկովից ստանալու կայսրուհու խոստացած օգնությունը: Գեներալը հայտնում է, որ ինքը կայսրուհուց Սղնախներ զորք ուղարկելու թույլտվություն չի ստացել: Իշխան Դոլգորուկովը իր կառավարությանը հղած զեկուցագրում զարմանք է հայտնում, թե Սղնախների հայերը ինչպես են կարողանում դիմանալ թուրքական հզոր բանակի հարվածներին: Նա իր կառավարությանը առաջարկում է համաձայնություն կնքել Բ.Դռան հետ՝ մինչև Արաքսի հովիտը ընկած տարածքը ետ ստանալու պայմանով, որի դեպքում ռուսները իրենց հովանու տակ կառնեն հայերին, իսկ հայերն էլ օգտակար կլինեն ռուսների համար: Միևնույն ժամանակ գեներալը հայտնում է, որ Արցախի հայության համար միանգամայն անհիմաստ կլիներ թողնել իրենց բարեբեր և ընտիր հողերը ու տեղափոխվել անպտուղ տեղեր³⁶¹: Ըստ երևույթին,

³⁵⁹ Նույն տեղում:

³⁶⁰ ibid, p. 439:

³⁶¹ Լեո, 3-3, 171:

հյուսիսայինները անընդունակ էին հասկանալու Արցախի ու Սյունիքի հայերի կապվածությունը հայրենի երկրի հետ, որտեղ գտնվում են նախնիների գերեզմանները, սրբավայրերը, հազարավոր վանքերն ու եկեղեցիները, խաչքարերը, պատեմական տները... Այս ամենը արցախցին կամ սյունեցին ինքնակամ երբեք չի լքի, մանավանդ, չի թողնի թուրքերին ու հեռանա այլ երկիր: Իր հայրենի եզերքը պահպանելու այս անկոտորելի և արմատացած նախապաշարմունքը արցախցին ու սյունեցին հազարամյակների ընթացքում սերնդեսերունդ ժառանգել է հայրերից, ու իր ծուխը, գյուղը, երկիրը պահպանելը սրբազան պարտք է նրա համար: Օտար նվաճողները եկել, կոտորել, ավերել, գերեվարել, կարծես թե անայացրել են երկիրը, բայց միշտ նոր ծիլ է տվել երկրամասը, բազմացել, նորից կառուցել, ցանել, տնկել...

1726 թ. Ղափանում հրամանատարության մեջ տարակարծություն կար քաղաքական կողմնորոշման մեջ: Ահա սպարապետ Մխիթարը իր զինակիցներով աղերսագիր ուղերձ է հղում ռուսական արքունիք սպասելով նրանց օգնությանը³⁶²: Սակայն Ղափիք Բեկը դեմ էր այս դիրքորոշմանը, որովհետև նա իրական դաշնակից էր տեսնում Պարսկաստանին: 1727 թ. Հալիծորի տակ թուրքերի նկատմամբ ջախջախիչ հաղթանակից հետո Ղափիք Բեկը մի պատվիրակություն է ուղարկում Ազուլիսից ոչ հեռու, Արաքսի աջ ափին գտնվող Ղուզալի խանի մոտ, որը շահ Թահմասպ II-ի զինակիցն էր, առաջարկելով միացյալ ուժերով պատերազմել օսմանցիների դեմ³⁶³: Երբ Ղափիք Բեկը Ազուլիսի թովմա առաքյալի վանքում շրջապատված էր թշնամիներով, պարսիկներն օգնության շտապեցին և ազատեցին նրան³⁶⁴: Ավելի ուշ շահ Թահմասպը հատուկ հրովարտակով իշխանական իրավունքներ շնորհեց Ղափիք Բեկին, հանձնարարելով պարսից խաներին ենթարկվել նրա կամքին: Սա արդեն հայ-պարսկական նոր զինակցության սկիզբն էր, որը պետք է ավելի իրական դառնար Նադիրի ժամանակներում:

Պետրոս Առաջինից հետո երկրի իշխանությունն անցնում է Գերագույն Գաղտնի խորհրդին, որն արևելյան հարցերում ամենակին էլ հետևողական չէր: Իսկ արքունիքն անցնում է օտարերկրացիների ձեռքը (Բիրովչչինա), ու այլևս անհնար էր բարձրացնել հայերին օգնության հարցը: Բացի այդ, ռուսական ծրագրերի իրականացմանը լրջորեն խոչընդոտում էին նաև Անգլիան ու Ֆրանսիան, որոնք Թուրքիայի միջոցով փորձում էին խափա-

ղծություն ցանկով անցնող դոմինիոն ուսանելու մասնաբաժնի դառնալ մարզպարտ

³⁶² Армяно-русские отношения в первой трети XVIII в. Сборник документов, т. 2, ч. 2, Ереван, 1967, стр. 273-274.
³⁶³ Ընտիր պատմութիւն Ղափիք Բեգին և պատերազմաց հայոցն Խափանու... Վաղարշապատ, 1871, էջ 53:
³⁶⁴ Նույն տեղում, էջ 62:

նել ռուսների առաջխաղացումը: Ռուսների նկատմամբ խորը հիասթափություն է ապրում թե Սղնախների զինվորականությունը և թե հայ ժողովուրդը: Մեղադրանքների մեծ մասը ուղղվում են Եսայի Ջալալյան կաթողիկոսի և Ավան զորապետի դեմ: Պատմաբան Լեոն գրում է, որ «իր այս պաշտոնին (ռուսների նկատմամբ հավատին - Բ.) Հասան Ջալալյան կրոնապետը վերաբերվել էր մի անդրդվելի շիտակությամբ և հավատարմությամբ, որին բոլորովին չէր համապատասխանում ռուսական ցարի երկրիմի քաղաքականությունը»³⁶⁵: Երբ օսմանյան բանակը չկարողացավ կոտրել Հայոց Սղնախների դիմադրությունը, նրա հրամանատարությունը փորձեց կաշառքներով իր կողմը գրավել Եսայի կաթողիկոսին: «Գուցե հայերը կարողանային օգուտ քաղել իրենց թշնամու այս տրամադրությունից և լավացնել իրենց դիրքը: համաձայնության գալով նրանց հետ, - գրում է Լեոն, - բայց մենք արդեն շատ անգամ տեսանք, որ լեռնցիները որքան լավ կռվողներ էին, այնքան էլ վատ քաղաքագետներ էին»³⁶⁶: Եսայի կաթողիկոսը կտրականապես մերժեց թուրքերի հետ մերձենալու ամեն մի հնարավորություն: Եսայի Ջալալյան կաթողիկոսը վախճանվեց 1728 թ.: Նույն տարում վախճանվեց նաև Սյունիքի առաջնորդը Ղափիք Բեկը: Ղա շատ ծանր հարված էր հայոց ազգային ազատագրական պայքարին: Եսայի կաթողիկոսը 1711 թ. մինչև 1728 թ. գրի է առել տեղի ունեցող դեպքերն ու իրադարձությունները և իբրև պատմիչ կարևոր տեղ է գրավում հայ մեծ հեղինակների շարքում: Ավան զորավարը թուրքերի նկատմամբ տարած հաղթանակների համար Իրանի շահից ստացավ «խան» և «սպասալար» (սպարապետ) տիտղոսները, որոնք վկայում էին նրա հեղինակության մասին: Թվում էր, թե նա կօգտվեր իր նկատմամբ նման վերաբերմունքից և մի կարգավիճակ ու իրական օգնություն կստանար Արցախի համար: Սակայն նրան խանգարեց ռուսների նկատմամբ աներեր և ուղղամիտ հավատքը, հավանաբար, նաև սերը: Շուտով այս մեծ ու տաղանդավոր զորավարը իր եղբոր Թարխանի և մյուս զորապետների ու 232 զինվորների հետ լքում է Սղնախներն ու տեղափոխվում Ռուսաստան, ծառայության մտնելով ռուսական բանակում: Սակայն նա այս քայլով տրոհում, ոչնչացնում է և Արցախի կուռ ու անխորտակելի պաշտպանական համակարգը Սղնախները: Իսկ ռուսների հրամանատարությունը որոշեց օգուտ քաղել այս իրավիճակից եւ հայ փորձված զինվորականներին բարձր ռոճիկով իրենց կողմը տեղափոխել, որն էլ մասնակիորեն հաջողվեց նրանց: Սակայն Արցախը շարունակում էր կռվել թուրքական զորքերի դեմ: Այդպես էլ օսմանյան Թուրքիան, որը գրավել էր իրանական Ատրպատականը, ողջ Անդրկովկասը,

³⁶⁵ Լեոն, 3-2, 172:
³⁶⁶ Նույն տեղում, էջ 173:

չկարողացավ ծնկի բերել արցախցիներին: Ինչպես գրում է Մինաս վարդապետ Տիգրանյանը, Արցախում թուրքերի հետ ընդհարումներն ու արյունահեղ կռիվները շարունակվում էին ամեն օր³⁶⁷: Թուրքերը ջախջախիչ հարված ստացան Ջրաբերդի Մեծ սղնախում, որի գորահրամանատար Տոնմազի գլխավորությամբ հայ զինվորները, կասեցնելով թուրքերի անընդհատ հարձակումները, 1728-29 թվականներին կոտորել են 5800 թուրք զինվորների³⁶⁸: Այսպիսով հայկական հերոսամարտերը թուրքական բանակի դեմ խանգարեցին Թուրքիային Կասպից ծովի առափնյա տարածքները խլելու ռուսներից: Իսկ Ավան գորավարը, որը ազգային հերոս էր, այսուհետ կործանիչ ուժ դարձավ Արցախի համար: Շուշիից, Ավետարանոցից և այլ վայրերից իրենց ընտանիքներով զինվորները հեռանում էին՝ իրենց զորապետի մոտ ծառայելու նպատակով: Ավան գորավարի եղբայր Թարխան հարյուրապետը 1729 թ. հոկտեմբերի 21-ին Պետերբուրգյան արտգործնախարոջությունում, պատասխանելով իրեն ուղղված հարցերին, պատմեց, որ Արցախում հայկական զորքերը բաժանված են չորս մասի, որոնց հրամանատարներն են՝ Ավանն ու Թարխանը, Աբրահանը, Օհանը, Բաղին և Ավազը: Ռուսական իշխանությունները խրախուսեցին հայ զինվորականության գաղթը սահմանամերձ ռուսական տարածքները՝ հրապուրելով նրանց բարձր ռոճիկով ու սպայական աստիճաններով: Ավանին ու Թարխանին նշանակվեց տարեկան 1000-ական ռուբլի ռոճիկ: Իհարկե, Ավանը հնարավորություն ուներ Շուշիում Դարաբաղի խանություն հիմնելու՝ Պարսկաստանի հովանու ներքո: Այդ դեպքում, անշուշտ, կկանխվեին հետագա տարիների այն կործանարար դեպքերը, որ տեղի ունեցան Արցախում, ու թափառական ցեղերի համար չէր ստեղծվի Արցախի սիրտը թափանցելու միակ նպաստավոր իրավիճակը: Սակայն այս ազգային հերոսը՝ Ավանը, եթե ռազմական մարտավարության ու կազմակերպչական տեսանկյունից մեծ գործիչ էր, ապա քաղաքականության ու ռազմավարության ասպարեզում մեծ սխալ գործեց՝ անձնական շահերը գերապատվելով ազգային շահերի նկատմամբ: Հավանաբար, վճռորոշ էր նաև նրա անձնվեր ու անվերապահ նվիրվածությունն ու խորը հավատը ռուսների նկատմամբ: 1730-ական թվականներից սկսած Շուշի բերդը այլևս կորցրեց իր պաշտպանական նշանակությունը եւ Վարանդայի տերերի համար իբրև ամառանոց էր

³⁶⁷ Эзов, стр. 459.

³⁶⁸ Այժմյան Մարտակերտի շրջանի Դաստազիր գյուղից դեպի հին Եղակեր վայրը տանող ճանապարհին Ուխտապատ վայրում Մատուռի պարսպի հյուսիսային մուտքի մոտ ներքուստ տապանաքարին գրված է. «ՐՇՅԸ. (5800) ես Տոնմազս բեկեցի (կոտորեցի) - Բ.» թվ. ՌՃԼԷ (1728թ.)», տես՝ Ս.Բարխուդարյան, Դիվան հայ դիմադրության, V պրակ, Եր., 1982թ., էջ 111:

ծառայում: Իշխան Դուզորուկովի կարգադրությամբ Պետրոս Մեծի պատվիրակ Իվան Կարապետը ևս իր առաքելությունն Անդրկովկասում ավարտված համարելով, Ավանի հետ հեռացավ Աղնախներից՝ դժգոհ ռուսական արքունիքի երկդիմի քաղաքականությունից: 1720-ական թվականներին Հայոց Աղնախների հաջող պայքարը թուրքական հզոր բանակի դեմ կրկին անգամ ապացուցում է, որ վճռորոշը ոչ թե բանակի մեծ թիվն է, այլ եղած ուժերի բարոյականային հատկանիշները, պաշտպանության գործի ճիշտ կազմակերպումը, նպատակասլացությունը, բնական պայմանների ճիշտ օգտագործումը: Ավան գորավարը կարճ ժամանակամիջոցում Շուշիում կազմակերպել էր ոչ միայն վառոդի, այլև հրազենի տարբեր տեսակների արտադրությունը, ստեղծել ժամանակի ոգուն ու տեխնիկային համապատասխան մարտունակ եւ արագաշարժ բանակ: Գլխավոր խնդիրը Աղնախների ներսում միաբանությունն էր: Այս դեպքում միավորման խթանիչ հանդիսացավ ռուսաց սպասվող օգնությունը: Ու առաջին անգամը չէ, որ Արցախի հայությունը միավորվում է, պաշտպանում իր երկիրն ամենաահեղ թշնամիներից: Սակայն երբ նա կորցրել է իր միասնականությունը եւ երկրամասում գերակայել են անջատողական միտումները, նա կորցրել է նույնիսկ շատ թույլ թշնամու նկատմամբ դիմադրողականությունը: Ծիշտ է, Աղնախները քայքայվեցին, սակայն արցախցիների մեջ մնաց ու կրկին ամբարակող միասնական, հավաքական ուժի նկատմամբ խորը հավատը:

ԽԱՄՍԱ

Իրանի շահ Թահմասպ II-ը, գլուխը կորցրած, իր իշխանությունը փրկելու համար «խեղդվողի նման ձեռքը օգուն էր ամեն մի շյուղի»: Եւ էլ էր զգում, որ բավական է տաղանդավոր մի զորավար, որպեսզի միավորի ուժերն ու երկիրը փրկի իրենցից ոչինչ չներկայացնող արյունարբու աֆղան տիրակալներից: Թահմասպը սկզբում մեծ հույսեր կապեց տաղանդավոր զորավար Դավիթ Բեկի հետ: Սակայն դառը ճակատագիրը երկիրը զրկեց այս զինակցությունից: Անսպասելիորեն Դավիթ Բեկը մահացավ: Իրանը մեծ պոտենցիալ ունեցող երկիր էր: Սակայն նրանում ստեղծված ու դարերի ընթացքում կարծրացած ավանդական համակարգը այնպիսին էր, որ երկրի բարեկեցությունը կախված էր միմիայն գահակալի ունակություններից: Այսինքն ամեն ինչ այս երկրում թողնված է ճակատագրի քմահաճույքին, նայած թե ինչ ունակություններ կունենա թագավորի հաջորդը: Իրանն ունեցել է Դարեհի, Կյուրոսի, Արշակ Մեծի, Խոսրով Անուշիրվանի ու Աբբաս Մեծի պես խելամիտ և հզոր թագավորներ, որոնց ժամանակ երկիրը ծաղկել է, հզորացել, տիրել ու հաղթել ամենուր: Սակայն նրանցից ոչ մեկը

չկարողացավ գահակալին հավասարակշիռ մի այնպիսի համակարգ ստեղծել, որ հետագա տարիներին ինչքան էլ թույլ լինի թագավորը՝ երկիրը ուժեղ մնա: Թույլ գահակալներն էլ էին տիրում և ձգտում ինքնահաճ իշխել: Երկիրը քայքայվում, տրոհվում էր ներսից: Իսկ դրսի ուժերը թե՛ արևելքից եւ թե՛ արևմուտքից, ուշի ուշով հետևում էին Իրանի ներքին իրավիճակին ու միշտ հայտնվում էր որևէ Չինգիզ, Թամիր կամ Միր Վեյս, որն իր ավարառուներին տանում էր դեպի կործանվող, անիշխան և անմիաբան երկիրն ու թալանում, բազմում նրա գահին, իր թափառականների քմահաճույքին հանձնում երկիրը: Սիա Իրանը նույն այս վիճակում էր ու որոշվում էր նրա լինել-չլինելու հարցը, երբ օտար լծի դեմ ապստամբ խմբերի մեջ իր քաջագործություններով ու մարտավարական հմուտ գործողություններով մեծ համբավ էր ձեռք բերում թուրքմենական ավշարների կըրկլու ցեղից Նադիր-ղուլի (հրաշքների ստրուկ) ավագակապետը: Գնահատելով նրա պատերազմական եզակի տաղանդը, Թահմասպ II-ը նրան իր մոտ ծառայության վերցրեց՝ շնորհելով Թահմազ-ղուլի (Թահմասպի ստրուկ) անունը: Շուտով Նադիրը դարձավ Իրանի սպարապետը: 1729 թ. սեպտեմբերի վերջերին Մեհմանդուստ գետի հովտում և նոյեմբերի 13-ին Սպահանից 60 կմ հեռու Մուրչեխորթ գյուղի մոտ Թահմազ-ղուլի խանը (Նադիր) ջախջախեց աֆղանների առաջնորդ Աշրաֆի զորքերը, որի արդյունքում Թահմասպ II-ը վերադարձավ Սպահան և հանդիսավոր կերպով բազմեց իր հոր գահին: Սակայն շահը, երկյուղելով Նադիրի լայն ժողովրդականությունից, որպես դրա դեմ պայքարի միակ միջոց տեսավ սեփական հաղթանակներ կռելը: Նա, հակառակ թուրքերի դեմ չպատերազմելու Նադիրի նախագուշացումներին, արեւմուտքում սեփական նախաձեռնությամբ պատերազմական գործողություններ սկսեց Թուրքիայի դեմ: Ժանր պարտություններ կրելով, ստիպված եղավ ստորագուցիչ պայմանագիր կնքել թուրքերի հետ՝ իր հերթին հաստատելով Թուրքիայի գերիշխանությունը Անդրկովկասում: Նադիրի փայլուն հաղթանակներից հետո այս դառը պարտությունները դժգոհության ալիք բարձրացրին ողջ երկրով մեկ: Թուրքիայում ևս ժողովուրդը դժգոհ էր սուլթան Ահմադ 3-րդ եւ մեծ վեզիր Դամատ Իբրահիմից: Այստեղ սուլթան հռչակվեց Մահմուդ I-ը: Նա ծրագրել էր անպայման կոտրել Նադիրի հաջողությունների թափը: «25-րդ օրը մտան Դարաբադ կոչված երկիրը, որն իր լեռներով և հարուստ այգիներով շատ հայտնի գավառ էր Աջեմի մեջ, - սուլթան Սուլեյմանի 1733 թ. արշավանքի մասին գրում է Փեշեվի-Իբրահիմը: - Անսպասելի կերպով երկիրը մի այնպիսի փոշով ծածկվեց, որ մարդը մարդուց չի կարելի ջոկել, լուսավոր ցերեկը մութ գիշերվա վերածվեց: Այս գավառի բնակչությունն այն աստիճան ցրվել եւ ոչնչացվել էր, որ մարդու հետք անգամ չէրեւաց: Սակայն

գտնվեցին որոշ տեղերում պահված եւ քարայրներում թաքցված զանձեր ու զանազան ապրանքներ, բանակն անսահման հարստություններ ու ավար ձեռք բերեց, իսկ հարստությունների մի մասը, որ տանելու հնարավորություն չկար, կրակ տվին ու այրեցին: 27-րդ օրը հասան Նախիջևանի դաշտը: Ոչ մի արշավանքում բանակն այս աստիճան հարստություններ ձեռք չէր բերել: Չկար մի վրան, որի մեջ գտնվող սիրեկան և սիրուհիների թիվը երեքից պակաս լիներ, հինգից, տասից ավելին ունեցող վրաններն անթիվ էին...»³⁶⁹:

Արցախում Սղնախների իշխանության անկումով կրկին իրենց գավառների տեր ու տիրակալ դարձան մելիքները: Այստեղ գավառները իրար հետ միավորող պետական կարգավիճակին փոխարինում էին մելիքական ընտանիքները իրար հետ կապող խնամիական կապերը, որը երկրամասը փաստորեն վեր էր ածել մի ամբողջական դաշնակից միության: Այս միությունն էր, որ անընդհատ ետ էր մղում Արցախ թափանցելու և այնտեղ բնակություն հաստատելու թափառական ցեղերի ամեն մի փորձ: Անշուշտ, նման կապերը երբեմն այնպիսի ճեղքվածքներ են տալիս, որոնք ոչ մի «շաղախով» չի լինում փակել: Սղնախների զինվորները հավաքագրվեցին մելիքների մոտ: «Հայ քաղաքական մտքի պատմության մեջ XVIII դարի 30-ական թվականները այն հազվագեպ ժամանակաշրջաններից էին, երբ պատմական ամենաբուռն վայրիվերումների պահին, քաղաքական- հասարակական կյանքի ղեկի մոտ գտնվող անձինք, ստեղծված բարդ իրադրության պայմաններում կարողանում էին արագ և ճիշտ կողմնորոշվել ու որդեգրել ստեղծված նոր իրադրությունից թելադրվող քաղաքական դիմորոշման բոլորովին այլ ուղղություն», - գրում է հայ-իրանական հարաբերություններն ուսումնասիրող պատմաբան Հակոբ Փափազյանը³⁷⁰: Հայ զինվորականությանը արդեն տեսնում ենք Նադիր խանի բանակում: 1732 թ. Թոփալ Օսման Փաշայի բանակի դեմ մարտերում Համադանում և Իրան-Իրաքյան սահմանում վեց հայկական զորախմբեր էին կռվում³⁷¹: 30-ական թվականներին հայ-իրանական հարաբերություններում խոշորագույն քաղաքական դեմքը Դիզակի մելիք Եզանն էր: Ըստ Բաֆֆու, այս տոհմը Արցախ է եկել Լոռիի Արտու կոչվող գյուղից և Լորիս-Մելիքյան իշխանական ճյուղից էր: Եզանը անընդհատ կռիվներ էր մղում իր տոհմակից Մելիք-Էլիզբարի հետ, որը բռնությամբ խլել էր նրա հայրենի ժառանգությունը՝ Փամ-

³⁶⁹ Թուրքական աղբյուրները Հայաստանի հայերի և Անդրկովկասի մյուս ժողովուրդների մասին, հ. Ա, էջ 85:

³⁷⁰ Հակոբ Փափազյան, Հայ-իրանական զինակցությունը 1726-1736 թթ. և Արևելյան Հայաստանի քաղաքական իրավիճակը Նադիր-շահի օրոք, «Բանբեր Երևանի համալսարանի», 1972, էջ 74 (այսուհետ՝ Հ. Փափազյան):

³⁷¹ Աբրահամ Երևանցի, Պատմութիւն պատերազմաց, Եր., 1938, էջ 75-76:

բակի ծորը և Լոռու մի մասը: Նա ստիպված էր լինում իր հոր Ղուկաս Վարդանյանի հետ իր ժողովրդով Տող գյուղը տեղափոխվել: Այստեղ նրա հայրը նորոգում է Գոխչ վանքը, միաբանություն հաստատում: Իսկ որդին՝ Եզանը, Տողում եկեղեցի հիմնեց, ամրացրեց գյուղը շրջապարիսպներով³⁷²: Նաղիրի պալատական պատմիչ Մահամմադ Քյազիմը իր եռահատոր պատմության առաջին գրքում հիշատակում է Մելիք-Եզանին որպես նուրբ քաղաքագետին հատուկ արտակարգ ունակություններով օժտված իմաստուն մի գործչի, որը Նաղիրի կողմից սիրո և վստահության էր արժանացել: Իրանցի պատմիչը հայ զինվորականության առաջնորդների մեջ առաջին տեղը հատկացնում է Մելիք-Եզանին, ապա հիշատակում է Մելիք-Թամարազի (Գյուլխտան) և Մելիք-Չարությունի (Ջրաբերդ) անունները³⁷³: Մելիք-Չարությունը, աչքի ընկնելով օսմանյան բանակի դեմ ճակատամարտերում, Նաղիրից ստանում է «Ալահ-դուլի Սուլթան» անունն ու կոչումը: Թուրքական բանակի դեմ Ղարաբաղի և Սյունիքի հերոսական պաշտպանությունը ինքնըստինքյան հայերին դարձրել էր Նաղիրի դաշնակիցները, որն էլ հիմք դրեց հայ-իրանական նոր ռազմաքաղաքական գործակցության: Ռուսները, խուսափելով օր-օրի հզորացող Նաղիրի բանակի հետ բախումից, Ռեշտում 1732 թ. կնքեցին ռուս-իրանական պայմանագիրը և Իրանին վերադարձրին Կասպից ծովի ափամերձ տարածքները: Նաղիրը նույն տարում, օգտվելով Թահմասպ II-ի նկատմամբ ժողովրդի դժգոհությունից, նրան գահընկեց արեց և իր խնամակալության ներքո շահ հայտարարեց նրա նորածին որդուն՝ Աբաս III-ին: Սակայն երկրի իշխանությունը Նաղիրի ձեռքին էր: Նաղիրը թուրքերի դեմ պատերազմը տեղափոխում է Իրաք: Այստեղ Բաղդադի Ահմադ փաշան ստիպված պայմանագիր է կնքում Նաղիրի հետ Թուրքիայի կառավարության անունից խոստանում գործերը ետ քաշել: 1639 թ. թուրք-իրանյան պայմանագրով հաստատված սահմանները, ստիպված եղավ ճանաչել և սուլթան Մահմուդ I-ը: 1734 թ. Թուրքիայում արեւելյան գործերի ընդհանուր հրամանատար նշանակվեց Քյոփրլուզադե Աբդուլլա փաշան, որն էլ անմիջապես շարժվեց դեպի Անդրկովկաս: Թուրքերը միշտ էլ ձգտել են ամեն գնով նվաճել Անդրկովկասը, ասես մի ներքին զգացումով վախ զգալով նախահայրենիքից՝ իրենց արմատներից կտրվածությունից: Իսկ այս կապը սեպի պես խզում էր Անդրկովկասն ու Ատրպատական-Ազարբայջանը: Բացի այդ, արեւմտյան կորուստներից հետո այս կայսրությունը ձգտում էր դրանք կոմպենսացնել արևելյան նվաճումներով:

³⁷² Բաֆֆի, Խամսայի մելիքություն, Երկերի ժողովածու, հ. 10, էջ 173 (այսուհետ՝ Բաֆֆի...):

³⁷³ Մուհամմադ-Քյազիմ, Լամե-յե Ավարա-յե Նաղերի, (պարս. բնագիր), հ. 1, Մոսկվա, 1960, էջ 99 (այսուհետ՝ Մուհամմադ-Քյազիմ):

Եվ ահա, մինչ Աբդուլլա-փաշան կհասնի Կարս, Նաղիրը Թավրիզով և Արդաբիլով արագ երթով մտավ Շիրվան ու մի ճակատամարտում պարտության մատնեց լեզգիների առաջնորդ Սուրխային, որը Դավուդի պես թուրքական սուլթանի կամակատարն էր, ավերեց Շամախին ու Կազկլումուխը, ապա պաշարեց Գանձակը: 1735 թ. մայիսին Նաղիրը Գանձակը թողեց պաշարման մեջ, Լոռի-Փամբակով անցավ Կարս, որտեղ Աբդուլլա փաշան փակվել էր բերդում: Շրջակա բնակավայրերը թալանելուց հետո Նաղիրը բանակ դրեց Եղվարդի դաշտում: Իրենց գործերով Նաղիրի մոտ էին Մելիք-Եզանը, Գեղարքունյաց Մելիքջան Մելիք-Շահնազարյանը, Երևանի Մելիք-Մկրտումը և Մելիք-Չակոբջանը³⁷⁴, Ջրաբերդի Մելիք-Չարությունը (Ալլահ-կուլի սուլթան), Գյուլխտանի Մելք-Թամարա Բ-ն: Մահամմադ Քյազիմը մանրամասնորեն նկարագրում է, թե ինչպես Դիզակի Մելիք-Եզանը հանգամանորեն Նաղիրին բացատրում է հայ եկեղեցու և կաթողիկոսի նշանակությունը, համոզում Իրանի տիրոջը այցելել Էջմիածին: «Անհամար նվերներ մատուցելով Նաղիրին, - գրում է Մուհամմատ Քյազիմը, - Մելիք-Եզանը խնդրում է վեհապետին, որպեսզի նա բարեհաճի այցելել սուրբ վայրը (Էջմիածին)..., դրանով նա կուրախացնի եվրոպական երկրների (Ֆրանսուսանի) թագավորներին և կպատվի կարողություն և ուժ ունեցող բոլոր մելիքներին, և բոլոր հայ համայնքների համար, որոնք ապրում են այս և ուրիշ երկրներում, արևից էլ պարզ կդառնա նրանց նկատմամբ եղած սերն ու զթությունը, և քանի պտտվում է երկիրը, աշխարհի բոլոր մասերում կհուշակվի ու կփառաբանվի նրա հոգատարությունը իր ծառաների և այրող ատելությունը թշնամիների նկատմամբ»³⁷⁵:

Չայոց Աբրահամ Կրետացի կաթողիկոսը մանրամասնորեն նկարագրել է Նաղիր շահի հետ իր հանդիպումները: Նա ծնվել է Կրետե կղզում: Քսանհինգ տարեկանից գլխավորել է Թեքիր-դադի առաջնորդարանը Թրակիայում: 1734 թ. նա ուխտագնացություն է սկսում դեպի Էջմիածին եւ Տարոնում գտնվող «ի սբ. բանքն Գլակայ» (սբ. Կարապետ վանքը, որի հիմնադրումը կապվում է սբ. Գրիգոր Լուսավորչի անվան հետ): Օգոստոսի 3-ին հասնում է Էջմիածին, հանդիպում կաթողիկոս Աբրահամ II Խոշաբեցուն, որը հյուրին ամեն կերպ պահում է իր մոտ և թույլ չի տալիս շարունակելու ուխտագնացությունը: Նոյեմբերի 4-ին մահանում է կաթողիկոսը: Թուրք փաշաները, հաշվի առնելով նրա թուրքերենի իմացությունը, հավանաբար, նաև նախորդ կաթողիկոսի ցանկությունը, Աբրահամ Կրետացուն ստիպում են կաթողիկոս օժվել: Սակայն Կրետացին փորձում էր մերժել, քանի որ նա ցանկանում էր իր առաջնորդարանը վերադառնալ: Թուրք փաշան ասում է,

³⁷⁴ Գ. Փափազյան, էջ 77:

³⁷⁵ Մուհամմադ-Քյազիմ, հ. 1, էջ 633:

որ Թուրքիայից ու Իրանից մեծաթիվ զորքեր են շարժվում իրար դեմ, ու եթե էջմիածնում առաջնորդ չլինի, նրանք կավերեն «Ուլքիլիսեն» (էջմիածին) և ցիրուցան կլինեն եկեղեցականները: Կարելի է ասել, որ բռնի կերպով, մահվան սպառնալիքով նոյեմբերի 24-ին էջմիածնում Աբրահամին կաթողիկոս են օծում: 1735 թ. ամռան սկզբներին Երևանի Մելիքջան քաղաքարը (քաղաքապետ) նորընծա կաթողիկոսին խորհուրդ է տալիս ընծաներով և պատրաստությամբ տեսության գնալ Ապարանում բանակ դրած պարսից Թահմազգուլի խանին (հետագայում՝ Նադիր շահ)³⁷⁶: Կաթողիկոսը «Երկրորդ Ալեքսանդրին» էջմիածին է հրավիրում: Սակայն հզոր խանի էջմիածին գալու օրը ոչ թե ինքն է գնում «հյուրին» առաջնորդելու, այլ եկեղեցականներից մեկին է ուղարկում: Սա շատ վատ են ընդունում խանի շրջապատում: Կաթողիկոսը գնում է մեծ խանի մոտ, հավատացած լինելով, որ այլևս ետ չի գա: Սակայն կաթողիկոսը բացատրում է, որ ինքը ծանոթ չէ պարսիկների սովորությանը և շարժվել է օսմանցիների սովորության համաձայն: Ի զարմանս բոլորի, Թահմազգուլի խանը ներում է «խալիֆին» և գովում նրան: Խանը էջմիածին է գալիս և իր գոհունակությունը հայտնում, որ կերակրվել են ձիերն ու զինվորները, որի համար ինքը վարձահատույց կլինի «խալիֆին»: էջմիածնում Նադիրը նոր հրովարտակներով հաստատում է կաթողիկոսի, հոգևորականների և հայ համայնքի հնուց սահմանված իրավունքները³⁷⁷: Ըստ պարսից պատմիչի, նա վանքի վերանորոգումը հանձնարարում է հմուտ վարպետների՝ հատկացնելով հազար թուման, տաճարը զարդարում հինգ ման (15 կգ) կշռող ոսկե ջահով և կարգադրում Քիրմանի նահանգային սարքարարությանը ամենաընտիր գորգերը բարձել պետական գրաստներին և ուղարկել էջմիածին³⁷⁸: Ինչ խոսք, որ Մելիք-Եգանը նուրբ քաղաքագետ էր, և հասկանում էր, որ եկեղեցու, ֆեոդալների ու հզոր շահի միջև նրա դաշնակցությունը այդ ժամանակաշրջանում հայ ժողովրդի փրկության միակ ելքն էր: Ինչպես գրում է Լեոն, «Նադիրի այս արարքը տաղանդավոր բռնակալին հատուկ անհասկանալի քմահաճույք չէր»³⁷⁹: Նադիրը գիտակցում էր, որ առանց հայերի պես հուսալի դաշնակիցների երբեք չէր կարող իրականացնել իր ծրագրերը: Թուրքական ու պարսից զորքերն իրար դեմ էին դուրս եկել Արա լեռան ստորոտում՝ Եղվարդի դաշտում: Ուղիղ 15 տարի առաջ նույն դաշտում թուրքական 900 հոգանոց զորախումբը գլխովին ջախջախել էր 12 հազա-

³⁷⁶ Աբրահամ Կրետացի, Պատմություն, Եր., 1973 (այսուհետ՝ Ա. Կրետացի):

³⁷⁷ Աբրահամ Կրետացի, Պատմություն անցիցս իրոյ եւ Նատր-Շահին պարսից, Վաղարշապատ, 1870, էջ 13:

³⁷⁸ Մահամմադ-Ջյազիմ, էջ 622-634:

³⁷⁹ Լեոն, հ. 3-2, էջ 715:

րանոց պարսից բանակին: Եվ ահա պարսից 18 հազարանոց բանակը պետք է ճակատամարտեր թուրքական 80 հազարանոց բանակի դեմ: Հիմնական ուժերը բացքնելով ծորում, պարսից զորահրամանատարը թուրքերի դեմ է դուրս հանում հազարական զինվորով երեք գունդ: Թուրք փաշաները որոշում են, որ լուրջ ճակատամարտ չի լինելու: Մի պահ պարսկական հետևակը նահանջում է, իր ետևից քաշելով Արա լեռան փեշին դիրքավորված թուրքական զնդերը: Անսպասելիորեն հայտնվում են պարսից զնդերը: 1735թ. հուլիսի 8-ին Եղվարդի ճակատամարտում, չնայած թվական գերակշռությանը, թուրքական բանակը պարտություն կրեց: Ջեզայիր-չիները անսպասելիորեն թափանցել էին բշնամու բանակի խորքն ու գրավել 60 բնդանոթներից կազմված թուրքական հրետանին, իսկ պարսից հրետանին նշանառու համազարկերով խուճապ էր առաջացնում թուրքերի շարքերում: Պարսից հեծելազորի ճակատային շեշտակի հարվածները, ի վերջո, վճռեցին ճակատամարտի ելքը³⁸⁰: Թուրքիան պարսիկներին հանձնեց Երևանի, Գանձակի և Թիֆլիսի բերդերը ու ետ քաշվեց Անդրկովկասից³⁸¹: Սպանվում են Քյոփուռլու օղլի փաշան, Մուստաֆա փաշան և մյուս հրամանատարները: Թուրքերից սպանվում են 40 հազար զինվոր, պարսիկներից՝ 20 հոգի: Կաթողիկոսը հավաքում է թուրքական կողմի վիրավոր հայերին, օգնում ապաքինվելու և ուղարկում իրենց բնակավայրերը: Օսմանյան կայսրը պարսիկներից խնդրում է 1000 սայլ՝ իրենց եզներով ու սայլապաններով, որպեսզի Երևանի բերդից դուրս տանեն իրենց ունեցվածքի կեսը, իսկ մյուս կեսը, ըստ պայմանագրի, պետք է մնար պարսիկներին: Կարսը գրավելուց հետո պարսից զորավարը Հայոց կաթողիկոսին հրավիրում է Թիֆլիս: Իհարկե, Նադիրի իշխանության հաստատումով ամենակին էլ չի թեթևանում հայ բնակչության վիճակը: Առավել ծանր էր ռազմական «սուրսաթ» կոչվող հարկը, որը գանձվում էր ամենայն խստությամբ: 1735թ. պահպանվել են Արցախի հայ մելիքների Նադիրին փոխանցած մի քանի խնդրագրեր և զեկուցագրեր, որոնցում հաչենի, Վարանդայի և Ջրաբերդի տերերը նկարագրում են «սուրսաթի» գանձման ընթացքը: հաչենի մելիք Դավիթը խնդրում է Նադիրին, որպեսզի նրա զինվորները ապօրինի պահանջներով չնեղեն իր հպատակներին, նրանց վիճակը առանց այն էլ ծանր է, քանի որ «դեռ առաջին սուրսաթը լրիվ չվճարած, երկրորդ սուրսաթի գանձման հրահանգ է ստացել նորին գերագանցությունից»³⁸²: Արա-

³⁸⁰ Աբրահամ Կրետացի, էջ 17, 20, տես նաև՝ Մահամմադ-Ջյազիմ, էջ 600-607, տես նաև՝ Միրզա-Մուհամմադ-Մեհդի խան Աստարաբադի, Թարիխ եւ Նադերի (պարս.), Թավրիզ, 1869, էջ 85-89:

³⁸¹ Չ. Փախազյան, էջ 79:

³⁸² Երևանի Մատենադարան, Կաթողիկոսական դիվան, թղթ. 2թ, վավ. 181:

համ կաթողիկոսը Թիֆլիսում ապագա շահին առաջարկում է երկրի ֆինանսական ու տնտեսական գործերը կարգավորելու նպատակով Երևանում զարապխանա (դրամահատարան) հիմնել, որը հավանության արժանացավ անծայրածիր երկրի իրական կառավարչի՝ Թահմասպուլի մեծ խանի կողմից: Վերջինս հրամայել էր Թիֆլիսի հայ և վրացի 300-ական ընտանիքներ տեղահանել և տեղափոխել Խորասան: Ըստ երևույթին, նա ցանկանում էր կրկնել իր մեծ նախորդի՝ Շահ Աբասի փորձը: Հայոց հայրապետը ամեն ջանք գործադրեց այս պատուհասից փրկելու հայ ընտանիքներին:

Դադստանյան անհաջող արշավանքից հետո Նադիրը բանակ դրեց Մուղանի դաշտում և «Կուրուլթայի» (ավազանու ժողովի) հրավիրեց Իրանի աշխարհիկ և հոգևոր ավատատիրական վերնախավին, որին մասնակցում էին նաև հայ մելիքներն ու Ամենայն Հայոց կաթողիկոս Աբրահամ Կրետացին: Հաջորդ տարվա մահմեդական Նովրուզ-բայրամի օրերին Դարաբադի Մուխանջի դաշտում նշանակված էր Թահմասպուլի խանի՝ շահ ընտրվելու և օժնվելու արարողությունը, որին հրավիրված էր Աբրահամ III Կրետացի հայոց կաթողիկոսը: Նա պետք է ճանապարհորդեր Երևանի կառավարիչ Մեհմեդուլի խանի հետ, որը ծագումով Գողթան գավառից էր՝ Մուսաբեկենց ազգից: Նրա պապը Շահ-Աբասի ժամանակ հավատափոխ էր եղել: Կաթողիկոսը, որպեսզի ճանապարհին հնարավորություն ունենա այցելելու տարբեր համայնքներին ու վիճակներին, պատճառ բռնելով իր ծերությունն ու տկարությունը, մեկ ամիս առաջ է սկսում ճամփորդությունը: 1735 թ. դեկտեմբերի 3-ին դուրս գալով Էջմիածնից, նա իր հետ տանում էր 10 ուղտ, 10 ջրի, 16 ձի՝ բեռնված համապատասխան նվերներով: Նա ուներ 25 ուղեկիցներ: Նրա ճանապարհն անցնում էր Խոր Վիրապով, Շարուրով, Երնջակով: Մեկ օր մնում է Ցղնայում, երեք օր՝ Ազուլիսում: Այստեղ նրան միանում է Մեհմեդուլի խանը ու միասին անցնում են Արենիքը, Կովսականում Խուդափիրին կամրջով անցնում են Արաքսը, հունվարի 3-ին հասնում են Կուր և Արաքս գետերի միախառնման տեղը, որտեղ նշանակված էր մեծ կուրուլթայը: Սոնդուլներն ու Թամերլանը ձմռանը Մուխանջի դաշտում էին զուամրում իրենց ժողովները: Շրագալուցի օրը կաթողիկոսը ձիով զբոսնեց գետափին, տեսավ գետերի միախառնումը: Պարսիկները ժամանակավոր երկու կամուրջ էին կառուցել, մեկը Արաքսի վրա, մյուսը՝ միախառնումից հետո Կուրի վրա: Պարանով կամ ճոպանով իրար կապած նավակներ էին շարել գետի լայնքով, ամրացրել գերաններով ու տախտակներով: Պաշտպանական նպատակներով Կուրի կամրջի երկու կողմերում աշտարակներ ունեցող դղյակներ էին կառուցել, որտեղից հսկում էին կամրջի անցուղարձը: Այն կապում էր Դերբենդից ու Իրանից եկող ճանա-

պարհները: Այստեղ լուրջ վտանգ էր ներկայացնում դադստանցիների հարձակումը: Իսկ Երասխի կամուրջը հսկում էին միայն մի քանի հոգի, որպեսզի պատերազմից բերած գերիները չփախչեն: Այս կամրջի ճանապարհը Իրանը կապում էր Արցախի, Գանձակի, Սիսիանի հետ: Ճամբարում հյուրերի համար կառուցել են 500 եղեգնյա վրաններ: Հաջորդ օրը կաթողիկոսը եկեղեցանման հատուկ վրան կանգնեցրեց՝ բմբուկ-վեղարով, զուռագարդ պատսառներով, խաչերով ու զարդամոտիվներով: «Բաւականին փոքր ի շատէ, զոր ինչ եկեղեցական անօթ եւ թափօրական պատրաստութիւն ունինք ընդ մեզ, կարգաւորօք, սարկաւազօք, դպրօք, ազուցեալ պատմաճանօք եւ լուցեալ մոմեղինօք, խաչիւ,ալվետարանաւ եւ սուրբ մեռօնաւ զնացինք ի վրանէն առընթեր եւ եզոն Երասխայ», - գրում է Աբրահամ Կրետացին³⁸³: Արարողությանը մասնակցում էին 300 հայեր: Այնտեղ էին Երեւանի քալանթար Մելիքջանը, մելիք Հակոբջանը, մելիք Սկրտումը, Դիզակի մելիք Եգանը, Երևանի աղաներ, շէխիւլամը, դագին, խանի յուզբաշինները, զորականներ և բեկեր, ինչպես նաև այլ մահմեդականներ: Երբ մեռոնը թափում է Երասխի մեջ, Աբրահամին զարմանք է պատճառում այն հանգամանքը, որ արարողությանը ներկա մահմեդականները ևս լվացվում էին Երասխի մեռոնախառն օձյալ ջրով: Ավանդության համաձայն կաթողիկոսը խաչը նետում է ջրի մեջ: Ցուրտ ձմռանը համարձակվում է գետը մտնել արցախցի գահերեց մելիքը՝ Եգանը, որն էլ Երասխի հատակից հանում է խաչը: Մուրբ ծննդյան օրը առատ ծյուն տեղաց, որը եզակի երևույթ էր Մուղանի դաշտում: Կաթողիկոսը որոշեց գնալ Դիզակ, այնտեղ սպասել մեծ խանի գալուստին: Նադիրը, զբաղված լինելով դադստանցիների դեմ պատերազմով, ուշանում էր: Աբրահամ կաթողիկոսը դեռ Դիզակի ճանապարհին էր, երբ սուրհանդակը հայտնում է, որ խանն արդեն եկել է: Կաթողիկոսը ստիպված ճամբար է վերադառնում: Հունվարի 14-ին իրենից առաջ ուղարկելով նվերներով բեռնված ուղտերն ու ջորիները, կաթողիկոսը գնաց խանի մոտ: Թահմասպուլի խանի շահ օժման արարողակարգին հայոց կաթողիկոսը նշանակված էր որպես արձանագրող, որի պատճառով էլ նրա կարծիքը բարձր էր գնահատում մեծ զորավարը: «Բարի եկար, խալիֆ, - ասում է խանը, - ինչպե՞ս ես, լա՞վ ես զգում քեզ, ձմռան պատճառով դժվարություներ՞ր ունես, վաղո՞ւց ես եկել»: «Իմ խան, թող Աստված քեզ երկար կյանք տա, - թուրքերենով պատասխանում է Աբրահամ կաթողիկոսը, - այժմ, երբ ես տեսա քո լույս ու գիշեր գերապատիվ սուրբ երեսը, ձմեռն ինձ համար զարուն դարձավ: Փառք ստեղծողին, որ ես քեզ տեսնում եմ անվճար և առողջ ու պայծառատես»: Խանը ժպտաց և ասաց. «Աբդուլ-Հասան-

³⁸³ Ա. Կրետացի, էջ 80:

բեկ, խալիֆին լավ տեղ հատկացրու, նա լավ մարդ է»³⁸⁴: «Ես քեզ նշանակում եմ բոլոր երեւանցի աղաների տեր: Ես քեզ վստահում եմ», - ասաց մեծ խանը: Նույն օրը կաթողիկոսին կրկին կանչեցին խանի մոտ: Նաղիորդ հետաքրքրվեց Երևանի կողմերի, Կարսի, քարավանների շարժման, ինչպես և Բայազետի, Քրդստանի մասին: Արախան կաթողիկոսը հայտնեց, որ արդեն քարավաններ են գալիս բոլոր կողմերից: Ապա խանը հարցրեց վարուցանի մասին: «Վարուցան քավարար չեն, - ասաց կաթողիկոսը, - չկան եզներ, որ հերկեն: Թող լինի քո թույլտվությունը, որ գարնանը Բայազետից և Կարսից ցուլ բերեն, որպեսզի վար անեն ու ցանեն, քանի որ գարնան հերկը ջրելով է և լավ է անցնում»: խանը Քյալբալի-բեկին գաղտնի ուղարկում է Արարատի մարզ, ստուգում կաթողիկոսի խոսքերի ճշմարտացիությունը³⁸⁵: Նույն օրը Նաղիորդ հայոց կաթողիկոսին ուղարկեց երկու թանկարժեք խալաթ՝ կարած ոսկեզօծ թելերով: Յուրաքանչյուր խալաթի վրա կար 12-ական սանդղագործ պատկերներ՝ կապված Քրիստոսի կյանքի հետ: Ամեն առավոտ տարբեր երկրամասերի ներկայացուցիչներն անցնում էին մեծ խանի առջևով, «սելամ» (բարև) տալով նրան: Բայրամի երկրորդ օրը կրկին «սելամի» գնացին, իսկ օրվա երրորդ ժամին բաց դաշտում, որը մեծ խանի նստավայրից ձիան մի արշավի հեռավորություն ուներ, ամեն խան իր մարդկանցով առանձնացավ խորհուրդ անելու, թե ում ընտրեն երկրի կառավարիչ: Հետո մեծ խանի կողմից եկան յոթ հոգի՝ Միրզա Ջաքին, միրզա Մեթին, Բելի Թահմասա Իսպահանի մայրաքաղաքի, Քաշանի Աբդուլ-Կադիմ-Միրզան, Խորասանի Ալի-Աբպեր-Միրզան, մեծ խանի սանդուխտարը: Յուրաքանչյուր խմբի առանձին հրավիրում էին, շրջան կազմած նստեցնում փարթամ աճած խոտերին, իրենք կանգնում կենտրոնում, ասում. «Մեծ խանը հանձնարարել է, որ խորհրդակցենք իրար հետ. ո՞ւմ կցանկանայիք երկրի կառավարիչ, խաղաղությունն ու հանգիստը պահպանող տեսնել: Ինքը՝ մեծ խանը ծեր է և հոգնած պատերազմներից, և ահա աստօժ օգնությանը Պարսկաստանն ազատեց թշնամիներից, ջարդեց և քչեց երկրից: Իսկ ինքը ցանկանում է առանձնանալ Խորասանի իր դղյակում, աղոթել ձեզ և իր համար: Խորհրդակցեք մինչև 9-րդ ժամը: Բայրամի 3-րդ օրը, որ հինգշաբթի էր, 5-ը փետրվարի, գնացին նույն տեղը: Արարատյան մարզի խմբից ընտրեցին միայն մահմեդականների, իսկ հայերից պետք է խոսեին հայրապետը, քալանթարն ու մելիքը: Բոլորը մեծ շրջան կազմեցին, որի մեջ տեղ գրավեցին նույն յոթ հոգին: Վեքիլ-Թահմասապն ասաց, «Լսեցեք, խաներ, սուլթաններ, բեկեր, աղաներ, հայոց սերեֆրազ խալիֆայ, քեսխուդեք, այաններ և ամեն եկվորներ հեռու և մոտիկ տեղե-

³⁸⁴ Նույն տեղում, էջ 85:

³⁸⁵ Նույն տեղում:

րից: Մեծ խանի հրամանն է, «Որովհետև չթողեցիք և չկամեցաք, որ գնամ իմ տեղս հանգստանամ, և ոչ էլ հեռացաք իմ դրոշից, ես ձեզանից երեք պահանջ ունեմ. նախ՝ եթե որոշ ժամանակ անց հայտնվի շահի որդին կամ հայտնի ազգական, նրան չմիաբանեք և չընդունեք: Երկրորդ՝ հայիոյանքներն ու անեծքները, որ արտահայտում էիք Օսմարի և Օսմանի հասցեին, այլևս չասեք և Նովրուզ-բայրամի օրը այլևս չկտրտեք, չարյունոտեք ձեր դեմքերը հանուն Հասանի և Չուսեինի, այլ համաձայն մեր պայմանի, մնացեք անշարժ: Այդ անեծքների, հայիոյանքների արյուն է հեղվում երկու ժողովուրդների միջև, որոնք պաշտում են ղուրանը, երկու պետությունների՝ Իրանի և Թուրանի միջև: Մեր մարգարեն նույնն է, նույնպես և ղուրանը, նամազը և նույնն է: Որովհետև օսմանցին ձեռքը սրտին կցնի և կաղոթի, իսկ մենք ձեռքը կախ ազատ կպահենք, թող այդպես էլ լինի: Թող իրենք իրենց ծեսն անեն, մենք՝ մերը, և իրար չանիծենք: Եվ թող Իրանից Քապե խաջի զնացողներին ընդունեն, ինչպես իրենց հաջիներին: Միաբանության այս պայմանը չխախտել: Երրորդ՝ քանի որ ցանկացաք, որ ես թագավորեմ, իմ մահից հետո, իմ ընտանիքի և իմ որդիների վրա չարություն չանեք, այլ եղեք հավիտյան հնազանդ: Այս երեք պայմանները զրավոր արձանագրեք և կնքեք ձեր կնիքներով և տվեք ինձ: Ի՞նչ կասեք, հանձն կառնե՞ք, թե՛ ոչ»: Եվ ամենը միաբերան գոչեցին. «Այո, կամենում և հանձն ենք առնում ու հնազանդվում»: Նաղիորդ իր երկրորդ պահանջով նպատակ ուներ միավորել մահմեդականության շիա և սուննի աղանդները: Այս պահանջի առթիվ բողոքել էր մուլլաքաշին, հայտարարելով. «Իշխանների գործը չէ կրոնի օրենքներ սահմանելը», միևնույն ժամանակ զգուշացնելով, որ չփորձի վերափոխել հաստատված կրոնը, քանի որ դա կարող է վտանգավոր հետևանքներ ունենալ³⁸⁶: Մեծ խանը, ճնշելով ամեն մի ընդդիմություն իր դեմ, հրամայում է խեղդամահ անել մուլլաքաշուն: Ընդհանրապես, այստեղ հավաքված Իրանի իշխանները փարախում հավաքված կենդանիների կարգավիճակում էին զգում իրենց, քանի որ փոքր ինչ կասկածը հերքե է, որ պատժվեն շահի թախտին նստող մեծ խանի կողմից: Սուլթանի ժողովականների ժամբարը չորս կողմից շրջապատված էր բանակային ստորաբաժանումներով: Ուրբաթ, հինգերորդ ժամին պատվիրակությունները հերթով մտնեցան մեծ խանին և գլուխ խոնարհեցին, զնացին իրենց հատկացված հանգստի սենյակները: Վալիմամաթը ճաշի հրավիրեց խաներին: Նա ասաց. «Ձեր մեջ ընտրեցեք մեկ այլ մարդ, որը կարողանա կառավարել երկիրը, իսկ ինձ հանգիստ թողեք, ես այլևս ուժ չունեմ»: Իսկ խաները համոզում էին, շողոթորթում, խնդրում, համոզում, որ երկիրը ձեռքից բաց չթողնի: «Բայց ձեզանից չատերը կարող են դեմ լինել և նրանք իրավունք

ունեն, քանի որ ես շատերի ունեցվածքը խլեցի, շատերին սպանեցի (շահ թահնասպի նշանակած խաներին ոչնչացրել էր, բացառությամբ երեք հոգու, - Բ.), ոսկին ու արծաթը խլեցի, շատ տեղեր ավերեցի, երկիրը սասանեցի և աղքատացրի: Եվ թող մարդիկ գոնե հիմա հանգստանան այս նեղություններից»: Խաները պատասխանեցին. «Այո, ճշմարիտ եք ասում: Բայց դա անհրաժեշտ էր քո մեծության և զորապետության համար, ու եթե այդքան արի չլինեիր, այդքան հաջողություններ չէին լինի: Ուրեմն և խնդրում ենք հետայսու ևս այդպես վարվել, քանի որ Աստված է շնորհել քեզ կառավարելու երկիրը: Քանի որ բոլորս պարտ ենք քեզ, ենթարկվում ենք քո կամքին: Ովքեր կհակառակվեն քեզ, արժանի են դատաստանի: Իսկ ովքեր հնազանդ են քո հրամաններին, թող արժանանան պատիվների և խալաթներ հագնելուն: Եթե այդպես չլինի, երկիրը չի լինի կառավարել»: Յետո նա հավանեց այս ամենը և հանձն առավ թագավորել: Կրկին կարդացին ֆաթեն, իսկ հայոց հայրապետը լռեցյան, ինքն իրեն «Չայո մերն» ասաց: Երբ արձանագրությունը պատրաստ էր, խաներն ու սուլթանները, միրզաներն ու մերսոֆիները, հազարապետներն ու հարյուրապետները, քալանթարներն ու մելիքները, այաններն ու աղաները, շեխսլամներն ու դազիները, պարսիկ և հայ սկսեցին կնքել արձանագրությունը: Առաջինը մոտեցան խորասանցիները, ապա Չերաթի, Մաշադի, Մազանդարանի ու կարգով հասան Ատրպատականին: Կնքումը տևեց երեք օր: Երբ փետրվարի 10-ին գնացին բարև տալու թագավորին, վերջինս կանչեց. «Խալիֆա, խալիֆա...»: Չայոց հայրապետն ասաց. «Այո, իմ Վալիմնամաթ»: «Գիտե՞ս - դու, որ ես շատ լավ եմ կարգադրել ձեր գործերը», - ասաց շահը: Չայրապետը պատասխանեց. «Կամքը ձերն է, օ լուսապայծառ, թող այն օրհնյալ լինի»: Այդ պահին վազբով եկավ և շահի առջե կանգնեց Չերաթի Փիր-Մահմադ-խանը, ձեռքերը դնելով սրտին: Նորընծա շահը Չերաթի խանին նշանակեց Երևանի խան, հանձնարարելով լսել խալիֆին. խորհրդակցել քալանթարի, մելիք Մկրտիչի և մելիք Չակոբջանի հետ, որը Երևանի բերդում թուրքերի մեջ է եղել ու ծառայել իրեն: «Այդ վիլայաթի խաղաղության համար դու ես պատասխանատու և պետք է հոգաս նրա բարեկեցության համար: Այս խալիֆան շատ լավ մարդ է, Ուլ-քիլիսեն (եջմիածինը, - Բ.) լավ տեղ է: Քեզ եմ հանձնում: Ինչ ասի քե՞ծ, դու պետք է լսես նրան և հարգես: Շատ պատվական մարդ է: Նա հոգում է երկրի, ժողովրդի և պետության մասին...», - հանձնարարեց շահը: Սկզբում խալաթ սվիրեց իր եղբորը, որին նշանակեց Ատրպատականի սարասկյար, նրա ենթակայությանը հանձնելով նաև Նախիջևանը, Արարատի մարզը և Կրաստանը: Յետո խալաթ հանձնեց Բաբա-խանին, նրա ենթակայությանը հանձնելով Խորասանն ու Չերաթը: Նվիրում էր նաև հայ կամ վրացի գերիներ, որին՝ կին, մյուսին՝

տղա կամ աղջիկ: Կիրակի օրը երևելի խաները, շուրջ հարյուր հոգի, հագած իրենց նոր խալաթները, գնացին քեչիկխանա, որտեղ դեյլան էին ծխում, ծիծաղում: Երբ շահի առջև բոլորն աղոթում էին, Չայոց հայրապետը խաչակնքեց ու մի պահ մնաց կանգնած: Շահը տեսավ նրան և ասաց. «Խալիֆա, մոտ արի, գիտե՞ս, որ վաղը չէ մյուս օրը արձակում եմ ձեզ»: «Թող բազմապատկվեն իմ Վալիմնամաթի կյանքն ու իշխանությունը, պատասխանեց կաթողիկոսը, - խնդրում եմ Աստծուն և ստեղծողին, ինչպես այժմ ես տեսա Իրանի նվաճողի մեծությունը, Աստծո կամոք լինեք Ղանդահարի և Չնդկաստանի հաղթող»: Շահն ուրախ ծիծաղեց եւ ասաց. «Ապրես, խալիֆա, շատ ապրես...»: Կաթողիկոսն ասաց. «Օ լուսապայծառ, ես խնդիրը ունեմ, որը պետք է կատարվի»: «Լավ, - ասաց ահեղ շահը, ապա կարգադրեց. - Խալիֆին տարեք Սիրզա-Մումինի մոտ, ասեք, ինչ էլ ասի խալիֆը՝ միտք կամ պահանջ, թող կատարեն»:

Չանդիսության ավարտից հետո Աբրահամ կաթողիկոսի հոգսը հայ գերիներին ազատելն էր: Չամախ խաներից գնում էր, երբեմն էլ խաներն իրենք էին կաթողիկոսին նվիրում գերիներին: Ծանր հոգս էր նրանց կերակրելն ու տուն ուղարկելը: Կային նաև կանայք, որոնք հղիությունից հետո էին գերեվարվել, ու գերության մեջ ծննդաբերեցին: Կաթողիկոսը արու զավակների անունը Մուխան էր կնքում: Այս անունը շուրջ 200 տարի գոյատևեց Արցախում: Կաթողիկոսը լուծեց նաև Շամախու հայերի խնդիրը: Ապստամբության պատճառով Նադիրը հիմնահատակ քանդել, ավերել էր Շամախին ու նրանց համար նոր տեղ չր տալիս: Դժվարությամբ կաթողիկոսը համոզեց, որ հին Շամախուց ոչ հեռու, հարմար տեղում հայերին նոր բնակավայրի թույլտվություն տա: Աբրահամ կաթողիկոսը հայր թովմասին հանձնարարել էր ներկա լինել թագադրության ծեսին, որպեսզի հետագայում պատմի իրեն: Մուխանցի ժողովի մասնակիցների թվում էր եւ Չակոբ Շամախեցին՝ Աբրահամ Կրետացուց հետո հաջորդ Չայոց հայրապետը: Իսկ թագադրումը տեղի ունեցավ փետրվարի 26-ին: Թագը, որ ոսկի սաղավարտ էր, Նադիր շահի գլխին է դնում Չաքի միրզան: Այսպես Իրանում վերջացավ Սեֆևիդների թագավորությունը և սկիզբ առավ Աֆշարների հարստությունը: Մինչ այդ՝ փետրվարի 23-ին, Աբրահամ Կրետացին մեկնեց և վեց օրից հասավ Գիզակ: Այստեղ նրան էր սպասում Աղվանից կաթողիկոս Ներսեսը, որի մասին Աբրահամ Կրետացին գրում է. «Անդ էր եւ Աղուանից կաթողիկոսն, որուն անունն էր Ներսես՝ այր խոհեմ եւ քաղցրաբարոյ, մնայր գալստեամբ իմոյ»: Չայոց հայրապետը Ներսեսի խնդրանքով դիմել էր Նադիր շահին, որպեսզի նա հաստատի Ներսեսի կաթողիկոսությունը Չայաստանի արևելքում, քանի որ ինքը ի վիճակի չէ այցելելու այդ տարածքները և հսկելու հոտը: Շահը համապատասխան թուղթ տվեց, որով

հաստատվում էր Ներսեսի Աղվանից կաթողիկոսությունը: Մի քանի օր Յայոց կաթողիկոսը մեկիք եզանի հյուրն էր: Եկան Խաչենի, Վարանդայի մեկիքները, նվերներ մատուցեցին վեհապետին և խնդրեցին հյուր գնալ իրենց երկրները: Սակայն հայրապետը մերժեց: Բարիկենդանը միասին տոնեցին Տողում և Յաղրութում, ապա «զաղուհացից սկիզբն երկուշաբթի չուեցի ի Յաղրութ գեղէ»: Յետագայում Յայոց կաթողիկոսը այցելում է Թավրիզ՝ Նաղիր շահի եղբորը՝ Յայաստանի, Վրաստանի եւ Ատրպատականի գլխավոր հրամանատար (սիպասխալար) Իբրահիմ խանին, նրան դիմում մի շարք կարևոր խնդիրներով: Նաղիրն էր համծնարարել, որ հարկ եղած դեպքում իր եղբորը դիմի: 1738 թ. վերջերին Իբրահիմ խանը առանց շահի գիտության արշավանք է ձեռնարկում դեպի Դաղստան, որտեղ ավարներից դաժան պարտություն է կրում Ախ-բյուրզ վայրում: Ճակատամարտում զոհվում է Գյանջայի Ուղուրլու-խանը (Ձիյաղ-օղլի դաջարական ցեղից): Իբրահիմին այս քայլին էր դրդել Թավրիզի Սամայ-բեկը: Որպես պատիժ առգրավեցին նրա ունեցվածքը՝ 220 հազար ոչխար, 30 հազար ձի, 20 հազար ցուլ, 7 հազար ուղտ, երկու հազար եգ³⁸⁷:

Նաղիր շահը, հակառակ ոռուների, ըստ արժանվույն գնահատեց արցախցիների՝ թուրքերի դեմ տարած հաղթանակները և ծնունդ տվեց համասայի մեկիքություններին, որը փաստորեն Ղարաբաղում վարչատարածքային ինքնավար կարգավիճակ էր: Նաղիրը վավերացրեց այն, ինչ 15 տարիների հերոսական պայքարի շնորհիվ ձեռք էր բերել Ղարաբաղի ազատատենչ հայությունը: Խամսայի (հինգի) մեկիքությունների կենտրոնը Տող ավանն էր, որտեղ որպես հյուր այցելել էր և Նաղիր շահը: Շահը իր ախտյան Գանձակի խանին թուլացնելու համար (վերջինս Մուղանի դաշտում, Մեծ ժողովին, դեմ էր Նաղիրի շահ դառնալուն) սահմանային փոփոխություններ է մտցնում, Խամսայի մեկիքներին հանձնարարում այլեւս կախում չունենալ Գանձակի խանից, նրանց սահմանները հաստատում Գանձակից մինչև Արաքս գետը: Մեկիք եզանի տան դռան արձանագրության մեջ նշված են այն մեկիքությունները, որոնք ընդգրկված են «Խամսայի» մեջ. «մէկն Թալիշ (Գյուլիստանի մեկիքություն), մէկն Չմթայ (Ջրաբերդ), մէկն Խաչեն, մէկն Վարանդայ, մէկն Քոչեզ (Քաշաթաղ), մէկն Տուզաղ (Դիզակ), այսոլունդ (սրանց) խանը (Նաղիրը) պակլարպէկայ տեղ արխտ ինձ...»: Փաստորեն եզանը բեկլարբեկի տիտղոս է ստանում և Շիրվանի, Երևանի ու Գանձակի բեկլարբեկներին հավասարազոր պետք է ենթարկվեր Թավրիզում նստող Իբրահիմին (Նաղիրի եղբորը): Նաղիրը Գանձակի խանին ավելի թուլացնելու նպատակով Կուր-Արաքսի դաշտավայրից Խորասանի Սերեկս գավառը գաղթեցրեց ջիվանշիր, օթուզիքի, քաբիրլի խաշնարած թափառական ցե-

ղերին, որոնց մեջ էր և սարուջալի տոհմը: Այսինքն, գաղթեցրեց այն վայրերը, որտեղից որ XVII դարի վերջերին թափանցել էին Անդրկովկաս: Այս ցեղերը հանդիսանում էին Գանձակի խանի հիմնական ուժն ու հաճախ էին միանում Դաղստանի ավարառու ցեղերի արշավներին ու միասին ասպատակում հայկական ու պարսկական բնակավայրերը: Մեկիք եզանի արձանագրության մեջ Խամսայի կազմում նշված էր և Քաշաթաղը (այժմ ԼՂՀ), որն ընդգրկում էր Յակառու գետի հովիտը: Քաշաթաղը հնում միշտ մտել էր Սյունիքի իշխանության կազմում³⁸⁸, և առաջին անգամ է կցվում Ղարաբաղին, և Օրբելյան պատմիչը այս գավառում նշում է 53 գյուղ: Իսկ Կովսական (Ձանգելան) գավառը (այժմ ԼՂՀ) վաղուց արդեն Դիզակի մեկիքության մի մասն էր: Աբրահամ Կրետացին ոչինչ չի գրում Մուխսանքի ժողովին մեկիք եզանից բացի Խամսայի մյուս մեկիքների մասնակցության մասին: Եթե Մեկիք եզանի հետ մյուս մեկիքները ևս ներկա գտնվեին Մուխսանքի ճամբարում, ապա հենց եղեգյա վրանում կարող էին միաբանություն հաստատել: Կաթողիկոսը հասավ նրան, որ Նաղիրը արգելեց Գանձակի խանին այսուհետ կազմակերպելու հայկական բնակավայրերի թալանը: Սակայն ավելի կարևոր էր տեղական ինքնակառավարման համակարգի ստեղծումը, ասեմք՝ իրական բեկլարբեկության հիմնումը, ինչը չարվեց: Ըստ երևույթին, մեկիք եզանը ժողովի օրերին այդպես էլ հնարավորություն չունեցավ մոտիկանալու Իրանի ընտրյալին: Իսկ Աբրահամը մեկիքին չհատուցեց իր պարտքը եղվարդի ճակատամարտի օրերին Նաղիրին էջմիածնի նկատմամբ համապատասխան քաղաքականություն կիրառելու համար: «Նաղիրն իր երախտագիտությունը հայ մեկիքների վերաբերմամբ արտահայտեց և նրանով, որ հաստատեց նրանց իրենց հին ժառանգական իրավունքների մեջ, որոնցից ամենագլխավորն այն էր, որ մեկիքները կախում պիտի ունենային միմիայն պարսից շահից, - գրում է Լեոն, շարուակելով, - սրա ամենախոշոր ապացույցն այն է, որ հենց Նաղիրի ժամանակներից էլ Ղարաբաղի լեռնաստանը պատող մեկիքական ցանցի մեջ գատվում և առաջին կարգն են անցնում հինգ մեկիքություններ, որոնք իրենց ստացած դիրքով դառնում են ամբողջ երկրի ճակատագիրը տնօրինողներ, պատմություն շինողներ, հատկացնելով մյուսներին երկրորդական, աննշան դեր էլ դիրք: Այդ հինգ մեկիքությունների երկիրը կոչվում է Խամսա կամ Խամսայի երկիր, որ նշանակում է «Յինգի երկիր»³⁸⁹: Նաղիրը այն բռնապետը չէր, որը բավարարվեր ձեռք բերածով և սկսեր զբաղվել Իրանի հզորությունը ամրապնդելու, այն համակարգի վերածելու խնդրով: Նրա երակներում հոսում էր մեծ ճանապարհների ավազակապետի անհանգիստ արյունը:

³⁸⁷ Петрущевский, Очерки по истории..., А-А, 1949, цтр. 115.

³⁸⁸ Մտ. Օրբելյան, Սյունիքի պատմությունը, Եր., 1986, էջ 401:

³⁸⁹ Լեո, III հատոր, գիրք 3-րդ, էջ 255-256:

Նաղիորը պատերազմողի իր մեծ տաղանդին զուգահեռ, ինչպես հատուկ էր մեծ նվաճողներին, ուներ և մեծ թերություններ: Քանի նա կենդանի էր եւ ունակ, պետք է անընդհատ պատերազմեր ու նորանոր երկրներ նվաճեր: Նաղիորը, բացի մարտավարական ու ռազմավարական ունակություններից, օժտված էր նաև մարդկանց կարողությունները ճանաչելու և նրանց օգտագործման ճիշտ տեղը որոշելու ընդունակությամբ, որը պակաս կարևոր խնդիր չէր երկիրն ու զորքը կառավարելու համար: Հայոց կաթողիկոս Աբրահամ Կրետացու խորհրդով Նաղիորն իր մոտ ծառայության է վերցնում Թուրքիայի դեմ Գարդմանքի տղնախի կռիվներում աչքի ընկած երկու հերոս եղբայրների՝ Ամիրին և Ջոհրաբին, որոնք, մասնակցելով պարսից արշավանքներին, որպես զորավարներ՝ մեծ հաջողության են հասնում, շահից ստանում խանական տիտղոսներ ու կալվածքներ: Ամիրխանը դառնում է Իրանի պատերազմի նախարարը, իսկ Ջոհրաբխանը՝ Նաղիորի թիկնապահ զորքի հրամանատարը³⁹⁰: Այս հայ զորավարները միշտ կապեր էին պահպանում Ղարաբաղի մելիքների հետ:

1737 թ. Նաղիորը ներխուժում է Աֆղանստան, գրավում Հերաթն ու Ղանդահարը: 1739 թ. նա ջախջախում է Մուհամմադ շահի բանակը, գրավում Դելին, կողոպտում Հնդկաստանը, Իրանի գանձարանը լցնում ոսկով: Նաղիորը երեք տարի Իրանի ժողովրդին ու խաներին ազատում է պետությանը հարկեր վճարելու պարտականությունից: Նաղիորի տիրապետությունը ընդգրկում էր Հնդկաստանից մինչև Կովկասյան լեռները, Միջին Ասիայից մինչև Պարսից ծոցի ափերը: Նա ձեռք է բերում «Երկրորդ Ալեքսանդր» մականունը: Սակայն այս աշխարհածավալ տերությունը հենված էր մեկ մարդու՝ շահի ուսերին: Բավական էր, որ նա չլինի, գետին ընկած ապակու նման այն ևս փշուր-փշուր կդառնա: Շուտով Նաղիորի վերընթացին հետևում է և կտրուկ անկումը: Դրա սկիզբը Ղաղստանյան պատերազմն էր: Լեռնականներին պատժելու նպատակով նա Դերբենտից շարժվեց երկրի խորքերը, որտեղ և սոսկալի պարտություն կրեց: Իրեն զգացնել տվեց և միանձնյա կառավարման ձևի սնանկությունը: Նաղիորը ավելի կասկածոտ ու դյուրագրգիռ էր դարձել: Նա կտրել էր տալիս հազարավոր մարդկանց զլուխներ, ամեն տեղ իր դեմ դավադրություն էր տեսնում: Շուտով շահը դարձավ պալատական ինտրիգի զոհը: Նրան հավատացրին, որ հարազատ որդին՝ Ռիզա-Ղուլի Միրզան, իր դեմ դավադրություն է կազմակերպում: Առանց քննելու խնդիրը, Նաղիորը հրամայում է իսկույն կուրացնել թագաժառանգին: Սակայն երբ հետաքննում է ու պարզում, որ իր սիրելի որդին ոչ մի դավադրություն էլ չի սարքել իր դեմ, նա ներքին տառապանք-

ների ցանցն է ընկնում: Դառնում է ավելի կասկածոտ, ավելի դյուրագրգիռ եւ դաժան: Աճում են և նրա նկատմամբ դժգոհությունները: Նաղիորը կորցնում է հմուտ զորավարի ու ռազմավարի ունակությունները: 1747 թ. մերձավորները ննջարանում սպանում են Իրանի շահին: Նաղիորը մեռնում է 47 տարեկան հասակում՝ իր հետ մեռցնելով և Մեծ Իրանը:

Նաղիորի համակրությունը շահած մելիքների թվում էր և Ջրաբերդի մելիք Ալլահ-Ղուլին, որը պատերազմներում դրսևեորած անձնվիրության և քաջագործությունների համար շահից ստացավ «սուլթան» կոչումը: Ջրաբերդցին իր հերոսությամբ աչքի էր ընկել թուրք սերասկյար Քեփրուլու Օղլի Աբդուլա փաշայի դեմ Նաղիորի մղած ճակատամարտում: Արցախի մելիքները, վերահաստատվելով իրենց ժառանգական իրավունքների մեջ, կախում ունեին միմիայն պարսից շահից: Գյուլիստանի մելիքությունում իշխում էին Մելիք Աբովյանները, որոնց նախահայրը հանդիսանում է Սև Աբովը: Նրա ժառանգները մելիքության կենտրոն են դարձնում Գյուլիստան գյուղը: Սեւ Աբովի որդուն՝ Մելիք Բեկլար Ա-ին հաջորդում է Մելիք Աբով Բ-ն, որին Կաղ Աբով էին ասում: Նա մեծ անուն հանեց իր քաջագործություններով: Անընդհատ գյուղեր ու նոր տարածքներ գրավելով Գյուլիստանի սպարապետ Աբրահամից, իշխող դիրք է գրավում Մռավ լեռան արևելյան հատվածում: Այս քաջ մելիքին հաջորդում է որդին՝ Մելիք Իսախանը, որից հետո՝ Մելիք Բաղրը, որի անունը հիշատակվում է բազմաթիվ վավերագրերում: Նրան պետք է հաջորդեր որդին՝ Մելիք-Հովսեփը, սակայն մանկահասակ լինելու պատճառով խնամակալ է կարգվում հորեղբայրը՝ Նաղիորի պատերազմների մասնակից Մելիք Թամրազ Բ-ն, որը առիթ էր որոնում մելիքական իրավունքից զրկելու գարմիկին: Նա մի անգամ պարսից հարկահաններին պատմում է, որ պատանի մելիքի մոտ նախնիներից ժառանգած մի թանկարժեք հրացան կա, որը Իրանի շահի գանձարանին է վայել: Հարկահանը պատանի Հովսեփից պահանջում է հրացանը: Արդեն 18-ամյա դարձած մելիքը ստիպված տալիս է նախնիների հիշատակը: Մայրը հանդիմանում է որդուն թուլականության համար: Ջրաբերդի մելիք Աղամի օգնությամբ Թարթառի կիրճում պատանի Հովսեփը հարձակվում է հարկահանների ու նրանց թիկնապահ ջոկատի վրա, կոտորում և ետ վերցնում հրացանը: Ապա նա Ջրաբերդի նույն մելիքի օգնությամբ հանկարծակի հարձակումով ձերբակալում է իր հորեղբորը՝ Կյուլ-մելիք (Գայլ-մելիք) կոչվող Մելիք-Թամրազ Բ-ին ու նույն տեղում հսկայական սոսի ծառից կախում նրան: Հետագայում այդ ծառը ժողովուրդը կոչեց «Արյունոտ չինար»: Մելիք Թամրազը, որն իր ձեռքն էր զցել մելիքությունը, Պարսից շահի կողմից հաստատվել էր մելիքական աթոռին: Նրա անունը պահպանվել է Գետաշենի վերին (հյուսիսարևելյան) ծայրում Կուրակի ձախ ափին Ընապատ

³⁹⁰ Բակուր Կարապետյան, Հայրուր տարվա երկխոսություն, գ. 2, եր., 1996, էջ 72-73:

(Անապատ) կոչվող սբ. Մինաս եկեղեցու մուտքից վեր վիճագրությունում. «Այս է Մելիք Թամրազին (Կիւլ Մելիք) որդի Սարուխանին եխպար Եարին, Քապաճին Արովի որդի, ... մելիք Օսեփին ... Պեհեզ Սարգսին, Պեհեզ»³⁹¹: Եկեղեցին որպես կուսանաց անապատ է ծառայել, որտեղ մնում էր Մելիք-Բեզլարյանների տոհմից մի կույս: Հանուն այս կույսի էլ Մելիք-Թամրազի որդին նորոգել է եկեղեցին: Իսկ կուսանոցի հյուսիսային պատին պահպանվել է «Կամավն Աստուծոյ շինեցինք խորանս տանուտէրն Ուլուխան, աշխատողք երկու տէր Դաւիթն, Սպարապետն, պտղն, առ հասարակ ժողովուրդքն, թվ. :ՌՃԸ: (1659)»³⁹²: Այս արձանագրությունները ևս վկայում են, որ Գետաշենի ենթաշրջանը մտնում էր Թալիշ-Գյուլխտանի մելիքության մեջ:

Վարանդայում Մելիք Բաղիից իշխանությունը ժառանգում է նրա որդին՝ Մելիք-Շահնազարյան մելիք Հուսեյնը: Նա ևս իր զորախմբով մասնակցել էր Նաղիրի արշավանքներին և իր հավատարիմ ծառայության համար ազատվել արքունիքին հարկ վճարելու պարտականությունից: Այս մասին է վկայում Ավետարանոցում մինչև հիմա պահպանված տապանաքարի արձանագրությունը. «Այս է տապան Մելիք Շահնազարի որդի Մելիք Յիսէին, թվ.: ՌՃԶ: (1736) Ոգեն զբանս զովեստի, ի վերայ մելիք Հուսեյնի, զոր գրեցի այս տապանի: Սա էր տէր Երկրին Վարանդայի Լե (35) մասն գեղի. Սա էր հացով, սեղանով լի, ողորմեր ամեն ազգի, կերպարանոքն էր զովելի, թագ պարծանք հայոց ազգի, յոյժ կոտորեաց ազգէն տաջլի (թուրք), պատերազմեաց յետ օսմանցի, սա ոչ ետ հարկ թագավորի, ամուր պարիսպ էր աշխարհի, որ է Եաշն թվին :ՌՃԾԸ: (1709)»³⁹³: Քաջ մելիքին 1736 թ. փոխարինում է Մելիք-Բաղրի որդին՝ Մելիք-Սիրզաբեկը: 1744 թ. նրա մահից հետո մելիք է կարգվում Մելիք-Հուսեյնի որդին՝ Մելիք-Հովսեփը, որը թույլ կամքի տեր, հեզաբարո, ֆիզիկապես թույլ ու կաղ, բայց գրասեր ու խելացի մարդ էր: Նաղիր շահի օրոք տեղի են ունենում մի շարք իրադարձություններ, որոնք բախտորոշ են դառնում խամսայի (Ղարաբաղի) համար:

Նաղիրի մոտ Առանից (Կուր-Արաքսի դաշտ) խորաման արտաքսված սարուջալու ցեղից ոմն Փանահ-Ալի, որպես չառջի (մունետիկ) ծառայության է մտնում շահի մոտ: Մի հանցանքից հետո այս մունետիկը, վախենալով Նաղիրի պատժից, իր ազգակիցների հետ փախչում է շահի ճամբարից դեպի Առան, որտեղ միանալով Ջար-Բելալկանի ավարների հետ, ավագակային խմբերով թալանչիական հարձակումներ է գործում Կուրից հարավ ընկած բնակավայրերի վրա: Նաղիրը Շաքիի և Շիրվանի խաներին հանձ-

նարարում է ձերբակալել ավագակապետ Փանահին: 1746 թ., տեղեկանալով Նաղիր Շահի սպանության մասին, 200 ավագակների հետ Փանահը գալիս է դաշտային Ղարաբաղ, սկզբում Ջրաբերդի տիրոջ թույլտվությամբ հաստատվում է Թարթառի ստորին հոսանքում Թարթառ-բազար կոչվող բնակավայրում, որի համար հարկ էր հավաքում իր ցեղակիցներից և վճարում Ջրաբերդի մելիք Ալլահ-Ղուլի սուլթանին: Խորասանից Փանահի մոտ են վերադառնում նրա ցեղակիցները: Չճան ամիսներին այս թափառականները դաշտավայրի գետնափոր խորշերում էին անցկացնում, իսկ ամռանը՝ ոչխարի հոտերով քոչում Մռավի լեռնային արոտները, որի համար Ջրաբերդի ու Խաչենի մելիքներին «տասնորդ» կոչվող հարկ էին վճարում: Հայ մելիքներին շահավետ էր մի այսպիսի հարկատու ունենալը, ուստի Ջրաբերդի մելիքը, իր հովանու տակ առնելով Փանահին, հրաժարվում է նրան Շամախու խանին հանձնելուց: Ըստ ավանդության, Փանահի նախնիներից մեկը, որը շեկ էր, Սարուջալ-Ալի անունն էր ստացել, որի անունն էլ մնում էր տոհմի վրա: Փանահը իր ավագակային խումբը մեծացնելով խորասանից վերադարձող ցեղակիցներով, օգտվելով երկրում տիրող անիշխանությունից, թալանի էր ենթարկում Շաքիից մինչև Նախիջևան գտնվող բնակավայրերը, մեծ հարստություն դիզում: Ամուսնանալով քաբիրլի ցեղապետի դստեր հետ, մեծ աջակցություն է ձեռք բերում, ավագակապետի դիրքից անցնում տիրապետողի դիրքի ու այսուհետ նստակյաց կյանք վարում: Նա ամրանում է հինավուրց Բայաթ բերդում, այն դարձնում իր ասպատակությունների հենակետը: Շիրվանի խան Հաջի-Չելեբին իր զորքով անցնում է Կուրը՝ միանալով խամսայի մելիքների հետ, պաշարում է բերդը նպատակ ունենալով պատժել այս ավագակապետին: Հաջի-Չելեբին ծագումով հայ էր: Նրա նախնիներից էր Բարսեղ անունով քահանան, որը XVII դարի վերջերին ապրում էր Շիրվանի Ղարալա (Կարալա) գավառի Սոգութլու գյուղում: Նա Հերեթ-Շաքիի տեր Բագրատունիներից էր սերում և տեղի մահմեդականներից Ղարա-քեչիշ (Սև քահանա) անունն էր ստացել: Ինչպես պատմում է Եսայի Ջալալյան պատմիչը³⁹⁴, Բարսեղը գնում է Սպահան, ապացուցելով իր իշխանական ծագումը, շահից մելիքական ֆիրման է ստանում: Սակայն նրա հակառակորդ Կուրթաշենի տեր Մուհամմեդը, որը ևս նույն տոհմի մահմեդականացված ծյուղից էր, խանգարում է Բարսեղին հիմնելու իր մելիքությունը: Բարսեղը ևս մահմեդական դարձավ: Այս Բարսեղի որդին էր Ղասաթ Կուրբանալին (մսավաճառ Կուրբանալին): Սրա որդին Հաջի Չելեբին հզորացավ, թուրքերի օգնությամբ դարձավ թե Շիրվա-

³⁹¹ Մ. Բարխուտարյանց, Արցախ, էջ 171:

³⁹² Ս. Բարխուտարյան, Դիվան հայ վիճագրության, պր. 5. Եր., 1982, էջ 248:

³⁹³ Նույն տեղում:

³⁹⁴ Եսայի Ջալալյան, Պատմութիւն կամ Յիշատակ ինչ ինչ անցից՝ դիպելոց յաշխարհին Աղուանից, Շուշի, 1839թ., էջ 32:

նի և թե Շաքիի տերը³⁹⁵ («Չաջի» անունը հավաստում է, որ նա մահմեդականություն ընդունելուց հետո Մեքքա էր գնացել): Բայաթի բերդը գրավել Չաջի Չելեբիին չի հաջողվում: Փանահը իր այս հաջողությունից հետո հպատակություն է հայտնում Թավրիզի սարդարին, կաշառքի միջոցով նրանից ձեռք բերում խանական կոչում: Չայ մելիքները, անհանգստացած իրենց հարևանությամբ այսպիսի ավազակապետի գոյությանը, դիմում են Զարթլիայի իշխան Թեյմուրազի (1744-1762) և նրա որդու՝ Կախեթի իշխան Չերակլի (1714-1798) օգնությանը: Թեյմուրազն ու Չերակլը ևս մեծ ծառայություն էին մատուցել Նադիր շահին, վերահաստատվել իրենց երկրներում: Նրանց նախաձեռնությամբ վրաց-հայկական մերձեցում էր սկսվել: Այս առիթով Լեոն գրում է. «Պարսկական անիշխանության սկզբից երկու թագավորները սկսեցին ամրացնել իրենց դիրքը: Նրանք գործում էին թե նուրբ քաղաքականությամբ և թե զենքով: Զաղաքական տեսակետով՝ նրանք ավելորդ համարեցին պաշտոնապես ջնջել իրենց «վալի» տիտղոսը, որ ցույց էր տալիս, թե նրանք պարսկական փոխարքաներ են միայն: Այդ չէր արգելում, որ Արեւելյան Վրաստանը լինի ոչ միայն անկախ, այլև բարձրացնի իր քաղաքական հեղինակությունն ամբողջ Անդրկովկասում: Զարթլիանիայի և Կախեթի արշավանքները շրջապատի մահմեդական ազգերի դեմ հաղթական էին մեծագույն մասամբ: Չայերն այդ հաղթությունների ազդեցության տակ աշխատում էին, որ քրիստոնյա տիրապետությունն ավելի էս ուժեղանա և տարածվի նաև Վրաստանի սահմաններից դուրս»³⁹⁶: 1749 թ. օգոստոսին խամսայի մելիքների հորդորանքով Գանձակի և Երևանի պարսից կառավարիչները դիմում են բեկլարբեկ Թեյմուրազին՝ Փանահ-Ալիի դեմ համատեղ պայքարի առաջարկով: Փանահը մինչ այդ, հավաքելով Մուղանի դաշտի թափառական ցեղերին, պաշարել էր Գանձակը: Թեյմուրազը այս արշավանքին մասնակցելու համար խաներից նախ պահանջեց 5 հազար, ապա և 40 հազար ռուբլի: 1750 թ. գարնանը Թեյմուրազն ու Չերակլը արշավեցին դեպի Գանձակ: Վրացիներին էր միացել նաև Գյուլիստանի մելիք Թամրազը, որի հետ էր նաև Եսայի կաթողիկոսին փոխարինած Երիցմանկանց վանքի կաթողիկոս Ներսեսը: Փանահը ստիպված էր արագ հեռանալ Գանձակի մատույցներից: Վրացական բանակը սկսեց հետապնդել Փանահին: Պարտավի մոտ վրացիք, հանկարծակի հարձակվելով, ջարդեցին թարաքամա ցեղի առաջնորդ Մամադ բեկի զորքը, ապա Բարգուշատում շրջապատեցին Փանահին: Խորամանկ Փանահը դիմեց հին ու ամենակարող միջոցին՝ կաշառքին. փրկագին և քանկարծեք ընծաներ ուղարկելով Թեյմուրազին: Վրացի իշխանն ու Փանահ

³⁹⁵ Բաֆֆի, էջ 210:

³⁹⁶ Լեոն, 3-3, էջ 275:

Ալին, հակառակ հայ մելիքի կամքի, դաշինք կնքեցին: Այս դեպքերը մանրամասնորեն նկարագրել է վրացի ժամանակագիր Պապուկա Օրբելիանին. «...Փանահխանի զորքը Գյանջան այն աստիճանի էր հասցրել, որ բերդից զատ ոչ մի տեղ ոչ մի շինություն չէր թողել, նույնիսկ մզկիթները քանդել էր»³⁹⁷: Վրաց զորքին միացավ «Սղնախի մելիքը (Գյուլիստանի մելիք Թամրազը) և Գանձասարի հոգեւոր տերը (Աղվանից Ներսես կաթողիկոս) մատուցին արքաներին ընծաներ և հանձն առան ծառայել ու զորքի համար բերեն մթերք ու պարեն»³⁹⁸: Փանահին ու նրա քույրը ցեղակիցներին հետապնդող վրաց զորքը իջևանում է Տողում, այստեղ թողնելով պարենն ու հրետանին, շարժվում դեպի Բարգուշատ և Արաքս: «Գնացինք Սղնախից և ուղղվեցինք այն կողմն, որ Փանահ խանի կայանն էինք ենթադրում, սակայն Փանահը իսկույն և եթ փախել էր, - գրում է Օրբելիանին, - երկրորդ օրն արքաները մեկնեցին, ուր Փանահ խանի խրամատն էր գտնվում, Սղնախի ծայրին՝ Թողում (վրաց ժամանակագիրը մելիքանիստ Տող ավանն ի նկատի ուներ, - Բ.), ուր Փանահը թողել էր թոփխանան ու զինաբանը (ջաբախանան): Եկավ Թողի մելիքը (Մելիք Եսային), որը մեծ զորքով գտնվում էր Փանահի մոտ և խնդրեց իր հանցանքի ներումն և հանձն առավ ծառայել արքաներին: Ներեցին նրա հանցանքը, հրամայեցին Սղնախներին զորքի վեց օրվա պարեն տալ և պարտավորեցրին նրան զնալ դեպի Բարգուշատ՝ Փանահի փախած քույրերին դեմ: Փանահին քիչ մարդկանցով նկատեցին Խողափերին կամրջի վրա, ...իր քույրերին թողեց, փախավ, քիչ մարդկանցով հանդերձ ազատվեց: Արքաներն իջան Արագի ափին, զորքը գնաց և ավերեց Մուղանի դաշտի (չուլի) վերին մասը... վրացիներս այնքան ավար բերինք, որ առաջինից շատ էր, ավարն այնքան շատացավ, որ նրա պահելը ոչ ոք ի վճակի չէր: Երկու շահով ոչխար էինք ծախում և հինգ արասով՝ կով, երկու մինալքանով՝ գերի, երեք հազար գերի էտ վերցրին՝ փրկանք տալով: Մերոնք դարձյալ եկան Թող»³⁹⁹: Այդ ժամանակներում Ղարաբաղում սկիզբ են առնում ներքին գծություններ, որի հետևանքով լեռնային երկրամասը քայքայում է ապրում: Այս դժբախտության սկիզբը Վարանդայում տեղի ունեցած դեպքերն էին: Մելիք Յովսեփի կրտսեր եղբայր Շահնազարը, որն, ի տարբերություն ավագ եղբոր, բարձրահասակ էր, գեղեցկադեմ ու չափազանց փառամոլ, ձգտում էր եղբորից խել մելիքությունը: Մելիք Յովսեփն ու Շահնազարը խորթ եղբայրներ էին: Նրանց հայրը Աննա-Խաթունի մահից հետո ամուսնացել էր Նախիջևանի

³⁹⁷ Պապուկա Օրբելիանի, «Զարթլի անցքերը, 1759», Մելիքստեբեկ, Վրաց աղբյուրները..., հ. 9, էջ 127 (այսուհետ՝ Մելիքստեբեկ, վրաց...):

³⁹⁸ Մելիքստեբեկ, վրաց..., էջ 131:

³⁹⁹ Նույն տեղում, էջ 138:

խանի դստեր՝ Ջոհրա խանումի հետ, որից էլ ծնվել էր Շահնագարը⁴⁰⁰։ Հավանաբար, հենց թրքուհի մոր դաստիարակությունն էլ թողել էր իր կնիքը որդու վարքի վրա։ Մի անգամ գիշերը Շահնագարը հարձակվում է եղբոր տան վրա, իր ձեռքով սպանում եղբորը, ոչնչացնում նրա ողջ ընտանիքը։ Ավետարանոց գյուղը, որը հայ ազատագրական պայքարի կենտրոններից էր, վերածվում է Ղարաբաղի հզորությունն ու միասնությունը կործանող միջոցի։ Մելիք Յովսեփը խաչենի տիրակալ Ջալալյանների տան փեսան էր։ Իրենց սիրելի փեսայի, նրա ընտանիքի ոչնչացումը պատճառ է դառնում, որ այս ազդեցիկ տոհմը լցվի վրեժխնդրությամբ ոճրագործի նկատմամբ։ Խամսայի մելիքները միաբանվում են պատժելու եղբայրասպանին եւ վերականգնելու արդարությունը։ Իրեն մելիք հռչակած Շահնագար Բ-ն ամրանում է Ավետարանոց բերդում, որը պաշարում է Գյուլիստանի մելիք Յովսեփի, Ջրաբերդի մելիք Ալլահ-Ղուլի սուլթանի (Մելիք-Յարություն), Խաչենի մելիք Ալահվերդու և Դիզակի Եսայու միացյալ զորքը։ Սակայն մոտ էր ծմեռը, ու մելիքները որոշում են հեռանալ՝ զարնանը հարձակվումը վերսկսելու վճռակալությամբ։ Մելիքները վախեցել էին, որ իրենք ևս հերթով նման հեղաշրջման զոհ կդառնան, ուստի որոշեցին հենց տեղում ոչնչացնել այս գաղափարը։ Անշուշտ, Խամսայի մելիքները այս խնդրում ևս չկարողացան ճիշտ գնահատել իրավիճակն ու, քաղաքական շրջահայացություն ու ճկունություն հանդես բերելով, միանգամայն այլ ելք ու լուծում գտնել։ Ինչ խոսք, որ զգացնել էր տալիս նաև զահեերեց իշխանի պակասը։ Անշուշտ, Շահնագարը իր կազմակերպչական ունակություններով զգալիորեն գերազանցում էր ոչ միայն իր թուլամորթ եղբորը, այլև մյուս մելիքներին։ Երկրամասի ընդհանուր շահերը պահանջում էին, որ մելիքները հաշտվեն եղելության հետ և ընդունեն նոր իշխանին։ Ի վերջո, եթե Մելիք-Յովսեփը թույլ չլիներ (իսկ իշխանը թույլ լինելու իրավունք չուներ), հազիվ թե եղբայրը կարողանար նրա կենդանության օրով տիրանալ նրա գեղեցկուհի կնոջը։ Ինչպես երևում է, Շահնագարը վաղուց էր տիրացել ողջ Վարանդային, մնում էր ձևական կողմը, այն է՝ վերացնել օրինական մելիքին։ Խամսայի շահերը պահանջում էին, որ մելիքները բանակցեին Վարանդայի նոր տիրակալի հետ ու նոր դաշինքով մի ամուր պարիսպ ստեղծեին Ղարաբաղում՝ պաշտպանվելու խաշնարած թաթարական ցեղերի, կովկասյան ավարառուների ասպատակություններից։ Սակայն պարզամիտ ու տաքարյուն մելիքները, առանց երկար մտածելու, դիմում են զենքի ու այդպես դնում երկրամասի քայքայման ու կործանման սկիզբը։ Սարուջալու ցեղի պետ Փանահ-Ալին, որի հայացքը դեպի լեռնային Ղարաբաղն էր՝ նրա անառիկ բերդերից մեկում ամրանալու երազանքով, Բայաթից տեղափոխվում է

⁴⁰⁰ Ընթացիկ, էջ 198։

խաչենագետի վրա գտնվող Արցախյան Տիգրանակերտ⁴⁰¹ բերդի ստորոտում գտնվող Շահադբյուրի ամրոցը, որը Վարանդայի մելիքության սեփականությունն էր։ Այս ամրոցը տիպիկ հայկական միջնադարյան մելիքական ապարանք է՝ թաղածածկ սրահներով, կամարակապ մուտքերով, բարձր պարիսպներով, որոնք անկյուններում միանում են կլոր աշտարակներով։ Այստեղից Փանահը ընդհարումներ է սկսում Ջրաբերդի և Գյուլիստանի մելիքների հետ՝ ձգտելով քանդել արցախյան միասնությունը։ Եվ ահա Վարանդայի նոր տերը՝ եղբայրասպան Մելիք-Շահնագար Բ-ն, դաշնակցում է Խամսայի ոխերիմ թշնամի Փանահի հետ, համատեղ ուժերով հարձակվում խաչենի վրա, ի վերջո հաղթում, այս մելիքությունը խլելով Ջալալյանների տոհմից, հանձնում մեկ այլ դավաճանի՝ Խնձրիստան գյուղի տանուտեր Միրզախանին։ Այսուհետ Ղարաբաղի երբեմնի հզորությունն արդեն ջլատված էր։ Դիզակը կտրված էր Ջրաբերդից ու Գյուլիստանից։

Այս տարիներին Գյուլիստան գյուղում կառուցվում է Աբրահամ հարյուրապետի հետնորդների ապարանքը։ Քարակիր ու կամարակապ ապարանքի արձանագրությունը հայտնում է. «Շնորհիւն Աստուծոյ շինեցաւ ապարանս ի թվ. ՌՄԱ. (1752) ես Յակոբոս ծառայ Աստուծոյ իշխող գեղոյս որդի Աբրահամ ըսպարապետին»։ Ըստ երեսույթին, Գյուլիստանցի Աբրահամը ապարապետություն էր անում Ջրաբերդի Մելիք-Իսրայելյանների մոտ, իսկ Գյուլիստան գյուղը մնացել էր որպես Աբրահամ հարյուրապետի ժառանգների նստավայրը, որտեղ բնակություն չհաստատեցին գավառի նոր տերերը՝ Մելիք-Աբովյանները։

ՇՈՒՇԻԻ ԽԱՆՈՒԹՅՈՒՆԸ

Չնայած Դիզակի մելիք Եզանը (1716-1744 թթ.) բեկլարբեկի կոչում էր ստացել շահ Նադիրից և այքի էր ընկել քաղաքագետի ու դիվանագետի ունակություններով, այնուամենայնիվ, չկարողացավ օգտվել պատեհ առիթից ու միասնական ինքնավար և կուռ պետական կառույցի վերածել Խամսան (Ղարաբաղը)։ Գուցե նա գերադասում էր հանգիստ ապրել հզոր Նադիրի հովանու տակ։ Սակայն և դժվար է ասել, թե Եզանը չէր ցանկանա նման իշխանություն ստեղծել։ Նա մինչև վերջ էլ մելիք մնաց։ Ըստ երեսույթին, Նադիրը բանավոր էր նրան բեկլարբեկ կամ խան կոչել, իսկ համապատաս-

⁴⁰¹ Այս բերդը հայոց արքա Տիգրան Մեծի հիմնած չորս Տիգրանակերտներից մեկն է, գտնվում է Մարտակերտ քաղաքից ոչ հեռու Շահադբյուր վայրում, իշխանասարի վրա։ Տեղի թուրքերը այն անվանում էին Թառնակյուրտ, իսկ Ղարաբաղցիները՝ Տլրակերտ։

խան փաստաթղթով (հրովարտակ կամ ֆիրման) դա չէր հաստատել, որի մասին էլ ոչինչ չի հաղորդում Աբրահամ կաթողիկոս Կրետացին: Եվ դա էր պատճառը, որ այս փաստը միայն մելիքի տան մուտքի պատին է արձանագրվել⁴⁰²: Նաղիքը կամ ընդհանրապես պարսից իշխանավորները (հիարկե, սրանք արդեն այն հին պարսից իշխանների կամ շահերի ժառանգները չէին) շատ չէին վստահում հայ քրիստոնյաներին նկատի ունենալով նրանց ազատագրական մղումներն ու հայոց թագավորության վերականգնման ձգտումները: Նաղիքը չէր կարող չիմանալ XVIII դարի առաջին քառորդին Հայոց Սղնախների ազատագրական պայքարի ու Ռուսաստանի արքունիքի հետ սերտ կապերի մասին: Եթե մելիք Եգանը մահմեդականություն ընդուներ, հավանաբար, նման պաշտոնի կարժանանար: Բայց ինչպես դա կընդունեին մյուս մելիքները, եկեղեցին ու արցախահայությունը, անհայտ է: Վրաստանում իշխանները հետևողական անունով կնքվում, վալիություն ստանալու համար թլպատվում, մահմեդական անունով կնքվում, բայց մեծ մասամբ նրանք իրենց երկրում քրիստոնյա էին մնում, նման գոհողությամբ պահպանում իրենց երկրի ինքնավարությունը, իրենց եկեղեցում թագավոր օձվում: Շաքիում ևս տեղացի դարձած Բագրատունի իշխանական տան հետմորդները իրենց իշխանությունը պահպանելու համար մահմեդականություն էին ընդունում, թլպատվում, մահմեդական անուն ընդունում, բայց և անդառնալիորեն մոռանում իրենց ազգությունը, հավատքը, հայրենիքը...: Վրաց Անանուն ժամանակագիրը վկայում է. «Շաքիի խանի պապը Հաջի Չալաբ էր կոչվում, և այս Հաջի-Չալաբի հայրը հայ երեց էր, և ինքը՝ Հաջի Չալաբը, մահմեդականացել էր: ...Այս երկրում բնակվում են շատ քրիստոնյաներ, դավանությամբ հայեր՝ բացահայտ, և վրացիներ՝ գաղտնաբար, մահմեդականներից երկյուղ կրելու պատճառով»⁴⁰³: Հազիվ թե մելիք Եգանը չհասկանար այս իրողությունը: Ըստ երևույթին, մեղավորը երկրում ընդհանուր մթնոլորտն էր, ներքին անմիաբանությունը, իրենց ներսում որևէ մեկին գահերեց չընդունելը: Հետաքրքիր գնահատական է տալիս վրաց Անանուն «աշխարհագիրը» Արցախին նվիրված հատվածում. «Խամսան ունի մեծ ամրոց, շատ լեռներ, թեև ժայռոտ ու անտառոտ, եւ դաշտ էլ ունի ջրաբաշխ, հույժ բերքատու: Իր երկրում ջվանշիրը ի վիճակի է դուրս հանելու 2 հազար և 500 ռազմիկներ և հայերն ևս 4500: Այս խամսայի մարդիկ, որոնք հայեր են, հույժ քաջարի են, ռազմատենչ եւ խիզախ: Եվ այս մելիքների միջեւ փոխադարձ նախանձի և թշնամության առաջացումը ջվանշերի (քոչվորի - Բ.) ձեռքը գցեց այս հայերին»⁴⁰⁴: Սղնախների

⁴⁰² Ս. Բարխուդարյան, Դիվան հայ վիմագրության, պր. V, էջ 181:

⁴⁰³ Մելիքեթեբեկ, Վրաց... էջ 150:

⁴⁰⁴ Նույն տեղում:

ժամանակ, երբ երկիրը գտնվում էր լեզգի եւ թուրք հակառակորդների ացցանում, մելիքներն ամեն կերպ խոչընդոտում էին Ավանի պես տաղանդավոր գործադեռի հրամանատարությանը: Մարդկության պատմության մեջ միշտ գործել և հաղթող են հանդիսացել այն ժողովուրդները, որոնք միաբան ու միակամ են եղել, մեկ կենտրոնի ու պարզ գաղափարախոսության շուրջն են հավաքվել: Սակայն երբ նրանք այս կամ այն պատճառով կորցրել են միասնականությունն ու կազմակերպվածությունը, ներսից քայքայվել են, ու միշտ էլ գտնվել է այն հարևանը, որը ոտնատակ է տվել երկիրը, քալանել, ամայացրել այն: 1744 թ. մելիք Եգանի մահից հետո նրա ժառանգները՝ մելիք Արամն (1744-1745) ու մելիք Եսային (1745-1781) խամսեի գահերեցության իրավունք չժառանգեցին ու միմիայն Դիզակի մելիքությունն էր նրանց տրված: Հենց այս հանգամանքն էլ հնարավոր դարձրեց թափառական խաշնարած ցեղերի մուտքը Արցախի սիրտը: Փանահը զգալով, որ դաշտավայրում չի կարող դիմադրել թշնամիներին, ծրագրում է, ի վերջո, մուտք գործել Արցախի լեռներն ու ամրանալ նրա անառիկ բերդերից մեկում: Այս դեպքում նա կարող է ապահովել խաշնարած ցեղի հոտերի անարգել շարժը դեպի ալպյան մարգագետինները, իսկ նրանցից գանձվող տուրքը ոչ թե կզնա հայ մելիքներին, այլ կհարստացնի իրենց իսկ գանձարանը: Թե չէ՝ եթե իրենք չտիրեն լեռներին, ճաք մի օր էլ այս հայերը գարնանը կփակեն իրենց հազարավոր հոտերի ճանապարհը, այդ դեպքում արդեն խաշնարած ցեղերի գոյությունը ոչ մի իմաստ չի ունենա: Այդ ժամանակ էլ Մելիք-Շահնազարը, հանձինս Փանահ-Ալիի տեսնելով իր դաշնակցին ու փրկչին, առաջարկում է իր իշխանության տարածքում գտնվող Շուշի բերդը: Փանահը, ծանոթանալով տեղանքին, այս արարարություն էլ տեսավ այն անխորտակելի բերդը, որի միջոցով կարող էր նվաճել ողջ Արցախը: Իհարկե, ընդամենը 25 տարի էր անցել Շուշիի սղնախի հզորության ժամանակներից, և, հավանաբար, նա շատ էր լսել այս անառիկ բերդի, նրա քաջարի պաշտպանների, օսմանյան զորքի պարտությունների մասին: Նա արդեն տեսնում էր, որ շատ քիչ բան էր պետք անել՝ վերականգնելու բերդապարիսպը: Մնացել էին Շուշիի հին գլխատները, մնում էր ամրապնդել հյուսիսային պարիսպները: Այստեղից հայացք ձգելով դեպի չորս կողմերը, Փանահը արդեն համոզված էր, որ այս բերդից նա կարող էր իշխել ողջ Անդրկովկասի՝ Գանձակի, Շիրվանի, Շաքիի, Վրաստանի, Հայաստանի վրա, հետո կհափշտակի Ազարբայջանը, ինչու չէ, նաև ողջ Իրանը, նրա թագը, թե չէ՝ ինչո՞վ է պակաս Սարուջալուն Ավարից կամ Ղաջարից⁴⁰⁵: Փանահն ու Մելիք-Շահնազարը Արցախի բոլոր վայրերից Շուշի

⁴⁰⁵ Ղաջար - Չալախիի ցեղ, որոնց Միջին Ասիայից Իրան էր տեղափոխել Չինգիզխանի թոռ Գուլակու խանը: Սուրտակը, որը Արդու խանի խնամակալն էր

հրավիրեցին հայ շինարարների՝ խոստանալով նրանց ազատել արքունական և հասույթի հարկերից: Բերդի ամրացման աշխատանքները սկսվեցին 1752 թ. ամռանը⁴⁰⁶ (XIX դարի թաթար պատմիչ Սիրզա-Ջեմալ Ջիվանշիրը բերդի հիմնադրումը համարում է հիջրայի 1170 թվականը (1759 թ.)⁴⁰⁷: Խորհրդային Ադրբեջանի պատմիչները քաղաքական նպատակներից ելնելով դիտարկում են մերժում էին Շուշիի մինչ 1752 թ. գոյությունը ու համառոտ են բերդի հիմնումը կապում իրենց ցեղակից Փանահ-Ալիի անվան հետ: Այսպես, Շուշինսկին գրում է. «Շուշի քաղաքի հիմնադիրը եղել է դարաբաղցի Փանահ-խանը»⁴⁰⁸: Իսկ թե «դարաբաղցի» ասելով ինչ է հասկանում հեղինակը, պարզ չէ: Ինքը՝ Փանահը, առաջին անգամ Արցախի հող է մտել 60 տարեկան հասակում: Նման հորջորջումները յուրահատուկ էին Խորհրդային Ադրբեջանի մյուս գիտնականներին ու պատմաբաններին, որոնք իրականացնում էին պատմական Հայաստանի տարածքները (առաջին հերթին՝ Արցախը և Ուտիքը) «ադրբեջանացնելու» պանթուրքական ծրագիրը: Սակայն այս երազանքը մատնված է անհաջողության, որովհետև հենց Առանի տարածքում «Ազերբայջան» անունով պետության ստեղծելն իսկ կեղծիք է, քանի որ հայումնի է, որ բուն Ատրպատական-Ազարբայջանը Արաքսից հարավ է գտնվում և Իրանի ամբաժանելի մասն է կազմում: Շուշի բերդն ուներ երկու հիմնական մուտք՝ հարավայինը կոչվում էր «Երևանյան», որը բացվում էր դեպի Գորիս, Երևան ու Թիֆլիս տանող ճանապարհի վրա, հյուսիսային մուտքը կոչվում էր «Ջրաբերդի», հետագայում «Գանձակ-Գյանջայի»: Պաշտպանական համալիրի վերակառուցումը անձամբ ղեկավարում էր Մելիք-Շահնազարը, որը շտապում էր իր նոր դաշնակցի հետ ամրամալ այստեղ և անխոցելի դառնալ Խամսայի մելիքների համար, հնարավորության դեպքում հարծակվել ու կործանել նրանց: Հայ շինարարները թե պարիսպը և թե աշտարակներն ու ապարանքները վերականգնելիս հարազատ էին մնում հայկական ավանդական ճարտարապետությանը: Համախ քարերի շարվածքը ասես ապառաժի շարունակությունն էր կազմում և ընդգծում ձեռակերտի ու բնության միասնականությունը: Ղա ավանդական այն արվեստն է, որ իրար են փոխանցել Կաջաղակաբերդի, Խոխանաբերդի, Ջրաբերդի, Գյուլիստանի, Գուչաբերդի, Տողաբերդի, Գորդաբերդի, Հանդաբերդի կառուցողների սերունդները: Տաժանակիր աշխատանքին շատերը չէին դիմանում: Ջուզահեռաբար վերանորոգում էին մելի-

ու Խորասանի և Թաբասարանի կառավարիչը, իր որդուն տվեց Ղաջար անունը, որն էլ անցավ ողջ ցեղին:

⁴⁰⁶ Հակոբ Պողոսյան, Պատմութիւն գաւառիս Արցախու, Մատենադարան, ձեռագիր N 2734, էջ 23:

⁴⁰⁷ М.Д.Джеваншир, "Карабах", газета "Кавказ", Тбилиси, 1855, N 61, с. 62.

⁴⁰⁸ Ф.Шушинский, Шуша, Баку, 1968, с. 4.

քական ապարանքները՝ իրենց պարիսպներով: Փանահ Ալին յուրացնում է բարձր ապառաժներին կառուցած ապարանքը, իսկ կողքի բարձունքի ապարանքը մնում է Մելիք-Շահնազարին: Այս ապարանքը գտնվում էր դեպի Ավանի քարանձավն ու Հունուտ գյուղը տանող գաղտնի գետնափոր ուղու վրա:

Շուշիի վերաբնակեցմանը նախորդել էին մի շարք իրադարձություններ, որոնք էլ կանխորոշեցին բերդաքաղաքի բնակչության կազմը: Նախիջևանի Յեյդար-Ղուլի խանը խիստ մեծ հարկերով ծանրաբեռնել էր Գողթանի հայությանը, որն այլ ելք չունենալով, ապստամբում է: 1750 թ. առաջինը գեներալի դիմեցին Շահկերտ (Ղազանջի) հայաբանակ ավանի մարդիկ՝ իշխան Հովհաննես Խանդամիրյանի գլխավորությամբ: Խանը ամեն հարձակման ժամանակ անհաջողության էր մատնվում ու չնայած օգնական ուժերին, ետ շարտվում ամրացված ավանից: Յեյդար-Ղուլին ստիպված հաշտություն է առաջարկում: Սակայն ապստամբության առաջնորդը խաբուսությամբ թունավորվում է նենգ խանի կողմից և մահանում: Շահկերտի բնակչությունը, խուսափելով արյունարբու խանի վրեժխնդրությունից, անցնում է լեռներն ու գաղթում Ղափան: Նրանց մի մասը տեղափոխվում է Շուշի⁴⁰⁹: 1752 թ. նման մի աղետի է հանդիպում նաև Ազուլիս քաղաքի բնակչությունը: Նաղիր շահի սպանությունից հետո անիշխանության տարիներին Իրանի հյուսիսում տիրում էր Ազատ խանը, որը փորձում էր նոր տարածքներ գրավել: Դեպի Երևան արշավելիս նա բախվում է վրացական զորքին և պարտվում: Նահանջի ճանապարհին Ազատ խանը թալանում է Նախիջևանի հայաբանակ գյուղերը: Նա մոտենում է իր հարստությամբ հռչակված Ազուլիս քաղաքին: Ազուլիսը շահից «խաս» կոչվող կարգավիճակ էր ստացել և տուրք էր տալիս միայն արքունիքին, ուստի բնակիչները մերժում են Ազատ խանի՝ տուրք տալու առաջարկը: Ազուլիսի մելիք Եսային, որը մեծամիտ և շատ հարուստ մարդ էր, հրաժարվեց բանակցել խանի հետ: Խանը առաջարկեց սնունդ և մթերք վաճառել կամ փոխ տալ իրենց: Գոռոզ մելիքը կրկին մերժեց գեներալ Բաժանելով բնակիչներին: Պարսիկ զինվորները հարձակվեցին, թալանեցին ողջ Ազուլիսը, գերեվարեցին շատերին: Մելիք-Եսային ու նրա մերձավորները փակվեցին Թովմա Առաքյալի վանքում, որը պարսպապատ էր: Չինվորները բացում են երկաթյա դռները, կոտորում բոլորին, թալանում Ազուլիսի 11 եկեղեցիները: Ազուլիսիցիների մի մասը գաղթեց դեպի Արևմտահայաստան, մյուս մասը գնաց Շուշի⁴¹⁰: Բերդաքաղաքի սարահարթի հյուսիսային հատվածում տեղադրված էին բերդավանի պարիսպներին մոտ հատվածը Փանահը խլում է հայ բնակիչներից, Շահադյուրի ապա-

⁴⁰⁹ Լեո, Երկերի ժողովածու, հ.3-2, Եր., 1973թ. էջ 230-234 (այսուհետ՝ Լեո):

⁴¹⁰ Նույն տեղում, էջ 234-236:

րանքից այստեղ տեղափոխում ռայաթներին, բեկերին, զինվորականների ընտանիքներին, ժառանգորդներին⁴¹¹: Իսկ հին բնակավայրերի վերին մասը, որտեղ գտնվում էր սբ.Աստվածածին քարաշեն եկեղեցին ու Քամու Խաչ սրբատեղի-ուխտատեղին, թողնվում է տեղաբնիկ հայերին: Սարահարթի վերին հարավային հատվածը հատկացվում է Շահկերտից (Ղազանչի), Ագուլխից, Մեղրիից գաղթած հայերին, որոնք էլ հիմնում են իրենց թաղամասերը: Դրանք կառավարվում են իրենց ընտրած տանուտերերի կողմից: Եթե մահմեդական բնակչության մեջ գերակշռում էին քոչվորները, նոքարները, բեկերն ու զինվորականները, ապա հայերը որոնադիրներ էին, շինարարներ, արհեստավորներ, ինչպես և վաճառականներ ու առևտրականներ: Դայ վաճառականներն իսկույն Շուշիի սարահարթը կապում են Խուղափիրինի կամրջով Թավրիզից Գանձակ ու Թիֆլիս տանող առևտրական ճանապարհի հետ, աշխուժացնում Պարսկաստանից եկող Գորիս-Երևան առևտրական ճանապարհը: Դայ բնակչությունը ամեն կողմից Շուշի էր տեղափոխվում՝ օտար ավարառուներից ու ասպատակիչների հարձակումներից պատսպարվելու համար: Բերդաքաղաքի Երևանյան և Ջրաբերդի դարպասների միջև ձգվող ճանապարհի երկու կողմերում բացվում են ագուլխիցի ու շահկերտցի առևտրականների խանութները: Դայ արհեստավորները բացում են իրենց արհեստանոցները: Մեծանում է Ղափանից Շուշի բերվող պղնձի քանակը: Շահկերտցի պղնձագործները իրենց արհեստանոցներում պատրաստում են կաթսաներ, պղնձե գործիքներ: Դայ վաճառականները սկսում են Արցախի բնակավայրերում զարգացնել շերամապահությունը, աստիճանաբար կարևոր դիրք գրավում մետաքսի առևտրում: Յուրաքանչյուր թաղամաս սկզբում հիմնում է իր փայտաշեն եկեղեցին: Իսկ քոչվոր թաթարները Կուրի ափից բերեցին եղեգն եւ դրանցով վրանատիպ մզկիթ կառուցեցին: Ինչպես պատմում է Միրզա-Ջեմալ Ջիվանշիրը, ռազմավարական հարցերը Շուշիում վճռվում էին հատուկ խորհրդակցություններում, որոնց ոգին Մելիք-Շահնազարն էր: Փանահ Ալին բերդն անվանեց իր անունով՝ Փանահաբադ: Թուրք եւ թաթար նվաճողների համար սովորական երևույթ էր իրենց նվաճած երկրներում անվանափոխել իրենց նվաճած երկրների տեղանունները, կոչել իրենց լեզվով: Սակայն այս անգամ Շուշիի սովորացող բնակչությունը չընդունեց օտար անվանումը: Իսկ թուրքախոս բնակչությունն էլ հաշտվեց Շուշի անվան հետ, փոփոխության ենթարկելով միայն անվան վերջին տառը՝ «ի»-ն դարձնելով «ա»: Այս դեպքում «շուշա» բառը թուրքերենով արտահայտում է «հայելի» իմաստը: Իսկ թե երբ էր բերդի «Կարկառ» հին անվանումը «Շուշիի» փոխվել և ինչու են մոռացության մատնել հին անունը, անհայտ է: Բերդի այս անվանը առաջին անգամ մենք

⁴¹¹ М.Д.Джеваншир, История Карабаха, Баку, 1959, стр. 72.

հանդիպում ենք Շուշիի սբ.Աստվածածին եկեղեցում 1428 թ. Տեր-Մանուել գրչի ստեղծած Ավետարանի հիշատակարաններում: Դաջորդ Ավետարանը Մանուելը գրել է Գթիչ (Գոիչ) վանքում, որի հիշատակարանում գրում է. «... եւ դառն է անբարի ժամանակիս, որ թորգոմացի ազգն տիրեն աշխարհի, եւ ամենքեւն ի մեծ վշտի կան, եւ ազատութեան տեսոն կամքն է»: Շուշիում հայկական հոգևոր մշակութային կյանքն սպառվեց արդյոք: Դավաստի վկայություններ կան նաև հաջորդ ժամանակների վերաբերյալ: Մեզ է հասել մեկուկես դար հետո նույն սբ. Աստվածածին եկեղեցու գրչատանը գրված մեկ այլ Ավետարան ևս, որի հիշատակարանում գրված է. «Կատարեցի... զմաքրափայլ Ավետարանս ի Փոսա Նհանկ գավառս Վերընթո, ի գաւղս, որ կոչի Շուշոյ... ընդ հովանեալ սբ. Աստվածածին: Գրեցա ի թվականութեանս ՌՅԴԵ (1575)»⁴¹²: Դիզակի եւ Վարանդայի բնակչության 1724 թ. հունվարի 4-ին ռուսաց հպատակություն ընդունելու առթիվ տված հավատարմագրի վերջում գրված է. «Գրվեցավ զիրս Շուշոյ սղնախումն թիվն հայոց ՌՃՆԳ (1724 թ.), յունվար ամսուն, գրոյս վերջ»⁴¹³: Իսկ Լեոն եզրակացնում է «այժմյան Շոշու գյուղն ավելի իր անունը բերդից է ստացել, քան թե անուն է տվել նրան»⁴¹⁴: Շոշ բառը արցախյան բարբառում ընծյուղն է կամ շիվը: Այն Պարսկաստանի հին մայրաքաղաք Շոշի հետ կապող ոչ մի աղբյուր չկա, ու դժվար է նման ենթադրությանը հավատալ: Պատմության կեղծումը Առան թափանցած խաշմարած թափառական ցեղերի մոտ սկիզբ է առել դեռևս XIX դարի կեսերին, երբ իրենք ևս սկսեցին առնչվել զիր ու գրականության հետ: Նրանց առաջին պատմիչները՝ Միրզա-Ջեմալ Ջիվանշիրն ու Ադիգյոզալբեկը, որոնք շարադրել են Շուշիի խանության պատմությունը, երբեք չէին հիշում, որ մինչ Փանահի ու նրա տոհմի Արցախս ոտք դնելը (1752 թ.) այստեղ բերդեր, ժողովուրդ են եղել: Արդեն Երևան է գալիս տեղի երկրների հնագույն պատմություններն իրենց ժողովրդին վերագրելու միտումը, սեփական հայրենիք ստեղծելու ձգտումը, քանի որ ալթայյան, ապա և միջինասիական հայրենիքից՝ բուն արմատներից կտրված անհայրենիք կյանքը ոչ մի ապահովություն չի խոստանում իրենց, ու նրանք արդեն կարիք էին զգում քաղաքակիրթ ժողովուրդների պես իրենց «մշտական» հայրենիքն ունենալ: Արդեն համոզվել էին, որ «անհայրենիք» տարածք չկա ոչ մի տեղ, իսկ բարեբեր երկրներում առավել ևս: Պարզվում է, որ որևէ երկիր թափանցելը, այստեղի արոտներում վրան

⁴¹² Մատենադարան, ձեռագիր 1575, էջ 264ա:

⁴¹³ ГАФКЭ, Ф. СРА, 1724, N 4, л. 19, կամ՝ պրո. ֆ. Ա. Արահամյան, Մի էջ Անդրկովկասի ժողովուրդների և հայ-ռուսական հարաբերությունների պատմությունից, Եր., 1953, էջ 145:

⁴¹⁴ Լեո, էջ 267, կամ՝ Լեո, Պատմություն Ղարաբաղի հայոց թեմական հոգևոր դպրոցի, Թիֆլիս, 1914թ., էջ 60:

խփելը քիչ է: Երկիրը նվաճելը ևս: Սոնդոլները, թաթարները ևս նվաճեցին, սակայն ոչինչ էլ նրանց չէր: Քանի որ նրանք իրենց հայրենիքն ունեին: Իսկ ահա թափառական ցեղերը, գալով նվաճողների հետևից, մնացին ուրիշի նվաճած երկրներում: Նրանք սկզբում լցվեցին Իրանի նահանգները, Ատրպատականում (հին մարերի երկիր) աստիճանաբար խառնվեցին բնիկ ժողովրդի՝ մարական ցեղերի հետ, որոնք պարսիկ ժողովրդի մի հատվածն են՝ նրանց պարտադրելով իրենց լեզուն, կենցաղը: Իհարկե, նրանք իրենց հերթին վերցնում էին բնիկների ունեցած ամեն ինչը՝ կենցաղը, սովորույթները, ամեն կերպ ձգտում էին ավելի շատ խառնվել, մոռանալ իրենց անապատային անցյալը: Եվ ահա հաջորդ փուլն արդեն բնիկների պատմության, մշակույթի յուրացումն էր: Առանի դաշտից հայերին դժվար չէր քշել, քանի որ նրանք վաղուց պետականություն չունեին, իսկ առանց մեծ զորքի կամ միության անհնար էր պաշտպանվել: Իսկ Իրանի փոփոխվող տերերի համար միևնույն էր, թե որ ժողովուրդը հարկ կմուծի: Սակայն դաշտը նվաճելը բավարար չէր: Մինչև չամրանա լեռներում, ուժեղ լինել չես կարող: Անիշխանության այս ժամանակահատվածում բոլոր իրադարձությունները իրենց օգտին էին: Առանում բնավորված թափառական ցեղերի հույսը Փանահ-Ալին էր: Նրա հետ արդեն հաշվին էին ստում հարևան տիրակալները: 1752 թվականին վրաց իշխաններ Թեյմուրազն ու Յերակլը, Ղարաղաղի Քյազին խանը, Նախիջևանի Յեյդար խանը, Գանձակի Շահվերդի խանն ու Փանահը, իրար հետ դաշնակցած, Գանձակի մոտ պատրաստվում էին պատերազմելու Կուրի մյուս ափին Մինկեչավր (հայոց Քանդակ) գյուղում բանակ դրած Շիրվանի Չաջի-Չելեբի խանի դեմ: Շիրվանի տիրակալը հավատարմորեն ծառայելով սուլթանական Թուրքիային, շարունակում էր մնալ նրա կովկասյան դաշնակիցն ու զործակալը: Փանահի հետ էր և Վարանդայի Մելիք-Շահնազարը՝ իր գնդով⁴¹⁵: Թեյմուրազը, ինչպես ցույց տվեցին հետագա իրադարձությունները, այլ ծրագիր էր հետապնդում: Նա որպես իշխանաց իշխան իր բանակում խորհրդակցության է հրավիրում «դաշնակից» խաներին, հյուրասիրում իր վրանում ու անսպասելիորեն ձերբակալում է նրանց, կասկածելով, որ նրանք նպատակադրվել են միանալ Չաջի-Չելեբիի հետ ու միասին հարձակվել վրաց զորքի վրա: Վրաց ժամանակագիրը հայտնում է, որ մեծ իրարանցում է սկսվում վրաց բանակում: Չաջի Չելեբիին, որը տեղեկանալով այս իրադարձություններին անսպասելիորեն հարձակվում է: Նրան են միանում Ղարաղաղի, Նախիջևանի, Գանձակի ու Ղարաբաղի զորքերը: Վրացիները ծանր պարտություն են կրում, քանի որ զորքը անկառավարելի էր դարձել: Փրկված վրացիների մի մասը գնաց Սղնախ, մի մասը՝ Երևան, իսկ իշխանաց իշխանը՝ Թփղիս հասավ: Շիրվա-

⁴¹⁵ З.Авагов, Присоединение Грузии с Россией, СПб, 1901, стр. 91.

նր տերը գերությունից ազատում է խաներին, հալածում վրացիներին մինչև Թիֆլիսի մատույցները, ապա Թեյմուրազի և Յերակլի առջև պայման դնում, որ հրաժարվեն «թուրքական» հողերից: Այս պայմանը հաստատում է որ Չաջի Չալաբին շարունակում էր ծառայել Թուրքիային: Փանահը, երջանիկ պատահարով ազատվելով այս փորձանքից, որոշում է այլևս չհապաղել և գրավել ողջ Լեռնային Ղարաբաղը: Իսկ հայ մելիքներն այլևս անմաստ են համարում Շահնազարից վրեժ լուծելու համար Շուշի բերդի վրա հարձակվելը, քանի որ դրա համար իրենք բավարար ուժեր չունեին: Փանահն ու Մելիք-Շահնազարը, օգտվելով Իրանում տիրող անիշխանությունից, մտածում են, թե ինչպես իրենց ենթարկեն մելիքներին կամ խլեն նրանց տարածքները: Նրանք հարձակվում են Ջրաբերդի վրա: Թարթառ զենի վրա մի բարձր ու մուտք չունեցող հսկա ապառաժի վրա գտնվող այս բերդը ևս շատ հին պատմություն ունի ու միշտ էլ հայության համար հուսալի ապաստան է ծառայել՝ օտար նվաճողների դեմ անվերջանալի պայքարում: Մելիք Ալլահ-Ղուլի սուլթանի դեմ ոչ մի հաջողության չհասնելով, Փանահը, որը նախկինում այս հզոր պատերազմողի մոտ որպես հարկահավաք էր ծառայել, հաշտություն է առաջարկում, արևելյան խորամանկ ու նենգ տիրակալի նման հարմար առիթ փնտրելով այս քաջ ու զորեղ իշխանին վերացնելու համար: Ջրաբերդի մելիքը, չնայած պատերազմական իր մեծ փորձին ուղղամիտ էր և ազնիվ, ընդունում է Փանահի առաջարկը: Նրանց միջև երկրորդ հանդիպումը տեղի է ունենում Ամարասի վանքում, որը գտնվում էր Մելիք-Շահնազարի տիրույթում: Այստեղ ձերբակալում են Նադիր շահի սիրելի հերոսին, տեղափոխում Շուշիի բանտը: Դավադրության կազմակերպիչը Մելիք-Շահնազարն էր: Ժողովրդի մեջ երկար ժամանակ հիշվում էին այն երգերը, որ հայ հսկան երգում էր բանտի իր խցում: Նա կանչում էր իր քաջ եղբորը՝ Մելիք-Աղամին, իր անպարտելի զինակցին՝ հսկա Ավագ վարդապետին, որին թշնամիները Դալի-Մահրասա (գիժ վարդապետ) էին կոչում, նրանց հորդորում էր քանդել Շուշին, իրեն ազատել բանտից⁴¹⁶: «Դալի Մահրասան Ղարաբաղի հայոց Քոր-Օղլին էր. ժողովուրդը գուցե մինչև հավիտյան կհիշե այն բոլոր հրաշքները, որ կատարել է նա իր կռիվների մեջ: Երբ ստում էր իր նշանավոր մոխրագույն (բոզ) մետուղի վրա եւ կայծակի նման նետվում էր դեպի պատերազմի դաշտը, նրա ահարկու, որոտալից ձայնը բավական էր թշնամուն սարսափեցնելու համար: Եկեղեցու մոլեռանդությունը պատժեց գիժ արեղային իր կատարած արյունահեղությունների համար: Մի՞մոն կաթողիկոսի ժամանակ նրան տարան էջմիածին եւ բանտարկեցին սառցարանի մեջ, որ ապաշխարե: Մի

⁴¹⁶ Բաֆֆի, Երկերի ժողովածու, հ. 10, համալի մելիքություններ, Եր., 1964, (այսուհետ՝ Բաֆֆի), էջ 204:

օր իր բանտի մեջ լսեց նա, որ վանքում ինչ-որ աղմուկ ու իրարանցում է տիրում: Նրա հարցին աստասխանեցին, թե Ջալալի քրդերը եկան, վանքի անասունները թալանեցին, հիմա վտանգ կա, որ վանքն էլ կողոպտեն: «Կարող եք տալ ինձ մի ձի եւ մի քանի գեներ», - ասաց ապաշխարողը: Երբ նրա խնդիրը կատարվեցավ, նա նստեց ձին եւ նետվեցավ ջալալիների ետեւից: Մի քանի ժամից հետո վերադարձավ նա, ետ բերելով քրդերի տարած ավարը: Այդ օգուտը վանքին տալուց հետո, նրան արձակեցին, խոստմունքը առնելով, որ այլեւս մարդասպանություն չանեն»⁴¹⁷: Ավագ վարդապետը, Թուլի-Արզամանն ու Չալաղան-Յուզբաշին յոթ տարի թույլ չտվեցին, որ մի թուրք անցներ Մազե կամրջից⁴¹⁸ դեպի Ջրաբերդի և Գյուլխտանի կողմերը: Սակայն շուտով սպանում են բանտարկված մելիքին: Մելիք դարձավ նրա եղբայրը՝ Ադամը: «Դա իր հատկություններով շատ նման էր իր քաջ եղբորը, - գրում է Բաֆֆին, - մանկության հասակից իբրև պատանդ պահված լինելով Դաղստանի հսոսրով-սուլթանի մոտ, Մելիք-Ադամը վարժվեցավ տեղային լեռնաբնակների հերոսական հատկությունների մեջ: Նրան ազատեց այնտեղից Նադիր-շահը իր Դաղստանի արշավանքի ժամանակ»⁴¹⁹: Փանահի գործը, համալրվելով Կուր-Արաքսի դաշտավայրի թափառական ցեղերով, կրկին հարձակվեց Ջրաբերդի վրա: Մելիք-Ադամը ստիպված էր գործով անտառով նահանջել դեպի Գյուլխտան: Կռիվները տեղափոխվեցին Գյուլխտանի ամրությունները: Մելիք-Ադամն ու Մելիք Յուզբաշինը ստիպված էին իրենց գործի ու ժողովրդի մի մասի հետ հեռանալ իրենց տիրույթներից և ապաստան գտնել Գանձակի Շահվերդի խանի մոտ, որը Փանահի հակառակորդն էր: Գանձակի խաները այդպես էլ չէին հաշտվում Նադիր շահի Գանձակի խանության ուժերն ու տարածքները ջլատելու որոշման հետ ու Փանահին անօրեն ու ինքնակոչ էին համարում: Գանձակի Շահվերդի խանը, որը սերտ կապեր ուներ հայ մելիքների հետ, ուրախությամբ էր ընդունում նրանց: Ի վերջո, Գանձակի խանը ստիպված հաշտվում է այս իրողության հետ և նոր կալվածքներ նվիրում: Բացի այդ, Շահվերդի խանը երախտապարտ էր Ջրաբերդի մելիքին, որը նրան օգնել էր իր եղբոր Սամադ խանի դեմ գահակալական կռիվներում, և օգնել վերստին տիրելու Գանձակին⁴²⁰: Եվ ահա Շահվերդի խանը այս երկու հայ մելիքներին բնակության տեղեր է հատկացնում Շամքորի շրջակա լեռներում: Մելիք-Ադամն

⁴¹⁷ Այս դեպքը ոչ թե Սիմեոն Երևանցու, այլ Դակոբ Շամախեցու ժամանակ էր, քանի որ 1763 թ. Սիմեոնը դեռևս կաթողիկոս չէր, էջմիածին եկած էմինը տեղեկանում է, որ Ավագ վարդապետը կենդանի չէ:

⁴¹⁸ Մազե կամուրջը գտնվում է Կարկառ գետի վրա Կարարակն գյուղի (այժմ՝ Ստեփանակերտ) մոտ:

⁴¹⁹ Բաֆֆի, էջ 204:

⁴²⁰ Բաֆֆի, էջ 206:

ու Մելիք-Յուզբաշինը «ամրանալով այստեղ, սպասում էին հարմար առիթի՝ Փանահի խանի հետ իրենց արյունոտ վեճը շարունակելու համար»⁴²¹: «Լաբաբաղի Փանահի խանն ուժ էր գործադրել Սղմախի մելիքների նկատմամբ. հայերն այլևս չէին կարող դիմանալ. մի ծորի մելիք Յուսուֆ-բեկը (Գյուլխտանի Մելիք-Յուզբաշինի) հարյուր ծովսից բաղկացած խիզաններով տեղահան էր եղել ու (1755 թ.), գալով Կրաստան, տեղ խնդրել վրաց թագավորներից: Այս հանգամանքները զեկուցեցին թագավորներին Թելավում, իսկույն ևեթ մարդ կցեցին նրանց և այս սղմախցիներին բնակեցրին Տփղիս քաղաքի Քարափի թաղի կողմը, իսկ իրեն՝ մելիքին, կանչեցին Կախեթ: Գնաց Մելիք-Յուսուֆ-բեկն իր գործով Կախեթ, միացավ թագավորներին: Յրամայեցին ողորմածություն ցույց տալ նրան և պատվելով պահեցին»⁴²²: Մելիք-Ադամը իր ընտանիքը ուղարկել էր Գանձակ, իսկ ինքը ամրացել Ջրաբերդում: Արցախում Փանահի միակ գործը բշմամիտ մնում էր Դիզակի Մելիք Եսային: Փանահը երկու անգամ հարձակվում է Տողի ամրոցի վրա ու պարտություն կրում: Սակայն հաջորդ ճակատամարտում դիզակցիները պարտվում են, ու Մելիք-Եսային հաշտության առաջարկություն է անում Շուշիի տիրոջը, որն ընդունեց ու հաշտություն կնքեց: Մելիք Եսային ապրեց մինչև խոր ծերություն: 1781 թ. հպատակ մնալով Շուշիի խանությանը: Այլևս ոչինչ չէր խանգարում Փանահին ընդարձակելու իր տիրության սահմանները: Դաջող ասպատակություններով նա Դարաղաղի խանից խլեց Մեղրին, Նախիջևանի շրջանից՝ Տաթևն ու Սիսիանը, Թավրիզի Բեկլարբեկից Կապանն ու Գորիսը: Այս Փանահը գրավեց Թարթուս գետի ներքին հովիտը՝ մինչև Կուր գետը, հետո և Ջարախլը: Ամեն կողմից թաթարական ավազակախմբեր էին գալիս միանալու Փանահին, քանի որ նա միշտ հովանավորում էր թալանն ու ավազակությունը: Նախիջևանից եկան և նրան միացան Դեմիրչի-Յասանլու հազարապետները, Կրաստանից՝ Ջինլի ցեղապետը: Փանահի գործերի մեջ էին ընդգրկված Կուր-Արաքսի միջագետքում (Առան) ջիվանջիրի, օթուզիքի (երեսուներկու), քեթրլի ցեղախմբերը: Սակայն Շուշիի պես մի անմատչելի հենակետ ունեցող և դեպի այն ու ծախս նվաճումներ անող, տերությունն անընդհատ ընդարձակող խանը լուրջ վտանգ էր ներկայացնում նաև Իրանի մյուս տիրակալների համը, որոնք ծրագրեցին Փանահից խլել Շուշիի բերդը⁴²³: Նման առաջին փորձը ժեռնարկեց Մազանդարանի կառավարիչ Սուլիման-Յասան խան Դաջարը: Նա մեծ գործով անցնելով Արաքսը, բանակ դրեց Շուշիից ոչ հեռու Խաթունարխ վայրում: Ավետարանոցից հայկական ջոկատներն անընդհատ հար-

⁴²¹ Լեո, էջ 270:

⁴²² Մելիքսեթթեկ, Կրաց աղբյուրները..., էջ 144:

⁴²³ Լեո, էջ 272-273:

ծակուններ էին գործում ու փախցնում նրանց ծիեռի երամակները: Մազանդարանի կառավարիչը պաշարեց Շուշին և պատրաստվում էր վճռական հարձակման, սակայն մեկ ամիս հետո, տեղեկանալով, որ իր դեմ լուրջ սպառնալիք է ստեղծվել բուն Իրանում, նրա դեմ է ապստամբել Շիրազի վեքիլ Քերիմ-խան Չենդը, արագորեն հեռանում է Արցախ-Ղարաբաղից: Նա այնքան է շտապում, որ Արցախում է թողնում իր ծանր հրետանին: Փանահը, ուրախանալով այս «նվերի» համար, թնդանոթները տեղափոխում է Շուշի:

Բերդաքաղաքում հայկական թաղամասը առանձնացված էր մահմեդական թաղամասից, և յուրաքանչյուր թաղամաս ապրում էր իր ներքին կյանքով: Տարբեր վայրերից Շուշի եկած ու տարբեր բարբառներով խոսող հայերը աստիճանաբար մոռացան իրենց մայրենի խոսվածքն ու յուրացրին արցախյան բարբառը, ստեղծեցին մի նոր յուրօրինակ քաղաքային մթնոլորտ: Այն իր ազդեցությունն ունենալով ողջ Ղարաբաղի բնակավայրերի վրա, շատ բան փոխեց երկրամասի նահապետական կենցաղի, սովորությունների մեջ: Սակայն մարդկանց այս եզակի խառնարանը պետք է հեզորեն հպատակվեր խանական իշխանությանը, անհատույց ծառայեր նրան, օգներ հարստություն դիզելու, աջակցեր Արցախի գավառներում հայկական ավանդական իշխանությունների դեմ պայքարում: Դաջորդ տարի 1761 թ., 30 հազարանոց բանակով Շուշին նվաճելու է գալիս Ուրմիայի կառավարիչ Ֆաթալի խան ավշարը. որը Նադիրի ժամանակ բանակի հրաձիգների հրամանատարն էր: Նա արդեն իրեն էր ենթարկել ողջ Ատրապատականը, ծրագրել էր հպատակեցնել Հայաստանն ու Հարավային Կովկասը, ապա և գրավել Իրանի գահը: Այս արշավանքում Ֆաթալի խանին էին միացել Վրաստանի Հերակլ թագավորն ու Ջրաբերդի և Գյուլիստանի մելիքներ Աղամն ու Հովսեփը: Պարսից զորքը բանակ դրեց Խոջալու գյուղում, որը գտնվում էր Ասկերանի ամրոցի և Վարարակն գյուղի միջև: Ֆաթալի խանը պայմանավորվում է հայ մելիքների հետ, որ ձերբակալելով Փանահին, հայերի ձեռքը կհանձնի նրան, միայն թե օգնեն գրավելու բերդը: Փանահը, խուսափելով բերդում երկարատև պաշարված մնալուց, որը դեռևս ամրացված չէր, հավաքելով Ջիվանչիրի ցեղերի առաջնորդներին իրենց զորքերով, ընդառաջ է գալիս Ուրմիայի կառավարիչին և վճռական ճակատամարտում պարտություն է կրում: Փանահն ու Մելիք-Շահնագարը, ուրիշ ելք չունենալով, հպատակություն են հայտնում ուրմեցի խանին, որպես փրկագին նրան ուղարկելով 10 հազար ոսկի⁴²⁴: Փանահը խոստացավ պատանդ տալ իր որդուն, որն էլ կլինի հպատակության երաշխիքը: Շուշի խանը իր որդուն Իբրահիմ Խալիլին խաբելով, թե իբր Ֆաթալին իր դատերը նրան

⁴²⁴ Բաֆֆի, էջ 208:

կնության է տալիս, թանկարժեք նվերներով ուրմեցու վրանն է ուղարկում: Ֆաթալի խանը իսկույն ձերբակալում է Իբրահիմին ու բավարարված ճամայա պաշարման նման ելքից, իր բանակով Պարսկաստան է վերադառնում, տանելով և Փանահի ավագ որդուն: Ֆաթալին շտապում էր Իրան վերադառնալ, որտեղ նրա դեմ աստիճանաբար հզորանում էր մեկ այլ ախոյան Շիրազի կառավարիչ պարսիկ Քերիմ Չենդը: Իրեն փոխանորդ թողնելով կրտսեր որդուն՝ Սիիրալիին, Փանահը միանում է Ֆաթալի խանի դեմ Ուրմիա արշավող Քերիմ Չենդին՝ որդուն գերությունից ազատելու հույսով: Ֆաթալի խանը մի ճակատամարտում սպանել էր Չենդի եղբորը՝ Ասկար խանին, ու Չենդը լի էր Ուրմիայի կառավարիչի նկատմամբ վրեժխնդրությամբ: Չենդը տիրում էր Իրանի մեծ մասին և համարվում էր անչափահաս Իսմայիլ շահի խնամակալը: Այս հակամարտությունը նաև բուն պարսիկների և թուրքական ցեղերի (ավշար և դաջար) միջև Իրանում իշխելու համար համառ ու անզիջում պայքարի մի ուրույն դրսևորում էր: 1762 թ. Քերիմ-խան Չենդը Ուրմիայի մոտ վճռական ճակատամարտում հաղթում է, գերի վերցնում Ֆաթալի խանին և գլխատում այն նույն վայրում, որտեղ զոհվել էր իր եղբայրը: Իրանի նոր տերը գերությունից ազատում է Իբրահիմ Խալիլին և հոր Փանահի հետ տանում Շիրազ: Փանահը հասկանում է, որ ինքն արդեն հավերժ գերության է դատապարտված, ուստի և որոշում է ազատվելու համար խորամանկության դիմել: Փանահը հայտնի թմրամոլ էր, ու մի օր, օպիումի մեծ թմրաբաժին ընդունելով, խոր քուն է մտնում: Քերիմ-խանը որոշել էր խոչընդոտելու Փանահին նորից տիրելու Ղարաբաղում: Իբրահիմը դիմում է Քերիմ-խանին, խնդրելով թույլ տալ հոր աճյունը տանելու Ղարաբաղ և թաղելու տոհմական գերեզմանոցում: Պարսիկ խանը, որ հասկացել էր թափառական թաթարների խորամանկ քայլը, պատասխանում է, որ ինքը վճռել է Փանահին պատվով հուղարկավորել, ուստի մարմինը չհոտելու համար հրահանգում է զմռսել այն: Դահիճները կենդանի Փանահին հերժում են, դուրս թափում փորոտիքը: Քերիմ-խանը Իբրահիմին խանական կոչում է տալիս և հոր աճյունի հետ Ղարաբաղ ուղարկում: Փանահին թաղում են Աղոն (սափնակ տուն) գյուղի մոտ Իմարաթ վայրում⁴²⁵: Թաղումից հետո սկիզբ է առնում երկու եղբայրների՝ Իբրահիմի և Սիիրալիի միջև անզիջում պայքարը: Եթե Իբրահիմը իրեն ուժեղ էր զգում Շուշիում, ապա Սիիրալին կողմնակիցներ է գտնում Ղարաբաղի տափարակում, ուր նրան են միանում Փանահից ու Իբրահիմից դժգոհ թափառական ցեղերը: Իբրահիմին աջակցում են իր հոր դաշնակիցները՝ ավարցիները: Իսկ մելիք Սիիրալիին հովանավորում է Դերբենտի կառավարիչ Ֆաթալի խանը, որը թշնամի էր ավարներին: Դերբենտի խանը Շամախու իր վրանում բանակ-

⁴²⁵ Ф.Шушинский, стр. 11.

ցությունների ժամանակ սպանել էր ավարների առաջնորդ Մուհամմադ-Նուցուլին⁴²⁶ ու մեծ հաճությամբ էր ուզում վերացնել ավարների դաշնակիցների որջը և այնտեղ հաստատել իրեն հավատարիմ Միհրալիին: Ֆաթալի խանը, որ գրավել էր Գանձակը, պետք է Ղարաբաղի դաշտում միանար Միհրալիին ու միասին սկսեին Շուշի բերդի պաշարումը: Սակայն դեպքերի հաջորդականությունը Միհրալիի համար կործանարար էր: Գանձակում հանկարծամահ է լինում Ֆաթալի խանը, իսկ Միհրալին սպանվում է մերձավորների կողմից: Իբրահիմը, որ սարսափահար սպասում էր իր կործանմանը, առանց խոչընդոտի տիրանում է խանությանը: Նա իր հորից ժառանգել էր արևելյան քաղաքագետի հատկությունները, սակայն շատ ավելի նենգ էր ու դաժան: Նա, հաշվի առնելով Շամքորի կողմերում ամրացած Գյուլիստանի և Ջրաբերդի մելիքների վտանգավոր ուժը, ձգտում էր նրանց վերադարձնել իրենց տիրույթները, այդպես առժամանակ վերացնել նրանց կողմից սպառնացող վտանգը: Սակայն Գանձակի կաթողիկոսն էր գրել՝ «հզոր ու կորցնելու այս, ինչպես Սիմեոն Երևանցի կաթողիկոսն էր գրել՝ «հզոր ու քաջ իշխաններին»⁴²⁷: Իբրահիմը թարմացնում է, ամրապնդում դաշինքը Մելիք-Շահնագարի հետ՝ պատկվելով նրա դստեր գեղեցկուհի Գուրի-գադի հետ: Վերջինս նաև Դիզակի Մելիք-Եսայու թոռն էր: Մելիք-Շահնագարի առաջին կինը՝ Սոնան, Մելիք-Եսայու դուստրն էր, որին նա խլել էր եղբորից Մելիք-Յուսեփից, դեռևս նրա կենդանության օրոք: Իբրահիմը գիտեր, որ այս հանգամանքը պետք է ավելի գրգռեր Ղարաբաղի մյուս մելիքներին Շահնագարի դեմ, որից էլ օգտվողը ինքը պետք է լիներ: Իսկ հայ մելիքների քաղաքական կարճատեսությունը լրացուցիչ դժվարություններ էր ստեղծում, որից էլ ճարավորներն օգտվում էր Իբրահիմ խանը: «Ղարաբաղի ազատագրական շարժումը վտանգող հզորագույն հանգամանքներից մեկը, ինչպես տեսանք, այն էր, որ այդ շարժման ղեկավարները կարծում էին, թե կարող են նույն պայքարն ավելի նպաստավոր և հեշտ լուծելի դարձնել, եթե հեռանան իրենց երկրից»,-գրում է Լեոն⁴²⁸:

1763 թվականին Ռուսաստանում գահ է բարձրանում Եկատերինա II-ը, որը փաստորեն Պետրոս Առաջինի քաղաքականության ժառանգորդն էր: Կրկին առաջին պլան է մղվում Սև ծովի, նրա նեղուցների գրավման խնդիրը: Սակայն այդ ճանապարհին էին Թուրքիայի վասալ Դրիմի թաթարների խանությունն ու Թուրքիայի եվրոպական տիրապետությունը: Արքունիքում

ամենաազդեցիկ մարդը իշխան Գրիգորի Ալեքսանդրովիչ Պոտյոմկինն էր: Նա նպատակադրվել էր Թուրքիային դուրս բջել Եվրոպայից: Թագուհու շրջապատում մեծ ազդեցություն է ձեռք բերում հայ մեծահարուստ վաճառական արդյունաբերող և կալվածատեր Գրիգորյան Լազարյանը (Իվան Լազարև): Նրա հայրը՝ վաճառական Եղիազարը (Աղազար) 1747 թ. իր չորս որդիների հետ Նոր Ջուղայից (Սպահան) տեղափոխվում է Մոսկվա, այստեղ ծավալում է իր առևտրական գործունեությունը: Գրիգորյանը շուտով տեղափոխվում է Պետերբուրգ ու մտնում պետական ծառայության, աչքի ընկնում ֆինանսական գործերում, դառնում Պետական բանկի վարչության անդամը, նշանակալից ծառայություններ մատուցում ռուսաց կառավարությանը: Նա արքունիքից գնում է Պետերբուրգի շրջակայքում գտնվող Ռուպչա կալվածքը՝ իր շքեղ ապարանքով, որը վերածվում է արքունիքի, թագուհու ընտանիքի և Ռուսաստանի ամենաազդեցիկ մարդկանց հյուրընկալող ու սիրելի վայրերից մեկը: Գրիգորյանը այս ամենին զուգահեռ մեծ հայրենասեր էր, Գայաստանում պետականության վերականգնման մեծ ջատագով: Այս ժամանակ էր, որ Սիմեոն կաթողիկոսը Ռուսաստանի հայոց թեմի առաջնորդ է նշանակում Գրիգորի արքեպիսկոպոս Արղուսյանին, մի եռանդուն գործիչի և մեծ հայրենասերի, որը փաստորեն հայոց դեսպանն էր Ռուսաստանում: Գրիգորյան Լազարյանն ու Գրիգորի Արղուսյանը շուտով նամակներ են հղում Արցախի մելիքներին, հաղորդելով, որ շուտով կգա ռուսական օգնությունը: Ուրեմն, Ռուսաստանը չի հրաժարվել Անդրկովկասն ու Կասպից ծովի ափամերձ շրջանները վերանվաճելու քաղաքականությունից և կրկին նախապատրաստում է բնիկ քրիստոնյա ժողովուրդներին՝ դյուրին դարձնելու այս ծրագրի իրականացումը:

Ղարաբաղում կրկին սկիզբ է առնում կաթողիկոսական աթոռի շուրջ սուր պայքարը: Սակայն այն ոչ միայն զուտ երկու եկեղեցական թերի՝ Գանձասարի ու Երիցմանկաց վանքերի պայքարն էր, այլև քաղաքական սուր և անզիջում պայքար երկու հզոր ախոյանների՝ Գանձակի ու Շուշիի խաների միջև: Ամենքը՝ իշխան թե ռամիկ, տիրացու թե եպիսկոպոս, կլանվեցին այս պայքարի մեջ, կարծես թե միայն այս հարցից էր կախված երկրի ճակատագիրը: Աղվանից կաթողիկոսությունը Եսայի Ջալալյանից հետո անցել էր ջրաբերդից Ներսեսին, որը էջմիածնի կաթողիկոսին հատուկ զրոյությամբ խոստացել էր իրենից հետո իր տոհմակիցներից ոչ ոքի իրեն ժառանգորդ չնշանակել, այլ աթոռը թողնել հաչեցնի տեր Ջալալյաններին: Ներսեսը խոստացել էր նաև նստել Գանձասարի վանքում: Սակայն նա այդպես էլ Գանձասար չգնաց՝ հավանաբար խուսափելով Շուշիի խանի իշխանության տակ ընկնելուց, և նստում էր Ջրաբերդից ոչ հեռու Երիցմանկաց վանքում, իսկ մելիքների երկրից հեռանալուց հետո Գանձակ տեղափոխ-

⁴²⁶ X. Геничутлинский, Историко-биографические и исторические очерки. Махачкала, 1992 (перевод с арабского Т. Айтберова), (далее-Геничутлинский).

⁴²⁷ «Սիմեոն կաթողիկոսի «Ձիշատակարանը», (Դիվան հայոց պատմության), գիրք 9. Թիֆլիս, 1894, էջ 491:

⁴²⁸ Լեոն, 3-3, էջ 298:

վեց: 1763 թ. 120-ամյա Ներսես կաթողիկոսը Գանձակում մահաներծ պատկած՝ իր շուրջը հավաքելով հայ մելիքներին ու զինվորականներին, հայտնեց, որ իր հաջորդ է նշանակում եղբորորդուն՝ Իսրայել եպիսկոպոսին: Ներսեսի մահից հետո Աղվանից կաթողիկոսությանը ենթակա բոլոր շրջաններից Շաքիից (Նոխուս-Նուխի), Շամախիից, Դերբենտից, Բաքվից և այլ վայրերից հրավիրեցին եպիսկոպոսների ու Գանձակի սբ. Գովահննես եկեղեցուն մեծ հանդիսավորությամբ կաթողիկոս օժեցին Երիցմանկանց վանքի եպիսկոպոս Իսրայելին: Ավանդությունն ասում է, որ երբ տեսնում են, որ օծումը օրինական համարվելու համար եպիսկոպոսների պահանջվող քանակը մեկով պակասում է, եպիսկոպոսական հանդերձներ հագնելով, նրանց շարքը համալրում է Շահվերդի խանը: Ամենայն Գայոց կաթողիկոս Սիմեոնը պահանջում է Իսրայելից, որ էջմիածին գա օծվելու: Սակայն Իսրայելը հրաժարվում է էջմիածին գնալուց: Նույն տարում Խամսայի մելիքական տների անդամները, շուրջ հիսուն հոգի, Գանձասարի վանքի Գովահննես Ջալալյան վարդապետին տանում են էջմիածին և խնդրում Սիմեոն կաթողիկոսից՝ Աղվանից կաթողիկոս օծել: Շուշիի խանը ևս պահանջագիր է ուղարկում Սիմեոնին, որ Գանձասարի ներկայացուցչին օծի որպես կաթողիկոս: Սիմեոնը մերժում է, հայտնելով, որ Աղվանից կաթողիկոս է նշանակված Իսրայելը: Վերադառնալով Գանձասար, պատգամավորները հենց վանքում Գովահննեսին կաթողիկոս են օծում: Ի վերջո, Սիմեոն Երևանցին ընդունում է Գանձասարի ընտրյալի գահերեցությունը, քանի որ Իսրայելը հրաժարվում է նստել Գանձասարում: Կաթողիկոսը շրջաբերականներ ուղարկեց ամեն տեղ, որ Իսրայելին որպես կաթողիկոս չճանաչեն⁴²⁹: Սակայն երկպառակությունը ավելի էր խորանում: Ի վերջո, Իսրայելն էլ մի գործիք էր Գանձակի խանի ձեռքում, ինչպես և Գովահննես կաթողիկոսը Իբրահիմ խանի ազդեցության տակ էր: Իսրայելը շարունակեց իր կաթողիկոսությունը, և հաճախ դիմում էր օտար իշխողների օգնությանը, վնաս հասցնելով հայրենի երկրի կենսական շահերին: Կաթողիկոսական աթոռի համար պայքարում հաղթեց Իբրահիմ խանը: Խամսայի մելիքներին իրենց կողմը գրավելու պայքարում ևս Իբրահիմը մի նոր հաղթանակ տարավ: Նա ուղիղ բանակցություններ ձեռնարկեց Գյուլիստանի մելիք Գովսեփի հետ անցյալի թշնամությունը մոռանալ՝ հաշտ ապրելու պայմանով: Գովսեփի պահանջն էր, որ խանը ճանաչի իր ժառանգական իրավունքը և չխառնվի իր գործերին: Սակայն Գանձակի խանը այս համաձայնությանը դեմ էր: Գովսեփի ու Շահվերդու հարաբերությունները լարվեցին, որը ևս ձեռնադրու էր Իբրահիմին: Շուշիի Իբրահիմ խանը բանակցություններ սկսեց Գյուլիս-

⁴²⁹ Սիմեոն Երևանցի «Ջամբռ», Երևանի Մատենադարանի ձեռագիր N978, կամ՝ Симои Ереванци, Джабр, Памятная книга..., Москва, 1958, стр. 280.

տանի մելիքի հետ, համաձայնություն տալով, որ նա վերադառնա իր երկիրն ու անկախ տիրապետի: Սա ավելի լարեց մելիքի հարաբերությունները Գանձակի Շահվերդի խանի հետ: Մելիք Գովսեփը 1765 թ. տեղափոխվեց Գեղարկի մոտ⁴³⁰: Շուտով հայրենի Զրաբերդ վերադարձավ նաև Մելիք-Աղամը: Հարևան երկրների դժգոհությունը Գանձակի խանի նկատմամբ աճում էր, և ահա Շամախու Գուսեին խանը, Իբրահիմ խանը, Շամշադինի թուրքերը, ինչպես և Գեղարկի գործը Գյուլիստանի մելիք Գովսեփի հրամանատարությամբ շարժվում են դեպի Գանձակ: Շահվերդին դիմում է Ջարի լեռնականներին, խնդրելով օգնության գալ, փոխարենը խոստանալով մեծ կաշառք ու հարուստ ավար: Ի վերջո, լեզու գտնելով Իբրահիմի և Գովսեփի հետ, հաշտություն է կնքում, իսկ Գանձակը պաշտպանելու եկած ավար-լեզգիական խառնամբոխին վարձի փոխարեն ուղարկում է Երևանի կողմերը՝ թալանի: Ավարների ասպատակիչ գործի մեջ էր և հայ քաղաքական գործիչ, ազատագրական գործի մեծ ջատագով Գոսեփ էմինը: Նա ծնվել է 1726 թ. Իրանի Գամադան քաղաքում, վաճառականի ընտանիքում⁴³¹: Պատանելության տարիներին նա շատ էր լսել Գայոց Աղնախների հերոս պաշտպանների մասին պատմությունները և երազել երբևէ այնպիսի ունակություններ ձեռք բերել, որոնք անհրաժեշտ կլինեին հայրենիքին, նրա անկախ պետականության վերականգնմանը: Գայոց ստիպված էր տեղափոխվել Իրանից Գնդլաստանի Կալկաթա քաղաքը: Այստեղ երիտասարդ էմինը ծանոթանում է անգլիական ռազմական նորագույն տեխնիկայի, նավատորմի հետ և վճռում անպայման գնալ Եվրոպա, այնտեղ ստանալ համապատասխան ռազմագիտական ուսում, գուցե և փորձ, նոր միայն գնալ Ղարաբաղ, միանալ այնտեղի հերոս զինվորներին, մելիքներին, և օգնել վերականգնելու հայոց թագավորությունը: Եվ ահա 1751 թ. փետրվարի 14-ին 25-ամյա էմինը «Վալպոլ» անգլիական նավով, ծնողներից զաղտնի, մեկնում է Անգլիա: Ծանր օրերից հետո մի դիպվածով նա սերտ հարաբերություններ է հաստատում Լոնդոնի արիստոկրատական շրջաններում, շփվում անգլիական առաջավոր մտքի հետ: էմինը ընդունվում է Վուլվիչի թագավոր-

⁴³⁰ Լեո, էջ 300:

⁴³¹ «Գովսեփ Եմինի կյանքն ու արկածները» գիրքը, որը լույս է տեսնում Լոնդոնում 1792 թ.: Այն ունենում է հայերեն մի քանի հրատարակություններ: Իր կյանքի մայրամուտին 1788 թ. Կալկաթայում էմինը անգլերեն գրում է իր կենսագրությունը, որը լույս է տեսնում Բեյրութում, 1958 թ.: Եմինի կյանքի ու գործունեության մասին հետաքրքիր աշխատություն է գրում Ա.Ռ. Գովհաննիսյանը, որը լույս է տեսնում ռուսերեն «Иосиф Эминь» վերնագրով, 1945թ.: Եմինի գաղափարի մասին վերլուծական էջեր են գրել Լեոն (Լեո, Երկերի ժողովածու, 3-2, Եր. 1973, էջ 282), ինչպես նաև Բագրատ Ուլուբաբյանը (Բ.Ուլուբաբյանը, Ոսկե շղթա, Երևան, 1979, էջ 206-255):

րական ռազմական ակադեմիա: Եմինը մասնակցում է 1756 թ. Ֆրանսիայի դեմ պատերազմին, ձեռք բերում պատերազմական փորձ: Ապա Եմինը զինվորագրվում է պրուսական թագավոր Ֆրիդրիխ II-ի բանակում: Լոնդոնից Եմինը նամակ է գրում Վրաստանի թագավոր Չեթակիին, հայտնելով, որ իրեն Անգլիայում հովանավորում է թագավորի որդին, խնդրում է նրան ընդունել իրեն իր բանակում որպես «եվրոպական սպա», որպեսզի ինքը հնարավորություն ունենա տեղի զինվորներին սովորեցնել «կռվելու եվրոպացիների նման»: 1759 թ. Եմինը Անգլիայից մեկնում է դեպի Չայաստան: Ի վերջո, Թուրքիայով Եմինը հասնում է Էջմիածին, որտեղ նոր էր կաթողիկոս օձվել Չակոբ Շենախեցցին: Նա, հետևելով վրաց թագավոր Չեթակիի և նրա հոր՝ Թեյմուրազի օրինակին, իր հերթին նամակ է գրում ռուսաց կայսրուհուն, խնդրելով օգնել պաշտպանվելու լեզգիական ավարառուների մշտական արշավանքներից: Նաև խնդրում է օգնել Ռուսաստան մեկնած Թեյմուրազին: Եմինը որպես ուխտավոր մնալով Էջմիածնում, տեղեկանում է, որ Գանձակում գոհվել է քաջ վարդապետ Ավագը: Իսկ Եմինը ծրագրել էր այստեղից մեկնել Ղարաբաղ, անպայման միանալ հայ ազատագրական պայքարի հերոս Ավագին և նրա հետ ընդարձակել ազատագրական գործը խանի դեմ, այստեղից նոր միայն առաջարկել Չեթակիին միասնական ճակատով կռվել: Անսպասելիորեն Եմինը փոխում է իր որոշումը և Թիֆլիս գնալու փոխարեն որոշում է վերադառնալ Անգլիա: Նա որոշում է հաջորդ անգամ Անդրկովկաս գալ Ռուսաստանով, այսինքն, կրկնելով իր մեծ նախորդի՝ Իսրայել Օրու ճանապարհը: 1761 թ. մայիսին Եմինը արդեն Լոնդոնում էր: Այստեղ Ռուսաստանի դեսպան իշխան Գուլիցինից նա ռուսական անձնագիր է ձեռք բերում, ինչպես նաև՝ հանձնարարական նամակ իշխանի անունից: Նրան Սանկտ Պետերբուրգում ընդունում է Ռուսաստանի վարչապետ Սիխայի Իլարիոնովիչ Վորոնցովը: Եմինը հանդիպում է Վրաստանի թագավոր Թեյմուրազի հետ, որը որդու՝ Չեթակիի հետ ունեցած ընդհարման պատճառով երկրից հեռացել էր Ռուսաստան: Եմինը չկարողացավ հանդիպել Ելիզավետա կայսրուհուն, քանի որ նա արդեն մահամերձ էր և ոչ ոքի չէր ընդունում: Սակայն իշխանուհի Եկատերինան տեղյակ էր Եմինի առաքելության մասին: Ելիզավետային փոխարինում է Պետրոս III-ը: Թեյմուրազը, որը որոշել էր վերադառնալ հայրենիք, նույնպես մահանում է: Եմինը, ստանալով նոր անձնագիր, որտեղ նշված է «Բեկի որդի», իր հետ վերցնելով նաև վարչապետի հանձնարարական նամակն ուղղված Չեթակիին, մեկնում է: Ինչպես երևում է, Եմինի հայրենիքի ազատագրման ծրագրերը համապատասխանում էին ռուսական շահերին, որն էլ Ռուսաստանի վարչապետին դրդեց օգնել նրան: Մոսկվայում նա հանդիպում է ծնունդով ղարաբաղցի մտավորական Մովսես Բաղրամյանին և իր հետ վերցնելով, մեկնում

է Աստրախան, ապա Կիզլար, որը ռուսական վերջին սահմանապահ կետն էր Կովկասում: Եմինին Կիզլարի պարետը ետ՝ Պետերբուրգ է ուղարկում, քանի որ նրա անձնագրում ստորագրված էր Պետրոս III-ի անունով, որն արդեն գահընկեց էր արված: Ռուսական վարչապետը մի քանի անգամ Եմինին առաջարկում է ծառայել ռուսական բանակում, ընդունել Աստրախանում գտնվող «Չայկական էսկադրոնի» հրամանատարությունը, որը Եմինի ծրագրերին չէր համապատասխանում: Եմինը Մոսկվայում ծանոթանում է Չովիանցես Լազարյանի հետ: 1763 թ. փետրվարին Մովսեսի հետ ճանապարհվում է Մոսկվայից դեպի Վրաստան: Եմինը հանդիսավոր մտնում է Թիֆլիս: Չեթակի Նադիր շահի հնդկական արշավանքի մասնակիցն ու սիրելին, Իրանի կենտրոնական իշխանության թուլացումից հետո ու գահակալական կռիվների ընթացքում հոր հետ բավականին հզորացրել էր Վրաստանը և իշխող դիրք ուներ Չարավային Կովկասում: Սակայն լեզգիական արշավանքներն ու մշտական պատերազմները քայքայել էին երկիրը: Չեթակիին հետաքրքրում էր Եվրոպայում ռազմական կրթություն ստացած հայ Եմինը: Սակայն նա հակված չէր իրականացնելու Եմինի ծրագրերը: Չեթակիին չէր հետաքրքրում հզոր Թուրքիայի դեմ պատերազմը՝ հանուն հայկական տարածքների ազատագրման: Իսկ Իրանի խնդրում նա գոհ էր իր վասալական կախվածության վիճակից: Իհարկե, Ռուսաստանի Անդրկովկաս գալու դեպքում կցանկանար ձեռք բերել նրա հովանավորությունը: Եմինի ծրագիրը նա ընկալել չէր կարող, քանի որ այն նրա անձնական ու իշխանական շահերին չէր համապատասխանում: Իհարկե, նա ձգտում էր եվրոպական մարտավարության գաղտնիքներին տիրապետող ու պատերազմական փորձ ունեցող Եմինին ներգրավել իր գործերի մեջ: Քանի որ սպասվում էր Քերիմ խանի արշավանքը դեպի Անդրկովկաս, Եմինը հավաքագրում է 800 հայ երիտասարդների՝ հատուկ ջոկատ պատրաստելու համար: Սակայն Քերիմ խանի դեմ է ապստամբում նրա եղբայրը՝ Ջաքի խանը, ուստի վեբիլը ստիպված Ուրմիայից վերադառնում է Սպահան⁴³²: Եմինը դիմում է Չեթակիին, խնդրելով տալ 1000 հոգիանոց վրացական ջոկատ: Այն լրացնելով հայ կամավորականներով, ցանկանում է մտնել Ազարբայջան ու Խանկարծակի հարձակումով ջարդել Քերիմ խանին: Չեթակի կտրականապես մերժում է: Եմինը Չեթակիի համաձայնությամբ իր 24 հոգիանոց ջոկատով 1763 թ. հոկտեմբերին մեկնում է Չաղպատ, այնտեղ պայքարելու լեզգիական ավարառուների դեմ: Ճանապարհին հանդիպում է 52 հոգիանոց լեզգիական խմբին: Մարտը տևում է 10 ժամ: Լեզգիները ստիպված են լինում փախուստի դիմել՝ կորցնելով 14 հոգու: Իսկ իր ջոկատից վիրավորվում են երեքը: Սակայն Չեթակի խաբել էր Եմինին՝ մթերք չուղարկելով

⁴³² Չամչեան, հ.3, Էջ 859:

նրա փոքրիկ ջոկատի համար: Էմինը առաջարկում է Չերակլին իրեն գործ տալ, որպեսզի ինքն արշավի դեպի Արևմտահայաստան Կարս, Բայազետ, Վան, Մուշ, որտեղ սպասում են հայկական բազմահազարանոց ջոկատները: Չերակլը համաձայնվում է: Մուշից ոչ հեռու սբ.Կարապետ վանքի վանահայր Յովնանը խոստանում է 40 հազարանոց բանակ, որին կմիանան ասորիներն ու քուրդ-եզդիները: Սակայն մի նոր հանգամանք գալիս է խանգարելու այս ձեռնարկին: Դա Ամենայն Չայոց կաթողիկոս Սիմեոն Երևանցու բացասական վերաբերմունքն է ապստամբության նկատմամբ: Տեղեկանալով վանահոր այս ձեռնարկի մասին, նա կարգալույծ է անում Յովնանին, նրան մեղադրելով, իբր, կաթողիկոսյանը հարելու մեջ, որը բացահայտ կեղծիք էր: Իհարկե, ապստամբության շահերից ելնելով, Յովնանը համագործակցում էր կաթողիկ ասորիների, ինչպես նաև հայ կաթողիկների հետ: Իմերեթիայի և Թուրքիայի միջև պատերազմ է սկսվում: Շուտով Իմերեթիայի թագավոր Սողոմոնը հաղթում, ետ է մղում թուրքական բանակի հարձակումները: Սրվում են վրաց-թուրքական հարաբերությունները: Սպասվում է Թուրքիայի հարձակումը Իրանի, ինչպես և Արևելյան Վրաստանի վրա: Սիմեոն կաթողիկոսը, խուսափելով Իրանի և Թուրքիայի գայրույթից, ապստամբությունը ձախողելու համար 1764 թ. մարտի 25-ին նամակ է հղում Չերակլին, խորհուրդ տալով «հայոց թագաժառանգին ետ ուղարկել այնտեղ, որտեղից եկել է»⁴³³: Սիմեոն Երևանցին, որն իր ժամանակի ամենազարգացած մարդկանցից էր, մեծ զիտնական և փիլիսոփա, եռանդուն գործիչ, շատ զգույշ քաղաքականության կողմնակից էր, ուստի դեմ էր անհաշվենկատ ապստամբությանը, որը կարող էր բերել հայ ժողովրդի ու նրա եկեղեցու կործանմանը: Նա կողմնակից էր որևէ հզոր երկրի հովանավորության և ուժի միջոցով Չայաստանի ազատագրմանը: Բայց չէր հավատում սեփական ուժով այդ պետականության ստեղծմանը: Ուստի, տեղեկանալով Էմինի ծրագրերին, նա ամեն միջոց ձեռնարկեց կանխելու նրա գործունեությունը: Չերակլի համար խիստ կարևոր էր էջմիածնի կաթողիկոսի խոսքը, նրա մեծ հեղինակությունը: Չերակլը, որպես հայոց Բագրատունյաց թագավորական տոհմի ճյուղերից մեկը, իրեն համարում է նաև հայոց թագի ժառանգորդ, ուստի կաթողիկոսի ակնարկը Էմինի մասին, իբրև «թագավորազնի», խիստ գայրացնում է Չերակլին: Արդեն չէր սպասվում Թուրքիայի արշավանքը դեպի Վրաստան: Չերակլը որոշում է ազատվել Էմինից: Նա Էմինին ջոկատով ուղարկում է Կովկասից այն կողմ, որտեղից նա պետք է մեկնի Ռուսաստան: Չեչենական Բրազուն գյուղում Էմինը հիվանդանում է և մի քանի ամիս մնում հայկական մի ընտանիքում: Տեղի ցեղերը, հատկապես միջիզիզները, դիմում են Էմինին, որ նա առաջնորդի ի-

⁴³³ А.Р.Иоаннисян, Иосиф Эминь, Ереван, 1945, стр. 177.

րենց արշավելու դեպի Վրաստան: 12 հազար լեռնցիներ սպասում էին նրա առաջնորդությանը: Էմինը գնում է ավարների կենտրոնը՝ Խուրգախ, հանդիպում նրանց առաջնորդ Սոհամեդ-Մուսախանի հետ: Այստեղ նա մնում է երեք ամիս: Էմինը մերժում է խանի առաջարկը՝ առաջնորդել իրենց Վրաստանի վրա և խնդրում է մի ջոկատ, որ ուղեկցի իրեն անցնելու Ղարաբաղ: Նաև տալիս է 21 հոգիանոց մի ջոկատ, որն ուղեկցում է նրան մինչև Ջար: Ի պատասխան Գանձակի Շահվերդի խանի խնդրանքին՝ ավարներն ու լեզգիները պատրաստվում են արշավի, առաջարկելով Էմինին միանալ իրենց: Գանձակում լեզգիներն այլևս պետք չէին: Խոստացած վարձի փոխարեն լեզգիներին թույլատրվում է շարժվել դեպի Երևան ու թալանել հայկական գյուղերը: Էմինը որոշում է հետաձգել Արցախ գնալն ու մնում է նրանց հետ՝ կանխելու Երևանի և էջմիածնի վրա նրանց ասպատակությունը: Ջարի ավարները նրան տալիս են 40 քիկնապահ և ընդունում իրենց մեջ⁴³⁴: Նա ընդունում է առաջապահ գնդի հրամանատարությունը, որպեսզի արգելի հայկական գյուղերի ավերումը: Դեպի Երևան արշավելիս նրանք Սևանա լճի մոտ պատահում են քուլանի ցեղի քուրդ խաշնարած գաղթականների մի հոծ խմբի, որոնք Շուշիի Իբրահիմ խանի առաջարկությամբ Արարատյան նահանգից ու այլ վայրերից գալիս էին բնակվելու Արցախի Շար (Քարվաճառ-Քյալբաջար), Քաշունիք (Քոչեզ, հետո՝ Լաչին), Կովսական (Չանգելան), Ջաբրայիլ գավառներում, նպատակ ունենալով աստիճանաբար այստեղից դուրս քշել հայ տեղաբնիկներին: Շուշիի թաքար խանը այս քայլով նպատակ ուներ լեռներում հաստատված քրդական ռազմատենչ ցեղերի շերտով Ղարաբաղի հայությանը վերջնականապես կտրել Չայաստանի սրտից՝ Արարատյան դաշտից, ինչպես նաև նրանց միջոցով ավելի մեղել քրիստոնյա հայերին ու ջլատել հայ մելիքների ուժերը: Վրաստանից և այլ տեղերից Ղարաբաղ գաղթեցին տյուսյան, կարաչարլի, քինլի, դմիրչի-հսանլի, դըզըլ-հաջիլի, սաֆի-քյուրդ, քոյ-ահմեդլի, սահաթլի, քենգերլի և այլ թափառական ցեղեր: Քուլանիների հետ ճակատամարտում հաղթում են լեզգիները, խլելով 2 հազար խոշոր և 8 հազար մանր եղջերավոր անասուն, 600 ծի և գերելով 814 հոգի: Քուլանիները դիմում են Շանշադինում գտնվող Գյուլիստանի մելիք Յովսեփին, որը գլխավորում էր վրացական զորքերը: Չանկարծակի հարձակումով Յովսեփը ջարդում է լեզգիներին, ետ խլում ավարը, նրանց հալածում մինչև Կուր գետը: Էմինը այդ ընթացքում լեզգիներից ազատել է մի խումբ հայ և քուրդ գերիների: Լեզգիները հաղորդեցին Գանձակի խանին, որ պատրաստվում են արշավել

⁴³⁴ Ахмед-бек Дживаншир, О политическом существовании Карабахского ханства с 1747 по 1805 гг., Шуша, 1901, стр. 11 (Далее- Ахмед-бек Дживаншир).

նրա վրա և պատժել խաբեության համար: Շահվերդին ստիպված իր հպատակներից փող է հավաքում և տալիս ավարներին, որպեսզի հրաժարվեն ասպատակելու մտքից: Սակայն դժգոհ բնակչությունը խռովություն բարձրացրեց խանի դեմ: Խանն իր ռնտանիքով հազիվ կարողանում է փախչել և ապաստանել Շամքորում՝ Սելիք-Աղամի մոտ: Խռովարարները Գանձակը հանձնեցին Իբրահիմ խանին: Սելիք-Աղամը Շահվերդի խանի հետ փորձեց ետ խլել Գանձակը, սակայն պարտություն կրեց: Շահվերդին դիմեց Չերակլի, Շեմախու խանի և Լեզգիների օգնությանը: Չերակլը Գանձակում վերահաստատեց Շահվերդուն: Նա նաև Գյուլխտան ուղարկեց մելիք Չովսեփին՝ պարտադրելով Շահվերդուն և Իբրահիմին ընդունել նրա ինքնուրույնությունը: Սելիք Չովսեփը 1767թ. ամռանը նոր էր հաստատվել Գետաշենում և ազատ արձակել իր 500 հոգիանոց զորաջոկատը, երբ Շահվերդի խանը 4500 հոգիանոց զորք ուղարկեց՝ տեղում հաշվեհարդար տեսնելու մելիքի հետ: Այդ ժամանակ մելիքի մոտ էր եկել նաև Չովսեփի էմիրը: Նա համոզված էր, որ հայկական ազատագրական շարժման առանցքը Ղարաբաղն է լինելու, չնայած նրա սիրտը՝ Շուշին թափառական ցեղերի ձեռքին է մնում: Նրան ընկերակցում էր դարաբաղցի Մովսես Բաղրամյանը իր հայրենի երկրամասի քաղաքական ու տնտեսական վիճակին տեղյակ, խելոք և շրջահայաց մի գործիչ: Էմիրը իր ինքնակենսագրության մեջ մանրամասն նկարագրել էր գանձակցիների հարձակումը: «Որքան հաճելի է տեսնել այս քաջերի գործունեությունը: Նրանք բլուրներն ի վեր մազկցում էին, կատաղի առյուծների պես հարձակվում դեպի առաջ և շփոթության ու խուճապի մատնում հակառակորդին», - գրում է Չովսեփի էմիրը այս պաշտպանության ականատեսն ու մասնակիցը: Գանձակցիները Չոսեփի որդու քաջ Բեզլարի գլխավորած խմբի կատաղի հակահարձակմանը ենթարկվելով, մեծ կորուստներ տալով, նահանջում են: Չայերից զոհվում են 4 հոգի: Գանձակի խանի զորքից սպանվում են 40 զինվոր, 50 ձի, հարյուրից ավելին վիրավորվում: Իհարկե, կռվին անտարբեր ականատես չէր և Չովսեփի էմիրը, որը ցուցադրում էր մարտավարության մեջ իր հմտությունն ու վերոպական պատերազմների փորձը: Ապա հավաքվում են մելիքի զինվորները և պատրաստվում դիմագրավելու Գանձակի խանի նոր հարձակումը: Այս անգամ խանն ուղարկեց 10 հազար զինվոր իր որդու՝ Մուհամեդ-Չասանի հրամանատարությամբ: Նրանք եկել էին հրետանիով, այլ պատրաստություններով: Գանձակցիների հետ էր և Ջրաբերդի մելիք Աղամը, որը փորձեց միջնորդ դառնալ և խաղաղություն հաստատել: Սակայն գյուլխտանցիները չուզեցին լսել նրան, ընդունելով մարտը: Ամրանալով ապառաժների, մելիք Չովսեփի զինվորները խնայում էին գանձակցիների մեջ եղած հայերին: Սելիքն ու իր որդին Չովսեփի էմիրի հետ փոքրաթիվ զորքով խայտա-

ռակ պարտության մատնեցին խանի զորքին՝ հալածելով նրան մինչև Գանձակի դռները: Իբրահիմ խանը հաշտվեց իր քաջությամբ հռչակված Չովսեփի հետ, որը վերադարձավ իր իշխանությանը: Սելիք Աղամը ևս հաշտության կնքեց Իբրահիմ խանի հետ և իր զորքով ու ժողովրդով վերադարձավ Ջրաբերդ: Սակայն մելիք Աղամը իր հետ բերեց և Իսրայել կաթողիկոսին, որը նստեց երիցմանկանց վանքում: Չովսեփի էմիրը 10 ամիս մնաց Գյուլխտանում: Սակայն մի օր հանկարծ մելիք Չովսեփը փոխում է իր վերաբերմունքն ու իր հայրենասեր հյուրից պահանջում, որ հեռանա մելիքության սահմաններից: Դրա պատճառը Միմեոն Կաթողիկոսի նամակն էր, որտեղ նայոց հայրապետը խորհուրդ էր տալիս այլևս չհյուրընկալել Չովսեփի էմիրին: Վերջինս գնաց Գանձասարի վանք՝ Աղվանից կաթողիկոս Չովհաննես Չալալյանի մոտ: Այստեղից ընկերակցած մի քուլանի քուրդ շեյխի հետ, որին էմիրը ազատել էր Լեզգիական գերությունից, ինչպես և շուշեցի հայ Իսահակի ու իր ուղեկից Մովսես Բաղրամյանի հետ մեկնում է Շուշի՝ հանդիպելու Իբրահիմ խանին: Չովհաննես կաթողիկոսը էմիրի միջոցով նամակ է գրում Իբրահիմ խանին, վերջում ավելացնելով. «Վարվեցեք անոր հետ, ինչպես հարմար դատեք: Բայց որչափ կարող եմ նկատել, նա բնավ չի կասկածում, որ պիտի բարեկամներ գտնի կամ ազնիվ ուշադրությամբ ընդունվի ձեր բարձրության կողմից, ինչպես նրան ընդունեցին անգլիացի իշխանները և մանավանդ, Դաղստանի լեզգիները, որոնք թշնամացած են տիեզերքի բոլոր ազգերի հետ: Ուրեմն խաղաղություն ընդ ձեզ և թող մարդասիրությունը ձեր սրտին, այնպես, որ ազնվական հյուրն ընդունելուց հետո ձեր մտքին առաջնորդի ասպնջականության օրենքը, որը կարգեց Աբրահամ նահապետը: Չերդ Չովհաննես, ծառա Քրիստոսի և կաթողիկոս Գանձասարի»⁴³⁵: Իբրահիմ խանին հայտնի էին էմիրի ծրագրերը, սակայն նա հաշվի առնելով իր «հյուրի» կապերը Դաղստանի լեզգիների ու ռուսական արքունիքի հետ, չհամարձակվեց սպանել նրան: Ըստ երևույթին, էմիրը Իբրահիմի մոտ էր գնացել հենց որպես ռուսաց արքունիքի հատուկ ներկայացուցիչ:

Թե կաթողիկոսը և թե էմիրը գիտեին, որ Իբրահիմ խանին հայտնի էր դարձել հնդկաստանցի հայրենասերի ծրագրերի մասին, ու նա մտադրվել էր սպանել նրան: Սակայն հայտնի էր նաև, որ Իբրահիմը չէր ցանկանա էմիրի պատճառով թշնամանալ ավարների հետ, որոնց շատ սիրելի էր այս քաջ հայորդին: Իբրահիմը պետք է հաշվի առներ նաև այն հանգամանքը, որ էմիրը ընդունվել է ռուսաց հզոր կայսրության արքունիքում: Չաջորդ օրը խանը այցելուներին ընդունում էր Շուշիի միջնաբերդում գտնվող իր

⁴³⁵ Մատենաշար «Ազդակ», «Յովսեփի էմիրի կեանքն ու արկածները», Պետրուք, 1958:

ապարանքի բակում՝ նստած գետնին փռած գորգի վրա: Եմինը մի քանի օր մնալով Շուշիում մեկնում է Ջար՝ ավարների երկիրը: Սակայն Շամախիում Տեր-Պարթիելից տեղեկանալով վանահայր Յովնանի ծրագրերի մասին, որն առաջարկում էր գնալ Արևմտահայաստան և ղեկավարել լեռնցի ասորիների, քուրդերի և հայերի ռազմական ջոկատները, Եմինը ճանապարհվում է դեպի Մուշ: Նա երկրորդ անգամ պետք է անցներ Շուշիի շրջանով: Իբրև հիմը իր լրտեսների միջոցով տեղեկանալով Եմինի մասին, դավադրություն է սարքում, փորձելով իր հայ գործակալի ձեռքով սպանել մեծ հայրենասերին: Սակայն Եմինը կանխում է դավադրիին: Այստեղ ևս Եմինին ուղեկցում էր Մովսես Բաղրամյանը: Շուտով հասնում են Խոյ: Լեռնցի ասորիները Եմինից պահանջում էին, որ գա Յերակլի հատուկ ջոկատի հետ, որն էլ կլինի միասնության և ուժի երաշխիքը: Եմինը ստիպված էր վերադառնալ Թիֆլիս: Մովսես Բաղրամյանը հիասթափվելով հեռանում է Եմինից, գնում Աստրախան՝ իր ընտանիքի մոտ, ապա ճանապարհվում Յնդկաստան: Եմինի այս ճամփորդության ընթացքում նրան ուղեկցող Մովսես Բաղրամյանը նպատակ է ունեցել հայրենի Արցախում, մանավանդ Շուշիում ձեռնարկել դպրոցներ բացելու և պատանիներին կրթելու գործը: Սակայն թե միջավայրը, և թե Իբրահիմ խանի հայատյաց քաղաքականության պայմաններում դա միանգամայն անհնար գործ էր: Ուստի հետագայում Մովսեսը Եմինի խորհրդով 1767 թ. մեկնում է Յնդկաստան՝ Մադրաս քաղաք, որտեղ զբաղվում է հայ առևտրական ընտանիքների երեխաներին հայոց լեզու և հայոց պատմություն ուսուցանելով, միեւնույն ժամանակ գործակցում Մադրասի հայկական համայնքի գործիչների՝ Շահամիր Շահամիրյանի, նրա որդու՝ Յակոբի, Գրիգոր Խոջաջանյանի և այլոց հետ՝ Յայաստանի ազատագրության գաղափարը քարոզելու ու ժողովրդի մեջ տարածելու համար: Այս արցախցին անմիջական մասնակցություն է ունենում Մադրասում 1770-1771 թթ. հայկական տպարան կազմակերպելու և հայերեն քաղաքական գրքեր հրատարակելու գործին: Մադրասում 1773 թ. նրա հեղինակությամբ լույս է տեսնում «Նոր տետրակ, որ կոչի յորդորակ» գիրքը: Այս աշխատությունն իր բովանդակությամբ ու գաղափարներով մի նոր բացառիկ երևույթ էր հայ մատենագրության մեջ: Այն նոր ծրագիր էր հայ ազատագրական շարժման համար, կոչ էր՝ ուղղված հայ երիտասարդությանը հայոց անկախ պետականությունը վերականգնելու համար: Այս գրքով փաստորեն սկզբնավորվում էր հայկական հրապարակախոսական մշակույթը: Սա հայ մատենագիտության մեջ առաջին գիրքն էր հայ ազատագրական շարժումը բարձրացնելու և պայքարի ելնելու գաղափարը գրավոր խոսքով ժողովրդին մատուցելու գործում: Անշուշտ, այս գործի հեղինակը Մովսես Բաղրամյանն էր, ճանապարհորդն ու եվրոպական մշակույթին, գրականությանը, քաղա-

քական անցուղարձին քաջատեղյակ մեծ հայրենասեր Յովսեփ Եմինի ընկերն ու զինակիցը: Սիմեոն կաթողիկոսը, որը սարսափելով Օսմանյան կամ Պարսից բռնապետությունների պատժիչ քայլերից, որդեգրել էր ամեն մի ապստամբություն, համոզուց քայլ տեղում խեղդելու քաղաքականությունը, «Նոր տետրակի...» համար պատժում է Մովսես Բաղրամյանին, կարգալույծ անում և արգելում այլևս նման գրքեր հրատարակել: Յովսեփ Եմինը Շուշից Գանձասար է վերադառնում: Յովհաննես Ջալալյան կաթողիկոսը անկեղծորեն խոստովանում է Եմինին, որ Սիմեոն կաթողիկոս Երևանցին իրեն ու բոլոր մեկիքներին մամակներ էր ուղարկել, պահանջելով չընդունել իրեն, հակառակ դեպքում սպառնում է կարգալույծ անել ու բանադրել: Արդեն հասկանալի է դառնում մեկիք Յովսեփի վերաբերմունքի մեջ կտրուկ փոփոխության պատճառը: Սիմեոն կաթողիկոսը մի նոր պայքար էր սկսել Գանձասարի կաթողիկոսության դեմ, նրանից խլելով Շամախու և Նուխի-Շաքիի թեմերը, այս գործում նույնիսկ դիմելով մահմեդական խաների օժանդակությանը: Թվում է, ժամանակի մեծ մտավորականներից մեկը՝ Սիմեոն կաթողիկոս Երևանցին փաստորեն արջի ծառայություն է մատուցել իր երկրի ազատագրման գործին՝ խանգարելով հայ-վրացական զինակցությանն ու քաղաքական անենահարմար պահին՝ երբ Իրանում անիշխանություն էր տիրում, իսկ Թուրքիան թուլացել էր, կարող էին հմուտ կազմակերպված ապստամբության միջոցով ազատագրել երկիրն օտար խաներից ու վերականգնել պետականությունը, մանավանդ, որ միշտ չէ, որ գտնվում էին Յովսեփ Եմինի պես ամեն ինչով պատրաստ ղեկավարներ: Շամախիում Եմինը տեղեկանում է, որ Խոյի և Սալմաստի հայ ու ասորի քրիստոնյաները պատրաստ են ազատագրական գործի համար նրա տրամադրության տակ դնել 18 հազար զինվոր: Սա մի նոր հույսի շող էր Եմինի համար: Նա շտապ Ղարաբաղով գնում է Խոյ քաղաքի մոտ, ասորաբնակ Խոսրովա գյուղը: Երբ այստեղ տեղեկանում են, որ Եմինը փող չունի, հրաժարվում են գործակցել նրա հետ: Եմինը գնում է Յերակլի մոտ՝ օգնություն խնդրելու: Սակայն սա, կրկին ստանալով Սիմեոնի պահանջը, Եմինին հեռացնում է Վրաստանից: Վերջինս դիմում է Իմերեթիայի թագավոր Սողոմոնին, որն Եմինին դիմավորում է զինարբուքի սեղանով: Եմինը հասկանում է, որ զինուց այն կողմ գործը առաջ չի գնալու, ուստի հեռանում է: Վրաստանում Եմինին ոչինչ չի հաջողվում ձեռնարկել: Նրա հայ-վրացական միության ծրագիրը Սիմեոն կաթողիկոսի միջնորդությամբ հօսք է ցնդում: Յնդկաստանի ճանապարհին Եմինը հյուրընկալվում է Շուշիում Իբրահիմի կողմից: Ութ տարվա ձգտումներն ու թափառումները ոչ մի արդյունք չտվեցին: Ի վերջո, նա վերադառնում է Յնդկաստան՝ իր ծնողների մոտ, ընտանիք կազմում, ապրում մինչև խոր ծերություն Մադրասում հայ հասարակական

գործիչ, մեծահարուստ Շահամիրյանը առաջարկում է հարուստ վաճառականներից փող հավաքել, որի օգնությամբ էմինը ձեռնարկի Հայաստանի ազատագրման խնդիրը: Սակայն այստեղ ևս կրկին խանգարում է Միմեն կաթողիկոսը: 1780 թվականին Պետերբուրգում իշխան Պոտյոմկինն ու գորավար Սուվորովը խորհրդակցում են Հովհաննես Լազարյանի ու Հովսեփ արքեպիսկոպոս Արղությանի հետ հայկական գործերի մասին և հանձնարարում էմինին Ռուսաստան հրավիրել, Հայաստանի ազատագրման գործը զլխավորելու համար: Սակայն նրանց նամակը էմինին է հասնում 10 տարի հետո միայն: էմինը մահանում է Կալկաթայում 82 տարեկան հասակում:

Քանի որ Խամսայի մելիքները շարունակում էին կենտրոնանալ դեպ կատարել հայոց ազգային-ազատագրական պայքարի ծրագրում, տարբեր վայրերից հայ գործիչները իրենց հայացքները հառել էին դեպի Ղարաբաղ: Վրաստանի հետ միացյալ քրիստոնեական ուժեր ստեղծելու պատրանքները հոյս ցնդեցին: Վրաց իշխանները ևս չէին հավատում նման միասնությանը, քանի որ իրենք տրոհված էին ու որեւէ վճռական ուժ չէին ներկայացնում իրենցից, ուստի նրանք ևս հայացքները դեպի Ռուսաստան էին ուղղել: Ղարաբաղի խանի շուրջը ասես աստիճանաբար սեղմվում էր օղակը: Եւ արդեն նոր դաշնակիցներ էր փնտրում: Շուտով նա պսակվում է Ջարի (Չար) 12-ամյա Ումմա-խանի քրոջ՝ Բախտակի (Բիքու-աղա) հետ: Սարուջալու ցեղապետի ու կովկասցի ավարառուների միջև վաղուց էր դաշնություն ստեղծվել: Փանահն իր թափառական ցեղակիցներով հաճախ էր միանում ավարներին ու ասպատակում հայոց, վրաց և պարսից բնակավայրերը: Եվ ահա այս դաշինքը նորոգելու նոր առիթ էր ստեղծվել: Կովկասի լեռնականգների հարավում Շուշիի պես մի կարևոր հենարան ու դաշնակից էր պետք, ուստի Ումմա-խանը ստիպում է քրոջը, հակառակ նրա կամքի, կնության գնալ «ատելի, տգեղ ու անճոռնի Իբրահիմին»⁴³⁶: Ավարները խանուհու հետ Շուշի են ուղարկում նաև երեք հազարանոց հեծելազոր, որը պետք է հարկ եղած դեպքում պատժիչ դեր կատարեր հայկական բնակավայրերի նկատմամբ: Իր ոտքի տակ հողն ամրացնելով, Իբրահիմը կրկին փորձում է դավադրությունների միջոցով վերացնել մելիքների անկախ իշխանությունները: Սկզբում դավադրություն է սարքում Ջրաբերդի Մելիք-Մեծլումի նկատմամբ, մելիքի Ղազարի (հետագայում՝ Մարաղա) գյուղում: Դավադրությունը, որի մասին գրում է Բաֆֆին, բացահայտվում է: Շուշիի Իբրահիմ խանը, որպեսզի վերացնի Ջրաբերդի տեր Մելիք-Իսրայելյանների տունը, Կյուլաթաղ գյուղից Ալավերդի հարյուրապետի որդուն՝ Միսայել-բեկին հանձնում է դավադրությամբ սպանել իր տրոջը՝ Մելիք-Մեջլումին, տիրանալ նրա իշխանությանը: Այս ձեռնով խանը կարողացել էր ոչնչացնել

⁴³⁶ Геничутлинский, стр. 46.

Մելիքների Ջալալյանների ժառանգներին, նրանց փոխարեն մելիք կարգելով խնձորատանցի Մելիք-Միրզախանյաններին: Կյուլաթաղցի բեկը համաձայնեց խանի առաջարկին և իր փեսայի՝ Հակոբ հարյուրապետի (Թյուլի Հակոբ) հետ հյուր է գնում Ջրաբերդի մելիքին: Դավադիրները անզգուշության պատճառով բացահայտվում են, ձերբակալվում և Մելիք-Մեջլումի հրամանով սպանվում: Կոտորում են նրանց ընտանիքը, բացի Ռոստոմ-բեկից, որը փախչում է Իբրահիմ խանի մոտ: Իսկ Կյուլխստանում 1775 թ. Մելիք-Հովսեփի վախճանվելուց հետո, նրան փոխարինում է Մելիք-Բեգլար II-ը: Ինչպես գրում է Բաֆֆին, նա «սաստիկ գոռոզ, քաջասիրտ և պատերազմասեր երիտասարդ էր: Եւ դեռ հոր կենդանության ժամանակ մասնակցում էր նրա կռիվներին և հայտնի էր իր հաղթություններով: Բայց այդ անպարտելի տղամարդը, որ իր երիտասարդությունը անցուցել էր պատերազմների մեջ, նրկար չվարեց իր երկրի իշխանությունը: Մի անգամ, լեզգիների հետ ունեցած ճակատամարտում, որ տեղի ունեցավ Գանձակից ոչ այնքան հեռու, Գորանի գետի ափին, Մելիք-Բեգլարը հրացանի զնդակից սպանվեցավ»⁴³⁷: Ապա Բաֆֆին պատմում է երիտասարդ իշխանի սպանության մասին լեզենդը, ըստ որի մելիքը իր Ամարնան կնոջից բացի, որը Մելիք-Շահնազարի դուստրն էր, Խարխափոր գյուղի իր անառանցում Բալա անունով սիրուհի էր պահում: Ամարնանը, օգտվելով պատեհ առիթից, երբ ամուսինը պատերազմի էր եկնում, Լալա անունով ծառայի միջոցով սպանել է տալիս ամուսնու գեղեցկուհի սիրուհուն: Մեկնելուց առաջ մելիքը տեղեկանում է ողբերգության մասին և խոստանում վերադարձին պատժել մեղավորներին: Կնոջ նեճ ծառան որոշում է կանխել մելիքի վերադարձը, որպես թիկնապահ կռվի մեկնելով, թիկունքից կրակում սպանում է իր տիրոջը: Քանի որ մելիքության օրինական ժառանգորդ Ֆրեյդունը մանկահասակ էր, Մելիք-Բեգլարին փոխարինում է եղբայրը՝ Մելիք-Արով III-ը, որը արժանիորեն շարունակեց իրենց նախնիների գործը: Այս ժամանակներից պահպանվել են որոշ վավերագրեր, որոնք գրի էր առել Մակար եպիսկոպոսը: Սիւ մի ապահովագիր հայտնում է, որ «Տանուտերանց Ջանի որդի Յարուբինն» վաճառում է «Ամենաիրկիչ վանքի մոտ գտնվող իր հողատարածքը Աբրահամ հարյուրապետի որդի Յակոբջան հարյուրաետին 10 հազար թումանով: Առուծախի վկաներն են՝ «Հիրեկայ (Հոռեկի) առաջնորդ Պետրոս, Ներսես ճգնազգեսաց վարդապետ, քաջամարտիկ Մելիք-Յոսեփ, Քաչալ Հրապետ, Կոստնց Եւրի, Չողվուն (Փոթորիկ) Յարուբին, Ուստա Բալաս...»⁴³⁸:

⁴³⁷ Բաֆֆի, էջ 218:

⁴³⁸ Ս. Բարխուտարյանց, «Արցախ», էջ 156:

Ռուսական արքունիքում Անդրկովկասի ու Կասպիականի ափերի նկատմամբ աշխուժություն է նկատվում: Եկատերինա կայսրուհին ռուս-թուրքական պատերազմների հերոս զորավար Ա.Սուվորովին հանձնարարում է Կասպիական ծրագրերի իրականացման գործը: Գեներալի խորհրդականներն էին Գովհաննես Լազարյանն ու արքեպիսկոպոս Գովսեպ Արղությանը: Սուվորովը Աստրախանից կապեր է հաստատում հայ մելիքների հետ: Նա ուսումնասիրում է Հայաստանի ճանապարհները, իր գեկուցագրերում նկարագրում հայոց բերդերը⁴³⁹: Սուվորովը հայկական հարցի հետ առաջին անգամ առնչվեց 1778 թ., երբ հայերին Ղրիմից պետք է գաղթեցնեին Ռուսաստանի հարավային շրջանները: Սուվորովը ռուսական արտաքին քաղաքականության ակտիվացման ջերմ պաշտպաններից մեկն էր: Նա մեծ հետաքրքրություն էր հանդես բերում Հայոց հարցի նկատմամբ: Ըստ երևույթին, իր դերն էր կատարել և արցախցի հայուհի տատը, որը մանկության տարիներին թողանը պատմել էր Արցախի, նրա ազատատենչ ժողովրդի մասին: «Հունական նախագծի կապակցությամբ, - գրում է Էզովը, - որ զբաղեցնում էր մեծ միապետուհու գործակիցների մտքերը, ենթադրվում էր վերականգնել Հայաստանի քաղաքական անկախությունը Ռուսաստանի գերագույն պրոտեկտորատի տակ: Այդ ծրագրին առանձին ջերմությամբ էին վերաբերվում իշխան Պոտյոմկինն ու Սուվորովը»⁴⁴⁰: 1778 թ. իշխան Պոտյոմկինը Հյուսիսային Կովկասի կառավարիչ և գլխավոր հրամանատար է նշանակում իր ազգակից, գեներալ Պավել Պոտյոմկինին: 1783 թ. մարտի 5-ին Գովհաննես կաթողիկոսը ժողով է գումարում Քանձասարում, որին մասնակցում էին Դիզակի, Ջրաբերդի ու Գյուլիստանի, ինչպես և Ղարադաղի հայ մելիքները, նրանց հետ նաև վեց եպիսկոպոսներ: Նրանք աղերսագիր են գրում իշխան Պոտյոմկինին: Վերջինս ապրիլի 6-ին հանձնարարում է գեներալ Պոտյոմկինին «Շուշիի Իբրահիմ խանին պետք է պաշտոնանկ անել, որովհետև Ղարաբաղն այսուհետև կկազմի անկախ, բացի Ռուսաստանից ոչ ոքի չենթարկվող մի երկիր: Ամեն ջանք գործ դրեք, որ այս նոր երկիրը կազմակերպվի ժողովրդի համար ամենաշահավետ կերպով: Այս միջոցով հայկական ուժերը նահանգները կհետևեն նրա օրինակին»⁴⁴¹: Ըստ այս ծրագրի, Արցախը պետք է դառնար ապագա հայկական պետության կորիզը: Իշխան Պոտյոմկինը գրում է թագուհուն. «Այսպիսով Ասիայում կվերանորոգվի մի քրիստոնեական պետություն հա-

մաձայն Ձեր կայսերական մեծության խոստումների, որոնց մասին հաղորդել եմ հայոց մելիքներին»: Ըստ մշակված ծրագրի, 1784թ. զորքի մի մասը պետք է գրավի Կասպիականի ծովեզերքը, իսկ մյուս կեսը հասնելով Թիֆլիս, այստեղից շարժվի դեպի Ղարաբաղ, ապա և՛ Ղարադաղ: Հայերի հետ բանակցություններին զուգահեռ գեներալ Պոտյոմկինը 1783 թ. հուլիսի 24-ին Գեորգիևսկի բերդում վրաց թագավոր Դերակլի հետ ստորագրեց մի դաշնագիր, որով վրացիները ընդունում են Ռուսաստանի հպատակությունը: Վրաստանի ներքին թուլությունն ու անճարակությունը Դերակլին այդ քայլին մղեց: Դաշնագրով Ռուսաստանը խոստանում էր ընդարձակել Վրաստանի տարածքները, այնտեղ մշտական զորք պահել: Վրաստան մտավ ռուսական մի զորաբաժին (երկու գումարտակ)՝ զնդապետ Բուռնաշովի հրամանատարությամբ:

Այդ ժամանակ Իրանի գահի ժառանգորդն էր պարսիկ Ալի Մուրադ-խան Չենդը, որը տիրում էր երկրի մեծ մասին ու թագի համար համառ պայքար էր մղում ղաջարների դեմ: Նա 1784 թ. ռուսներին առաջարկեց ռուս-իրանական պայմանագրի մի նախագիծ, որտեղ կարևոր մաս էր կազմում հայկական պետության վերականգնման ծրագիրը⁴⁴²: Ըստ այս նախագծի, պետք է միացվեին Երևանի, Նախիջևանի, Ղարաբաղի և Ղարադաղի (Փայտակարանի) խանությունները և որպես հայկական պետություն՝ հանձնվեին Ռուսաստանին, որի փոխարեն Ռուսաստանը պետք է ճանաչեր Ալի Մուրադ-խանին որպես Իրանի շահ, ինչպես նաև Իրանը պաշտպաներ Թուրքիայի հարձակումից: Սակայն Եկատերինա II կայսրուհին սպասողական դիրք գրավելով, ձգձգում էր պայմանագրի կնքումը: Ալի Մուրադ-խան Չենդը, որը հիվանդ էր, ծրագրել էր ծմեռել Մուղանի դաշտավայրում, ապա 1784 . զարմանը թագադրվել Արդաբիլի մայր մզկիթում շիաների համար սրբություն հանդիսացող Շեյխ Աաֆի-էդդինի դամբարանի հովանու ներքո: Բայցվեցի գիտնական Գ.Արդուլանը այն կարծիքն է հայտնում, թե 1784 թ. «գոյություն ունեի Ազարբայջանը Ռուսաստանի և Իրանի միջև բաժանելու մտադրություն»⁴⁴³: Նախ՝ Ազարբայջանը իրանյան տարածք է և սխալ է բացվեցու կողմից այն օտարելու փորձը: Իսկ Ղարադաղում, որ հնում Փայտակարան էր կոչվել, միշտ էլ հայեր են բնակվել ու Հայաստանի բաժանումից հետո, 378 թ., երբ Ատրպատականում թուրքալեզու ցեղերի տարածման հոտն էլ չկար, այն Հայաստանից անցնում է Իրանին: Ահա այս պատճառով էլ հանվեց ռուսական զորքի դեպի Քանձակ և Ղարաբաղ արշավելու

⁴³⁹ Архив АН СССР, ф. 99, оп. 2, в. 13, կամ՝ Մ.Ներսիսիյան, Ռուս-հայկական հարաբերությունների պատմությունից, Եր., 1956, էջ 43 և 92:

⁴⁴⁰ "Кавказский вестник", Тифлис, 1901, N 10, приложение.

⁴⁴¹ Дубровин, "История войн и владычества русских на Кавказе", II том, стр. 29 (далее - Дубровин).

⁴⁴² «Իրան-Նամե», ամսագիր, «Հայ պետականության վերականգնման պարսկական մի ծրագիր», պրոֆեսոր Բորիս Բալայան, Եր., 1993, հուլիս, թիվ 2, էջ 27:

⁴⁴³ Նույն տեղում, էջ 28:

ծրագիրը: Արդեն հայոց պետության ստեղծման հարցը կորցնում էր իր արժեքը, երբ Սպահան ժամանեց ֆրանսիական կոմս, հավանաբար, հետախույզ Ֆերյեր-Սովբեֆը, որի ձեռնարկած քայլերը «տեղից շարժեցին» հայկական խնդիրը: Ֆրանսիացին Ալի-Մուրադ-խանի հետ տարածեցին ֆրանսա-իրանա-թուրքական դաշինքի մասին կեղծ լուրերը, որն էլ Եկատերինա II-ին ստիպեց շտապել Իրանի հետ դաշինք կնքելու հարցում: Գեներալ Գ.Ս.Պոտյոմկինը գնդապետ Վ.Ս.Տոմարային ուղարկելով Սպահան, հայտնեց, թե «կայսրուհին կարգադրել է Ռուսաստանի համար կարևոր օգուտներ քաղել Ալի-Մուրադ-խանի ռուսական կայսերական գահի հետ դաշինք կնքելու ցանկությունից», և միաժամանակ ընդգծեց, թե Ռուսաստանի անվտանգությունն ապահովված կլինի, եթե «հայ ժողովուրդը Ռուսաստանի և Թուրքիայի միջև հանդիսանա որպես պատեռն»⁴⁴⁴, որը ռուսաց կայսրուհու «պատեռնային ռազմավարության» շարունակությունն էր⁴⁴⁴: Պայմանագրի ռուսական նախագծում շրջանցվում էր հայոց թագավորության խնդիրը, և խոսք էր գնում վերականգնված պետության հայկական կառավարության մասին: Ռուս-իրանական պայմանագրի երկրորդ մասն ուժի մեջ պետք է մտներ Թուրքիայի նկատմամբ «Ռուս-իրանական պաշտպանական դաշինքի» հաղթանակի դեպքում: Այս դաշինքի առաջին կետն ասում է. «Ռուսական զորքերն Արևմտյան Հայաստանն ազատագրում են թուրքական տիրապետությունից: Դրանից հետո Արևելյան Հայաստանը վերամիավորվում է իր «ազգային կորպուսի» Արևմտյան Հայաստանի հետ, որպեսզի վերստեղծի միացյալ և անկախ Հայաստան, որը պետք է ղեկավարվի Հայաստանի կառավարության կողմից: Այս կառավարության հետ կնքվելու են համապատասխան համաձայնագրեր»: Պայմանագրում նշված էր նաև, որ Ալի-Մուրադ-խան Ձենդը պետք է ստորագրի համաձայնագիր, ըստ որի «պարտավորվելու է ի հաշիվ վերամիավորված Հայաստանի չընդարձակի իր տերությունը»: Հաջորդ կետը Վրացական պետության, արևելյան և արևմտյան Վրաստանների ռուսական հովանու տակ վերամիավորման խնդիրն էր: Սակայն իրադարձությունների ընթացքը հօգուտ այս դաշնագրի չէր: Մինչև դեսպանները տեղ կհասնեին, Խոյ (հնում Հեր) քաղաքում ստացան Ալի Մուրադ-խան Ձենդի մահվան մասին լուրը: Գնդապետ Տոմարան ետ վերադարձավ: Եիշտ է, չիրականացավ հայ ժողովրդի երազանքը, սակայն Ռուսաստանի, Իրանի և Հայաստանի պատմության մեջ առաջին

⁴⁴⁴ Նույն տեղում, էջ 29, Պարզ է, որ այս ցեղերը բուն ատրպատի բնիկների կամ Նույնիսկ հետագայի ազգրի ժողովրդի հետ որևէ կապ չունեին, և «արբեջանցի» կոչելը, նրանց իսկական արմատները, պատմությունը չնշելն ու նոր, մտացածին ու կեղծ պատմության պարտրաստելը միմիայն պանթուրքիստների քաղաքական ծրագրերից էր ելնում, որը սակայն սնանկ է ու զուրկ որևէ հիմքից:

անգամ փորձ արվեց միավորելու Արևելյան ու Արևմտյան Հայաստանները, վերստեղծելու հայկական պետությունը: Տեղեկանալով հայ-ռուսական հարաբերությունների մասին, Իբրահիմ խանը մի հայազգի պատգամավոր ուղարկեց Դերբենտում գտնվող գեներալ Պոտյոմկինի մոտ, հայտնելով, որ պատրաստ է ընդունելու ռուսական հպատակությունը: Ինչպես երևում է, թագուհին ևս պատրաստ էր ընդունելու այս հպատակությունը՝ հետին պլան մղելով Հայոց խնդիրը: Սակայն խանը, հակառակ գեներալ Պոտյոմկինի սպասումների, ամենևին չէր շտապում: Խորամանկ խանի համար հպատակություն հայտնելը լոկ ժամանակ շահելու մի պատրվակ էր: Ես սկսեց ամրացնել Շուշի բերդը, նոր զորք հավաքել: Ղարաբաղի, Խոյի, Եսիֆեկանի և Բաքվի կառավարիչ խաները գաղտնի դաշինք կնքեցին՝ համատեղ ռուսաց արշավանքի դեմն առնելու համար: Այս խնդրով Շուշի էին գալիս Ախալցխայի Սուլեյման փաշայի մարդիկ, նամակներ բերում խանին: Սակայն երբ ռուսաց բանակը սպառնալից դիրք զրավեց Անդրկովկասում, այս խաները շտապեցին հպատակություն հայտնելու ռուսաց կայսրությանը: Ռուսների փոխարեն դեպի Արցախ արշավեց Դերբենտի Ֆաթալի խանը: Իբրահիմը դիմեց վրաց թագավոր Հերակլի օգնությանը, որն իր հերթին չուշացրեց օգնությունը: Դերբենտի կառավարիչը Հերակլին առաջարկեց ոչնչացնել Իբրահիմի իշխանությունը՝ այն բաժանելով երկու մասի, հայկականը՝ Հերակլին, թաթարականը՝ իրեն: Հերակլը չհամաձայնեց: Գեներալ Պոտյոմկինը Ֆաթալի խանից պահանջեց ետ քաշել զորքը, քանի որ Իբրահիմը ռուսաց հպատակություն է ընդունել, ուստի և ռուսների հովանու տակ է գտնվում⁴⁴⁵: Այս նոր իրավիճակը ասես ազատ արձակեց նենգ խանի ձեռքերը: Իբրահիմն զգաց, որ արդեն կարող է ազատորեն գործել հայ իշխանների դեմ: Բացեիքաց կռվել հայ մելիքների դեմ՝ վտանգավոր էր: Նենգ թաթարը նոր դավ նյութեց հայ իշխանների դեմ: 1787 թ. խանը Մելիք-Մեջլումին, Մելիք-Աբով III-ին ու Մելիք-Բախտամին (Դիզակից), ևս 30 հոգու հրավիրեց Շուշի, իբր բարեկամաբար վերջ տալու թշնամությանը: Հայ մելիքները, որոնք թեկուզ քաջ պատերազմող էին, սակայն ուղղամիտ էին և դուրահավատ, զուրկ էին արևելցիներին յուրահատուկ խորամանկությունից, անկեղծ ուրախությամբ ընդունեցին Իբրահիմի հրավերը: Խանը իսկույն նրանց բանտ նետեց⁴⁴⁶: Ապա նա կողոպտեց Գանձասարի հարստության մի մասը, որը չէին հասցրել թաքցնել հատուկ թաքստոցում, ձերբակալեց կաթողիկոս Դովհաննեսին և նրա հինգ եղբայրներին ու տարավ Շուշի: Ըստ ավանդության, Դովհաննես Զալալյանին մատնել են նրա եղբայր Ալլահ-Ղուլի բեկն ու երիցմանկանց վանքի Իսրայել կաթողիկոսը, որին Իբրահիմը

⁴⁴⁵ Նույն տեղում, էջ 70-79:

⁴⁴⁶ Գաղտնիք Ղարաբաղի, Թիֆլիս, 1902թ., էջ 82-83:

տեղափոխեց Ամարասի վանքը: Որոշ ժամանակ անց հայոց քաջերի խումբը մեծչենացի թուլի-Արզումանի և տանուտեր Խաչատուրի առաջնորդությամբ գիշերը գրավում են Շուշիի բանտն ու ազատում Մելիք-Մեջլումին: Մելիք-Արովին և մյուս բանտարկյալներին: Սակայն թուլյնի ներգործությամբ խանն արդեն սպանել էր Յովհաննես կաթողիկոսին ու Դիզակի մելիք Եզանյան Մելիք-Բախտամին⁴⁴⁷: Մելիք-Մեջլումն ու Մելիք-Արովը շտապ թիֆլիս են մեկնում: Թուլի-Արզումանը գիշերը Գանձասար է շտապում այստեղ կազմակերպում Սարգիս եպիսկոպոս Ջալալյանի ու նրա Դանիել բեկ եղբոր որդու Բաղդասարի փախուստը: Գանձակի խան Ջավադը սիրով ընդունեց նրանց: Իբրահիմը իսկույն սպանել տվեց Յովհաննես կաթողիկոսի Ջալալ և Դանիել բեկ եղբայրներին: Իբրահիմը վաղուց էր սկսել Ղարաբաղում մարդաբանական փոփոխությունների իրականացումը: Արդեն Ղարաբաղի դատարկված գյուղերը լցվել էին թափառական ցեղերով, տիրացել բռնագաղթի ենթարկված հայերի տներին և ունեցվածքին: Հայերին թուլացնելու համար Իբրահիմն իրականացնում էր զանգվածային տեղահանումներ: Ջրաբերդից մելիքի բացակայության ժամանակ հազար ընտանիք տեղափոխվեց Դիզակ, իսկ Շուշիում մահմեդական մեծամասնություն ստեղծելու նպատակով բերդաքաղաք տեղափոխեց Ղազախի և Շամշադիի թուրքերին: Իբրահիմը ամեն առիթ օգտագործում էր՝ բռնի մահմեդականացնելու հայերին: Դիզակի Մելիք-Բախտամին Շուշիի բանտում սպանելուց հետո Տոդուն ապրող մելիք Ավանյաններին բռնությամբ մահմեդականացրեց: Հերակլը, որը Ղազախի և Շամշադիի մահմեդականներից հարկ էր հավաքում, Իբրահիմից պահանջեց, որ նրանց ետ՝ իրենց բնակավայրերն ուղարկի: Հայ մելիքների հետ զորք ուղարկեց Իբրահիմի դեմ: Այս արշավանքին մասնակցում էին ռուսական երկու գումարտակ գնդապետ Բուռնաշովի զխավորությամբ: Գանձակի Ջավադ խանը ևս պատրաստ էր միանալու այս արշավին: Սակայն Շուշիի պաշարումը այդպես էր չսկսվեց: Արդեն սկսվել էր ռուս-թուրքական պատերազմը, ու Բուռնաշովը հրաման ստացավ շտապ վերադառնալու Հյուսիսային Կովկաս: Իբրահիմը Հերակլի հետ իր դաշնակցական կապերը վերականգնելու նոր փորձ է ձեռնարկում համաձայնվելով Ղազախի և Շամշադիի թուրքերին վերադարձնել, պայմանով, որ Հերակլը ձերբակալի և իրեն ուղարկի Մելիք-Մեջլումին ու Մելիք-Արովին: Իբրահիմը գիտեր, որ բոլոր դեպքերում շահողն ինքն է լինելու: Այս մելիքները տեղեկանալով, որ Հերակլը ծրագրել է կատարել Իբրահիմի առաջարկը, փախչում են Թիֆլիսից ու վերադառնում Գանձակ: 1792 թ. մեռավ Մելիք-Շահնազարը՝ Խամսայի հայկական ինքնավարության կործանիչը: Նրա հասցրած վերքերը Արցախին անբուժելի էին: Նա ուներ երեք

⁴⁴⁷ Լեո, էջ 370:

կին: Թագուհուց ծնվել էր Ջումշուդը, Սոնայից՝ Հուսեյնն ու Հուրիզադը, Մալայիկից՝ Ջհանբախշը, Ջհանգիրը և Հումայի դուստրը: Մելիքն իր որդիների վրա հոգաբարձու էր կարգել Իբրահիմ խանին, որը Հուրիզադ խանուհի ճնշման տակ մելիք կարգեց նրա եղբորը՝ Հուսեյնին: Սակայն Ջհանբախշը կարողացավ պարսից շահից մելիքական իրավունք հաստատող ֆիրման բերել: Իբրահիմ-խալիլ խանը նրան է վերադարձնում ունեցվածքը: Տուցակի մեջ է ընդգրկվում 73 գյուղ, որոնցից 35-ը՝ դատարկված⁴⁴⁸: Հուսեյնը հարծակվեց և կողոպտեց Ջհանբախշի տունը Շուշիում: Վերջինս փախավ և ապաստանեց Շամախի Սուստաֆա խանի մոտ, որը թշնամի էր Իբրահիմին: Մելիք-Շահնազարի մահը մեծ կորուստ էր Իբրահիմի համար: Նա այլևս թույլ էր և անկարող: Մելիք-Մեջլումն ու Մելիք-Արովը Գանձակից հաճախ էին ասպատակում Շուշիի կողմերը ու խիստ նեղություն պատճառում Իբրահիմին⁴⁴⁹:

Իրանի տիրակալ Քերիմ-խան Ջենդը իր մոտ որպես պատանդ էր պահում մագանդարանցի դաջար Աղա-Մուհամեդ խանին, որին Նադիր շահը ներքինի էր դարձրել: 1779 թ. Քերիմ-խանի մահից հետո դաջար խանը փախչում է Շիրազից, հայրենի Մագանդարանում ապստամբություն բարձրացնում և իրեն Իրանի շահ հաստատում՝ աթոռանիստ ընտրելով Թեհրան քաղաքը: 1795 թ. նա իրեն ենթարկեց Ատրպատականը: Անդրկովկասի կառավարիչները, որոնք ռուսական արշավանքից երկյուղելով, հպատակություն էին հայտնել կայսրուհուն, արհամարհեցին այս ժամանակավրեպ բռնակալին: Աղա-Մուհամեդ խանն իր դաժանությամբ և անգթությամբ գերազանցում էր իր բոլոր նախորդներին: Նա մի հրեշավոր մարդ էր. ճղրտյուն ձայն, կարճ հասակ, անգույն, թափանցիկ աչքեր, դեղին, անմազ դեմք...: Հանել էր իր մի եղբոր՝ Սուրթազ-Ղուլի խանի աչքերը, սպանել ավագ եղբորը՝ Ջաֆար-Ղուլի խանին: Գրավելով իր դեմ ապստամբած Քիրման քաղաքը, տեղի 20 հազար կանանց բաժանեց իր զինվորներին՝ հրամայելով կուրացնել բոլոր տղամարդկանց: Նրան ընծա բերին 7 հազար զույգ աչք...: Ահա այսպես Իրանում հիմնադրվեց դաջարների թագավորական հարստությունը: Իրանի նոր շահը, զորքը բաժանելով երեք մասի, շարժվեց դեպի Անդրկովկաս: Եղբայրը՝ Ալի-Ղուլի խանը, շարժվեց դեպի երևան, որի կառավարիչն իսկույն անձնատուր եղավ: Մյուս մասը Սուխանքով շարժվեց դեպի Թալիշ, Շամախի և Նուխի (Շաքի) ու հպատակեցրեց այդ խանությունները: Շահը զորքի երրորդ մասը 1795 թ. օգոստոսին տարավ դեպի Շուշի: Նրան միացան Գանձակի Ջավադ խանն ու Ջրաբերդի

⁴⁴⁸ Петрышевский, Очерки по истории феодальных отношений в Азербайджане и Армении в XVI – XIX вв., Ленинград, 1949, стр. 116.

⁴⁴⁹ Լեո, էջ 370:

Մելիք-Մեջլումը: Հերակլ թագավորը իր Ալեքսանդր որդու հետ զորք ուղարկեց՝ օգնելու Իբրահիմին: Մելիք-Ջուճուղ Շահնագարյանը, ամրանալով Շուշիում, գործում էր Իբրահիմի կողմից: Իբրահիմը փակվեց բերդում սպասելով իր վախճանին: Պարսից զորքը թնդանոթները տեղադրել էր հաշին տափ (Թոփխանա) կոչվող վայրում ու որոտալից համազարկերով արկերն ուղարկում էր դեպի բերդաքաղաքը, որոնք, սակայն, ոչ մի վնաս չէին հասցնում⁴⁵⁰: Շահը մտածում էր Հունոտի անդնդախոր կիրճը լցնել ձիու թամբերով և հաշին տափի ու Ձիարշավարանի (Ջորդուզ) միջև կամուրջ ստեղծելով՝ գրավել Շուշին⁴⁵¹: Հայկական ջոկատները հաճախ դուրս էին գալիս բերդից ու անակնկալ հարձակումներով մեծ կորուստներ պատճառում պարսից զորքին: Պարսիկներին հաջողվում է հայկական 100 հոգիանոց մի ջոկատ գերել: Շահը հրամայում է կապկալել հայոց քաջերին, իրար կողքի պառկեցնել, նրանց վրայով պտտեցնել ձիերը, որոնց սմբակներից դեպի դուրս մեխեր էին ցցված: Պատժի այս ձևը Իրանում եգիտ-խարման էր կոչվում: Ղաջար շահը դիտելով այս տեսարանը, մեծ հաճույք էր ստանում: Աղա-Մուհամեդ խանը իր եղբոր հետ ծրագրել էր գրավել Թիֆլիսն ու պատժել Հերակլին: Տեսնելով, որ ձգձգվում է բերդի գրավումը, որոշում է այն վերսկսել հաջորդ տարվա գարնանը: Պաշարման 33-րդ օրը հանում է զորքն ու անսպասելիորեն շարժվում դեպի Թիֆլիս: Այս արշավին նրան միանում է Մելիք-Մեջլումը: Շուշիում տեսնելով, որ պարսիկները չքացել են, բացեցին դարպասներն, ու հայ բնակչությունը շտապեց դեպի դաշտերն ու ձորերը: Սակայն պարսից շահը մի ծուղակ էր պատրաստել: Դևաթալապ կոչվող կիրճում, ինչպես և Ավանի քարանձավում զորք էր թաքցրել, որը հանկարծակի դուրս է թափվում ու կոտորում հայերին: Դեպի բերդը փախչող հայերի համար Իբրահիմ խանի հրամանով բերդի դռներն այլևս փակ էին... Աղա-Մուհամեդ խանի զորքը սեպտեմբերի 13-ին մտնում է Թիֆլիս, ութ օր թալանի ենթարկում այն: 70-ամյա Հերակլը փրկվում է փախուստով: Պարսիկները իրենց հետ տարան 12 հազար գերիների: Թիֆլիսի սր.Գևորգ եկեղեցում սպանվում է հայ մեծանուն բանաստեղծ և գուսան Սայաթ-Նովան: Շահը շտապում էր վերադառնալ Իրան՝ ճնշելու Ղանդահարում և Հերաթում Քերիմ-խանի եղբայր Լիֆթալի-խան Ջենդի գլխավորությամբ բռնկված խռովությունը՝ հաջորդ տարվա գարնանը կրկին Շուշի գալու մտադրությամբ: Մելիք-Մեջլումն ու Մելիք-Արովը ամրանում են Գանձակի բերդում: 1894 թ. նրանք այստեղ Աղվանից կաթողիկոս են օժել տալիս Սարգիս եպիսկոպոս Ջալալյանին: Փաստորեն այդ պահին Արցախում ևս

⁴⁵⁰ Հակոբ Պողոսյան, Պատմութիւն գաւառիս Արցախու, Երևանի Մատենադարան, ձեռագիր N2734, էջ 7:

⁴⁵¹ Ахмед-бек Дживаншир, стр. 43.

երկու կաթողիկոս կար՝ Կուճուր (Փոքր) Սիմոնը՝ Երիցմանկանց վանքում և Խարայել՝ Ամարասում, որոնք ենթարկվում էին Իբրահիմ խանին:

Հերակլը Շամշադինի սուլթանի, Իբրահիմ խանի և լեզգիների հետ պաշարում է Գանձակը: Վրացիները թալանում են Ղարաբաղի Գարդմանք, Փառխոս, Քուստի և Նախիջևանի Գողթն գավառները, գերևարում շատերին, ավերում Բանանց մեծ գյուղը: Գանձակի պաշարումը տևեց չորս ամիս: Հերակլը պահանջեց, որ Ջավադ խանը իրեն հանձնի Մելիք-Մեջլումին, իսկ ինքը հեռանա Գանձակից: Խանը մերժեց այս պահանջը: Ութ աշտարակներից չորսը պաշտպանում էին հայոց քաջերը: Կատաղի կռիվներում զոհվում է Թուլի-Արզումանը: Մահացու վերք ստացավ և Մելիք-Մեջլումը, որին թաղեցին Գանձակի սբ.Հովհաննես եկեղեցու խորանում: Ի վերջո, Հերակլը, Իբրահիմն ու Ումմա-խանը հաշտվեցին Ջավադ խանի հետ, որից պատանդ վերցրին նրա որդուն և դստերն ու հեռացան:

1796 թ. գարնանը դեպի կասպիականի ծովեզերքն է շարժվում ռուսական զորքը՝ կոմս Վալերիան Ջուբովի հրամանատարությամբ՝ նպատակ ունենալով գրավելու Անդրկովկասը: Կոմսին ուղեկցում էր Ռուսաստանում հայ առաքելական եկեղեցու առաջնորդ Հովսեփ արքեպիսկոպոս Արղուբյանը: Վալերիան Ջուբովը թուրքերին և պարսիկներին հայտնի էր Կրզըլ-ալաղի (ոսկե ոտք) անունով, քանի որ պատերազմներում նրա կորցրած մի ոտքի փայտե պրոթեզը պատած էր ոսկե թիթեղով: Հովսեփ Արղուբյանը համոզում է Շամախիի Մուստաֆա-խանին ընդունել ռուսաց հպատակություն: Իբրահիմ խանը, զգալով վերահաս վտանգը, նվերներով ու հպատակության գրով իր որդուն Աբդուլ-Ֆեթի բեկին ուղարկեց ռուս զորավարի մոտ: Կոմս Ջուբովը իր հերթին թանկագին գավազան ուղարկեց Շուշի բերդի մահմեդական հոգևորականների գլխավոր մուլլա Փանահին: Ծրագրված էր, որ Ջուբովի բանակը պետք է ծնռն անցկացներ Սալյանում, գարնանն արշավեր դեպի Իրան: Մի զորաբանակ գեներալ Ռիմսկի-Կորսակովի գլխավորությամբ, Հովսեփ Արղուբյանի հետ շարժվեց դեպի Գանձակ, որի միջնորդությամբ էլ Ջավադ-խանը ընդունեց ռուսաց հպատակություն ու ներս թողեց ռուսական զորքերին: Ռուսներն այստեղից շարժվում են դեպի Թիֆլիս: Եկատերինան ծրագրել էր Արարատյան նահանգը Վրաստանի հետ միավորել ու մի ուժեղ քրիստոնեական պետություն ստեղծել: Սակայն նոյեմբերի 6-ին մահանում է ռուսաց կայսրուհին՝ Եկատերինա II: Նրան փոխարինած Պավել I-ը Ջուբովին շտապ ետ կանչեց: Հայերն ու վրացիները կրկին հայտնվեցին խղճալի վիճակում:

Հաջորդ տարի, գարնան վերջին, Աղա-Մուհամեդ խանը հարյուր հազարանոց զորքով անցավ Արաքսը և ավերելով ամեն ինչ, շարժվեց դեպի Շուշի բերդը: Գյուլխտանի ժողովուրդը բռնեց Վրաստան տանող ճանապարհը:

հը: Իբրահիմի հոգը իր կյանքն ու ընտանիքը փրկելն էր: Նա առնելով իր մերձավորներին փախավ դեպի իր կնոջ հայրենիքը՝ Ջար և Թալ: Բերքը հավաքելու ոչ մի հնար չկար: Ղարաբաղում սովն ու ժանտախտը կոտորում էին մարդկանց: Սկսվեց համատարած գաղթը: Մելիք-Աբովը իր ժողովրդով գնաց Վրաստանի կողմերը: Մելիք-Ջուլդուղ Մելիք-Շահնազարյանը ճանապարհվեց դեպի Թիֆլիս: Բերդաքաղաքի բնակչությունը կոտորածից փրկվելու համար որոշեց հանդիսավոր ընդունելություն ցույց տալ անողոք շահին: Հոգևորականները խաչով ու սրբապատկերներով դիմավորեցին շահին: Շահը հանդիսավոր կերպով բերդաքաղաք մտավ: Բոլորը գալիս էին նրան հպատակություն հայտնելու: Մեկին նվեր էր տալիս, մյուսին զլխատում: Ձորքի մի մասը, որը բերդաքաղաք էր մտել, սկսեց թալանել բնակչությանը, հափշտակել ինչ որ պատահի: Հակառակվողին առանց դատաստանի սպանում էին: Սակայն այս ձևով անհնար էր կերակրել բանակը: Դժգոհ զինվորականությունը հավաքվում է խանի պալատի մոտ, որտեղ բնակություն էր հաստատել շահը, ու դժգոհություն հայտնում շահին: Աղա-Մուհամեդ խանը կասկածելով, թե իր զորահրամանատարներն են կազմակերպել այս բողոքը, որոշեց շատերին զլխատել: Ընդհանրապես, թշնամություն կար շահի պալատականների, որոնք հիմնականում պարսիկներ էին, ու զինվորական թրքախոս հրամանատարների միջև, որոնք միշտ փորձում էին շահին հակառակորդի դեմ գրգռել: Շահը ձգտում էր, որ այս երկու կուսակցությունների միջև համաձայնություն չլինի ու հավասարակշռության լծակը միշտ իր ձեռքին մնա: Նա արհեստականորեն նրանց իրար դեմ էր լարում: Մի օր բերդ մտնելիս տեղացիների մի ամբոխ դիմավորում է շահին և լաց ու կոծով իր բողոքը հայտնում զինվորականների վարազության կապակցությամբ: Շահը բարկանում է պալատականների վրա: Իսկ երեկոյան, երբ առանց զեկույցի իր մոտ է մտնում Սաղըխ խանը, ներքինի շահը բարկանում է, կտրել տալիս իր անկողնապետ Սաֆար-Ալիի ականջները, «որոնք լավ չեն լսում» և սպանում հաջորդ օրը այնքան զուլխներ կտրել, որոնց կույտով մի հսկա աշտարակ կկանգնեցնի Շուշիում, որը «ավելի բարձր կլինի, քան Շամքորի մզկիթի մինարեթը»⁴⁵²: Պալատականները որոշում են դավադրության դիմել: Կեսգիշերին Սաֆար-Ալին և Աբբասը մտնում են շահի մեջատեսյակն ու դաշյուններով նետվում դեպի քնած շահը, սպանում նրան⁴⁵³: Սաղըխ-խանը, որն այդ դավադրության կազմակեր-

⁴⁵² Дубровин, т. III, стр.221.

⁴⁵³ Գ.Շիրմազանեանց, «Ճանապարհորդություն Հայաստանում», «Արարատ», ամսագիր, Վաղարշապատ, 1877թ. սեպտեմբերի 30, էջ 334: Հեղինակին, որը Թավրիզի հայոց վաճառականապետն էր, այս դեպքերը պատմել էր շահի թիկնապահ զորքի հրամանատար Հակոբը (Յաղոբ), որը փախուստով ազատվել էր ու ապաշխարել Արտազի սբ.Ստեփանոս Նախավկայի վանքում:

պիչն էր, իր զորքով շտապում է Թեհրան՝ գրավելու պարսից գահը: Նա քանտից ազատում է Իբրահիմի եղբոր Միհրալի որդուն՝ Սամեդ-բեկին, նրան խոստանալով Ղարաբաղի խանությունը: Սաղըխ-խանը Իրանում պարտություն է կրում, և շահ է հռչակվում Աղա-Մուհամեդ խանի եղբոր որդին՝ Ֆաթալին: Իսկ Իբրահիմը, տեղեկանալով այս ամենի մասին, նախ Շուշի է ուղարկում իր Մեհթի որդուն, նոր միայն ինքը ժամանում:

Անընդմեջ պատերազմներին Ղարաբաղում, ինչպես և ողջ Անդրկովկասում, հաջորդում են դաժան սովն ու համաճարակը: Արտազաղթը համատարած բնույթ է կրում: Ըստ տարբեր աղբյուրների, մինչև 1795 թ. Ղարաբաղում կար 60 հազար հայ ընտանիք: 1804 թ. երկրամասում մնացել էր ընդամենը 4 հազար ընտանիք: Նրանց մեծ մասը գաղթել էին Վրաստան, Շամախի և Շաքի: Հայ իշխանները հեռացան Արցախից: Գյուլիստանի մեկը Ֆրեյդունն ստացավ Բորչալուի մի մասը, Մելիք-Ջուլդուղը՝ Լոռին, Մելիք-Աբովը՝ Բոլնիսը: Նրանց թվում էր, թե այս նոր տարածքները միացնելով, կարող էին մի նոր ինքնավարություն ստեղծել, մոռանալով, որ ոչ Վրաստանը, ոչ էլ Ռուսաստանը նման բան թույլ չեն տա: Հայ մելիքները Վրաստանում ցանկանում էին ունենալ մի անկյուն, ուր կարողանային ապրել իրենց վաղեմի օրենքներով: Քանի որ վրացիներից իրենց ուզած ընդունելությունը չեն գտնում, 1799 թ. Մելիք-Ֆրիդուն Մելիք-Բեկլարյանն ու Մելիք-Ջուլդուղ Մելիք-Շահնազարյանը (Մելիք-Շահնազար Բ-ի ավագ որդին) մեկնում են Պետերբուրգ, դիմում Ռուսաց կայսերը: Պավել I-ի հունիսի 2-ի հրովարտակով վրաց թագավորին հանձնարարեց Ղազախի երկիրը հանձնել հայ մելիքներին: Այս հրովարտակի հիման վրա վրաց թագավոր Պերզին հայ մելիքներին հատկացրեց հողատարածքներ: Մելիք-Ֆրիդունը ստացավ Ուզունլարը, իսկ Մելիք-Աբովը՝ Բոլնիսը: Վերջինս կոչվել է Գյուլիստանի Պոլիս>Պոլնիս>Բորիս փոխակերպություն ապրած գյուղանունից, քանի որ նրա առաջին վերաբնակիչները Գյուլիստանի Պոլնիս-Բորիսցիներ են եղել: Ավանը, որը հայկական վեց եկեղեցի ունի, կրում է նաև Բոլնիս-Խաչեն անունը, քանի որ Գյուլիստանցիների հետ այստեղ էին հաստատվել նաև Արցախի Խաչեն գետի ավազանի գյուղերից եկած վերաբնակիչները: Գյուլիստանի էրքեջ (էրքաջ) գյուղի սբ. Սարգիս եկեղեցու արևմտյան պատի մոտ, արտաքուստ, տապանաքարի վրա պահպանվել է «Էվ. ՌՄԿԶ: (1817), որ է Պոլնուսու գալն (Բոլնիս-Խաչենից ժողովրդի վերադառնալը- Բ.), մայիսի :ի: (20), Քրիստոսի ծառայ տեր Դանիել»⁴⁵⁴: Մելիքները վերադառնում են Ջրաբերդ և Գյուլիստան՝ տեղափոխելու բնակչությանը: Ճանապարհին նրանց հալածում են թե Իբրահիմ խանի մարդիկ, թե դաղստանցի ավարառուները և թե Գանձակի Ջավադ խանը: 7000 հոգուց

⁴⁵⁴ Ս.Բարխուդարյան, էջ 249:

Մելիք-Աբովին հաջողվում է Բուլնիս հասցնել 4000 հոգու: Մելիք Աբովը այստեղ կառավարում էր արցախյան իրավունքներով և սովորություններով: Երբ Վրաստանը 1801 թ. միացվեց Ռուսաստանին, Ղարաբաղի հայերը շարունակեցին ապրել առանձին արտոնություններով՝ իրենց մելիքների իշխանության ներքո⁴⁵⁵: Նա մինչև 1000 զինվոր էր պահում, որոնց հետ հաճախակի էր համարձակորեն արշավում թուրքերին ենթակա Ախալքալակի կողմերը: Վրաստանում նրան հանձնեցին քարվանդաշարային, այսինքն՝ քարավանների անվտանգությունն ապահովելու պաշտոնը: Սակայն Գևորգ թագավորի մահից հետո նրա հարաբերությունները լարվեցին վրաց ազնվականության հետ: Այդպես էլ չիրականացավ նրա հայրենիք վերադառնալու երազանքը: Մի հյուրընկալության ժամանակ թունավորեցին մեծ հայրենասերին ու նրա քարտուղար Միրզա-Իսաբաշխին, որի հետևանքով երկուսն էլ կարճատև հիվանդությունից հետո մահացան 1808 թ.: Մելիք-Աբովի երեք որդիներից ավագը՝ Ռոստոմ-բեկը, իշխան Ցիցիանովի զորքում պարսիկների դեմ պատերազմի ընթացքում գերի է ընկնում, տարվում Թավրիզ: Պարսից թագաժառանգ Աբբաս-Միրզան պահանջում է, որ մելիքի որդին մահմեդականություն ընդունի: Արցախցի հայրենասերը մերժում է ու գլխատվում: Գյուլիստանի մյուս որդին՝ Եսայի-բեկը, կույր էր: Մելիքությունը ժառանգեց Մելիք-Բեկլար Բ-ի արդեն չափահաս դարձած որդին՝ Ֆրիդոնը: Սակայն շուտով նա սպանվում է եղբոր՝ Սամի ձեռքով: Մելիք-Աբովի երրորդ որդուն՝ Սանաս-բեկին ոչ մի կերպ չի հաջողվում ստանալ մելիքական իրավունքը ու ժողովրդի հետ հայրենիք է վերադառնում: Այստեղ նրանք տեսնում են, որ գյուղը ամայի չի մնացել: Պարզվում է, որ գյուղացիներից Մեղրին, մեծ գաղթի ժամանակ ընտանիքի հետ անտառում էր եղել ու չէր իմացել գաղթի մասին: Սակայն վերադառնալով գյուղ, այն դատարկված տեսնելով, որոշում է մնալ և պահպանել գյուղը: Երկիրը բաժանվեց Մելիք-Աբովի և Մելիք-Ֆրիդոնի ժառանգների միջև: Առաջինները պապի անունով կոչվեցին Մելիք-Յովսեփյաններ, երկրորդները՝ Մելիք-Բեկլարյաններ:

XIX դարակազմի Մելիք-Շահնազարյանների տոհմից նշանավոր գործիչ է դառնում Միրզաջան-բեկի թոռը՝ Դավիթ բեկը: Նա Սպահանում պարսկերեն և արաբերեն է սովորում, ապա մեկնում է Փարիզ, սովորում ֆրանսերեն: Այդ ժամանակ Նապոլեոնի կողմից դեսպան կարգված գեներալ Ժոբերթը պարսից Ֆաթալի շահի մոտ մեկնելու Սպահանի ճանապարհին ձերբակալվում է թուրքերի կողմից, բանտարկվում Նոր Բայազետի բերդում: Նապոլեոնը որոշում է թղթերն ուղարկել Դավիթ բեկի միջոցով, որին վստահում էր: Նապոլեոնի հանձնարարությունները կատարելով, կրկին մեկնում

⁴⁵⁵ Акты Кавк. Арх. Ком., т. I, стр. 637.

է Փարիզ, ապա նորից վերադառնում Թեհրան: Պարսից շահից խանական կոչում է ստանում, կոչվում Միր-Դավիթ-խան, 1806 թ. նշանակվում Պարսկաստանի դեսպան Ֆրանսիայում: 1817 թ. վերադառնալով Թեհրան, Պարսից շահին ներկայացնում է իր ժառանգական իրավունքները և ստանում շահական հրովարտակ Գեղարքունի և Ծար գավառներում տիրելու իրավունքի մասին: Երևանի սարդարից ևս հրովարտակ է ստանում իր զարմիկ (քրոջ որդի) Խաչատուր-բեկի համար որպես իր ժառանգ իշխելու այդ գավառներում, իսկ ինքը շահի հրամանով վերադառնում է Փարիզ: 1826 թ. Միր-Դավիթ խանը հրաժարական է տալիս, Խաչատուր-բեկի հետ Թիֆլիսում ռուսական հպատակություն ընդունում: Հայ մեծ դիվանագետը մահանում է 1831 թ. աղքատության մեջ: Միր-Դավիթ խանի տոհմից էր Գյուլիստանի Վերին-չեն գյուղի բնակիչ Բեկլար-բեկ Մելիք-Շահնազարյանը, որի մոտ Սակար եպիսկոպոսը տեսել էր Միր-Դավիթ խանի պատկերը՝ Շիրխուրշուղ (Առյուծ-արեգական) ականազարդ շքանշանով⁴⁵⁶:

Իշխանների հայրենիքից հեռանալն էլ հայկական իշխանության վերջին քեկորի կործանման հիմնական պատճառն էր: Իբրահիմը, օգտվելով այս իրավիճակից, թաթար թափառական ցեղեր բնակեցրեց դատարկված հայկական բնակավայրերում՝ նրանց նվիրելով հայ իշխանների կալվածքները: Կովկասի կառավարիչ և զորքերի հրամանատար իշխան Ցիցիանովը զորքերով Թիֆլիսից շարժվում է դեպի Գանձակ ու 1803 թ. դեկտեմբերին պաշարում բերդը: Ցիցիանովի հետ էին Մելիք-Ջումշուղ Մելիք-Շահնազարյանը, Թիֆլիսի հայոց առաջնորդ արքեպիսկոպոս Յովհաննեսն ու Ներսես վարդապետը (հետագայում՝ Ամենայն Հայոց կաթողիկոս): Ռուսական զորքերը հունվարի 3-ին գրավեցին Գանձակը: Ջոհվեցին Ջավադ-խանն ու նրա որդիները: Ցիցիանովը ձգտում էր առանց կորստի գրավել Արցախն ու նրա գլխավոր բերդը՝ Շուշին: Ռուս ռազմավարների համար Շուշին այն կարևոր հենակետն էր, որը մոտ լինելով Արաքսի վրա Խուղաֆերինի կամրջին, կարող էր Ազարբայջանի վրա սրընթաց արշավի համար բազայի վերածվել: Իսկ հարկ եղած դեպքում էլ փոքրաթիվ զորքն անգամ կարող էր երկարատև դիմադրություն ցույց տալ: Խորամանկ ու նեղ Իբրահիմը երկդիմի խաղերով ձգձգում էր զործնական հպատակությունը ռուսներին: Նա գիտեր, որ պարսիկներն իրեն երբեք չեն ների Աղա-Մուհամեդ խանի սպանությունը Շուշիում: Իբրահիմը 1805 թ. փետրվարին իր մոտ է կանչում ռուս մայրը Լիսանկիչին և հայտնում, որ ընդունում է Ցիցիանովի բոլոր պայմանները: Դաշնագրի ստորագրման վայր ընտրվեց Կուրակ գետը, որը բաժանում էր Արցախն ու Գանձակի խանությունը: Մայիսի 14-ին իշխան Ցիցիանովն ու Իբրահիմ խանը ստորագրում են 11 հոդվածից կազմված դաշնա-

⁴⁵⁶ Բարխուտարյանց, Պատմութիւն Աղուանից, Թիֆլիս, 1907, էջ 32:

գիրը: Իբրահիմը պետք է Շուշիում պահեր 500 զինվորից կազմված ռուսական զուսմարտակը: Իբրահիմին շնորհվում է գեներալ-լեյտենանտի աստիճան, ինչպես նաև դրոշ կայսերական զինանշանով: Խանը պարտավորվում էր տարեկան ռուսներին տալ 8 հազար ոսկի տուրք: Իբրահիմը պետք է թողներ Շուքուր Ուլլահին պատանդ տար Թիֆլիսում բնակվելու: Ըստ 3-րդ հոդվածի՝ Իբրահիմի ժառանգներից երեքը չպետք է խլվի խանության իրավունքը: Դաշնագրում խոսք անգամ չկար Ղարաբաղի օրինական տերերի՝ հայ իշխանների և հայ քրիստոնյա բնակչության Ալեքսանդրների մասին: Ցիցիանովը անմիջապես գրություն ուղարկեց Ալեքսանդր կայսրին, նկարագրելով Ղարաբաղի սահմանները հյուսիսից Կուր գետը, արևելքից՝ Շիրվանի խանությունը, հարավից՝ Արաքս գետը, Ղարադաղն ու Նախիջևանը, արևմուտքից՝ Գարուն գետն ու Սևանա լիճը: Իշխանը նշում է, որ Ղարաբաղը իր դիրքով դուռ է Իրան մտնելու համար, Արցախի միջոցով Թիֆլիսը մտնելու է Բաքվին: Երեք օր հետո Ցիցիանովը նույն վայրում նման մի դաշնագիր է ստորագրում Շաքիի Սելիմ խանի հետ: Մայրո Լիսանկիչը, որին Ղարաբաղցիները «գիժ մայրո» էին կոչում, երեք հարյուր ռուս զինվորներով տեղավորվեց Շուշիի հայկական թաղամասում: Իրանի թագաժառանգ Աբբաս Միրզան, որը ուշադրությամբ հետևում էր ռուսների գործողություններին, օգտվելով այն հանգամանքից, որ ռուսական բանակը զբաղված է Նապոլեոն Բոնապարտի դեմ պատերազմով, որոշեց ետ խլել Անդրկովկասն ու պատժել դավաճան կառավարիչներին ու նրանց գործակալներին: Լիսանկիչը Ջեբրայիլի այգիներում տեսնելով պարսից զորքերի բազմությունը, լեռնային ճանապարհներով շտապեց Շուշի հասնել: Նա վախենում էր, որ Շուշիում թաթար բեկերը կապստամբեն ու Աբբաս Միրզային կհանձնեն բերդաքաղաքը: Սեկ շաբաթից հետո պարսից բանակը Խոնաշեն գետի մոտ էր, առաջապահ 10 հազարանոց հեծելազորը Ասկերանում: Պարսկական մի զորամասի հրամանատարն էր վրաց Ալեքսանդր արքայորդին, որը նամակով հանդիմանում էր Իբրահիմին. «Ոչ ոք ռուսներին միանալով ոչ մի օգուտ չի ստացել, ինչո՞ւ ես դու տերությունը հանձնում և ուժեղացնում նրանց»⁴⁵⁷: Գանձակից Շուշի բերդի պաշտպաններին օգնության է գալիս եգերական գնդի մի զուսմարտակ՝ գնդապետ Կարյազիմի հրամանատարությամբ: Այս զորամասի հետ էր և Ղարաբաղի Կուսապատ գյուղից Վանի հարյուրապետը: Գուսարտակը, չկարողանալով անցնել Ասկերանի (Մայրաբերդ) ամրոցը, դիրք է գրավում Աղղամի մահմեդական գերեզմանոցում: Պարսից զորքը մեծ ուժերով նեղում էր այս գուսարտակին՝ մեծ կորուստներ պատճառելով նրան: Վանին օգնում է կենդանի մնացած 150 զինվորներին՝ գիշերը աննկատելիորեն տեղափոխվելու

⁴⁵⁷ Дубровин, т. IV, стр. 423.

Տիգրանակերտի (Շահադյուրի) ամրոցը: Ի վերջո, Ցիցիանովի զորամասը Գանձակից (Գյանջա) գալիս է ու Կարյազիմի ջոկատի հետ մտնում Շուշի: Իշխան Ցիցիանովին 1806 թ. փետրվարի 8-ին Բաքվի խանի հետ բանակցությունների ժամանակ սպանում են, գլուխն ուղարկում Աբբաս Միրզային: Այսպես սպանվում է գոռոզ իշխանը: Նրան հպատակություն հայտնած խանությունները անկախացան, քանի որ Ցիցիանովը գրաված տարածքներում ոչ մի համակարգ չէր ստեղծել ու ամեն ինչ կապել էր իր անձի հետ: Իմերեթիան, Մենգրեթիան, Ջարը, Շաքին, Ղարաբաղը, Շիրվանը կտրվեցին Ռուսաստանից և ստեղծեցին հակառուսական դաշնակցություն: Շաքիի Սելիմ խանը, որը ևս ստորագրել էր Կուրակի դաշնագիրը ու գեներալ-լեյտենանտի աստիճան ստացել, ապստամբեց ռուսների դեմ և Շաքիում կոտորեց ռուս սպաներին: Սակայն երբ ռուս գեներալ Նեբելսոնը պաշարում է Շաքին, Սելիմ խանը փախչում է Իրան: Այսպես ավարտվում է Շաքի-Յերեթի իշխանական տոհմը, որը շուրջ 10 դար իշխել էր Կուր գետից մինչև Կովկասյան լեռնաշղթան ընկած տարածքում: 1806 թ. ամռանը Աբբաս Միրզան զորքով կրկին անցավ Արաքսը: Իբրահիմը գաղտնի բանակցություններ է սկսում պարսից թագաժառանգի հետ՝ Շուշին հանձնելու և Լիսանկիչի զորամասը ոչնչացնելու խնդրի շուրջ: Պատերազմը պետք է մղվեր երկու՝ Երևանի և Ղարաբաղի ուղղություններով: Գյուսիսից Շուշիի վրա պետք է հարձակվեին Շիրվանի, Շաքիի և Բաքվի զորքերը: Իբրահիմ խանը իր ընտանիքով դուրս էր եկել բերդից, ապաստանել իր այգում գտնվող տանը: Փոխգնդապետ Լիսանկիչը տեղյակ էր, որ խանը մի քանի օր առաջ նամակ էր ուղարկել Ֆաթալի շահին, խնդրելով մոռանալ անցյալի իր սխալներն ու ներում շնորհել իրեն: Շահն իր հերթին խոստացել էր օգնական զորք ուղարկել Իբրահիմին: Թե խանի որդին՝ Մեհտին, և թե թողը՝ Ջաֆարը, որոնք երագում էին գրավել խանական աթոռը, ռուս հրամանատարին հուշում են, որ սպանի Իբրահիմին: Լիսանկիչը հարյուր ռուս կազակների ու հայ կամավորների հետ հունիսի 2-ի գիշերը, դուրս գալով Շուշիից, մտնում է խանի այգին ու անսպասելի հարձակումով սպանում բոլորին: Սելիք-Ջուռջուղ Սելիք Շահնազարյանի քաջերից Շեյթան Թունին սրախողխող է անում Իբրահիմին: Խանի մահը մեծ կորուստ էր Իրանի շահի համար, քանի որ Շուշի գրավումը Իբրահիմի անձի հետ էին կապել: Պարսից զորքը, որ ձեռնարկել էր Շուշիի պաշարումը, շտապ հեռացավ Ղարաբաղից: Կովկասի կառավարիչ և գլխավոր հրամանատար կոմս Գուրդոլիչը Շուշիի խան նշանակեց Մեհտինին՝ գեներալ-մայորի աստիճանով: Մեհտին մեկնեց Թիֆլիս և հանդիսավոր կերպով երդվեց հավատարիմ ծառայել Ռուսաստանին: Սակայն Մեհտին իր եղբոր՝ Աբուլ Ֆետի միջոցով մշտական կապի մեջ էր շահ-գադայի (թագաժառանգ) հետ: Ղարաբաղում ռուսական զորքերի հրամա-

նատարն էր գեներալ Կոտլյարևսկին, որն աչքի էր ընկել Ախալքալախում թուրքերի դեմ պատերազմում: Կովկասում ռուսական կառավարիչն էր մարկիզ Պաուլուչին: Նա Շուշի գալով որոշեց փոխել Մեհտիին և նրա տեղը խան կարգել գեղապետ Մելիք Ջումշուղ Մելիք-Շահնազարյանին: Սակայն հայ իշխանը հրաժարվեց հոգուտ Մեհտիի: Մելիք Վանին ևս պաշտպանեց Մեհտիին: Մելիք Ջումշուղն ու Մելիք Վանին ինչքան էլ քաջ ու հնարամիտ լինեին պատերազմներում, խուսափեցին իրենց վրա վերցնել երկրի կառավարման պատասխանատվությունը և գերադասեցին հայրենի երկիրը թողնել օտար տիրոջ լծի տակ: Այս ժամանակ չգտնվեց մի նոր «Իսրայել Օրի» կամ «Չովսեփ էմին», որն իր վրա վերցնեք այս գործը: Աբբաս Միրզան վաղուց էր պատրաստվում ռուսներից ուժով հետ վերցնել Անդրկովկասը: Նրա բանակը վարժեցնում էին անգլիացի սպաները: Ընդհանրապես, եվրոպայում կրթություն ստացած մարդկանցից էր և ավելի շատ աչքի էր ընկնում դիվանագիտական ճկունությամբ: Մարկիզ Պաուլուչին փոխարինած գեներալ Ռոտիշչևը, որ տեղյակ էր պարսից թագաժառանգի նախապատրաստությունների մասին, ծրագրել էր հարցը լուծել բանակցությունների միջոցով: Սակայն թագաժառանգն այլևս արհամարհում էր ռուսներին: Գեներալ Կոտլյարևսկին, որը սկզբունքորեն դեմ էր Կովկասի կառավարչի ծրագրին և հավատում էր խնդրի միմիայն ուժի միջոցով լուծմանը, առանց Ռոտիշչևի թույլտվության իր զորքով անցավ Արաքսն ու անակնկալ հարձակվեց Ասլանդուզ բերդի վրա, որտեղ գտնվում էր Աբբաս Միրզայի գլխավոր բանակը: Թագաժառանգը մի կերպ փրկեց իր կյանքն ու փախավ: Պարսից բանակը ջախջախվեց: Կոտլյարևսկուն շնորհվեց գեներալ-լեյտենանտի աստիճան: Դեկտեմբերին նա արշավեց Լենքորանի վրա և անակնկալ հարձակումով գրավեց այն: Այս պարտությունները իրանական կողմին ստիպեցին ռուսներից հաշտություն խնդրել: 1813 թ. հոկտեմբերի 12-ին գեներալ Ռոտիշչևն ու պարսից Միրզա Աբուլ Չասան խանը դարաբաղյան Գյուլիստան գյուղում ստորագրում են դաշնագիրը: Իրանը Ռուսաստանին է գիջում Դերբենտը, Դուբան, Բաքուն, Թալիշը, Շիրվանը, Շաքին, Դարաբաղը, Գանձակը, Վրաստանը, Դաղստանը, Շորագյալը: Ռոտիշչևը Իրանին է թողնում Մեղրին: Վրաստանը Ռուսաստանին կցելու և ռուսական նահանգի վերածելու օրինակը ցույց է տալիս, որ հայերը ևս ռուսներից պետականություն չեն ստանալու, և զուր էին պատրանքները: Սակայն ռուսասիրությունն ու հավատը, որ միայն քրիստոնեական Ռուսաստանից կստանան սպասվող ազատությունը, խոր արմատներ էր գցել ոչ միայն իշխանների, այլև հասարակ ժողովրդի մեջ: 1816 թ. Ալեքսանդր կայսրը Կովկասում կառավարչապետ և բանակի գլխավոր հրամանատար է նշանակում գեներալ Ալեքսեյ Երմոլովին, որը թիֆլիսում, հանձնիս վրաս-

տանի և Ռուսաստանի հայոց առաջնորդ Ներսես արքեպիսկոպոս Աշտարակեցու, գտնում է իր խորհրդատուին և զինակցին Իրանի դեմ պատերազմը փութացնելու գործում: Հայոց եկեղեցու իրական ղեկավարը Ներսեսն էր, ու Ամենայն Հայոց Եփրեմ կաթողիկոսը առանց նրա հետ խորհրդակցելու ոչ մի քայլ չէր անում: Երմոլովն իր հետ Կովկաս բերեց ֆրանսիացիների հետ պատերազմում իր հերոսությամբ աչքի ընկած գեներալ Վալերիան Մադաթովին, որին նշանակեց Դարաբաղի, Շաքիի և Շիրվանի զինվորական շրջանային կառավարիչ: Մադաթովը արցախցի հայ էր, Ավետարանոց գյուղից: Նա պատանի հասակում Ռուսաստան մեկնող Դարաբաղի պատվիրակության հետ, որի կազմում էին Մելիք-Ջումշուղը, Մելիք-Ֆրեյդունն ու իր ազդեցիկ ազգական Պետրոս հարյուրապետ Մադաթյանը, մեկնում է Պետերբուրգ: Այստեղ նա մելիքների միջնորդությամբ մտավ կայսերական զվարդիայի հեծելազորի մեջ, որտեղ և աչքի ընկնելով իր ուշիմությամբ ու քաջությամբ, տասնհինգ տարի հետո Կովկաս վերադարձավ գեներալական աստիճանով, իշխանի տիտղոսով ու զինվորական բարձր շքանշաններով⁴⁵⁸: Երիտասարդ ու տաղանդավոր գեներալը իր ծեռնարկած միջոցներով երկրամասում վերացրեց ավազակությունը: Անիշխանությունից հետո մի կատարյալ անդորրություն ու խաղաղություն էր տիրում նրա կառավարչության տակ գտնվող երկրում: Ռուսաստանը ձգտում էր ձերբազատվել Իրանական պետությունից մնացած խանություններից: 1819 թ. մահացավ Շաքիի Իսմայիլ խանը: Որոշվեց նրա տեղում այլևս խան չնշանակել: Շամախիի Մուստաֆա խանը, զգալով իր վրա կախված վերահաս վտանգը, փախավ Իրան: Այս տարածքներն ուղղակի մտան Ռուսական կայսրության մեջ առանց որևէ կարգավիճակի: Սակայն Դարաբաղի Մեհտի Դուլի խանի հետ հաշիվները փակելու խնդրում իշխան Մադաթովը չէր շտապում, չնայած նրան հայտնի էին Մեհտիի գաղտնի կապերը Իրանի թագաժառանգ Աբբաս Միրզայի հետ: Մադաթովը խանից իբրև պարզևագրեր ստացավ Մելիք-Շահնազարյանների կալվածքները, որոնք կայսրի միջոցով օրինականացրեց Երմոլովը: Օգտվելով առիթից, Մեհտի խանն իր ազգակից շատ ու շատ բեկերի բաշխեց Արցախի մելիքների կալվածքներն ու գյուղերը: Կալվածքների տեր դարձան խանի գրագիրը, ծաղրածուն, ախոռապանը... Ստանալով իր ուզածը, գեներալ Մադաթովը 1822 թ. վերջերին Շուշիում մի դավադրություն կազմակերպեց, ու Մեհտի խանը ստիպված եղավ փախչել դեպի Պարսկաստան: Այսպես վերջացավ Շուշիում թաթարների խանությունը:

⁴⁵⁸ Լեռ, հ. 4, էջ 396:

ԱՆԴՐԿՈՎԿԱՍՈՒՄ ՌՈՒՍԱՑ ՏԻՐԱՊԵՏՈՒԹՅԱՆ ՀԱՍՏԱՏՈՒՄԸ ԵՎ ՌՈՒՍ-ՊԱՐՍԿԱԿԱՆ ՀԱՇՏՈՒԹՅՈՒՆԸ 1828 թ.

Օտար տերությունների քաղաքական գործիչները դարերի փորձից հանգզվել էին, որ պետականությունից զրկված Հայաստանում ազատորեն տիրապետելու համար պետք է իրենց ազդեցության տակ առնեն հայոց եկեղեցին և առաջին հերթին էջմիածնի Մայր աթոռը, որը հայերի մոտ դարեր շարունակ ձգտում էր լրացնել սեփական պետական իշխանության պակասը: Ռուսները Ներսես Աշտարակեցու միջոցով իրենց ձեռքին էին պահում էջմիածնի նկատմամբ հսկողությունը: Ներսեսն իր հերթին, օգտագործելով իր ազդեցությունն ու կապերը, ռուսասեր լինելով հանդերձ, ձգտում էր արագացնել պատերազմը Իրանի հետ և նրա ազդեցությունից Հայաստանի ազատագրումը: Թուրքիան իր հերթին փորձեր էր արել կաթողիկոսարանը էջմիածնից տեղափոխել Կ.Պոլիս, սակայն այս փորձերը ապարդյուն էին անցել: Աբբաս Միրզան լավ էր գիտակցում էջմիածնի վրա ռուսական ազդեցության հանգամանքը: Չնայած էջմիածինը գտնվում էր Իրանի տիրապետության սահմաններում, նա մի հետաքրքիր ծրագիր մշակեց, ըստ որի պետք է կաթողիկոսական աթոռը տեղափոխվեր Արաքսից հարավ, որը հեռու կլիներ ռուսական ազդեցությունից: Իրանի թագաժառանգը, որը նաև Ատրպատականի փոխարքան էր, նոր կաթողիկոսարան ընտրեց Արտազի գավառի սբ. Թադևոս Առաքյալ վանքը, որը մոտ էր Մակու քաղաքին: Դեռևս 1810 թ. սկսել էին այս վանքի վերակառուցումը: Երբ այն ավարտելու վրա էր, Երևանի սարդար Հուսեյն Կուլի խանի միջոցով թագաժառանգը սկսեց ճնշումներ գործադրել թուլական Եփրեմ կաթողիկոսի վրա, նրա համար անելանելի վիճակ ստեղծելով էջմիածնում: Սարդարը անընդհատ ոսկի էր պահանջում կաթողիկոսից: Եփրեմը ստիպված էր բեկերից տոկոսներով պարտք վերցնել ու տալ սարդարին: Տոկոսներն աճում էին: Ինչ խոսք, որ դա ծուղակ էր, որի միջոցով պետք է ստիպելին կաթողիկոսին, որ նա ինքնակամ սբ. Թադևոս Առաքյալի վանքը տեղափոխվի, որը կառուցվում էր էջմիածնի տաճարի հատակագծով: Եվ ահա 1821 թ. ձմռանը Եփրեմ կաթողիկոսը մեծ շքախմբով մեկնում է Սյունիք, ապա Նախիջևան: Արդեն մի քայլ էր մնում անցնելու Արաքսը ու իրականացնելու Աբբաս Միրզայի մտահղացումը: Ներսես Աշտարակեցին, որն իր գործակալների միջոցով հետևում էր իրադարձությունների զարգացմանը, փորձում էր էջմիածնից կաթողիկոսի փախուստը հարմարեցնել իր ծրագրերին: Նա ստիպում է Եփրեմին ետ՝ Տաթևի վանք վերադառնալ, և իբր իր պարտքերը մարելու համար Շուշիի մեծահարուստ վաճառականներից հանգանակություն ստանալու պատրվակով ճանապարհվել Ղարաբաղ ու այդպես դուրս

գալ Իրանի հսկողության տակ գտնվող տարածքից: Թվում էր, թե կաթողիկոսի այս քայլը ռուս-պարսկական նոր պատերազմ կառաջացնի: Սակայն Աբբաս-Միրզան պատրաստ չէր պատերազմին: Ռուսաստանը ևս ծանր վիճակում էր, քանի որ բոլոր ուժերը Կովկասյան լեռնականների դեմ էր ուղղել: Այստեղ սկսվել էր 40-ամյա մի պատերազմ լեզգիների, ավարների, դարգինների, չեչենների և մյուսների դեմ, որոնց ղեկավարում էր մահմեդական առաջնորդ Իմամ Շամիլը: Դաղստանցիները ավանդաբար թուրքամետ էին, իսկ իմամն իր հերթին գործում էր օսմանյան իշխանության թելադրանքով, թեկուզ և ի վնաս ավարների ազգային շահերին:

Երմուղովը հայոց կաթողիկոսի Շուշի գնալու ճանապարհորդության մասին գրեց Ալեքսանդր Առաջինին կայսերական թույլտվություն ստանալու նպատակով: Երմուղովը պահանջեց, որ նա վերադառնա էջմիածին կամ հրաժարական տա և ռուսական հողում մնա որպես մասնավոր անձ: Երմուղովը որոշեց դիմել արքեպիսկոպոս Ներսեսի օգնությանը: Ներսեսը մեծ հեղինակություն ուներ ռուսական իշխանություններում և փաստորեն ամփոփում էր հայոց աշխարհիկ և կրոնական իշխանությունները: Նրա մշակութային և լուսավորչական գործունեությունը ևս նպաստում էին, որ Թիֆլիսը վերածվի հայության յուրօրինակ մտավոր կենտրոնի: Նա ռուսաց Անդրկովկաս թափանցելու մեջ փորձում էր ճկունորեն միախուսել ե՛լ ռուսաց արքունիքի, ե՛լ հայոց շահերը: Դեկտեմբերի 15-ին հայոց հայրապետը իր շքախմբով Շուշիի մատույցներում էր, ուր նրան ընդառաջ դուրս եկավ հայությունը Անտոն եպիսկոպոսի գլխավորությամբ: Կաթողիկոսի հիսուն հոգանոց շքախմբում էր նաև ապագայի գրական մեծ գործիչ, մատենագիր Մեսրոպ Թաղիադյանը, որը գրում է այս ճամփորդության մասին⁴⁵⁹: Եփրեմ վեհափառը հյուրընկալվում է շուշեցի մեծահարուստ Ջոհրապ և Մարկոս Թառումյան եղբայրների տանը: Շուշիի առևտրական տները ծաղկում էին այնպիսի ժամանակաշրջանում, երբ դեռևս չէր հաստատված ռուսաց տիրապետությունը: Ծանապարհների բացակայության պայմաններում ժայռի ծերպից (Շուշիի սարահարթ) Հախումյաններն ու Թառումյանները ղեկավարում և հսկում էին մի մեծ առևտուր, երբ Շուշիում մի կարգին շուկա էլ չկար: Նրանք իրար էին կապում Սիբիրն ու Եվրոպան, Հնդկաստանը, Իրանն ու Ռուսաստանը: Այս հմուտ վաճառականների շնորհիվ Շուշին դարձել էր Անդրկովկասում Թիֆլիսից հետո երկրորդ առևտրական քաղաքը: Հախումյանները ռուսական բանկում պահում էին մեկ միլիոն ռուբլի: Եթե Հախումյանները արցախցի էին, ապա Թառումյանները բնիկ շահկերտցի (Գողթան գավառ) էին: 1750 թ. գաղթելով Երևան, սարդարի հալածանքների պատճառով հետագայում տեղափոխվում են Շուշի: Դեռ նոր էր

⁴⁵⁹ Մ.Թաղիադյան, Գրական ժառանգություն, հ.9, 93 ԳԱ, Երևան, 1975, էջ 157:

Բաբուն անցել ռուսների ձեռքը, երբ 1808 թ. այստեղ հայտնվում է շուշեցի վաճառական Բաբա Թառումյանը, որը ռուսական կառավարությունից կապալով վերցնում է Բաբվի նավթի, ինչպես նաև Սայանի և այլ վայրերի ձկնորսարանները և այլ հասութաբեր ձեռնարկություններ, որոնք նրան մեծ հարստություն էին բերում: Երբ Բաբան մեռնում է Դերբենտում, նրա դիզած հարստությունը տեղափոխում են Շուշի, ուր նրա Մարկոս և Չոհրապ եղբայրները, շարունակելով եղբոր կապալառուական գործը, Բաբայի թողած ոսկու պարկերին ավելացնում են նոր պարկեր⁴⁶⁰: Հայերն այդ ժամանակ Շուշիում 500 տուն էին, կամ շուրջ 2600 բնակիչ: Քաղաքի քրիստոնեական մասում կար երեք եկեղեցի՝ սբ. Աստվածածին, Ազուլեցոց և Ղազանչեցոց (հին կառույց, որի տեղ 1886 թ. կառուցեցին նորը):

Հախումյանները, ի տարբերություն Թառումյանների, անվարձահատույց բարեգործություն չէին անում: Նրանք զարգացնում էին առևտուրն իրենց բազմաթիվ գործակատարների (չրաղներ) միջոցով, որոնք, ի վերջո, իրենց հերթին ինքնուրույն վաճառակներ էին դառնում: Շուշին փաստորեն վաճառականության ոգի էր տարածում Արցախի այլ բնակավայրերում: Հարստանալու տենչը, որ նախկինում խորթ էր արցախցուն, այժմ միավորում էր մարդկանց: Այսպիսի միջավայրում էլ իրար են ծուլվում քաղաքի եկվորն ու բնիկը: Ժլատ Հախումյանները ողորմություն չէին բաժանում, բայց մեծ հարստության հետ մի հսկա համակարգ բերեցին Ղարաբաղ: Այդ ժամանակ շուշեցի մեծահարուստների տներում ուսուցչության էին հրավիրել ժամանակի հայ մեծահամբավ ուսուցիչներ Պողոս վարդապետ Ղարաղաղուն և Հովսեփ վարդապետ Տեր-Ավագյան Արցախեցուն: Վերջինս աստվածաբանության, տրամաբանության և քերականության մասնագետ էր և հայտնի էր Գանձասարի և սբ. Հակոբա վանքերում իր կրոնական կենցաղով ու դպրոցներով: Նա գրել էր մի շարք աշխատություններ գրաբար-աշխարհաբարի բառարանը, «Համառոտ տրամաբանություն», «Քերականություն» գրքերը: Նա Շուշիում երկար չմնաց և վերադարձավ Գանձասարի ու սբ. Հակոբա վանքերի վանական դպրոցներում շարունակելու դասավանդումը:

Երմուլովը, վերադառնալով կովկասյան պատերազմից, կարգադրում է կաթողիկոսին շտապ վերադառնալ էջմիածին, այդպես խուսափելով ռուս-պարսկական դաշինքը խախտելու առիթ տալուց: Ռուսաց կայսրը բաժանում էր Երմուլովի կարծիքը⁴⁶¹: Այդ ժամանակ սբ. Թադևոս Առաքյալի վանքում ավարտվել էր տաճարի շինարարությունը, իսկ զանգակատունը կի-

սատ էր մնացել, քանի որ հասկացել էին, որ Մայր Աթոռի տեղափոխումը արդեն կանխվել է: Ներսես արքեպիսկոպոսը 1822 թ. հունիսի 8-ին իր շքախմբով հասնում է Շուշի: Այդ ժամանակ Մարկոս Թառումյանը մահամերձ էր: Նա եփրեմ կաթողիկոսի խնդրած չորս հազար ոսկու փոխարեն նվիրում է ութ հազար ոսկի: Այդ ժամանակ արդեն վերացած էր Աղվանից կաթողիկոսական աթոռը, որի փոխարեն 1815 թ. այն վերածվում է մետրոպոլիտության: Սարգիս Ջալալյանը կաթողիկոսական աստիճանից վերածվում է մետրոպոլիտի: Եփրեմ կաթողիկոսը այլևս էջմիածին չի վերադառնում, քանի որ Աբբաս-Միրզան չէր ների նրա փախուստը: Ծերունի հայրապետը Գանձակում օգոստոսի 5-ին մի ձևական հրաժարական գրեց ռուսաց ինքնակալին, ինչպես նաև Իրանի թագաժառանգին ու իշխան Գուլիցինին, դրանով ցույց տալով, թե որչափ անտանելի է հայ ժողովրդի ու հայոց կրոնապետի դրությունը Պարսկաստանում, որ ստիպված փախչում է կեղեքումից և փնտրում ռուսաց կայսրի հովանավորությունը: Դա, անշուշտ, Ներսես Աշտարակեցու դիվանագիտական քայլերից էր: Եփրեմը մնալով Հաղբատի վանքում, թաղերի միջև եռահարկ տուն է կառուցում:

Այդ տարիներին էլ Շուշիում սկիզբ է առնում դպրոցական շարժումը, որի հիմնադիրն է Շվեյցարիայի Բազել քաղաքի «Ավետարանական քարոզչական ընկերությունը»: Այս կազմակերպությունը 1822 թվականի ձմռանը Պետերբուրգում ձեռք բերելով Կովկասում գաղթականության օջախներ, դպրոցներ, տպարաններ հիմնելու թույլտվությունը, «Աստծո խոսքը տարածելու համար» գալիս է Կովկաս և ընտրում Շուշի քաղաքը: Նրանցից աչքի են ընկնում Ավգուստ Դիտրիխն ու Ֆելիցիան Ջարեմբան: 1823 թվականին նրանք հողատարածք են գնում հայկական և բաթարական թաղերի միջև «Դաբաղի ծոր» տեղանքում, եռահարկ տուն կառուցում, որը հայերը «Լեմսի տներ» (գերմանացու տներ) էին կոչում: «Քրիստոնյաների համար մենք կհիմնենք ուսումնարաններ, ուր կավանդվի Աստծո խոսքը, որը հավասարապես պատկանում է բոլոր քրիստոնյաներին: Մենք գիտենք, որ մարդ ինչ եկեղեցու էլ պատկանա, կփրկվի, եթե սիրտը նվիրի Աստծուն»,- ասում էին բազելցի միսիոներները: Նրանք իրենց ուշադրությունը կենտրոնացրել էին հայերի վրա: Միսիոներները գրում էին. «Թեպետ մենք մտադիր ենք սկզբում մի քանի տարի շարունակ առանձին ուշադրություն դարձնել Աստծո խոսքը տարածելու միայն հայերի մեջ և նրանց համար ուսումնարաններ հաստատելու, բայց մեր իրական նպատակն է ապագա ժամանակներում առավելապես մահմեդականների մեջ քարոզելու փրկիչ Քրիստոսի ավետարանը»: «Մեր շրջագայության ժամանակ հայ ազգը մենք գտանք շատ արտասովալի վիճակում, տգիտության մեջ», - ասում էին բազելցի քարոզիչները: Նրանց Շուշի գալուն նախորդել էին բավականին հետաքրքրաշարժ

⁴⁶⁰ Լեո, հ. IV, 512:

⁴⁶¹ Ալ. Երիցյան, Ամենայն Հայոց կաթողիկոսություն եւ Կովկասի Հայք, Թիֆլիս, 1894, էջ 199:

իրադարձություններ, որոնց մասին որոշ մանրամասներ է հաղորդում անգլիացի ճանապարհորդ Լինչը, որը Չայաստան էր այցելել 1890-ական թվականներին⁴⁶²:

Եվրոպացի բողոքական քարոզիչները, ուշի ուշով հետևելով Ասիայում տեղի ունեցող իրադարձություններին, որոշում են, որ արդեն հասունացել է Չնդկաստանից սկսած դեպի Արևելք ընկած երկրներում մահմեդականներին քրիստոնեական հավատքի բերելու ժամանակը: Եթե անգլիացի միսիոներները մկրտելու խնդրում անհաղթահարելի դիմադրության են հանդիպում, ապա գերմանացի ավետարանականները այլ ծրագիր են ընդունում: Նրանք Վիտենբերգի պրուսական թագավորության բնակիչների շրջանում իրենց քարոզներով լուր են տարածում, թե շուտով սպասվում է Փրկչի գալուստը, որը մեծ դատաստանով կավերի երկիրը, կպատժի մարդկանց բացի իր իջևանած վայրից, որի բնակիչները արքայության մեջ կապրեն: Նրանք ասում էին, որ դա ստույգ տեղի կունենա 1836 թվականին, Կասպից ծովի մերձակա Կուր-Արաքսի դաշտավայրում: Եվ ասիա 1500 ընտանիք գերմանացի շվաբներ դուրս եկան Վյուտենբերգից և շարժվեցին դեպի իրենց անհայտ երկիրը, ուր պետք է իջնեի Աստծու Որդին: Ուխտավորների 2/3-ը մահացան չհասած Օդեսա: Մի երկրորդ խումբ, շուրջ 100 ընտանիք, 1817 թվականին հասան Վրաստան և տեղավորվեցին Թիֆլիսի ու Ելիզավետապոլի նահանգներում՝ հիմնելով Ելենենդորֆ և Աննեֆելդ բնակավայրերը: Բողոքական եկեղեցու հայրերի նպատակն էր Պարսկաստանի սահմանամերձ շրջաններում բողոքականների գաղութներ ստեղծելով՝ դրանք դեպի Պարսկաստան և մահմեդական այլ երկրներ քարոզչական աշխատանքի բազաների վերածել ու այդպես նվաճել Արևելքը, խաղաղ ճանապարհով անել այն, ինչ միջնադարում զենքի միջոցով չկարողացան խաչակրաց արշավանքները:

Եվ Բագելի ավետարանական ընկերության անդամներ Ջարեմբան ու Դիտրիխը 1821 թվականին ընդունվում են Ալեքսանդր կայսեր կողմից, որը հովանավորում էր գերմանացիների այս ծրագիրը, նրանց շնորհում որոշակի արտոնություններ, մասնավորապես՝ մկրտելու իրավունքը, տպարան և դպրոցներ հիմնելը: Նրանց թույլ տրվեց գերմանական գաղութներում իրենց եկեղեցու հոգևոր առաջնորդներ նշանակել:

Իրանի թագաժառանգ Աբբաս Միրզան, շրջապատված Անդրկովկասից փախած խաներով, ծրագրում էր Անդրկովկասում և Դաղստանում մահմեդական բնակչության ապստամբության հսկա ալիք բարձրացնել ռուսական տիրապետության դեմ, որը կհեշտացներ պարսից բանակի գործողությունները:

⁴⁶² Линч Х.Ф.Б. "Армения. Путевые очерки и этюды", Тб., 1910, стр. 127.

1825 թ. նոյեմբերին Ալեքսանդր կայսեր մահը որոշ խառնաշփոթ առաջացրեց Ռուսաստանում, որից էլ փորձեցին օգտվել պարսիկները: Ալեքսանդրը իր ժառանգ էր կարգել կրտսեր եղբորը՝ Նիկոլային: Սակայն Կոնստանդինի կողմնակիցները բանակում որոշ խլրտումներ առաջացրին Նիկոլայի դեմ: Նոր ցարը արագ ճնշեց ապստամբության փորձը: Ինչպես երևում է, ապստամբության լուրը չափից դուրս ճոխացված էր հասել Իրան, ու Աբբասն ակնկալում էր առանց լուրջ դիմադրություն հանդիպելու գրավել ողջ Անդրկովկասը: Երմուլովը, որը դեռևս չէր սպասում պարսից բանակի հարձակմանը, կրկին Դաղստան էր մեկնել՝ ճնշելու Շամիլի ապստամբությունը:

1826 թ. հուլիսին պարսից բանակը երկու՝ Երևանի և Ղարաբաղի ուղղություններով մտնում է ռուսական հսկողության տակ գտնվող տարածքները: Մահմեդական բնակչության ապստամբություն է բռնկվում Ղարաբաղում, Շաքիում, Շամախիում, Շիրվանում, Գանձակի, Բաքվի և Թալիշի խառնություններում: Երմուլովը, կորցրած գլուխը, հույսը կապում է հայերի հետ: Ներսես Աշտարակեցին Թիֆլիսում իր հիմնած դպրոցի տպարանում շրջաբերական կոչ է տպագրում՝ ուղղված հայ ժողովրդին: Նա կոչ էր անում զենք վերցնել և պաշտպանել երկիրը: Գեներալ Մադաթովը այդ ժամանակ մեկնել էր Պյատիգորսկի հանքային ջրերը՝ վերքերը բուժելու համար: Արցախի պարետ մայոր Չելյակը հայ սուրհանդակների միջոցով նամակ է ուղարկում Երմուլովին, հայտնելով, որ Իրանի թագաժառանգը 60 հազարանոց զորքով և 30 թնդանոթներով մտել է Ղարաբաղ ու մոտենում է Շուշիին: Աբբաս-Միրզայի գլխավոր նպատակը Թիֆլիսը գրավելն էր: Սակայն նա որոշեց մինչ այդ գրավել Շուշին, որն էլ պարսիկների հիմնական սխալն էր, քանի որ մեկ գունդ ռուսական ստորաբաժանումը թիկունքում որևէ լուրջ վտանգ չէր կարող ներկայացնել, իսկ ասիա Թիֆլիսը լրիվ անպաշտպան էր մնացել: Շուշիում մնացել էին 2700 զինվոր, 400 կազակ՝ 6 թնդանոթներով, որոնց հրամանատարն էր գնդապետ Իոսիֆ Ռեուտը: Նա մինչ այդ աչքի էր ընկել կովկասյան պատերազմում և 1810 թ. Ախալքալախի ճակատամարտում: Երեք վաշտ գտնվում էին Գորիսում, որոնց լուր ուղարկեց շտապ Շուշի վերադառնալ: Շուշիում ապրող թաթար բնակչությունը որոշել էր զիջել հարձակվել բերդը պահպանող ռուսական վաշտի վրա և կոտորել բոլորին ու բերդը հանձնել Աբբաս-Միրզային: Բերդաքաղաքի պարիսպների տակ ռուս զինվորները տեսան հայերի տասնյակ դիակներ: Աբբաս-Միրզան յուրաքանչյուր հայի գլխի համար մի ոսկի էր խոստացել իր զինվորներին: Պարսիկները Անդրկովկասում ռուսական զենքի հաջողությունը կապում էին հայ բնակչության նրանց նկատմամբ ցույց տված օգնության հետ: Սակայն պարսից արքունիքը այլևս չունեի Նադիրի քաղաքական հմտությունն ու ճկունությունը: Եթե Նադիրը մեծ առավելություններ ու արտոնություն-

ներ, ինչպես և ինքնավարություն էր շնորհում հայ իշխաններին ու զորականներին, որոնք էլ պատերազմներում ավելի հուժկու էին դարձնում Իրանի բանակի հարվածները, ապա նրա հաջորդները միմիայն մտածում էին հայերին կեղեքելու մասին: Ազգային սխալ քաղաքականությունը, Ղարաբաղում այլ վայրերում իշխանությունը թաթար բեկերին տալը բերեց հայ ազատագրական շարժմանը: Այս պայմաններում հայերի միակ հույսը ռուսաց օգնությամբ շահական համակարգի բռնություններից ազատագրվելն էր: Իսկ ահա Աբբաս-Միրզայի զինվորների կոտորածը հայերին ստիպեց գնալ Երևան և օգնել Շուշիում գտնվող եզերական զնդին:

Երմուլովը Շուշիի ամրությունը երկրորդական համարելով ծրագրել էր հենց Արաքսի ափին՝ Ասլանդուզ վայրում նոր բերդ կառուցել: Երմուլովը կարգադրեց վտանգի դեպքում ոչնչացնել ամեն ինչ և նահանջել Ելիզավետապոլ կամ Թիֆլիս: Սակայն պարսիկները ճանապարհին սուրհանդակից վերցրել էին նամակը, միայն ուշացունով հասկանալով, թե ինչ սխալ են գործել և բավականին ուշ հասցրել են Ռեուտին: Վերջինս նամակը թաքցրեց բերդի պաշտպաններից: Իսկ երեք վաշտերը, որոնք փոխգնդապետ Նազիմկայի հրամանատարությամբ ուզում էին Շուշի վերադառնալ, ճանապարհին շրջապատվում են պարսկական զորքի կողմից ու լրիվ ոչնչացվում:

Ռուս զենեքալ Վալերիան Պոտտոն մանրամասնորեն նկարագրել է Շուշիի պաշտպանության մանրամասները⁴⁶³: Իրոք, առանց հայ կամավորականների օգնության և հայ բնակչության օգնության անհնար կլինեք բերդի պաշտպանությունը: Աբբաս-Միրզան Ռեուտին առաջարկում է հանձնել բերդն ու անարգել հեռանալ: Սակայն մերժում է ստանում: Բերդը գրավելու փորձերը անհաջողության են մատնվում: Կրկին թագաժառանգը հույսը բանակցությունների վրա է դնում, որը ձեռնադր էր բերդի պաշտպաններին, քանի որ սպասում էին օգնական զորքերի գալուստին:

Ըստ երևույթին, Իրանի տաղանդավոր զորավար Նադիր շահի պատերազմ վարելու և հանկարծակի հարվածներով առավելության հասնելու մարտավարությունը պարսից բանակում ռազմագիտական դպրոցի չէր վերածվել: Իսկ Աբբաս-Միրզայի բանակը շատ դանդաղաշարժ էր, ինքը թագաժառանգը, վճռական պահերին ոչ մի կերպ չէր ջոկում գլխավորը երկրորդականից: Սակայն չի կարելի ասել, թե Ատրպատականի կուսակալը հայերի նկատմամբ ատելությանը էր լցված: Եթե նա վատ զինվորաման էր, ապա քաղաքական ու դիվանագիտական հարցերում երկի այդ ժամանակ Իրանում մրցակից չունեք: Ատրպատականում նա շատ բան էր անում հայերին պահելու համար, որոնք ծաղկեցնում, հարստացնում էին երկիրը: Նա

հայ առևտրականներին արտոնություններ էր շնորհել, սեփական դրամազխով մասնակցում էր նրանց առևտրական ձեռնարկներին: Նա զսպում էր մոլեռանդ կրոնամոլների հարձակումները հայերի դեմ: Թագաժառանգը Թավրիզի հայերին ազատել էր հարկ վճարելուց:

Իշխան Մադաթովը Թիֆլիս հասնելով իսկույն երկու հազարանոց զորք է հավաքագրում ու շարժվում դեպի Գանձակ: Նրան է միանում քաջ զինվոր Գրիգոր Եպիսկոպոս Մանուչարյանը՝ 500 հայ հեծյալներով: Այս եկեղեցականին թուրքերը «Պալիքեշիշ» (զիժ տերտեր) էին կոչում: Նա հարկ եղած դեպքում հանում էր փիլոնն ու խաչի փոխարեն հրացան և թուր վերցնում: Մադաթովը այս զորամասով պետք է կովեր պարսից 10 հազարանոց բանակի դեմ, որը գլխավորում էին շահի փեսա Ամիրխան սարդարն ու թագաժառանգի երեք որդին՝ Մուհմադ-Միրզան: Այս զորքը Գանձակը գրավելուց հետո պետք է ճանապարհ բացեր դանդաղաշարժ Աբբաս-Միրզայի բանակի դեպի Թիֆլիս արշավանքի համար: Արցախից զորահրամանատարը, ելնելով Շամքորի տեղանքից, դիմում է մարտավարական հնարքների խուսափելով ճակատ-ճակատի հանդիպումից: Այս ճակատամարտը, որը տեղի էր ունեցել սեպտեմբերի 3-ին, մանրամասնորեն նկարագրել է շուշեցի պատմիչ Հակոբ սարկավազ Պողոսյանը: Գեներալ Մադաթովը մի խորամանկ ծուղակ է պատրաստում և հնարամտորեն խաբելով պարսից զորքի հրամանատարներին, 10 հազարանոց զորքը քաշում է այդ ծուղակի մեջ և ամբողջովին ոչնչացնում այն: Այս փայլուն հաղթանակի համար հայ իշխանը կայսրից ստացավ ադամանդակուռ թուր և զենեքալ-լեյտենանտի աստիճան: Լսելով պարտության լուրը, Աբբաս-Միրզան թողեց Շուշին ու շարժվեց դեպի Գանձակ՝ պատժելու հանդուզն Մադաթովին: Սակայն Թիֆլիսից հասնում է ռուսական բանակը՝ զենեքալ Պասկևիչի հրամանատարությամբ: Սեպտեմբերի 13-ի ճակատամարտը ողբերգական էր Աբբաս-Միրզայի համար: Ռազմի դաշտում թողնելով երկու հազար դիակ, հազար զերի, երկու թնդանոթ և չորս մարտական դրոշ, իր զորքը հետ է քաշում: Իշխան Մադաթովը իր զորքով անցնում է Երասխն ու արշավում դեպի Շահսևան, հափշտակում 80 հազար ոչխար, 15 հազար կով, 4 հազար ձի, 3 հազար ուղտ, դրանք փոխադրում Ղարաբաղ: Իրանից 40 հազար հայեր զնդապետ Ղազար Լազարյանի գլխավորությամբ գաղթում են Արարատյան դաշտ: Մարաղա քաղաքի հայերը տեղափոխվում են Պարտավ քաղաքի մոտ, սակայն ամռան տեղին չդիմանալով, այստեղ թողնելով 1042 դիակ, անցնում են Ղարաբաղ և բնակություն հաստատում Ջրաբերդի մելիքների ծննդոցում՝ Ղազարխում, այն անվանելով Մարաղա:

Մեծի Ղուկին, տեղյակ լինելով Պասկևիչի և Երմուլովի միջև անզիջում քննամանքին, որպես Երմուլովի և Մադաթովի գործունեության զոհ ներկայ-

⁴⁶³ В.Потто, Героическая оборона крепости Шуши, СПб, 1903,

նալով, Պասկևիչին առաջարկեց իր ծառայությունները, նպատակ ունենալով վերականգնել իր իրավունքները: Մեհտի Ղուլին կարողացավ թաթար բեկերին օգնել վերադառնալ Արցախ և կալվածքներ ստանալ: Իսկ հայ իշխանները, որոնք հավատարմորեն ծառայել և օգնել էին ռուսներին, ճնշվեցին և քաղաքները երկրից: Իրոք, զարմանալի էր ռուսական բյուրոկրատիան: Այն անհրաժեշտության դեպքում ընդունում է օգնությունը, բայց սիրաշահելու նպատակով առատաձեռնորեն վարձատրում է իր ամենավտանգավոր ու խորամանկ թշնամուն, թեկուզ և գիտակցաբար դառնում այդ բուք քաղաքականության զոհը:

1828 թ. ռուսական զորքերը հայ կամավորականների աջակցությամբ գրավեցին Երևանի բերդը: Ողջ Անդրկովկասը անցավ Ռուսական տիրապետության տակ, որի սահմանն էր Երասխ գետը: Գեներալ Պասկևիչի դեպի Իրան արշավանքին մասնակցում էր նաև գերմանացի միսիոներ Ֆելիցիան Չարեմբան, որը թուրքերեն թարգմանած «Աստվածաշունչ» էր բաժանում մահմեդականներին, քարոզչություն անում: Սակայն պարսից ժողովուրդը, որը մոր կաթի հետ ներծծել էր և իսլամի կարգերն ու ատելությունը դեպի մյուս հավատքները, չընդունեց այն և ոչնչացրեց Չարեմբայի զորքերը: Հաստատվելով Թավրիզում, ռուսներն արագորեն տարածեցին իրենց արշավանքները: 1828 թ. փետրվարի 10-ին Թուրքմենչայ գյուղում ստորագրվեց ռուս-պարսկական պայմանագիրը, որին վիճակված էր ճակատագրական դեր կատարել Իրանի քաղաքական թուլացման և անկման մեջ: Ռուսաստանին կցվեցին Երևանի և Նախիջևանի խանությունները, որոնք կազմեցին Հայկական մարզը: Իսկ Արցախ-Ղարաբաղը Շուշի կենտրոնով մնաց Ելիզավետպոլի (Գանձակ) նահանգի կազմում:

Այսպիսով, Արևելյան Հայաստանը Իրանի տիրապետությունից անցավ Ռուսաստանի տիրապետության տակ: Ազատարարի հռչակ ձեռք բերած ռուսական իշխանությունները տեղում խեղդեցին հայոց պետականության վերականգնման ամեն մի օջախ: Ներսես կաթողիկոսը, որ ամեն ինչ արել էր Անդրկովկասում ռուսների տիրապետության հաստատման համար, արտրվեց Բեսարաբիա:

ՍԿԶԲՆԱՂԲՅՈՒՐՆԵՐ ԵՎ ԳՐԱԿԱՆՈՒԹՅՈՒՆ

Հայերեն

Ձեռագրեր

- Երևանի Մատենադարանի ձեռագիր N 6644:
- Երևանի Մատենադարանի ձեռագիր .N 4375:
- Երևանի Մատենադարան, ձեռագիր N 8211:
- Երևանի Մատենադարան, ձեռագիր N387, Էջ 8բ, 9ա:
- Հակոբ Պողոսյան, Պատմության գավառի Արցախու, Երևանի Մատենադարան, ձեռագիր N 2734
- Երևանի Մատենադարան, Կաթողիկոսական դիվան, թղթ. 2բ, վավ. 181:
- Երևանի Մատենադարան, ձեռագիր N1575:
- Սիմեոն Երևանցի «Ջամբո», Երևանի Մատենադարան, ձեռագիր N978:

Տպագիր սկզբնաղբյուրներ

- Մովսես Խորենացի, Հայոց պատմություն, Եր., 1990:
- Մովսես Խորենացի, Աշխարհացոյց Մով. Խորենացիոյ յաւելուածովի նախնեաց, Մատենագիրք Հայոց, Ա հատոր, Ե դար, Եր., 2003:
- Աստվածաշունչ, Գիրք ծննդոց, գլ. Ժ, Կոստանդնուպոլիս, 1896:
- Փավստոս Բյուզանդ, Հայոց պատմություն, Եր., 1987:
- Մովսես Կաղանկատվացի, Պատմություն Աղվանից Աշխարհի, Եր., 1969:
- Թովմա Արծրունի ու Անանուն, Պատմություն Արծրույաց տան, Եր., 1985:
- Մ. Գոշ, Հայ Գանձակ, Ալիշան, Հայաստանում, Կենետիկ, 1893:
- Կ. Գանձակեցի, Պատմություն Հայոց, Եր., 1961:
- Մովսես Անանիա կաթողիկոսի ինքնագիր թուղթը, «Արարատ», 1897:
- Մ.Ուսիայեցի, Ժամանակագրություն, Եր., 1973:
- Ստեփանոս Օրբելյան, Սյունիքի պատմությունը, Եր., 1986:
- Վարդան Արևելցի, Պատմություն տիեզերական, Մոսկվա, 1861:
- Ա. Լաստիվերտցի, Պատմաթիւն Արիստակեսայ Վրոյ. Լաստիվերտցվոյ, Թիֆլիս, 1912:
- Ս. Անեցի, Հաւաքմունք ի գրոց պատմագրաց, Վաղարշապատ: Հովհաննեսիկ Ծարեցու ժամանակագրությունը, Մանր ժամանակագրություններ, XIII-XVIII դդ., հ 2, Եր., 1951:
- Աբրահամ Կրետացի, Պատմութիւն անցիցն իւրոյ եւ Նատր-Շահին պարսից, Վաղարշապատ, 1870:
- Եսայի Ջալայան, Պատմութիւն կամ Յիշատակ ինչ ինչ անցից՝ դիպելոց յաշխարհին Աղուանից, Շուշի, 1839:
- «Սիմեոն կաթողիկոսի «Յիշատակարանը», (Դիվան հայոց պատմության), գիրք Գ. Թիֆլիս, 1894:

Կոնստանդին Ծիրանածին, «Բյուզանդական արքունիքի արարողությունների մասին», Օտար արքյուրները Հայաստանի և հայերի մասին, հ. 6, եր., 1970: Ստրաբոն, Աշխարհագրություն, եր., 1940: «Արարատ», «Տեան Ասանիայի հայոց կաթողիկոսի՝ յաղագս ապստամբութեան տանն Աղուանից», 1897: Մանր ժամանակագրություններ, XIII-XVIII դդ., հ. 1, եր., 1951: Հակոբ Հիսուսի ժամանակագրությունը, Մանր ժամանակագրություններ, եր «Թուղթ Կոնստանդեայ կաթողիկոսի Հայոց գոր գրեաց առ Չեղով թագավորն...», Գիրք թղթոց, Թիֆլիս, 1901: Արաբական աղբյուրները Հայաստանի ու հարևան երկրների մասին, Գ.Թ.Նալբանդյանի թարգմանությամբ, եր., 1965: Արաբական աղբյուրներ, գ. Բ, թարգմ. Արամ Տեր-Ղևոնդյան, եր., 1981: Ահմադ Քասրավի, «Քարվանդ-է Բասրավի» ժողովածու, Թեհրան, 1977: Վրացական ժամանակագրություն 1207-1318 թթ., թարգմ. Փ. Մուրադյան, եր., 1971: Մելիքսեթ-բեկ, «Քազրատունյաց պատմությունից», Վրաց աղբյուրները Հայաստանի և հայերի մասին, հատոր Ա, եր., 1934: Մելիքսեթբեկ, Վրաց աղբյուրները Հայաստանի և հայերի մասին, հ. 9, եր., 1955: Թուրքական աղբյուրները Հայաստանի, հայերի և Անդրկովկասի մյուս ժողովուրդների մասին, հ. Բ, եր., 1973: «Մատենադարանի պարսկերեն վավերագրերը» (այսուհետ՝ ՄՊՎ), II, Կալվա-ճագրեր, կազմեց Վ.Փափազյանը, եր., 1968: Մուհամադ-Քազիմ, Նամե-յե Ալամարա-յե Նադերի (պարսկ. բնագիր), հատ 1, Մոսկվա, 1960: Իսմայիլ-Ասըմ էֆենդի, «Թարի Չելեբիզադե», Թուրքական աղբյուրները Հայաստանի, հայերի և Անդրկովկասի մյուս ժողովուրդների մասին, հ. Ա, 1973:

Գրականություն

Աբրահամ Երևանցի, Պատմութիւն պատերազմաց, եր., 1938
 Աբրահամյան Ա.Գ., Մի էջ Անդրկովկասի ժողովուրդների հայ-ռուսական հարաբերությունների պատմությունից, եր., 1953
 Աղոնց Ն., Հայաստանը Հոստինիանոսի դարաշրջանում, եր., 1987
 Աղոնց Ն., «Բագրատունյաց փառքը», Պատմական ուսումնասիրություններ, Պարիս, 1948:
 Ալիշան, Արցախ, Երեւան, 1993:
 Աճառյան Հր., Հայ բարբառագիտություն, Մոսկվա, 1911:
 Աճառյան Հր., Հայերեն արմատական բառարան, եր., 1971:
 Աճառյան Հր., Հայոց անձնանունների բառարան, հ. Ա, եր., 1942
 Բաբայան Լ., Հայաստանի սոցիալ-տնտեսական և քաղաքական պատմությունը XIII-XIVդ.դ., եր.
 Բարխուդարյան Ա., Դիվան հայ վիճագրության, V պրակ, եր, 1982:
 Բարխուդարյան Ա., Արցախ, եր. 1996:
 Բարխուդարյան Ա., Պատմութիւն Աղուանից, Թիֆլիս, Ա հատոր, 1901
 Բարխուդարյան Ա., Պատմութիւն Աղուանից, հատոր Բ, Թիֆլիս, 1907
 Բարխուդարյան Ա., Աղուանից երկիր և դրացիք, եր., 1999
 Բարխուդարյանց Ա., Պատմություն Աղվանից, Վաղարշապատ, 1902:
 Գաղտնիք Ղարաբաղի, Թիֆլիս, 1902:

Դավթյան Կ., Լեոնային Ղարաբաղի բարբառային բարտեզը, եր., 1966:
 Դավրիժեցի, Պատմություն, եր., 1988թ. էջ 25:
 Երեմյան Ս., Հայաստանն ըստ «Աշխարհացույցի», եր., 1963:
 Երիցյան Ալ., Ամենայն Հայոց կաթողիկոսությունն եւ Կովկասի Հայք, Թիֆլիս, 1894:
 Էստեթոլոգի Ռեզա, Առան և Ազարբայջան, եր., 1994
 Ընտիր պատմութիւն Դաւիթ Բեգին և պատերազմաց հայոցն Խափանու.... Վաղարշապատ, 1871
 Թաղիադյան, Գրական ժառանգություն, հ.9, ՀՀ ԳԱ, Երևան, 1975:
 Թորամանյան, «Հայկական ճարտարապետության փոխազդեցության շուրջը», Նյութեր հայկական ճարտարապետության պատմության, եր., 1948:
 Իբն-ի Ֆակիհ, Ալբոհան Աբուբաքր Ահմադ, Թեհրան, 1970:
 Իսմայիլ-Ասըմ էֆենդի, «Թարի Չելեբիզադե», Թուրքական աղբյուրները Հայաստանի, հայերի և Անդրկովկասի մյուս ժողովուրդների մասին, հ. Ա, 1973
 Լալայանց, երկեր, հ. Բ, եր., 1988
 Լեո, Երկերի ժողովածու, հ.3-2, եր.,1973:
 Լեո, Պատմություն Ղարաբաղի հայոց թեմական հոգևոր դպրոցի, Թիֆլիս, 1914:
 Կարագոզեան Յ., Սեպագիր տեղանուններ, եր., 1998:
 Կարապետյան Բակուր, Հայրուր տարվա երկխոսություն, գ. 2, եր., 1996:
 Հովհաննիսյան Աշ, Դրվագներ հայ-ռուսական հարաբերություններից, հ. Ա եր., 1959, գ.2
 Ջալալյան Ա., Ճանապարհորդություն ի Մեծն Հայաստան, մաս Բ, Տիֆլիս, 1858:
 Մանանդյան Հակոբ, Հին Հայաստանի և Անդրկովկասի մի քանի պորբեմների մասին, եր., 1944:
 Միրզա Յուսուֆ Ներսեսով, Ճշմարտացի պատմություն, եր., 2000:
 Մուհամադ-Քյազիմ, Նամե-յե Ալամարա-յե Նադերի, (պարս. բնագիր), հ. 1, Մոսկվա, 1960:
 Ներսիսյան Մ., Ռուս-հայկական հարաբերությունների պատմությունից, եր., 1956:
 Չամչյան Ս., Պատմություն Հայոց, հ. 3, եր., 1984
 Բաֆֆի, Խամսայի մեխիցությունները, երկերի ժողովածու, հ. 10, եր., 1964
 Բ. Ուլուբաբյան, Դրվագներ Հայոց արելից կողմանց պատմության, եր., 1981:
 Ուլուբաբյան Բ., Խաչենի իշխանությունը X-XVI դարերում, եր., 1975,
 Ուլաբաբյան Բ., Ոսկե շղթա, Երևան, 1979
 Փափազյան Հակոբ, Հայ-իրանական զինակցությունը 1726-1736 թթ. և Արևելյան Հայաստանի քաղաքական իրավիճակը Նադիր-շահի օրոք, «Բանբեր Երևանի համալսարանի», 1972

Արխիվային նյութեր

ГАФКЭ, ф. С РА, 1724, Но. 4, п.2.
 ГАФКЭ, ф. СРП, 1725, N5, п. 365.
 ГАФКЭ, Ф. СРА, 1724, N 4, I. 19
 Архив АН СССР, ф. 99, оп. 2, в. 13

Կոնստանդին Ծիրանածին, «Բյուզանդական արքունիքի արարողությունների մասին», Օտար աղբյուրները Հայաստանի և հայերի մասին, հ. 6, եր., 1970:
 Ստրաբոն, Աշխարհագրություն, եր., 1940:
 «Արարատ», «Տեառն Անանիայի հայոց կաթողիկոսի՝ յաղագս ապստամբութեան տանն Աղուանից», 1897:
 Մանր ժամանակագրություններ, XIII-XVIII դդ., հ. 1, եր., 1951:
 Հակոբ Հիսուսի ժամանակագրությունը, Մանր ժամանակագրություններ, եր «Թուղթ Կոնստանդեայ կաթողիկոսի Հայոց գոր գրեաց առ Հերթում թագավորն...», Գիրք թղթոց, Թիֆլիս, 1901:
 Արաբական աղբյուրները Հայաստանի ու հարևան երկրների մասին, Գ.Թ.Նալբանդյանի թարգմանությամբ, եր., 1965:
 Արաբական աղբյուրներ, գ. Բ, թարգմ. Արամ Տեր-Ղևոնդյան, եր., 1981:
 Ահմադ Քասրավի, «Քարվանդ-է Բասրավի» ժողովածու, Թեհրան, 1977:
 Վրացական ժամանակագրություն 1207-1318 թթ., թարգմ. Փ. Մուրադյան, եր., 1971:
 Մելիքսեթ-բեկ, «Բագրատունյաց պատմությունից», Վրաց աղբյուրները Հայաստանի և հայերի մասին, հատոր Ա, եր., 1934:
 Մելիքսեթբեկ, Վրաց աղբյուրները Հայաստանի և հայերի մասին, հ. 9, եր., 1955:
 Թուրքական աղբյուրները Հայաստանի, հայերի և Անդրկովկասի մյուս ժողովուրդների մասին, հ. Բ, եր., 1973:
 «Մատենադարանի պարսկերեն վավերագրերը» (այսուհետ՝ ՄՊՎ), II, Կալվա-ծագրեր, կազմեց Վ.Փափազյանը, եր., 1968:
 Մուհամադ-Քազիմ, Նամե-յե Ալմարա-յե Նադերի (պարսկ. բնագիր), հատ 1, Մոսկվա, 1960:
 Իսմայիլ-Ասըմ էֆենդի, «Թարի Չելեբիզադե», Թուրքական աղբյուրները Հայաստանի, հայերի և Անդրկովկասի մյուս ժողովուրդների մասին, հ. Ա, 1973:

Գրականություն

Աբրահամ Երևանցի, Պատմութիւն պատերազմաց, եր., 1938
 Աբրահամյան Ա.Գ., Մի էջ Անդրկովկասի ժողովուրդների հայ-ռուսական հարաբերությունների պատմությունից, եր., 1953
 Ադոնց Ն., Հայաստանը Հուստինիանոսի դարաշրջանում, եր., 1987
 Ադոնց Ն., «Բագրատունյաց փառքը», Պատմական ուսումնասիրություններ, Պարիս, 1948:
 Ալիշան, Արցախ, Երեւան, 1993:
 Աճառյան Հր., Հայ բարբառագիտություն, Մոսկվա, 1911:
 Աճառյան Հր., Հայերեն արմատական բառարան, եր., 1971:
 Աճառյան Հր., Հայոց անձնանունների բառարան, հ. Ա, եր., 1942
 Բաքայան Լ., Հայաստանի սոցիալ-տնտեսական և քաղաքական պատմությունը XIII-XIVդ.դ., եր.
 Բարխուդարյան Ս., Դիվան հայ վիճաբանության, V պրակ, եր, 1982:
 Բարխուդարյան Ս., Արցախ, եր. 1996:
 Բարխուդարյան Ս., Պատմութիւն Աղուանից, Թիֆլիս, Ա հատոր, 1901
 Բարխուդարյան Ս., Պատմութիւն Աղուանից, հատոր Բ, Թիֆլիս, 1907
 Բարխուդարյան Ս., Աղուանից երկիր և դրացիք, եր., 1999
 Բարխուդարյան Ս., Պատմություն Աղվանից, Վաղարշապատ, 1902:
 Գաղտնիք Ղարաբաղի, Թիֆլիս, 1902:

Դավթյան Կ., Լեոնային Ղարաբաղի բարբառային քարտեզը, եր., 1966:
 Դավրիժեցի, Պատմություն, եր., 1988թ. էջ 25:
 Երեմյան Ս., Հայաստանն ըստ «Աշխարհացոյցի», եր., 1963:
 Երիցյան Ա., Ամենայն Հայոց կաթողիկոսություն եւ Կովկասի Հայք, Թիֆլիս, 1894:
 Էնսեթուլլահ Ռեզա, Առան և Ազարբայջան, եր., 1994
 Ընտիր պատմություն Դաւիթ Բեգին և պատերազմաց հայոցն հաւիանու... Վաղարշապատ, 1871
 Թաղիադյան, Գրական ժառանգություն, հ.9, ՀՀ ԳԱ, Երևան, 1975:
 Թորամանյան, «Հայկական ճարտարապետության փոխազդեցության շուրջը», Լյուբեր հայկական ճարտարապետության պատմության, եր., 1948:
 Իբն-ի Ֆակիհ, Ալթոգան Աբուբար Ահմադ, Թեհրան, 1970:
 Իսմայիլ-Ասըմ էֆենդի, «Թարի Չելեբիզադե», Թուրքական աղբյուրները Հայաստանի, հայերի և Անդրկովկասի մյուս ժողովուրդների մասին, հ. Ա, 1973
 Լալայանե., Երկեր, հ. Բ, եր., 1988
 Լեո, Երկերի ժողովածու, հ.3-2, եր., 1973:
 Լեո, Պատմություն Ղարաբաղի հայոց թեմական հոգևոր դպրոցի, Թիֆլիս, 1914:
 Կարազոզեան Յ., Սեպագիր տեղանուններ, եր., 1998:
 Կարապետյան Բակուր, Հարյուր տարվա երկխոսություն, գ. 2, եր., 1996:
 Հովհաննիսյան Աշ, Դրվագներ հայ-ռուսական հարաբերություններից, հ. Ա եր., 1959, գ.2
 Ջալալյան Ս., Ճանապարհորդություն ի Մեծն Հայաստան, մաս Բ, Տփղիս, 1858:
 Մանանդյան Հակոբ, Հին Հայաստանի և Անդրկովկասի մի քանի պորթլենդների մասին, եր., 1944:
 Միրզա Յուսուֆ Ներսեսով, Ճշմարտացի պատմություն, եր., 2000:
 Մուհամմադ-Քազիմ, Նամե-յե Ալմարա-յե Նադերի, (պարս, բնագիր), հ. 1, Մոսկվա, 1960:
 Ներսիսիյան Մ., Ռուս-հայկական հարաբերությունների պատմությունից, եր., 1956:
 Չամչյան Մ., Պատմություն Հայոց, հ. 3, եր., 1984
 Ռաֆֆի, համառոտ մեկնությունները, Երկերի ժողովածու, հ. 10, եր., 1964
 Բ. Ուլուբաբյան, Դրվագներ Հայոց արելից կողմանց պատմության, եր., 1981:
 Ուլուբաբյան Բ., հաչենի իշխանությունը X-XVI դարերում, եր., 1975.
 Ուլաբաբյան Բ., Ոսկե շրթա, Երևան, 1979
 Փափազյան Հակոբ, Հայ-իրանական զինակցությունը 1726-1736 թթ. և Արևելյան Հայաստանի քաղաքական իրավիճակը Նադիր-շահի օրոք, «Բանբեր Երևանի համալսարանի», 1972

Արխիվային նյութեր

ГАФКЭ, ф. С РА, 1724, Но. 4, н.2.
 ГАФКЭ, ф. СРП, 1725, NS, н. 365.
 ГАФКЭ, Ф. СРА, 1724, N 4, л. 19
 Архив АН СССР, ф. 99, оп. 2, в. 13

Պարբերական հրատարակչություն

- Ս.Բարխուդարյան, «Արցախի, Շաքիի ու Փառիսուսի իշխանությունները IX-X դարերում», Պատմա-բանասիրական հանդես, Եր., 1971, N 1.
- ¹ «Արարատ» ամսագիր, 1919 թ., Ա-ժբ
- Ս. Բարխուդարյան, Դերբենտի հայ-աղվանական բազավորությունը, «Պատմա-բանասիրական հանդես», Եր., 1969
- «Ճռաքաղ» ամսագիր, Մոսկվա, 1859
- Յակոբ Փափագյան, «Հայ-իրանական զինակցությունը 1726-1736 թթ. և արևելյան Հայաստանի քաղաքական իրավիճակը Նադիր-շահի օրոք». Բանբեր Երևանի համալսարանի, 1972, N12.
- "Кавказский вестник", Тифлис, 1901, N 10,
- «Իրան-Նամե», ամսագիր, «Հայ պետականության վերականգնման պարսկական մի ծրագիր», պրոֆեսոր Բորիս Բալայան, Եր., 1993, հուլիս, թիվ 2:
- Գ.Շիրմազանեսանց, «Ճանապարհորդություն Հայաստանում», «Արարատ», ամսագիր, Վաղարշապատ, 1877թ. սեպտեմբերի 30

Ուսերեն

- Абд-ал-Ляtif-эфенди, Ц и Т, изд. Баку, 1926
- Авагов З., Присоединение Грузии к Россией, СПб, 1901
- Акопян А.А., О хронологии последних событий в "Истории 684 года", Кавказ и Византия, Ереван, 1988
- Ахмед-бек Дживаншир, О политическом существовании Карабахского ханства с 1747 по 1805 гг., Шуша, 1901
- Армяно-русские отношения в первой трети XVIII в. Сборник документов, т. 2, ч. 2, Ереван, 1967
- Ельницкий Л.А., "Скифия Евразийских степей", Новосибирск, 1977
- Геничутинский Х., Историко-биографические и исторические очерки, Махачкала, 1992 (перевод с арабского Т. Айтберова).
- Герцберг Г.Ф., История Византии, М., 1987
- Джеваншир М.Д., "Карабах", газета "Кавказ", Тбилиси, 1855
- "Джихан-нума" и "Фезлеке" Кятиба Челеби как источник по истории Армении, XVII, Ереван, 1973,
- Дербенту 5000 лет, М., 1989
- Дубровин, "История войн и владычества русских на Кавказе", II том.
- Дьяконов И.М., История Мидии, М., Л., 1956
- Зулалян М.К, Вопросы древней и средневековой истории Армении в освещении современной турецкой историографии, Ереван, 1970.
- Иванов М.С., Очерки истории Ирана, М., 1952
- Иоаннисян А.Р, Иосиф Эмиль, Ереван, 1945
- История Азербайджана, т. 1, Баку, 1958
- Карапетян Б., С. Карапетян, Тайны Гандзака (Кировабада) и Северного Арцаха, Москва, 1998
- Караулов Н.А, Сведения арабских писателей о Кавказе, Армении и Азербайджане, "Сборник материалов по описанию местностей и племен Кавказа", вып. XXX, Тифлис, 1901.
- "Краткие сообщения института Народов Азии", N 47, 1961.
- Линч Х.Ф.Б. "Армения. Путевые очерки и этюды", Тб., 1910.
- Лысцев В., Персидский поход Петра I, М., 1951

- Март Н., Аркауи, монгольское название христиан, Петербург, 1905
- Миклухо-Маклай Н.Д., "Географическое сочинение XIII века", на персидском языке, Ученые записки Института востоковедения, т. IX, Ленинград, 1951
- Минорский В., История Ширвана и Дербента X-XI веков, М., 1963
- Петрушевский И. П., Очерки по истории феодальных отношений в Азербайджане и Армении в XVI-XIX вв., Ленинград, 1949, стр. 138.
- Петрушевский И., Азербайджан в XVI-XVII вв., Сборник статей из истории Азербайджана, Баку, 1949
- Потто В., Героическая оборона крепости Шуши, СПб, 1903.
- Путешествие Шильтбергера по Европе, Азии и Африке с 1394 по 1427 г. по переводу и примечаниям Ф. Беруль, Одесса, 1866
- Рашид-ад-Дин, Сборник летописей, Т. III, пер. А.К.Арендса, М.-Л., 1946
- Сборник актов относящиеся к обозрению истории армянского народа, М., 1833.
- Симон Еренанци, Джабр, Памятная книга..., Москва, 1958
- Эзов, Сношения Петра Великого с армянским народом, СПб, 1898
- Якобсон А.Л., "Из истории армянского средневекового зодчества", Исследования по истории культуры народов Востока. Цборник в честь И.Орбели, М.,-Л., 1960

ՏԵՂԱՆՈՒՆՆԵՐԻ ՑՈՒՑԱԿ

Ազուլիս 158, 176, 186, 205, 206, 246
 Ադրբեջան 13, 52, 73, 80, 83, 85, 204
 Ազով 4, 140
 Ալանաց դուռ 54, 75
 Ալանաց երկիր 123
 Ալբանիա 12, 13, 15, 17, 25, 26, 37,
 Ալեքսանդրիա 72
 Ախլցիխա 234
 Ախլքավակ
 Աղահեճք գվր. 133
 Ադրբերդ 52
 Աղավնո 39
 Աղդամ 240
 Աղստև 3, 95
 Աղվանք 9, 13, 14, 15, 16, 17, 18, 22,
 23, 24, 25, 26, 29, 30, 31, 32, 37, 38,
 41, 42, 45, 47, 48, 50, 51, 52, 53, 54,
 55, 57, 58, 62, 63, 65, 66, 70, 71, 72,
 73, 74, 75, 76, 77, 78, 79, 80, 81, 82,
 83, 84, 88, 94, 100, 122, 122, 123,
 124, 134,
 Աղվե 10, 11, 16, 32, 33, 35,
 Ալթայ 67, 138
 Ականաբերդ 92
 Ամարաս 21, 23, 34, 64, 65, 66, 148,
 209, 232, 235
 Այսիր 6
 Այրարատ 4
 Անգեղակոթ 141
 Անի 74, 75, 81, 82, 83, 84, 85, 87, 88,
 93, 94, 98, 100, 208, 243
 Աննեֆելդ 248
 Աջարիա 82
 Առան 9, 10, 11, 13, 14, 16, 17, 18, 24,
 25, 33, 37, 38, 41, 42, 43, 45, 48, 49,
 54, 60, 64, 65, 66, 75, 90, 92, 98, 104,
 105, 106, 107, 110, 123, 142, 143,
 194, 196, 204, 207, 208, 211
 Ասլանդուզ 242, 250
 Ասորեստան 4, 5, 7, 41,
 Աստղաբլուր 24, 55
 Աստրախան 102, 144, 147, 154, 219,
 224, 228

Ավարայր 28
 Ավետարանոց 28, 134, 145, 150, 151,
 153, 162, 165, 175, 178, 196, 200,
 212, 243
 Ավստրո-Հոռոմեական կայսրություն
 140, 143
 Արագ գ.
 Արալյան ծով 11
 Արարատի մարզ 188, 190
 Արարատյան դաշտ 32, 47, 48, 51,
 120, 126, 221, 251
 Արարատյան նահանգ 37, 56, 111,
 126, 156, 221, 235
 Արաքս գ. 6, 8, 11, 43, 63, 65, 66, 100,
 104, 111, 115, 120, 125, 126, 142,
 166, 175, 176, 186, 192, 199, , 204,
 211, 235, 239, 240, 241, 242, 244, 250
 Կուր-Արաքսի միջագետք 12, 13, 14,
 15, 16, 17, 25, 31, 37, 43, 48, 49, 63,
 100, 105, 192, 196, 210, 211, 248
 Արդաբիլ 40, 116, 183, 229
 Արցախ 2, 3, 4, 8, 9, 10, 11, 12, 13, 14,
 15, 16, 17, 18, 19, 21, 22, 23, 24, 25,
 26, 28, 29, 31, 32, 33, 34, 35, 36, 37,
 38, 40, 41, 42, 43, 44, 45, 49, 50, 58,
 63, 64, 65, 66, 68, 70, 74, 75, 76, 79,
 80, 81, 85, 86, 89, 91, 94, 95, 96, 97,
 99, 101, 102, 104, 105, 108, 110, 111,
 112, 113, 118, 119, 120, 121, 125, 127,
 128, 129, 130, 132, 134, 138, 139, 141,
 142, 144, 145, 147, 148, 149, 150, 151,
 153, 156, 157, 158, 159, 161, 164, 165,
 167, 168, 172, 174, 175, 176, 178, 179,
 181, 185, 187, 191, 195, 201, 202, 203,
 204, 206, 207, 211, 212, 215, 221, 215,
 221, 224, 228, 231, 232, 234, 237, 238,
 239, 240, 243, 246, 249, 251, 252
 Ատրպատական 13, 34, 40, 43, 46, 64,
 65, 75, 76, 78, 86, 92, 109, 11, 116,
 117, 124, 135, 136, 138, 178, 182,
 190, 192, 204, 208, 212, 229, 233,
 244, 250
 Աֆղանստան 147, 194

Աֆրիկա 112

Բազել 247, 248
 Բալկանյան թ-ի 5, 15, 110
 Բայազետ 165, 188, 220, 238
 Բայաթ 132, 197, 198, 200
 Բայկալյան 38, 48, 49, 102, 105, 115
 Բաղդադ 66, 71, 78, 111, 122, 182
 Բասեն 21, 75
 Բալթիկ ծով 143
 Բաքու 115, 142, 155, 170, 172, 242,
 246
 Բելական 83, 196
 Բերդակուր 11, 52, 63, 122, 137, 149
 Բերդամոր 39, 43, 65, 66, 135
 Բիթ-Խամբան 4
 Բյուզանդիա 20, 21, 29, 37, 40, 41, 43,
 45, 46 , 47, 50, 51, 53, 58, 65, 67, 71,
 72, 75, 78, 84, 87, 88, 89, 97, 109,
 110, 115, 117, 140, 143
 Բոլնիս 237, 238
 Բորչալու 237
 Բրազուր 221
 Բուն Աղվանք 9, 16, 17, 18, 24, 25, 30,
 31, 32, 37, 38, 45,
 Բուրվար 126

Գագ բերդ 101
 Գալատիա 15, 16
 Գամիրք 5, 7

Գանձակ 34, 36, 40, 68, 83, 85, 86, 89,
 90, 91, 92, 95, 96, 99, 100, 105, 106,
 109, 112, 120, 121, 122, 126, 131,
 133, 142, 150, 152, 153, 154, 156,
 158, 159, 164, 165, 167, 170, 172,
 184, 185, 187, 192, 193, 198, 203,
 204, 206, 208, 210, 211, 214, 215,
 216, 217, 218, 221, 222, 223, 227,
 229, 232, 233, 234, 235, 237, 239,
 240, 241, 242, 247, 249, 251, 252
 Գանձասար 9, 45, 72, 80, 81, 82, 92,
 98, 99, 101, 103, 104, 112, 113, 119,
 121, 122, 123, 129, 134, 139, 141,
 145, 147, 149, 150, 152, 153, 156, 161,

162, 163, 168, 171, 199, 215, 216,
 223, 225, 228, 231, 232, 246
 Գարդմանք 15, 16, 41, 42, 43, 47, 51,
 66, 80, 90, 93, 95, 99, 100, 104, 108,
 128, 159, 194, 235
 Գարուն գ. 240
 Գառնի 41
 Գեղամա գվր. 121, 126
 Գետաշեն 35, 108, 133, 196, 222
 Գերմանիա 7, 139, 144
 Գետաբակ 100
 Գիս 20, 23, 56
 Գյուլիստան 3, 10, 12, 15, 19, 40, 93,
 101, 109, 115, 116, 130, 131, 132,
 133, 137, 138, 147, 151, 152, 153,
 155, 161, 163, 164, 165, 167, 171,
 179, , 184, 189, 195, 198, 199, 201,
 203, 204, 207, 213, 214, 215, 217,
 220, 225, 226, 230, 232, 239, , 240,
 241, 242, 246:
 Գյումրի 4
 Գյումրի 4
 Գլխտ վանք 19, 54, 107
 Գոռոզ բերդ 65, 205, 227, 241
 Գորի 155, 204, 206, 211, 249
 Գորիս 204, 206, 211, 249
 Գուգարք 8
 Գողթան 186, 205, 245

Դադի վանք 64, 91, 96, 104, 105, 120,
 135
 Դաղստան 15, 40, 120, 150, 186, 192,
 193, 194, 210, 223, 242, 245, 248, 249
 Դամասկոս 14, 48, 51, 53, 69
 Դարանաղ 56
 Դարյալի կիրճ 6, 28, 75
 Դարոյնք 60
 Դարպասներ 92, 98
 Դաստագիր 178
 Դյուտական 3, 21, 23, 31, 33, 34, 43,
 55, 107, 129, 133, 149,
 Դերբենտ 24, 39, 44, 48, 53, 54, 79,
 82, 83, 84, 95, 96, 111, 120, 122, 151,
 154, 155, 157, 169, 171, 194, 213,
 214, 216, 231, 242, 246, 256

Գիզակ 65, 66, 119, 120, 124, 125,
134, 135, 145, 151, 153, 159, 160,
163, 169, 181, 183, 187, 191, 192,
193, 200, 201, 203, 207, 211, 214,
228, 231, 232
Գիվախո լեռ 92
Դյուսելդորֆ 139
Դոմահոլց 53
Դվին 21, 32, 37, 41, 47, 59, 63, 71, 75,
83, 85, 88, 89, 96

Ելենենդորֆ 248
Ելիզավետապոլ 248
Երիցմանկանց վանք 149, 150, 156,
161, 198, 216, 223, 231, 237
Երևան 14, 116, 121, 124, 125, 126,
127, 144, 148, 151, 159, 165, 166,
183, 184, 185, 186, 187, 188, 190,
192, 225, 229, 244, 249, 252

Չանգելան 221
Չաքաթալա 73
Չեյվա 10
Չեթուն 121
Չորավար 76

Էջմիածին 37, 129, 150, 183, 184, 190,
218, 244, 247
Էրբեջ 131

Թաբասարան 78
Թալիշ 3, 15, 19, 33, 54, 55, 56, 107,
115, 129, 131, 192, 196, 233, 242, 249,
Թալիշ երկիր 246
Թաղավարդ 45
Թավրիզ 14, 103, 111, 116, 117, 125,
142, 160, 183, 192, 198, 206, 211,
238, 251, 252
Թարթառ գ. 3, 9, 11, 24, 33, 43, 48,
92, 102, 130, 195, 197, 209, 211
Թարթառ-բազար 197
Թաուզ 75, 76
Թեհրան 233, 237, 239, 255
Թթոս գյ. 164
Թրդուս գ. 3

Թուրքմենչայ 252

Իբերիա 7
Իմերեթիա 220, 225, 241
Ինջա գետ 3, 7, 8, 9, 31
Իոնիա 5
Իսալիա 15 21
Իրան 8, 11, 17, 18, 39, 40, 43, 44, 46,
67, 78, 86, 99, 109, 110, 111, 113,
115, 116, 118, 120, 122, 123, 124,
125, 126, 127, 136, 138, 149, 141,
142, 143, 145, 146, 147, 150, 152,
154, 155, 155, 158, 171, 175, 177,
179, 180, 181, 182, 183, 184, 186,
187, 189, 191, 193, 194, 195, 203,
204, 205, 207, 208, 211, 212, 213,
217, 219, 220, 229, 230, 233, 234,
235, 237, 240, 241, 242, 243, 244,
245, 247, 248, 249, 250, 251, 252
Լեհաստան 119, 140, 144
Լենդորան 242
Լիտվա 144
ԼՂՀ 3, 45, 52, 174, 193
Լոդի 99, 121, 126, 135, 167, 181, 183,
237
Լփինք 27, 50, 57, 70

Խաղխաղ 24, 26
Խաչեն բերդ 38, 40
Խաչեն գետ 92, 132, 174, 201
Խաչեն Ներքին 66, 70, 73, 75, 78, 80,
81, 85, 89, 90, 92, 94, 95, 97, 98, 100,
101, 102, 103, 104, 105, 108, 112,
119, 120, 121, 122, 130, 132, 133,
149, 163, 185, 192, 197, 200, 215, 227
Խաչեն Վերին 73, 81, 84, 85, 91, 92,
94, 95, 96, 121, 135
Խաչմաս 83, 84
Խաչիկ գյ. 81, 82
Խարխափոր 227
Խարբերդ 40
Խոխանաբերդ 91, 94, 99, 101, 204,
227
Խոյ 126, 160, 224, 225, 229, 230, 231
Խոնաչեն 240

Խոտակերաց վանք 81
Խորասան 86, 99, 111, 116, 124, 142,
186, 188, 190, 192, 196, 197
Խորեզմ 86
Խաչին տափ 234

Օար ավան 11, 64, 96, 99, 104, 119,
128, 135
Օար գվո. 11, 65, 74, 94, 96, 101, 111,
120, 121, 127, 130, 135

Կազի-Կոմիխ
Կաթողոսասար 33, 34
Կալկաթա 225, 226
Կախեթ 62, 74, 75, 82, 119, 155, 198,
211
Կայան բերդ 76
Կամբիսենա 13
Կամբեճան 13, 14, 30, 31, 47, 52, 70,
73, 76, 80, 81, 85
Կաչաղակաբերդ 38, 137, 145, 204
Կապարովկիա 4, 5, 7, 8
Կապաղակ 32, 33, 52, 62, 83, 112
Կապան 76, 81, 83, 91
Կապլոհ 26
Կասպք 24
Կար-Աղաղ 4
Կարա-Կորում 102
Կարապետանց քար 34
Կար-Իշտար 4
Կար-Նարու 4
Կայծի ծառ լեռ 92
Կարկառ բերդ 4, 9, 38, 39, 40, 43,
102, 112, 134, 206
Կարկառ գ. 9, 39, 148
Կարս 76, 79, 80, 82, 83, 125, 183,
185, 188, 188, 188
Կար-Սին 42
Կեչառիս 98
Կեսարիա 7
Կիլիկիա 5, 84, 90, 97, 101, 102, 103,
104, 105, 110, 112, 119, 134
Կթոն գյ. 21
Կղարջք 93
Կյետին կյումեր 3, 133

Կյումերաչեն 3
Կովկաս 2, 4, 8, 14, 15, 24, 26, 43, 48,
50, 57, 60, 61, 67, 69, 73, 74, 75, 78,
83, 94, 102, 109, 116, 120, 142, 148,
151, 155, 194, 212, 219, 220, 226,
228, 232, 239, 241, 242, 243, 245, 247
Կովասկան 11, 186, 193, 221
Կ.Պոլիս
Կուանք 3, 9, 10, 11, 12, 16, 18, 19, 24,
27, 49, 134:
Կուբկաչեն 83, 197
Կումայրի 5, 6, 59
Կուր գ. 12, 13, 14, 15, 16, 17, 18, 22,
24, 26, 30, 32, 33, 38, 39, 41, 47, 49,
50, 57, 62, 66, 73, 74, 75, 79, 80, 83,
115, 129, 130, 142, 151, 152, 158,
166, 186, 196, 197, 206, 208, 211,
221, 240, 241
Կուր-Արաքսյան հովիտ 6, 7, 8, 9, 11,
12, 14, 15, 16, 17, 25, 31, 37, 40, 43,
48, 49, 63, 100, 105, 192, 196, 210,
211, 248
Կուրակ 3, 96, 196, 239, 241
Կուսարի 83
Հաբանդ 49, 65
Հադրուք 192
Հաբերդ 9, 24, 91, 92, 94, 95, 96, 98,
99, 102, 124, 134
Հաղբատ 97, 98, 105, 108, 247
Համադան 78, 117, 165, 181, 217
Հայաղվանք 9, 17, 22, 23, 24, 25, 29,
37, 42, 49, 51, 57, 69, 71, 72, 73, 74,
78, 89, 91, 99
Հայաստան 3, 8, 10, 12, 13, 14, 16,
17, 18, 19, 20, 21, 22, 23, 25, 26, 27,
28, 31, 32, 36, 37, 38, 40, 41, 47, 48,
49, 52, 53, 59, 61, 63, 65, 66, 67, 69,
72, 74, 75, 78, 79, 80, 81, 82, 84, 85,
86, 88, 89, 92, 93, 94, 95, 96, 97, 98,
99, 100, 101, 104, 105, 109, 110, 111,
118, 119, 124, 125, 126, 127, 128,
136, 137, 138, 139, 140, 141, 142,
143, 144, 145, 146, 153, 154, 155,
191, 192, 203, 204, 212, 215, 218,

220, 221, 224, 226, 228, 229, 230,
231, 244, 244, 252, 253, 254
Հայկական լեռնաշխարհի 4, 6, 69, 121,
142
Հայոց Սղնախներ 2, 34, 129, 145,
146, 150, 151, 155, 156, 157, 158,
167, 171, 172, 174, 177, 179, 202, 217
Հարջւանք 49
Հեր 231
Հերաթ 123, 190, 191, 194, 234
Հերքան գվռ. 11, 92
Հիսն ար-Ռան 38
Հնդկաստան 5, 67, 109, 116, 125,
191, 194, 217, 224, 225, 245, 248
Հոփսիմեն եկղ. 99
Հոմենք 19, 54
Հոլանդիա 140, 143
Հոռեկ 12, 19, 54, 55, 104, 107, 108,
130, 131, 132, 136, 227
Հովվի եկղ. 98
Հորդա 103
Հունոտի կիրճ 149, 169, 174, 234

Չորաբերդ 145
Չորագետ 74

Ղարաթու 132
Ղազանչի 174, 205, 206
Ղազախ 85, 101, 155, 167, 232, 237
Ղազվին 86, 103, 110, 117, 152, 171
Ղարաբուլախ 131
Ղարադաղ 15, 208, 228, 229, 240, 246
Ղանդահար 147, 191, 194, 234
Ղափթթու 173
Ղոչղար գ. 154
Ղրիմ 7, 96, 111, 120, 214, 228
Ղուբա 242

ճպեթի վանք 112, 119
ճար 73, 75
ճորա անցք 4, 24, 26, 27, 39, 48

Մաղրաս 224, 226
Մազանդարան 78, 169, 171, 190, 211,
212, 232

Մագրա 72, 126, 134, 135, 151
Մակու 41, 126, 244
Մայրաքաղաք 11, 34, 63, 66, 91, 104,
107, 108, 122, 129, 137, 149
Մաշաղ 190
Մատաղիս 9, 33
Մարանդ 94, 167
Մարաղա ք. 160, 251
Մարաղա գյ. 226, 251
Մարաստան 5, 13, 40
Մարտակերտի շրջ. 3, 4, 5, 52, 174
Մեղրի 206, 211, 238, 242
Մեծ Սոանք 9, 10, 11, 37, 49
Մեծիորանք 10, 37, 64
Մեծ Կողմանք 3, 12, 66, 77, 99, 108,
129
Մեծ Կուանք 2, 9, 11, 12, 18, 19, 26,
49, 116
Մեծ Հայք 12, 16, 17, 18, 22, 37, 39
Մեծ-չեն 34, 108
Մեծմանդուստ գ. 180
Մենգրեվիա 241
Մեսկեպելի 3
Միափոր գվռ. 90, 96
Միջագետք 4, 5, 17
Մինկեչավր 208
Սլզնաբերդ 99, 145
Մոսոք 7
Մոավ լ. 3, 10, 54, 80, 129, 132, 133,
173, 195, 197
Մցխեթի 12,
Մուխանք 11, 38, 48, 65, 100, 104,
110, 150, 186, 189, 191, 193, 233
Մոխրաքաղ 133, 137, 161
Նախճանվան 75, 92, 106, 111, 115, 142
Նարվա 143
Ներսմիոր եղիչե առաքյալի վանք 52,
56
Ներքին շեն 131
Նիժ 130, 173
Նիկոմիդիա 22
Նոր Զուղա 215
Նուխի 70, 114, 130, 216, 225, 233
Շակաշեն 6, 14, 49, 54, 62, 91
Շահաղբյուր 43, 85, 201, 206, 241

Շահապիվան 32, 33
Շահկերտ 205, 206
Շահունյանի շրջ 10
Շամախի 38, 39, 115, 121, 142, 144,
145, 153, 154, 157, 166, 168, 170,
172, 173, 174, 183, 191, 216, 224,
225, 233, 235, 237, 243, 249
Շամշաղին 217, 221, 232, 235
Շաքի 19, 61, 62, 63, 70, 73, 74, 75,
76, 77, 80, 81, 82, 83, 85, 94, 100,
113, 114, 120, 122, 123, 130, 155,
168, 172, 197, 198, 202, 203, 216,
225, 233, 237, 240, 241, 242, 243,
245, 249
Շաքի-Հերեթ 74, 114, 130, 155, 241
Շամբոր 75, 80, 93, 99, 100, 211, 214,
222, 236, 251
Շիկաքար 63, 64, 148
Շիրակ 4, 59, 60, 69, 82, 126
Շոտլանդիա 15
Շիրազ 111, 212, 213, 233
Շիրվան 38, 39, 62, 82, 106, 108, 113,
114, 115, 120, 121, 122, 134, 150,
155, 157, 159, 166, 183, 193, 197,
203, 208, 209, 240, 241, 242, 243, 249
Շոշ 148, 207
Շորագյալ 242
Շվեցարիա 248
Շուշի 4, 9, 39, 42, 43, 102, 112, 134,
148, 149, 151, 152, 153, 156, 158,
159, 160, 163, 165, 167, 168, 170,
171, 172, 174, 175, 178, 179, 203,
204, 205, 206, 207, 209, 211, 212,
213, 214, 215, 216, 217, 221, 222,
223, 224, 225, 226, 228, 231, 232,
233, 234, 235, 236, 237, 238, 239,
240, 241, 242, 243, 244, 245, 246,
247, 249, 250, 251, 252
Շուրա ք. 113

Ոսկանապատ 124, 135
Որմիզդական դաշտ 17

Չանկաթաղ 161, 174
Չարաբերդ 31, 40, 92, 102, 132

Չարեք գետ 80, 90, 96, 100
Չինաստան 5, 67, 125, 145
Չիարմահալ 126
Չղախ 9, 10, 11, 24, 55
Չուլակ 154
Չող 18, 25, 26, 37, 70,

Պարալագոնիա 5
Պաղեստին 7
Պարզկանք 65
Պարթևստան 5
Պարսից ծոց 78, 109, 116, 194
Պարսկաստան 10, 16, 17, 25, 28, 35,
38, 40, 42, 43, 44, 45, 46, 52, 71, 115,
125, 130, 142, 143, 144, 147, 166,
176, 178, 188, 206, 207, 213, 239,
243, 247, 248
Պարտավ 7, 10, 19, 25, 27, 31, 36, 41,
42, 43, 44, 48, 50, 51, 52, 55, 58, 63,
64, 72, 74, 75, 79, 83, 105, 106, 115,
120, 122, 132, 151, 174, 198, 251
Պարտատուա 6, 27
Պերոզապատ 27
Պերոժ-Կավատ քղք. 56
Պյատիգորսկ 249
Պոլիս 58, 88, 89, 139, 237, 244
Պոլտավա 146
Պողոսա կյուներ 3
Պոնտոս 4, 5
Պֆալֆց 140, 144

Ջառաի 38
Ջար 73, 75, 83, 196, 217, 221, 224,
226, 236, 241
Ջղրղուզ 234
Ջրաբերդ 2, 3, 34, 40, 90, 92, 96, 102,
119, 120, 128, 129, 132, 133, 136,
137, 145, 146, 149, 150, 152, 153,
161, 162, 163, 165, 168, 178, 182,
183, 185, 192, 195, 197, 200, 201,
204, 206, 209, 210, 211, 212, 214,
215, 217, 222, 223, 226, 227, 228,
232, 233, 237, 251
Ջրվշտիկ 36, 56, 107, 108
Ջուղա 125, 126, 129, 215

Ոեչտ 155, 175, 182
Ոմբոստյան լ. 3, 132
Ռոսստակ 9, 10
Ռուսաստան 8, 119, 138, 139, 140,
141, 142, 143, 144, 145, 146, 147,
148, 155, 157, 159, 161, 166, 167,
172, 177, 202, 214, 215, 218, 219,
220, 226, 228, 229, 230, 235, 237,
238, 241, 242, 243, 245, 249, 252
Ռուտակ գավ. 9, 10

Սալմաստ 126, 160, 225
Սալյանի վանք 157, 160
Սալյան ք. 169, 235, 246
Սակասենե 6, 8
Սանահինի վանք 87
Սիրիա 5, 78
Սիսական 43, 65
Սիսիան 187, 211
Սյունիք 23, 35, 40, 43, 48, 65, 75, 76,
77, 80, 81, 84, 85, 86, 88, 89, 95, 103,
111, 127, 128, 132, 133, 141, 159,
162, 167, 168, 176, 177, 183, 193, 244
Սուբան-Նուխի 130
Սողոմոնա կյումեր 3
Սպահան 111, 117, 124, 125, 126,
135, 144, 146, 147, 152, 180, 197,
215, 219, 230, 238
Սպեր 93
Սողք 45, 119, 127, 134, 135, 151
Սորբոն 99
Ստամբուլ 124, 140
Սևանա լիճ 14, 72, 240
Սև ծով 4, 67, 75, 214
Սևկկմասեռ 34
Սևտիս-Կողքիսյան 4

Վաղարշապատ 21, 22, 31, 56
Վաճառ 11, 98, 125
Վայոց ձոր 69, 81, 84
Վան 220
Վանանդ 4, 79
Վանի թագավորություն 5
Վասպուրական 60, 68, 83, 84, 86, 87

Վարանդա 66, 119, 120, 127, 134,
135, 145, 151, 160, 163, 169, 170,
179, 185, 192, 196, 199, 200, 201,
207, 208
Վարդաշեն 83
Վատյան դաշտ 22
Վրաստան 37, 44, 48, 60, 61, 63, 66,
71, 77, 85, 91, 92, 93, 94, 100, 104,
119, 120, 124, 135, 139, 142, 146,
147, 152, 153, 154, 155, 156, 166, 190,
192, 198, 202, 203, 211, 212, 218,
219, 220, 221, 225, 226, 229, 230,
235, 236, 237, 238, 242, 248
Վերին Զական 124
Վերին Խաչեն 74, 85, 91, 94, 96, 121,
135
Վերին շեն 131
Վիեննա 140
Վիտենբերգ 248

Տաթև 128
Տաղձանք (Թալիշ) 56
Տայք 87, 93
Տակուշ 76, 93, 101
Տարոն 21, 60, 75, 783
Տերունական 93
Տիգրոն 17, 18, 25, 27
Տիգրանակերտ (Գարդմանք) 43, 48,
145
Տիգրանակերտ (Խաչենագետ) 43, 85,
201, 241
Տիսաս գ. 140
Տող գյուղ 182, 192, 199
Տող ամր. 145
Տոնաշեն 33, 133
Տրոու գետ 3, 6, 7, 8, 9, 10, 11, 24, 33,
40, 43, 48, 52, 130,
Տուլուզ 131
Տուս 75
Տփղիս 44, 68, 96, 111

Ցրի 22, 32, 33

Ուոելան 11, 12, 19

Ուտիք 10, 13, 16, 17, 18, 19, 22, 23,
24, 25, 26, 28, 31, 32, 35, 36, 37, 40,
41, 43, 45, 47, 48, 49, 58, 64, 68, 70,
74, 75, 76, 77, 80, 81, 85, 90, 91, 97,
100, 105, 108, 110, 113, 118, 124,
129, 145, 204
Ուրարտու 4
Ուրմիա 126, 160, 212, 213, 219

Փայտակարան 14, 15, 229
Փառակա 135
Փառիսոս 74, 80, 81, 85, 86, 90, 235
Փարիզ 99, 139, 238, 239
Փերիա 126
Փոսա նահ. 121
Փրքր Ասիա, 5, 6, 15, 106, 110
Փոյուզիա 4, 5,

ԱՆՁՆԱՆՈՒՆՆԵՐԻ ՑՈՒՑԱԿ

Աբաս Ա Բագրատունի 79
Աբաս III 182
Աբաս կթղ. 40
Աբբաս-Սիրգա 238, 240, 241, 242,
243, 244, 245, 247, 249, 250, 251
Աբրահամ հարյուրապետ 131, 201, 227
Աբրահամ Կրետացի կթղ. 183, 184,
186, 187, 191, 193, 194
Աբրահամյան 158, 164, 169, 254
Ադոնց ն. 25, 41, 59, 60, 61, 62, 69, 74,
82, 254
Ազատ խան 205
Աթաբակ 102, 104, 112
Ալի փաշա 170
Ալի Մուրադ-խան Չենդ 229, 230
Ալեքսանդր Մակեդոնացի 24
Ալեքսանդր ցար 243
Ալեքսանդրե-խան 114
Ալեքսեյ Միխայլովիչ 139, 145
Ալահ-դուլի Սուլթան 182
Ալիշան 10, 11, 33, 254

Քաղկեդոն 28, 29, 35, 52
Քաշաբաղ 11, 133, 192, 193
Քաշունիք 11, 221
Քանդակ 208
Քարկովի վանք 81
Քարիատ 45
Քարիերո 90, 93, 96
Քարվաճառ 11, 221
Քարթլի 62, 198
Քթիշամրոց 66, 68, 137
Քիրման 150, 184, 233
Քյալբաջար 221
Քոչիզ 124, 134
Քրդստան 188

Օդեսա 248
Օրդուբաղ 144, 167

ալ-Մուբարհասի 45
Ալփիլուքվեր մեծ իշխ. 57
Աինաղ Քասրավի 87
Աղա-Մուհամադ խան 233, 234, 235,
236, 237, 239
Աղբուղա 130
Աճառյան 9, 10, 12, 14, 62, 254
Ամիր 194
Ամիր-Գուլնա խան 126
Այտին 130
Անակ Արշակունի 17
Անահիտ դից. 8, 17
Անահիտ 30
Անանիա Մոկացի կթղ. 77, 80, 81, 82
Անեցի 91
Անտոնի Շելլ 124
Անտոն քին. 157, 169, 130, 171, 172
Աշոտ Ա Բագրատունի 61, 69, 71, 72
Աշոտ Բագրատունի (կույր) 59, 60, 62,
94
Աշոտ Բ (երկաթ) 76, 77, 79, 80, 83

Աշոտ Գ Բագրատունի 81
Աշոտ Ե 88
Աշոտ Կյուրապաղատ 82
Աշոտ Գովհաննիսյան 93
Աշրաֆ 180
Ապրաքսին 158
Ասա 12
Ասկար խան 213
Ասլան-շահ 92
Արամայիլ 42
Արզու խաթուն 94
Արիստոտել 38
Արղուն ոստ. 102, 103
Արծրունի 61, 63, 68, 253
Արչիլ 60, 62, 63
Արտավազդ 17
Արտաշես Ա 8
Արտավան V 17
Արտեմ Վուլինսկի 147
Արփ-Արսլան 89
Ավագ Ջաքարյան 101
Ավագ վարդապետ 178, 209, 210, 218
Ավան գորապետ 134, 145, 148, 149,
151, 153, 156, 158, 159, 160, 161,
162, 163, 164, 165, 167, 168, 169,
170, 171, 172, 174, 175, 177, 178,
179, 203, 205, 234
Ավգուստ Դիտրիխ 247, 248
Ատրներսեհ Բագրատունի 60
Ատրներսեհ թզվ. 62, 71, 73, 74, 76, 77
Աֆշին 66

Բաբել 62, 64, 65, 66
Բաբկեն կթղ. 35
Բախտակ 226
Բախտամ 232
Բաք Գրահատյան 52
Բալանդրի 48
Բաղդիսան 86
Բաչու-ղուրչի 101
Բաթու խան 101, 102
Բարդան 61
Բարդուղումես 18
Բարթիկյան 75

Բարխուդարյան Ա. 36, 63, 83, 84, 154,
156, 202, 237
Բարխուտարեանց 7, 24, 39, 83, 107,
108, 112, 119, 132, 133, 173, 254
Բարսեղ քահ. 197
Բաքիխանով 13
Բբոր 44
Բեգամ-խաթուն 112
Բեդ 78, 79
Բյուզանդ 13, 19, 20, 31
Բորա-նոյին 101
Բուղա 63, 67, 68
Բուռնաշով 229, 232

Գագիկ Ա Բագրատունի 84, 85
Գագիկ Գ Բագրատունի 88
Գանձակեցի 90, 95, 99, 100, 101, 102,
104,
Գայշաք 44
Գեղաբեհուն 20
Գեղիչուղիսկի 227
Գուրլին 144, 156, 174
Գոշ 34, 90, 91, 95, 120
Գոշակտակ 82, 83
Վասիլ Ա կյս.
Գրիգոր հեջուր 102
Գրիգոր Մամիկոնյան սպ. 56
Գուրովիչ կոմս 242
Գուրգեն Արծրունի 66

Դամեշխի 14
Դանիել բեկ 232
Դասխուրանցի 35, 79
Դարեհ 38, 179
Դավիթ-բեկ 153
Դավրիժեցի 124, 126
Դատուր-բեկ 174
Դեհիտողա 14
Դեսում իշխ. 102
Դերվիշ-Մահմուդ աղա 155
Դինար թզհ. 82
Դյակոնով 6
Դուլգորուկով 176
Դուի 94, 96, 97, 99, 121, 127, 135
Դրասխուրանակերտցի կթղ. 72, 73, 74

Դուբրովին 229

Երմուլով 242, 243, 245, 246, 249, 250,
251
Եփրեմ կթղ. 243, 244, 245, 247
Եկատերինա I 175
Եկատերինա II 214, 218, 228, 229,
230, 235
Երեմիա կթղ. 129, 149
Եսայի Ջալալյան կթղ. 129, 145, 146,
147, 149, 150, 151, 152, 153, 154,
156, 157, 158, 161, 162, 163, 164,
165, 168, 169, 171, 177, 197, 198, 215
Եսայի աբու-Մուսե 65, 66, 68, 69, 80,
81, 85
Եղիա կթղ. 51, 52
Եզիզաբար կթղ. 50, 51, 54, 56, 57, 58
Երեմյան Ա. 3, 6, 9, 10, 33, 110, 255
Եսվադեն 16, 23, 25
Եղիշե պտմ. 15, 18, 19, 25, 26, 27, 28,
31
Եղիշե սբ. 35, 36, 54, 56

Ջարդուշտ 45
Ջարմիր Վարազ-Բուրդակյան 52
Ջաքար 94
Ջաքարյան 93, 94, 95, 96, 97, 100,
101, 154
Ջաքարիա Քանաքեցի 126
Ձեքի Տողան 157
Ձիյադ-օղի 192
Ձիբգին Խուրսան 57
Ձոհրաթ Թառումյան 245, 246
Ձուլալյան պրֆ. 67

Էզով 228
Էնեաթուլահ Ուեզա 67, 117
Էֆորոս 6

Թաղևոս սբ. 18
Թահմասպ II շահ 159, 166, 167, 176,
179, 180, 182
Թահմազ-ղուլի 180
Թադիադյան 245
Թամար 93

Թամեուլան, տես՝ Լեոկրեմուր
Թառումյան 249
Թեյմուրազ 198, 208, 209, 218
Թեոդորոս Ոչտունի 47, 48
Թեոփանես 50
Թորամանյան 99
Թուլի-Արզուման 210, 232, 23 5

Չալաբի քոյսվա 157, 169, 171, 175
Չալաղան-Յուզբաշի 210

Իբն ալ-Ասիրի 38, 39, 66
Իբրահիմ 113, 213, 214, 216, 217,
222, 223, 232, 233, 234, 235, 236,
237, 238, 239, 241
Իթլ 102
Իմաստասեր 71, 86
Իմամ Շամիլ 245, 249
Իշխանիկ թզվ. 69, 81, 82, 113
Իսմայիլ-Ասլմ էֆենդի 155, 174, 254,
255
Իսմայիլ շահ 116
Իսրայել եպ. 54, 55, 56, 57, 58
Իսրայել Օրի 139, 140, 141, 142, 143,
144, 145, 146, 147, 150, 242
Իվան 94, 96, 100
Իվան Կարապետ 156, 157, 160, 161,
162, 163, 165, 166, 167, 168, 169,
171, 173, 174, 179,

Լալայան 131, 255
Լաստիվերացի 87
Լեկաբենոս զոր. 79
Լեոպոլդ կար. 137
Լեոկրեմուր 111, 112
Լինչ 247
Լիսանկիչ 239, 241
Լիֆտայի-խան Ձենդ 235
Լորիս-Մելիքյան 181
Լուի XIV 139, 143, 146
Լևոն Ե կյս. 60, 75

Խոռեմ 44
Խոսրով Ա Մեծ 17
Խոսրով Բ 22

խորով Ա Անուշիրվան 37, 38, 39, 45, 40, 41, 67, 179
խորով Բ Փարվեզ 41, 42, 43
խորով Գ 44
խորենացի 5, 9, 13, 14, 15, 19, 20, 23, 253
խոջաջանյան 224
խուղաբանդա շահ 123

Ծիրանածին 75, 78, 114, 254

Կաղ Արով 131, 132, 195
Կաղանկատվացի 7, 9, 10, 11, 12, 15, 16, 18, 19, 23, 24, 27, 29, 30, 34, 37, 52, 55, 81, 113, 253
Կամարական 20, 60
Կավատ Ա 36, 62
Կավատ Բ 44
Կարապով 63
Կարա-Յուսուֆ 111
Կարա-Քեչիչ օղլի Ալիջան 113, 114
Կարյազին 240
Կեդրեմոս 50
Կյուրոս 8, 38, 179
Կուտյարսկի 241
Կյուրիկեթ բզ. 74, 83, 84, 99

Հաբեթ 7
Հակեբրտ 25, 27, 29, 44
Հախումյաններ 245, 246
Հակոբ կթղ. 149
Հակոբյան Ա. 56
Հակոբ Պողոսյան 148
Հակոբ Ջուղայեցի կթղ. 129
Համադանի 116
Համամ-Գրիգոր 62, 69, 71, 72, 73, 74, 94
Համամ-Հովհաննես 66, 72, 73,
Հաջի-Ղաուդ 150
Հաջի Չելեբի 197, 198, 208
Հասան Ա 92, 94, 102
Հասան Գ 130
Հասանի խան 150
Հասան-Ջալալ իշխ. 98, 101, 102, 104, 105, 112, 122, 130, 134

Հեթում բզ. 90, 97, 101, 103
Հեյդար-Ղուլի 205
Հերակլ բզ. 198, 208, 209, 212, 217, 218, 219, 220, 222, 225, 229, 231, 232, 234, 235
Հերակլ կայսր 43
Հերովդոտոս 4
Հերցցերգ 89
Հյուբշման 32
Հովհաննես-Սմբատ բզվ. 83, 87, 88
Հովհաննես Իմաստասեր 86
Հովհաննես կթղ. 231
Հովհաննես Լազարյան 215, 219, 226, 227
Հովհաննեսիկ Ծարեցի 120, 121, 135
Հոբեյ եպ. 48
Հովսեփ կթղ. 70, 85, 86,
Հուստինիանոս կյս. 40, 50
Հովհան Կարկուտա զով. 79
Հովհան-Վիլիելմ 140, 141, 143, 144
Հովհան վնկ. 223
Հովսեփ Արղության 215, 226, 228, 236
Հովսեփ Տեր-Ավագյան 246
Հովսեփ Էմին 217, 218, 219, 220, 221, 222, 223, 224, 225, 226, 227

Ղամար Սուլթան 131
Ղարա հասան 130
Ղիյասեդդին 101
Ղուլյան 34, 107
Ղուկաս Շիրվանով 157
Ղուկաս վարդապետ 181

Մագիստրոս 80
Մադաթով 243, 249, 251
Մաղիա 5
Մահմուդ Քյազիմ 182, 183
Մամբան 102
Մանանդյան 4, 8, 255
Մանզու խան 102, 103
Մանուչարյան 251
Մարկոս Թառույան 247
Մարր 82
Մատյուշկին զեն. 169
Մելիք-Արով Ա (Սև) 114, 115, 130, 195

Մելիք-Արով Բ (տես՝ Կաղ Արով)
Մելիք Արով III 227, 231, 234, 235, 237, 238
Մելիք-Ադամ 209, 210, 211, 222, 227,
Մելիք-Արամ 201
Մելիք-Ավան 134, 135
Մելիք Բաղի Ա 151
Մելիք Բաղիր Բ 151, 195, 196
Մելիք-Բեգլար Ա 131
Մելիք-Բեգլար II 222, 227
Մելիք Եզան 135, 153, 159, 181, 182, 183, 184, 191, 193, 201, 202, 203, 232
Մելիք-Եսայի 203, 211
Մելիք Թամրազ 132
Մելիք-Թամրազ Բ 195, 196
Մելիք Չատիր 119, 134
Մելիք-Չարություն 182
Մելիք-Հովսեփ Ա 135
Մելիք-Հովսեփ Բ 135, 199, 200, 210, 211, 212, 214, 216
Մելիք-Հուսեին 196
Մելիք-Սեփյուն 226
Մելիք-Սիրազբեկ 196
Մելիք-Սուլթան 124
Մելիք-Յավրի 126, 131, 135
Մելիք Նազար 135
Մելիք-Շահնազար Ա 127, 134, 151
Մելիք-Շահնազար Բ 200, 201, 237
Մելիք Պապին 119, 134, 135
Մելիքջան 184, 187
Մելիք Վանի 242
Մելիք-Ֆրիդուն 237
Մեհտի 241, 242, 243, 251, 252
Մերիավան 12, 16, 21
Միղաս 5
Միկլուխտ-Մակլայ 104
Միիրան 12, 41, 42
Մինաս Տիգրանյան 138
Մինաս վարդապետ 144, 147, 177
Մինոբսկի 63
Միր-Ղավիթ խան 239
Միրզա Ջաքի 188, 191
Միրզա-Ջեմալ 204, 206, 207
Միրզա Յուսուֆ Ներսեսով 130, 132, 133, 255

Միր-Մահմուդ 150, 151, 152, 156
Միր-Վեյս 147, 150
Մյխիթար սպ. 175
Մուլար-Ուրին 100
Մոնոմախ կյսր. 88, 89
Մովսես Բաղրամյան 219, 222, 223, 224, 225
Մորիկ կյս. 41
Մուավիա 66
Մութասիմ խալիֆ 67
Մուհամմադ Քյազիմ 182, 183
Մուրադ սուլթան 92

Յակուտ ալ-Համավի 38, 39
Յակոբսոն 99
Յաղոբ խան 237
Յան Սոբեսկի 140
Յոհան Շիլտբերգեր 111

Նադիր 176, 180, 181, 182, 183, 184, 185, 186, 187, 188, 189, 191, 192, 193, 194, 195, 196, 197, 198, 201, 202, 205, 209, 210, 212, 219, 233, 249, 250
Նահապետ կթղ. 141
Նակեվոր Փակոս 84
Նապոլեոն 238, 239
Ներսեհ-Դժնակ Փիլիպյան 63, 65, 66
Ներսես Աշտարակեցի կթղ. 243, 244, 247, 249
Ներսես Բակուր կթղ. 51, 53
Ներսես Ի. կթղ. 47
Ներսես աղվ. կթղ. 153, 161, 162, 163, 164, 199, 216, 252
Նիզամի 42

Շաք 44
Շահ Աբբաս Մեծ 113, 121, 122, 123, 124, 125, 134, 135, 138, 139, 143, 179
Շահամիրյան 224, 226
Շահան 155
Շահնասուր 111
Շահնավազ 153, 155
Շահնշահ 99, 101, 103, 119
Շահ-Սուլթան Հուսեին 138

Շահվերդի խան 208, 210, 216, 217, 221, 222
Շահր-Վարազ 43
Շամբատ Բագարատ 61
Շապուհ I 16
Շապուհ II 19, 20, 21
Շապուհ III 23
Շեյխ-Սեֆի 115, 116
Շիրակացի 3, 16
Շիրանշահանց 65, 99, 107, 108, 132
Շիրին 42
Շիրմազանենանց 237

Չաթն խազր 58
Չարմաղան 100, 101
Չինգիզ խան 109, 117, 180
Չոլի 91

Պապ թգ. 20
Պասկևիչ 251, 252
Պավել I 235, 237
Պատրիկ Քարոյան 52, 54
Պատկիչի 242
Պետրոս դը Գիլանենց 145, 167
Պետրոս Գետադարծ կթղ. 87, 88, 112, 132, 138,
Պետրոս Բ աղվ. կթ. 112
Պետրոս եպս 32, 40,
Պետրոս Սեծ 132, 138, 140, 141, 143, 144, 145, 146, 147, 152, 154, 155, 156, 157, 160, 161, 162, 164, 165, 166, 167, 168, 169, 171, 173, 176, 179, 214
Պետրոս III 218, 219
Պետրուշևսկի 136
Պերոզ 27, 28, 30
Պլատոն 38
Պյոտր Տոլստոյ 156
Պռոշ իշխ. 139
Պոդոս Ղարաբաղցի 246
Պոտյոմկին իշխ. 115, 116, 228
Պոտյոմկին գեմ. 228, 229, 230, 231
Պոտոտ 250
Ջալալ-բեկ 123
Ջալալեդդին 99

Ջալալ Սեծ 122, 133
Ջամասպ 36
Ջաջառ իշխ. 99
Ջավադ խան 151, 231, 233, 235, 237
Ջիվանշիր 42, 43, 47, 48, 49, 50, 55, 81
Ջհանբաշխ 233
Ջհանշահ 120, 122, 135
Ջվանքո սպ. 51
Ջումշուդ 233, 234, 236, 237, 239, 241, 242, 243

Ռաշիդ ադ-Ղին 106, 117
Ռեուտ 249
Ռիմսկի-Կորսակով գեմ. 253
Ռոբերտ Շեյլ 124
Ռովադ 92
Ռտիշև 242
Ռուզուբան 101, 103
Ռուսյանց 171

Սաղըխ խան 236
Սալման իբն-Ռաբայի 48, 49
Սահակ Բագրատունի 59
Սահակ Աևադա 73, 46, 77, 79, 83, 86, 94, 113, 114
Սահլ Սմբատյան 63, 64, 65, 66, 69, 70, 72, 113
Սամվել եպ. 71
Սայաթ-Նովա 234
Սարգիս Ջալալյանց 70, 83
Սարդ 5
Սարդուրե Բ 3
Սարգոն II 4, 6
Սարթախ 102, 103
Սարուխան-բեկ 124
Սարը Մուստաֆա 174, 175
Սարուխան 124, 134,
Սատո 12, 16
Սեբեոս 41, 48
Սելջուկ 86, 118
Սելիմ խան 240, 241
Սելիմ սուլթան 118
Սենեքերիմ 80, 81, 83, 87
Սթենլի Բեն Պուլ 85

Սիմեոն կթղ. 149, 215, 216, 220, 223, 225, 226
Սիմեոն Աղվ. կթղ. 153
Սմբատ Բագրատունի իշխ. 47
Սմբատ Բագրատունի սպ. 60
Սմբատ Բագրատունի թգ. 73
Սպանդարար Սասանյան 20
Սպրան 51, 52, 64
Սոֆիա Պալեոլոգ 140
Ստեփաննոս Սալմաստեցի կթղ. 119
Ստեփաննոս-Կոն 69
Ստրաբոն 4, 5, 8, 12, 13, 14, 15, 38, 254
Սուվորով 226, 228
Սուրխայ Շամխալ 150, 152, 158, 183
Սև Աբով 114, 115, 130, 131, 195

Վալերիան Ջուրով 235
Վախթանգ Գորգասալ 60
Վախտանգ թզվ. 99, 152
Վախտանգ Տանգիկ 94
Վախտանգ իշխ. 95, 96
Վահան իշխ. 26, 27
Վահրամ իշխ. 99, 100, 101, 107
Վաղարշակ արքա 13
Վաղարշ 30
Վաչական Գ 2, 9, 11, 16, 18, 29, 30
Վասակ Իշխանիկ 69
Վասիլ Ա 71, 72
Վասիլ Բ 87
Վարդան Արևելցի 60
Վարազ-Գրիգոր 42, 47
Վարազ-Պերոզ 50
Վարազ-Տրդատ 50, 51, 52, 54, 56, 58, 64
Վարդան Մամիկոնյան 26
Վարդան պատրիկ 52
Վարհամ 41
Վեհսուդան 86
Վիրո կթղ. 42
Վաչե թգ., 12, 16, 19, 22, 25, 26, 27, 28, 29
Վոսանշապուհ 35
Վորոնցով 218

Տաբարի 49, 66

Տաճատ Անծևացի 60
Տարսուե 130
Տեր-Մանուել 112, 148, 207
Տողան 92, 117
Տուրղիլ 83, 89

Րաֆֆի 3, 33, 130, 131, 132, 198, 200, 210, 212, 226, 227, 255

Յլիկ Ամրան 77
Յիցիանով 238, 239, 240, 241

Ուլուբայյան 32, 36, 40, 69, 70, 73, 74, 99, 126, 127, 255
Ուխտանես կթղ. 49, 55
Ուղուրլու խան 192
Ումմա-խան 226, 235
Ուռնայր Ա 12, 16, 19, 20, 21
Ուռնայր Բ 21

Փանահ-Ալի 196, 198, 200, 203, 204, 208
Փատիշահ 104
Փատլուն 85
Փեշեվի-Իրբահիմ 180
Փիլիպպոս թզվ. 82, 83
Փուսան-Վեհ 52

Քաջ Վաչական 12, 16, 18, 19
Քաջ Վարդան 42
Քերիմ-խան Ջենդ 212, 213, 233, 234
Քշիկ 52
Քսենոֆոն 4
Քրիստոս 18, 29, 52, 55, 56, 68, 79, 80, 107, 108, 154, 157, 160, 164, 173, 188, 223, 237, 247
Քուրդ Արծրունի 96

Օհան 134, 175, 178
Օսման Յուզեֆի 120

Ֆակիհ 14, 255
Ֆելիցիան Ջարենբա 247, 252
Ֆրեյդուն 227, 237, 243
Ֆրիդրիխ II 218

ԲԱԿՈՒՐ ԿԱՐԱՊԵՏՅԱՆ

ԳՅՈՒԼԻՍՏԱՆ – ՆԱՍԵ

ԳԻՐՔ ԱՈՒԱԶԻՆ

ՄԵԾ ԿՈՒԱՆՔ

(մ.թ.ա. 750 թ.- մ.թ. 1828 թթ.)

**Հապիկը՝ Բակուր Կարապետյանի
Համակարգչային ձևավորումը՝ Գարեգին Սարգսյանի
Սրբագրիչ՝ Անահիտ Պապյան**

**Չափսը՝ 60x84 1/16. թուղթը՝ օֆսեթ,
ծավալը՝ 17 տպ. մամուլ, տպաքանակը՝ 1000:**

**Տպագրված է «Տիգրան Մեծ» տպագրատանը
(Խասցեն Երևան, Արշակունյաց պողոտա 2)**